

# ***PLENO DO PARLAMENTO***

***9 de xullo de 2019***

***10:00 horas***

## ÍNDICE

	<u><i>Páx.</i></u>
<b>Convocatoria do Pleno</b> .....	<u>1</u>
<b>Relación de membros da Cámara</b> .....	<u>7</u>
<b>Listado para votación</b> .....	<u>9</u>
<b>Punto 1. Texto legislativo</b> .....	<u>12</u>
Debate e votación do ditame, emitido pola Comisión 1ª, Institucional, de Administración Xeral, Xustiza e Interior, do Proxecto de lei de administración dixital de Galicia (doc. núm. 48795, 10/PL-000014) .....	<u>13</u>
<i>Publicación da iniciativa, BOPG n.º 458, do 09.04.2019</i>	
<i>Publicación de emendas ao articulado, BOPG n.º 482, do 04.06.2019</i>	
<i>Publicación do informe de Ponencia, BOPG n.º 492, do 25.06.2019</i>	
<b>Punto 2. Comparecencia</b> .....	<u>14</u>
52101 (10/PPP-000105)	
Da Sra. conselleira do Mar, por petición propia, para dar conta do impacto das estratexias de desenvolvemento local participativo dos GALPs nas zonas pesqueiras de Galicia .....	<u>15</u>
<b>Punto 3. Mocións</b> .....	<u>17</u>
3.1 52050 (10/MOC-000152)	
Grupo Parlamentario dos Socialistas de Galicia	
Torrado Quintela, Julio	
Sobre a posición do Parlamento de Galicia e a actuación que debe levar a cabo o Goberno galego en materia de atención á saúde da muller (moción a consecuencia da Interpelación nº 45948, publicada no BOPG nº 434, do 20.2.2019, e debatida na sesión plenaria do 25.6.2019).....	<u>18</u>
3.2 52051 (10/MOC-000153)	
Grupo Parlamentario dos Socialistas de Galicia	
Burgo López, María de la Concepción	
Sobre a apertura por parte do Goberno galego dunha mesa de diálogo cos representantes do sector das artes escénicas para tratar e solucionar os problemas do Centro Dramático Galego (moción a consecuencia da Interpelación nº 48741, publicada no BOPG nº 458, do 09.4.2019, e debatida na sesión plenaria do 25.6.2019) .....	<u>20</u>

3.3	52057 (10/MOC-000154)	
	Grupo Parlamentario de En Marea	
	Quinteiro Araújo, Paula	
	Sobre as actuacións que debe levar a cabo o Goberno galego en materia de igualdade de trato e de non-discriminación de lesbianas, gais, transexuais, bisexuais e intersexuais (moción a consecuencia da Interpelación nº 50774, publicada no BOPG nº 486, do 12.6.2019, e debatida na sesión plenaria do 25.6.2019).....	<a href="#">23</a>
<b>Punto 4.</b>	<b>Proposicións non de lei</b> .....	<a href="#">27</a>
4.1	44961 (10/PNP-003369)	
	Grupo Parlamentario do Bloque Nacionalista Galego	
	Rodil Fernández, Olalla e 5 máis	
	Sobre a demanda polo Goberno galego ao Goberno central da transferencia á Xunta de Galicia das competencias en materia de xestión das bolsas de axuda ao estudo, así como dos recursos económicos correspondentes	
	<i>Publicación da iniciativa, BOPG n.º 427, do 06.02.2019</i> .....	<a href="#">28</a>
4.2	49349 (10/PNP-003739)	
	Grupo Parlamentario Popular de Galicia	
	Tellado Filgueira, Miguel Ángel e 8 máis	
	Sobre a demanda do Goberno galego ao Goberno central da programación da carga de traballo necesaria para os estaleiros de Navantia en Ferrol	
	<i>Publicación da iniciativa, BOPG n.º 470, do 30.04.2019</i> .....	<a href="#">33</a>
4.3	50000 (10/PNP-003788)	
	Grupo Parlamentario do Bloque Nacionalista Galego	
	Prado Cores, María Montserrat e 5 máis	
	Sobre as actuacións que debe levar a cabo o Goberno galego en relación co pechamento de camas durante os meses de verán nos centros hospitalarios do Sergas e coa derivación de doentes á sanidade privada	
	<i>Publicación da iniciativa, BOPG n.º 479, do 22.05.2019</i> .....	<a href="#">37</a>
4.4	51389 (10/PNP-003849)	
	Grupo Parlamentario dos Socialistas de Galicia	
	Pierres López, María Luisa e 3 máis	
	Sobre as actuacións que debe levar a cabo o Goberno galego en relación coa atención das consultas referidas á tramitación de proxectos e cos tempos de tramitación dos expedientes nos servizos provinciais de Patrimonio Cultural	
	<i>Publicación da iniciativa, BOPG n.º 489, do 19.06.2019</i> .....	<a href="#">42</a>

4.5 51406 (10/PNP-003850)  
Grupo Parlamentario de En Marea  
Torregrosa Sañudo, Julia e 2 máis  
Sobre a demanda que debe realizar o Goberno galego ao Goberno central en relación co prezo do alugamento da vivenda  
*Publicación da iniciativa, BOPG n.º 489, do 19.06.2019*..... [47](#)

4.6 51541 (10/PNP-003860)  
Grupo Parlamentario de En Marea  
Quinteiro Araújo, Paula e 2 máis  
Sobre as actuacións que debe levar a cabo o Goberno galego en relación cos convites para a asistencia dos seus membros ás touradas  
*Publicación da iniciativa, BOPG n.º 489, do 19.06.2019*..... [51](#)

4.7 51587 (10/PNP-003868)  
Grupo Parlamentario dos Socialistas de Galicia  
Vilán Lorenzo, Patricia e 2 máis  
Sobre a adopción por parte do Goberno galego de medidas, incluídas as de formación e de concienciación, para reducir a presenza de residuos nas praias e nos fondos mariños de Galicia co fin de recuperar a biodiversidade e os ecosistemas mariños  
*Publicación da iniciativa, BOPG n.º 493, do 26.06.2019*..... [55](#)

4.8 51998 (10/PNP-003894)  
Grupo Parlamentario Popular de Galicia  
Prado del Río, Paula e 13 máis  
Sobre as demandas que debe realizar o Goberno galego ao Goberno central para a transferencia á Comunidade Autónoma de Galicia dos setecentos millóns de euros comprometidos para o ano.  
*Publicación da iniciativa pola vía de urxencia, BOPG n.º 495, do 01.07.2019*..... [58](#)

**Punto 5. Interpelacións** ..... [63](#)

5.1 48636 (10/INT-001612)  
Grupo Parlamentario dos Socialistas de Galicia  
Álvarez Martínez, Luis Manuel e Burgo López, María de la Concepción  
Sobre a política do Goberno galego en relación coa prevención do abandono escolar  
*Publicación da iniciativa, BOPG n.º 458, do 09.04.2019*..... [64](#)

5.2 51374 (10/INT-001708)  
Grupo Parlamentario do Bloque Nacionalista Galego  
Presas Bergantiños, Noa e 5 máis  
Sobre a política do Goberno galego en relación coa protección das persoas

galegas usuarias de produtos financeiros  
*Publicación da iniciativa, BOPG n.º 489, do 19.06.2019*..... [68](#)

5.3 51518 (10/INT-001713)  
Grupo Parlamentario de En Marea  
Quinteiro Araújo, Paula e 2 máis  
Sobre a xestión de Xóvenes Agricultores  
*Publicación da iniciativa, BOPG n.º 489, do 19.06.2019*..... [74](#)

**Punto 6. Preguntas para resposta oral do Presidente da Xunta** ..... [78](#)

6.1 52123 (10/POPX-000157)  
Grupo Parlamentario de En Marea  
Lago Peñas, José Manuel  
Sobre as actuacións previstas polo Goberno galego para evitar a desigualdade económica e social de Galicia ..... [79](#)

6.2 52126 (10/POPX-000158)  
Grupo Parlamentario do Bloque Nacionalista Galego  
Pontón Mondelo, Ana Belén  
Sobre a avaliación das políticas do Goberno galego para frear o devalo demográfico de Galicia..... [81](#)

6.3 52127 (10/POPX-000159)  
Grupo Parlamentario dos Socialistas de Galicia  
Fernández Leiceaga, Xoaquín María  
Sobre a opinión do Goberno galego respecto da incidencia que van ter as novas iniciativas no afrontamento dos problemas demográficos de Galicia ..... [83](#)

**Punto 7. Preguntas ao Goberno** ..... [85](#)

7.1 52120 (10/PUP-000259)  
Grupo Parlamentario dos Socialistas de Galicia  
Torrado Quintela, Julio e Vilán Lorenzo, Patricia  
Sobre as medidas previstas pola Xunta de Galicia respecto da situación xerada no encoro da Baxe, en Caldas de Reis, dende a presenza da alga microcistina ..... [86](#)

7.2 52111 (10/PUP-000257)  
Grupo Parlamentario do Bloque Nacionalista Galego  
Presas Bergantiños, Noa e 5 máis  
Sobre a necesidade dunha explicación e dunha valoración por parte do Goberno galego respecto das súas relacións con Pemex..... [89](#)

- 7.3 52122 (10/PUP-000260)  
Grupo Parlamentario Popular de Galicia  
Egerique Mosquera, Teresa e 8 máis  
Sobre as actuacións que está a levar a cabo o Goberno galego diante do Goberno central para que rectifique a súa decisión de denegar a solicitude de conexión do polígono industrial de Balaídos á rede de 200 quilovoltios..... [94](#)
- 7.4 51771 (10/POP-006073)  
Grupo Parlamentario de En Marea  
Cuña Bóveda, María de los Ángeles e Chao Pérez, Luca  
Sobre as intencións da Xunta de Galicia respecto da reapertura da escola unitaria do Colexio Rural Agrupado de Narón  
*Publicación da iniciativa, BOPG n.º 493, do 26.06.2019*..... [98](#)
- 7.5 52119 (10/PUP-000258)  
Grupo Parlamentario de En Marea  
Solla Fernández, Eva  
Sobre as previsións do Goberno galego en relación coa privatización de servizos sanitarios..... [102](#)
- 7.6 51422 (10/POP-006030)  
Grupo Parlamentario Popular de Galicia  
Vázquez Domínguez, Sandra e 6 máis  
Sobre a valoración do Goberno galego respecto da campaña de verán do 2019 da Dirección Xeral de Xuventude, Participación e Voluntariado, presentada baixo o lema "O verán que queres vivir"  
*Publicación da iniciativa, BOPG n.º 489, do 19.06.2019*..... [105](#)
- 7.7 50958 (10/POP-006005)  
Grupo Parlamentario dos Socialistas de Galicia  
Pérez Seco, José Manuel e Fernández Fernández, Raúl  
Sobre o motivo polo que a Xunta de Galicia se atrasou nos pagamentos dos fondos para Programas de Desenvolvemento Rural (PDR)  
*Publicación da iniciativa, BOPG n.º 489, do 19.06.2019*..... [108](#)
- 7.8 51573 (10/POP-006051)  
Grupo Parlamentario do Bloque Nacionalista Galego  
Rivas Cruz, José Luis e 5 máis  
Sobre as medidas adoptadas e previstas polo Goberno galego en relación coa incidencia do uso de praguicidas na saúde dos traballadores que os manipulan e nos cultivos  
*Publicación da iniciativa, BOPG n.º 493, do 26.06.2019*..... [111](#)
- 7.9 51713 (10/POP-006065)  
Grupo Parlamentario Popular de Galicia

Blanco Paradelo, Moisés e 6 máis

Sobre as actuacións que está a levar a cabo o Goberno galego para o cumprimento do acordo parlamentario referido á modificación polo Goberno central da normativa que regula o IRPF no referido á tributación das axudas para a incorporación de persoas mozas á actividade agraria

*Publicación da iniciativa, BOPG n.º 493, do 26.06.2019*..... [116](#)

7.10 50335 (10/POP-005966)

Grupo Parlamentario dos Socialistas de Galicia

Toja Suárez, María Dolores e Otero Rodríguez, Patricia

Sobre os principios nos que se basea o Plan de acción do marisqueo Galicia 2030

*Publicación da iniciativa, BOPG n.º 483, do 05.06.2019*..... [119](#)

A Presidencia, de conformidade co disposto no artigo 53 do Regulamento do Parlamento, resolveu convocar o Pleno do Parlamento para realizar unha sesión o próximo día 9 de xullo de 2019, ás 10:00 horas, no pazo do Parlamento.

De acordo coa Xunta de Portavoces e a Mesa, na reunión do día 2 de xullo de 2019, a orde do día da sesión é a seguinte:

### **Punto 1. Texto legislativo**

Debate e votación do ditame, emitido pola Comisión 1ª, Institucional, de Administración Xeral, Xustiza e Interior, do Proxecto de lei de administración dixital de Galicia (doc. núm. 48795, 10/PL-000014)

*Publicación da iniciativa, BOPG n.º 458, do 09.04.2019*

*Publicación de emendas ao articulado, BOPG n.º 482, do 04.06.2019*

*Publicación do informe de Ponencia, BOPG n.º 492, do 25.06.2019*

### **Punto 2. Comparecencia**

52101 (10/PPP-000105)

do Sra. conselleira do Mar, por petición propia, para dar conta do impacto das estratexias de desenvolvemento local participativo dos GALPs nas zonas pesqueiras de Galicia

### **Punto 3. Mocións**

3.1 52050 (10/MOC-000152)

Grupo Parlamentario dos Socialistas de Galicia

Torrado Quintela, Julio

Sobre a posición do Parlamento de Galicia e a actuación que debe levar a cabo o Goberno galego en materia de atención á saúde da muller (moción a consecuencia da Interpelación nº 45948, publicada no BOPG nº 434, do 20.2.2019, e debatida na sesión plenaria do 25.6.2019)

3.2 52051 (10/MOC-000153)

Grupo Parlamentario dos Socialistas de Galicia

Burgo López, María de la Concepción

Sobre a apertura por parte do Goberno galego dunha mesa de diálogo cos representantes do sector das artes escénicas para tratar e solucionar os problemas do Centro Dramático Galego (moción a consecuencia da Interpelación nº 48741, publicada no BOPG nº 458, do 09.4.2019, e debatida na sesión plenaria do 25.6.2019)

3.3 52057 (10/MOC-000154)





Grupo Parlamentario de En Marea

Quinteiro Araújo, Paula

Sobre as actuacións que debe levar a cabo o Goberno galego en materia de igualdade de trato e de non-discriminación de lesbianas, gais, transexuais, bisexuais e intersexuais (moción a consecuencia da Interpelación nº 50774, publicada no BOPG nº 486, do 12.6.2019, e debatida na sesión plenaria do 25.6.2019)

#### **Punto 4. Proposicións non de lei**

4.1 44961 (10/PNP-003369)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre a demanda polo Goberno galego ao Goberno central da transferencia á Xunta de Galicia das competencias en materia de xestión das bolsas de axuda ao estudo, así como dos recursos económicos correspondentes

*Publicación da iniciativa, BOPG n.º 427, do 06.02.2019*

4.2 49349 (10/PNP-003739)

Grupo Parlamentario Popular de Galicia

Tellado Filgueira, Miguel Ángel e 8 máis

Sobre a demanda do Goberno galego ao Goberno central da programación da carga de traballo necesaria para os estaleiros de Navantia en Ferrol

*Publicación da iniciativa, BOPG n.º 470, do 30.04.2019*

4.3 50000 (10/PNP-003788)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as actuacións que debe levar a cabo o Goberno galego en relación co pechamento de camas durante os meses de verán nos centros hospitalarios do Sergas e coa derivación de doentes á sanidade privada

*Publicación da iniciativa, BOPG n.º 479, do 22.05.2019*

4.4 51389 (10/PNP-003849)

Grupo Parlamentario dos Socialistas de Galicia

Pierres López, María Luisa e 3 máis

Sobre as actuacións que debe levar a cabo o Goberno galego en relación coa atención das consultas referidas á tramitación de proxectos e cos tempos de tramitación dos expedientes nos servizos provinciais de Patrimonio Cultural

*Publicación da iniciativa, BOPG n.º 489, do 19.06.2019*



- 4.5 51406 (10/PNP-003850)  
Grupo Parlamentario de En Marea  
Torregrosa Sañudo, Julia e 2 máis  
Sobre a demanda que debe realizar o Goberno galego ao Goberno central en relación co prezo do alugamento da vivenda  
*Publicación da iniciativa, BOPG n.º 489, do 19.06.2019*
- 4.6 51541 (10/PNP-003860)  
Grupo Parlamentario de En Marea  
Quinteiro Araújo, Paula e 2 máis  
Sobre as actuacións que debe levar a cabo o Goberno galego en relación cos convites para a asistencia dos seus membros ás touradas  
*Publicación da iniciativa, BOPG n.º 489, do 19.06.2019*
- 4.7 51587 (10/PNP-003868)  
Grupo Parlamentario dos Socialistas de Galicia  
Vilán Lorenzo, Patricia e 2 máis  
Sobre a adopción por parte do Goberno galego de medidas, incluídas as de formación e de concienciación, para reducir a presenza de residuos nas praias e nos fondos mariños de Galicia co fin de recuperar a biodiversidade e os ecosistemas mariños  
*Publicación da iniciativa, BOPG n.º 493, do 26.06.2019*
- 4.8 51998 (10/PNP-003894)  
Grupo Parlamentario Popular de Galicia  
Prado del Río, Paula e 13 máis  
Sobre as demandas que debe realizar o Goberno galego ao Goberno central para a transferencia á Comunidade Autónoma de Galicia dos setecentos millóns de euros comprometidos para o ano.  
*Publicación da iniciativa pola vía de urxencia, BOPG n.º 495, do 01.07.2019*

## **Punto 5. Interpelacións**

- 5.1 48636 (10/INT-001612)  
Grupo Parlamentario dos Socialistas de Galicia  
Álvarez Martínez, Luis Manuel e Burgo López, María de la Concepción  
Sobre a política do Goberno galego en relación coa prevención do abandono escolar  
*Publicación da iniciativa, BOPG n.º 458, do 09.04.2019*



5.2 51374 (10/INT-001708)  
Grupo Parlamentario do Bloque Nacionalista Galego  
Presas Bergantiños, Noa e 5 máis  
Sobre a política do Goberno galego en relación coa protección das persoas galegas usuarias de produtos financeiros  
*Publicación da iniciativa, BOPG n.º 489, do 19.06.2019*

5.3 51518 (10/INT-001713)  
Grupo Parlamentario de En Marea  
Quinteiro Araújo, Paula e 2 máis  
Sobre a xestión de Xóvenes Agricultores  
*Publicación da iniciativa, BOPG n.º 489, do 19.06.2019*

**Punto 6. Preguntas para resposta oral do Presidente da Xunta**

6.1 52123 (10/POPX-000157)  
Grupo Parlamentario de En Marea  
Lago Peñas, José Manuel  
Sobre as actuacións previstas polo Goberno galego para evitar a desigualdade económica e social de Galicia

6.2 52126 (10/POPX-000158)  
Grupo Parlamentario do Bloque Nacionalista Galego  
Pontón Mondelo, Ana Belén  
Sobre a avaliación das políticas do Goberno galego para frear o devalo demográfico de Galicia

6.3 52127 (10/POPX-000159)  
Grupo Parlamentario dos Socialistas de Galicia  
Fernández Leiceaga, Xoaquín María  
Sobre a opinión do Goberno galego respecto da incidencia que van ter as novas iniciativas no afrontamento dos problemas demográficos de Galicia

**Punto 7. Preguntas ao Goberno**

7.1 52120 (10/PUP-000259)  
Grupo Parlamentario dos Socialistas de Galicia  
Torrado Quintela, Julio e Vilán Lorenzo, Patricia  
Sobre as medidas previstas pola Xunta de Galicia respecto da situación xerada no encoro da Baxe, en Caldas de Reis, dende a presenza da alga microcistina



- 7.2 52111 (10/PUP-000257)  
Grupo Parlamentario do Bloque Nacionalista Galego  
Presas Bergantiños, Noa e 5 máis  
Sobre a necesidade dunha explicación e dunha valoración por parte do  
Goberno galego respecto das súas relacións con Pemex
- 7.3 52122 (10/PUP-000260)  
Grupo Parlamentario Popular de Galicia  
Egerique Mosquera, Teresa e 8 máis  
Sobre as actuacións que está a levar a cabo o Goberno galego diante do  
Goberno central para que rectifique a súa decisión de denegar a solicitude  
de conexión do polígono industrial de Balaídos á rede de 200 quilovoltios
- 7.4 51771 (10/POP-006073)  
Grupo Parlamentario de En Marea  
Cuña Bóveda, María de los Ángeles e Chao Pérez, Luca  
Sobre as intencións da Xunta de Galicia respecto da reapertura da escola  
unitaria do Colexio Rural Agrupado de Narón  
*Publicación da iniciativa, BOPG n.º 493, do 26.06.2019*
- 7.5 52119 (10/PUP-000258)  
Grupo Parlamentario de En Marea  
Solla Fernández, Eva  
Sobre as previsións do Goberno galego en relación coa privatización de  
servizos sanitarios
- 7.6 51422 (10/POP-006030)  
Grupo Parlamentario Popular de Galicia  
Vázquez Domínguez, Sandra e 6 máis  
Sobre a valoración do Goberno galego respecto da campaña de verán do  
2019 da Dirección Xeral de Xuventude, Participación e Voluntariado,  
presentada baixo o lema "O verán que queres vivir"  
*Publicación da iniciativa, BOPG n.º 489, do 19.06.2019*
- 7.7 50958 (10/POP-006005)  
Grupo Parlamentario dos Socialistas de Galicia  
Pérez Seco, José Manuel e Fernández Fernández, Raúl  
Sobre o motivo polo que a Xunta de Galicia se atrasou nos pagamentos dos  
fondos para Programas de Desenvolvemento Rural (PDR)  
*Publicación da iniciativa, BOPG n.º 489, do 19.06.2019*



- 7.8 51573 (10/POP-006051)  
Grupo Parlamentario do Bloque Nacionalista Galego  
Rivas Cruz, José Luis e 5 máis  
Sobre as medidas adoptadas e previstas polo Goberno galego en relación coa incidencia do uso de praguicidas na saúde dos traballadores que os manipulan e nos cultivos  
*Publicación da iniciativa, BOPG n.º 493, do 26.06.2019*
- 7.9 51713 (10/POP-006065)  
Grupo Parlamentario Popular de Galicia  
Blanco Paradelo, Moisés e 6 máis  
Sobre as actuacións que está a levar a cabo o Goberno galego para o cumprimento do acordo parlamentario referido á modificación polo Goberno central da normativa que regula o IRPF no referido á tributación das axudas para a incorporación de persoas mozas á actividade agraria  
*Publicación da iniciativa, BOPG n.º 493, do 26.06.2019*
- 7.10 50335 (10/POP-005966)  
Grupo Parlamentario dos Socialistas de Galicia  
Toja Suárez, María Dolores e Otero Rodríguez, Patricia  
Sobre os principios nos que se basea o Plan de acción do marisqueo Galicia 2030  
*Publicación da iniciativa, BOPG n.º 483, do 05.06.2019*

Os grupos parlamentarios poderán presentar emendas ás mocións e ás proposicións non de lei ata seis horas antes do inicio da sesión, ao abeiro do disposto no artigo 161.2 do Regulamento.

O que lle comunico para o seu coñecemento e a súa convocatoria á devandita reunión.

Santiago de Compostela, 2 de xullo de 2019

Miguel Ángel Santalices Vieira  
Presidente

Miguel Ángel Santalices  
Vieira, Presidente

Firmado digitalmente por Miguel Ángel Santalices Vieira,  
Presidente  
Nombre de reconocimiento (DN): cn=Miguel Ángel Santalices  
Vieira, Presidente,  
email=miguel.angel.santalices.vieira@parlamentodegalicia.es  
Fecha: 2019.07.02 19:08:20 +02'00'



# RELACIÓN DE MEMBROS DE PLENO DO PARLAMENTO

POR ORDE ALFABÉTICA

Luis Manuel Álvarez Martínez	S
María Encarnación Amigo Díaz	P
María Ángeles Antón Vilasánchez	P
Raquel Arias Rodríguez	P
Xosé Luís Bará Torres	BNG
Moisés Blanco Paradelo	P
Noela Blanco Rodríguez	S
María de la Concepción Burgo López	S
Marcos Cal Ogando	EM
Diego Calvo Pouso	P
Francisco Casal Vidal	M
Jaime Castiñeira Broz	P
Luca Chao Pérez	EM
Francisco José Conde López	P
María de los Ángeles Cuña Bóveda	EM
Juan Manuel Díaz Villoslada	S
Teresa Egerique Mosquera	P
Xoaquín María Fernández Leiceaga	S
Jackeline Elizabeth Fernández Macías	P
Martín Fernández Prado	P
María Ángeles García Míguez	P
Carlos Gómez Salgado	P
José González Vázquez	P
José Manuel Lago Peñas	EM
Abel Fermín Losada Álvarez	S
Beatriz Mato Otero	P
Flora María Miranda Pena	EM
Jacobo Moreira Ferro	P
Antonio Mouriño Villar	P
María Guadalupe Murillo Solís	P
María Isabel Novo Fariña	P
Marta Nóvoa Iglesias	P
Aurelio Alfonso Núñez Centeno	P
Alberto Núñez Feijóo	P
Patricia Otero Rodríguez	S
Rosa Oubiña Solla	P
José Alberto Pazos Couñago	P
José Manuel Pérez Seco	S
María Luisa Pierres López	S
Ana Belén Pontón Mondelo	BNG
María Montserrat Prado Cores	BNG
Paula Prado del Río	P
Jesús Miguel Prado Patiño	P
Noa Presas Bergantiños	BNG
Pedro Puy Fraga	P

Rosa María Quintana Carballo	P
Paula Quintero Araújo	EM
José Manuel Rey Varela	P
José Luis Rivas Cruz	BNG
Olalla Rodil Fernández	BNG
Marta Rodríguez Arias	P
María Julia Rodríguez Barreira	P
María del Carmen Rodríguez Dacosta	S
David Rodríguez Estévez	M
Moisés Rodríguez Pérez	P
Matilde Begoña Rodríguez Rumbo	S
Marta María Rodríguez-Vispo Rodríguez	P
Cristina Isabel Romero Fernández	P
Alfonso Rueda Valenzuela	P
María Soraya Salorio Porral	P
Antón Sánchez García	EM
Miguel Ángel Santalices Vieira	P
Carmen Santos Queiruga	EM
Eva Solla Fernández	EM
Miguel Ángel Tellado Filgueira	P
María Dolores Toja Suárez	S
Julio Torrado Quintela	S
Julia Torregrosa Sañudo	EM
Gonzalo Trenor López	P
Daniel Luís Varela Suanzes-Carpegna	P
Sandra Vázquez Domínguez	P
Paula Vázquez Verao	M
Daniel Vega Pérez	P
Patricia Vilán Lorenzo	S
Luis Villares Naveira	M

**Relación de deputadas e deputados do Parlamento de Galicia  
X Lexislatura**

(actualizada 4 de xullo de 2019)

**Para votación por chamamento**

<b>APELIDOS E NOME</b>	<b>GP</b>	<b>S</b>	<b>NON</b>	<b>ABST</b>
1. Alvarez Martínez, Luís Manuel	S			
2. Amigo Díaz, María Encarnación	P			
3. Antón Vilasánchez, María Angeles	P			
4. Bará Torres, Xosé Luís	BNG			
5. Blanco Paradelo, Moisés	P			
6. Blanco Rodríguez, Noela	S			
7. Cal Ogando, Marcos	EM			
8. Casal Vidal, Francisco	M			
9. Castiñeira Broz, Jaime	P			
10. Chao Pérez, Luca	EM			
11. Cuña Bóveda, María de los Angeles	EM			
12. Díaz Villoslada, Juan Manuel	S			
13. Egerique Mosquera, Teresa	P			
14. Fernández Leiceaga, Xoaquín María	S			
15. Fernández Macías, Jackeline Elizabeth	P			
16. Fernández Prado, Martín	P			
17. García Míguez, María Angeles	P			
18. Gómez Salgado, Carlos	P			
19. Lago Peñas, José Manuel	EM			
20. Losada Alvarez, Abel Fermín	S			
21. Mato Otero, Beatriz	P			
22. Miranda Pena, Flora María	EM			
23. Moreira Ferro, Jacobo	P			
24. Mouriño Villar, Antonio	P			
25. Murillo Solís, Maria Guadalupe	P			
26. Novo Fariña, María Isabel	P			
27. Nóvoa Iglesias, Marta	P			
28. Nuñez Centeno, Aurelio Alfonso	P			
29. Otero Rodríguez, Patricia	S			
30. Oubiña Solla, Rosa	P			



31. Pazos Couñago, José Alberto	P			
32. Pérez Seco, José Manuel	S			
33. Pierres López, María Luisa	S			
34. Pontón Mondelo, Ana Belén	BNG			
35. Prado Cores, María Montserrat	BNG			
36. Prado del Río, Paula	P			
37. Prado Patiño, Jesús Miguel	P			
38. Presas Bergantiños, Noa Olalla	BNG			
39. Puy Fraga, Pedro	P			
40. Quinteiro Araújo, Paula	EM			
41. Rey Varela, José Manuel	P			
42. Rivas Cruz, José Luis	BNG			
43. Rodil Fernández, Olalla	BNG			
44. Rodríguez Arias, Marta	P			
45. Rodríguez Barreira, María Julia	P			
46. Rodríguez Dacosta, M <sup>a</sup> del Carmen	S			
47. Rodríguez Estévez, David	M			
48. Rodríguez Pérez, Moisés	P			
49. Rodríguez Rumbo, Matilde Begoña	S			
50. Rodríguez-Vispo Rodríguez, Marta M <sup>a</sup>	P			
51. Romero Fernández, Cristina Isabel	P			
52. Salorio Porral, María Soraya	P			
53. Sánchez García, Antón	EM			
54. Santos Queiruga, Carmen	EM			
55. Tellado Filgueira, Miguel Angel	P			
56. Toja Suárez, María Dolores	S			
57. Torrado Quintela, Julio	S			
58. Torregrosa Sañudo, Julia	EM			
59. Trenor López, Gonzalo	P			
60. Varela Suanzes-Carpegna, Daniel Luís	P			
61. Vázquez Domínguez, Sandra	P			
62. Vázquez Verao, Paula	M			
63. Vega Pérez, Daniel	P			
64. Vilán Lorenzo, Patricia	S			
65. Villares Naveira, Luís	M			

**DEPUTADAS E DEPUTADOS MEMBROS DA XUNTA DE GALICIA**

66. Quintana Carballo, Rosa María	P			
67. Conde López, Francisco José	P			
68. González Vázquez, José	P			
69. Rueda Valenzuela, Alfonso	P			
70. Núñez Feijoo, Alberto	P			

**DEPUTADAS E DEPUTADOS DA MESA DO PARLAMENTO**

71. Burgo López, María de la Concepción	S			
72. Arias Rodríguez, Raquel	P			
73. Solla Fernández, Eva	EM			
74. Calvo Pouso, Diego	P			
75. Santalices Vieira, Miguel Ángel	P			

Reunión do Pleno do Parlamento  
Día: 09.07.2019 Hora: 10:00  
Orde do día

1. Textos lexislativos

Reunión do Pleno do Parlamento

Día: 09.07.2019

Hora: 10:00

Orde do día

- 1.1 Debate e votación do ditame, emitido pola Comisión 1ª, Institucional, de Administración Xeral, Xustiza e Interior, do Proxecto de lei de administración dixital de Galicia

(48795, 10/PL-000014)

*Publicación da iniciativa, BOPG n.º 458, do 09.04.2019*

*Publicación de emendas ao articulado, BOPG n.º 482, do 04.06.2019*

*Publicación do informe de Ponencia, BOPG n.º 492, do 25.06.2019*

**Vid. Separata núm. 1**

# PLENO DO PARLAMENTO

***9 de xullo de 2019***

Debate e votación do ditame, emitido pola Comisión 1ª, Institucional, de Administración Xeral, Xustiza e Interior, do Proxecto de lei de administración dixital de Galicia (doc. núm. 48795, 10/PL-000014)

*Publicación ditame da Comisión, BOPG n.º 497, do 03.07.2019*

*Publicación de emendas e votos particulares, BOPG n.º 497, do 03.07.2019*

**Separata núm. 1**

## 1. Procedementos parlamentarios

### 1.1. Procedementos de natureza normativa

#### 1.1.2. Propostas de normas

##### 1.1.2.1. Proxectos e proposicións de lei

###### 1.1.2.1.1. Proxectos de lei

### **Ditame emitido pola Comisión 1ª, Institucional, de Administración Xeral, Xustiza e Interior sobre o Proxecto de lei de administración dixital de Galicia**

A Comisión 1ª, Institucional, de Administración Xeral, Xustiza e Interior, na súa sesión do día 28 de xuño de 2019, adoptou o seguinte acordo:

Aprobación do ditame da Comisión

- 48795 (10/PL-000014)

Presidencia da Xunta de Galicia

Proxecto de lei de administración dixital de Galicia

BOPG nº 458, do 09.04.2019

Santiago de Compostela, 28 de xuño de 2019

Miguel Ángel Santalices Vieira

Presidente

### **Ditame emitido pola Comisión 1ª, Institucional, de Administración Xeral, Xustiza e Interior sobre o Proxecto de lei de administración dixital de Galicia**

A Comisión 1ª, Institucional, de Administración Xeral, Xustiza e Interior, na sesión do día 28 de xuño de 2019, á vista do Informe elaborado pola Ponencia sobre o Proxecto de lei de administración dixital de Galicia, de conformidade co disposto nos artigos 116 e seguintes do Regulamento do Parlamento de Galicia, aprobou o seguinte:

#### DITAME

Exposición de motivos

I

A administración pública desempeña un papel fundamental no desenvolvemento da sociedade como reguladora e como provedora de servizos públicos para a cidadanía e tamén como organización cun importante colectivo de persoal e como parte salientable no desenvolvemento económico dun país.

No marco normativo, e en liña coas demandas sociais de cambios na administración, aprobáronse nos últimos anos importantes normas en materia de racionalización da organización administrativa e dos recursos públicos, a eficacia na xestión, o desenvolvemento dos principios vinculados á garantía da calidade dos servizos públicos, o dereito á boa administración e a dispoñer de servizos públicos de calidade, e tamén en materia de transparencia e bo goberno.



Estas demandas xorden nunha sociedade na que as tecnoloxías da información e a comunicación, e en particular a internet, adquiriron unha importancia evidente nas relacións económicas, sociais e profesionais das persoas. Segundo a Enquisa sobre o uso das tecnoloxías da información e a comunicación nos fogares do 2018, publicada polo Instituto Nacional de Estatística, o 72,1 por cento da poboación entre os dezaseis e os setenta e catro anos accede diariamente á internet, o 43,5 por cento fixo algunha compra pola internet e o 65,4 por cento utilizou a administración electrónica. Na poboación entre os dez e os quince anos, o 69,8 por cento dispoñen de teléfono móbil, e o uso da internet está estendido ata o 92,8 por cento.

A administración pública debe evolucionar xunto coa sociedade. Debe acadar un desenvolvemento pleno da administración electrónica e aproveitar as innovacións que as tecnoloxías da información e a comunicación, as denominadas tecnoloxías dixitais, na súa constante evolución, poden achegar para construír un novo modelo de administración, máis transparente, sinxelo, eficaz e inclusivo e, por conseguinte, máis acorde coas demandas da cidadanía e das empresas.

O Plan de acción sobre administración electrónica 2016-2020 da Unión Europea determinou que no ano 2020 as administracións públicas e as institucións públicas da Unión Europea deberán ser abertas, eficientes e integradoras e prestarlles servizos públicos dixitais sen fronteiras, personalizados, fáciles de utilizar e de extremo a extremo a toda a cidadanía e ás empresas da Unión Europea.

Nesta liña, o Consello da Xunta de Galicia, na súa sesión do día 30 de abril de 2015, aprobou a Axenda dixital de Galicia 2020. Esta estratexia tecnolóxica de Galicia para o período 2015-2020 busca impulsar un modelo de crecemento baseado na economía dixital, que contribúa a dar resposta aos desafíos a que se enfronta Galicia en todas as áreas de desenvolvemento.

Daquela, a administración pública está na obriga de aplicar enfoques innovadores para deseñar e prestar mellores servizos de conformidade coas necesidades e as demandas da cidadanía e as empresas, por medio do aproveitamento das oportunidades que brinda a nova contorna dixital para facilitar as súas interaccións cos cidadáns e as cidadás, coas empresas e con outras administracións. Unha administración dixital para unha cidadanía usuaria do dixital e para aquela que non o é.

## II

Esta Lei de administración dixital de Galicia completa o marco normativo galego mencionado no punto anterior para o desenvolvemento no contexto dixital dos principios vinculados á racionalización administrativa e dos recursos públicos, a garantía da calidade dos servizos públicos e o dereito á boa administración, así como a transparencia e o bo goberno.

Aborda catro ámbitos imprescindibles para o desenvolvemento dunha administración dixital: os instrumentos necesarios para o desenvolvemento da administración electrónica, a necesaria capacitación para acadar unha cidadanía dixital, as infraestruturas e os sistemas para o funcionamento dixital do sector público autonómico e mais os instrumentos de coordinación, colaboración, cooperación e seguimento para conseguir unha implantación efectiva da administración dixital de xeito cohesionado. Desta maneira:



a) Concreta e regula o xeito en que o sector público autonómico constrúe o seu funcionamento electrónico, dando cumprimento ao establecido no marco normativo estatal no eido da administración electrónica, pero garantindo a súa capacidade de organización dixital interna e de establecemento do modelo de relación dixital coa cidadanía. A regulación complétase coas previsións necesarias para o impulso do desenvolvemento dos servizos públicos dixitais no contexto da internet dunha forma ordenada e coherente, superando o ámbito do procedemento administrativo para se dirixir á cidadanía en xeral e non unicamente ás persoas interesadas nun procedemento administrativo.

b) O desenvolvemento dixital da administración pública galega, de xeito similar a outros ámbitos da sociedade, require promover na cidadanía as capacidades de aproveitamento das posibilidades que a tecnoloxía facilita, pero non unicamente no uso de determinadas aplicacións de uso cotián ou necesarias para a relación coa administración, senón tamén no desenvolvemento de hábitos de comportamento no eido dixital que garantan o uso adecuado e seguro das tecnoloxías, que son, ademais, cambiantes. Neste senso, prevese o desenvolvemento do Marco galego de competencias dixitais en liña co que os organismos europeos promoven para acadar unha cidadanía dixital responsable. Neste punto é imprescindible recoller a necesaria capacitación dixital do persoal que traballa no sector público autonómico e o recoñecemento da súa capacidade de impulso de enfoques innovadores de funcionamento da administración aproveitando as tecnoloxías dixitais.

c) As infraestruturas tecnolóxicas, os medios utilizados polos empregados públicos para o seu desempeño profesional, así como os sistemas e as aplicacións que se utilizan para o funcionamento dixital do sector público autonómico quedan tamén recollidos neste texto. Tamén se implantan as previsións sobre a seguridade, a dispoñibilidade e a interoperabilidade, orientadas a facilitaren servizos públicos dixitais de calidade. Establécense os criterios básicos da súa xestión e posta á disposición, de xeito que o desenvolvemento dixital se faga de forma transversal e homoxénea a todo o sector público autonómico.

d) E, por último, os instrumentos de coordinación, cooperación, colaboración e seguimento para o proceso da transformación dixital tanto no sector público autonómico coma na relación coas restantes administracións.

Con todo iso avanzarase en conseguir unha administración diferente, que teña as tecnoloxías dixitais como un elemento catalizador para a súa modernización e onde os efectos reais da utilización destas tecnoloxías irán encamiñados á utilización dos medios e das formas inclusivas para toda a cidadanía, creando as condicións de confianza precisas para o uso dos servizos dixitais.

### III

Unha administración dixital debe ter como referencia os seguintes alicerces básicos:

a) Orientación á cidadanía, asociada á universalización dos servizos en forma dixital e a garantir que a cidadanía e as empresas faciliten a mesma información a unha administración pública unha soa vez, co obxectivo de que a cidadanía e as empresas teñan que soportar a menor cantidade de cargas administrativas.





b) Transparencia, asociada a explicar a acción de goberno, incluíndo a apertura de datos compatíbeis e reutilizables, que permitan coñecer e controlar o funcionamento das institucións públicas. Esta dimensión vincúlase á rendición de contas.

c) Participación, asociada a fomentar a implicación da cidadanía, das empresas, das asociacións e dos e das profesionais na definición e a avaliación das políticas e dos servizos públicos, permitíndolles aos cidadáns e ás cidadás contactaren de forma directa cos seus gobernantes e a estes consultaren permanentemente a cidadanía sobre as políticas. O uso da internet e das redes sociais propicia o xurdimento de novas fórmulas de participación, mais exige que as administracións públicas deban redefinir o seu funcionamento e reformular a forma de facer as cousas para poderen responder ás expectativas da sociedade.

d) Colaboración, asociada ao desenvolvemento de fórmulas de traballo conxunto e transversal entre diferentes actores dentro e fóra da administración, incluíndo actuacións que comprenden iniciativas de interoperabilidade, de innovación social e de coprodución. Ao relacionarse coa coprodución de servizos, a colaboración require a asunción dunha responsabilidade activa e constante por parte dos diferentes actores que participan.

#### IV

No ordenamento xurídico estatal, a Lei 39/2015, do 1 de outubro, do procedemento administrativo común das administracións públicas, e a Lei 40/2015, do 1 de outubro, de réxime xurídico do sector público, supoñen un novo escenario normativo para a consolidación da administración dixital nas administracións públicas, e, polo tanto, tamén no sector público autonómico de Galicia.

A Lei 39/2015, do 1 de outubro, derroga expresamente a Lei 30/1992, do 26 de novembro, de réxime xurídico das administracións públicas e do procedemento administrativo común, e mais a Lei 11/2007, do 22 de xuño, de acceso electrónico dos cidadáns aos servizos públicos, que constituían a base normativa para o desenvolvemento da administración electrónica.

Así é que a regulación estatal en materia de procedemento administrativo común e en materia de réxime xurídico do sector público introduce de maneira transversal o emprego dos medios electrónicos nas relacións entre as administracións públicas e entre estas e os cidadáns e as cidadás. Xeneralízase así o uso dos medios electrónicos en todas as fases do procedemento administrativo, desde a identificación e a representación das persoas interesadas ata a preferencia pola notificación electrónica.

#### V

No eido galego, os alicerces da regulación dunha administración dixital xa contan cun corpo legal integrado pola Lei 16/2010, do 17 de decembro, de organización e funcionamento da Administración xeral e do sector público autonómico de Galicia, reguladora da organización e do réxime xurídico da Administración xeral da Comunidade Autónoma de Galicia e das entidades instrumentais integrantes do sector público autonómico; pola Lei 14/2013, do 26 de decembro, de racionalización do sector público autonómico, que promoveu a optimización dos recursos públicos, a eficacia na xestión e o logro da máxima coordinación dos distintos órganos e unidades administrativas como



principios básicos que guían a actuación do sector público autonómico, e pola Lei 1/2015, do 1 de abril, de garantía da calidade dos servizos públicos e da boa administración, que consagra legalmente o dereito da cidadanía á boa administración e a que se lle presten uns servizos públicos de calidade, así como a participar na avaliación da calidade dos servizos públicos, como parte imprescindible do ciclo das políticas públicas.

A Lei 1/2015, do 1 de abril, de garantía da calidade dos servizos públicos e da boa administración, estableceu que o sector público galego dispoñerá dun sistema integrado de atención á cidadanía que garantirá a prestación deste servizo a través de tres modalidades: presencial, telefónica e telemática, sendo esta última a que se ofrece a través da web institucional e da sede electrónica da Xunta de Galicia, ou por calquera outro medio que, vinculado ás tecnoloxías dixitais, se poida implementar.

A referida lei determina, así mesmo, como mecanismos de atención os seguintes: o recibimento e a acollida, a orientación, a información, a recepción e o rexistro de documentos e a presentación de queixas e suxestións, coa regulación ademais da información e os seus tipos, das suxestións e as queixas e mais do procedemento para a súa presentación. Cómpre agora nesta lei abordar, con máis fondura, a modalidade de atención telemática a que se refire a devandita Lei 1/2015, do 1 de abril.

No ámbito da transparencia, a Lei 1/2016, do 18 de xaneiro, de transparencia e bo goberno, regula a transparencia e a publicidade na actividade pública, entendendo esta como a desenvolvida cun financiamento público, así como o dereito da cidadanía a acceder á información pública.

Débase mencionar tamén a Lei 7/2014, do 26 de setembro, de arquivos e documentos de Galicia, que proporciona o marco normativo adecuado para que a Comunidade Autónoma de Galicia desenvolva as competencias en materia de arquivos e documentos, permitindo articular unha xestión documental electrónica eficaz e eficiente, integrada na xestión administrativa xeral. A xestión documental electrónica, aplicada con carácter transversal e continuo dentro dun sistema de arquivos, serve para garantir a autenticidade, a fiabilidade, a integridade e a dispoñibilidade dos documentos no seu ciclo vital, para facilitar o acceso aos documentos e á información e mais para preservar e difundir o patrimonio documental de Galicia nunha contorna dixital.

Máis recentemente, a Lei 2/2017, do 8 de febreiro, de medidas fiscais, administrativas e de ordenación, dedicou unha sección específica ao establecemento de determinadas previsións en materia de administración dixital, como primeiro paso para a adaptación á regulación contida na Lei 39/2015, do 1 de outubro, do procedemento administrativo común das administracións públicas, e na Lei 40/2015, do 1 de outubro, de réxime xurídico do sector público.

Xunto a estes textos legais, polo que se refire ao ámbito da administración electrónica, a evolución normativa autonómica na materia caracterizouse pola aprobación duns decretos e ordes que forman a columna vertebral da administración dixital do sector público autonómico de Galicia.

Desta forma, o Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes, supuxo un cambio organizativo substancial, xa que ordenou o proceso de desenvolvemento dos servizos electró-



nicos e determinou o réxime regulador do dereito da cidadanía a relacionarse coa Administración pública galega por medios electrónicos. Pola súa parte, o Decreto 191/2011, do 22 de setembro, de organización e funcionamento dos rexistros da Administración xeral e das entidades públicas instrumentais da Comunidade Autónoma de Galicia, estableceu o marco xurídico do Sistema único de rexistro da Administración xeral da Comunidade Autónoma de Galicia e das entidades públicas instrumentais do sector público autonómico. E, por último, o Decreto 201/2011, do 13 de outubro, polo que se regula a presenza da Administración xeral e do sector público autonómico de Galicia na internet, recoñece o papel fundamental da internet para a prestación de servizos públicos, e establece unhas regras de coordinación do xeito en que o sector público autonómico se achega á cidadanía.

Xa que logo, ante o novo escenario lexislativo estatal, resulta clave dotar o ordenamento xurídico autonómico dunha regulación única, coherente, actualizada e ordenada, contando cunha lei que sistematice nun único corpo toda a regulación relativa ás relacións dixitais *ad extra* e *ad intra* no sector público autonómico de Galicia, os dereitos das persoas nas súas relacións dixitais e que promova un réxime xurídico novo na administración dixital do sector público autonómico de Galicia segundo as prescricións establecidas na Lei 39/2015, do 1 de outubro, do procedemento administrativo común das administracións públicas, e na Lei 40/2015, do 1 de outubro, de réxime xurídico do sector público.

## VI

É neste novo marco de actuación onde o uso das tecnoloxías da información e a comunicación (TIC) representa un motor de transformación, unido ao cambio na cultura das organizacións públicas. Para iso é imprescindible non só promover a incorporación destas tecnoloxías senón tamén de novos estilos na xestión, e, en especial, promover novas competencias dos e das profesionais ao servizo das organizacións públicas.

Ao redor do corenta por cento dos traballadores e das traballadoras da Unión Europea, segundo a Eurostat (Oficina Europea de Estatística), ten un nivel insuficiente de competencias dixitais, polo que existe unha perentoria necesidade de adquirir novas competencias multidisciplinares e dixitais. A fenda entre a demanda e a dispoñibilidade de traballadores e traballadoras con competencias dixitais é cada vez maior. As innovacións dixitais tamén teñen un gran potencial para crear máis emprego na industria, dado que se crean novas empresas e se axuda a preservar e reforzar uns postos de traballo industriais. Para traballar nunha economía dixitalizada serán necesarias tamén novas competencias e habilidades; por exemplo, máis capacidades creativas, comunicativas e de adaptación. Requirirase unha mellora masiva da capacitación das persoas traballadoras a todos os niveis.

Existe ademais a necesidade de que o persoal empregado público teña a suficiente competencia dixital para facilitar a relación electrónica coa cidadanía e para contribuír a unha administración máis sustentable e eficiente.

Deste xeito, a presente regulación senta os alicerces para definir un Marco galego de competencias dixitais, para a cidadanía no seu conxunto, e para os empregados públicos en particular. Este Marco galego de competencias dixitais estará aliñado co marco europeo European Digital Compe-



tence Framework (DigComp). Na súa definición teranse en conta as condicións específicas para o seu desenvolvemento na Comunidade Autónoma de Galicia.

O desenvolvemento destas competencias para o conxunto dos profesionais do sector público autonómico establecerase adecuando o seu aprofundamento aos contidos, ás funcións e ás responsabilidades do posto de traballo ocupado.

Nesta liña, desde a perspectiva das administracións públicas, a formación profesional continua e a reciclaxe profesional de todo o persoal empregado público constitúen, ademais, unha necesidade imprescindible para conseguir os seus obxectivos permanentes de eficacia e de modernización. Pero, hoxe en día, a súa necesidade é máis imperiosa dada a rápida evolución dos coñecementos e das tecnoloxías da información e das comunicacións e, con iso, dos requirimentos da administración ao seu persoal empregado. A formación constitúe un factor relevante para incrementar a produtividade de cada persoa empregada pública e da organización no seu conxunto, polo que este é un obxectivo esencial para acadar os niveis de competitividade aos que debe aspirar a nosa administración, no marco da Unión Europea e na dinámica da globalización.

## VII

A regulación da infraestrutura dixital básica ten como obxectivo asegurar a prestación dos servizos públicos mediante o acceso sen discontinuidade e cos niveis adecuados de protección de datos, seguridade e calidade do servizo.

Ademais, no actual contexto de transformación dixital, o persoal empregado público resulta motor clave do cambio. Os espazos de traballo débense transformar para adaptarse a un escenario onde os traballadores e as traballadoras demandan conectividade e acceso a recursos personalizados e contextualizados desde calquera lugar, en calquera momento e desde calquera dispositivo.

Por outra parte, a entrada en vigor do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), así como a Lei orgánica 3/2018, do 5 de decembro, de protección de datos persoais e garantía dos dereitos dixitais, e a rápida evolución tecnolóxica e a globalización expuxeron uns novos retos para a protección dos datos persoais. A magnitude da recollida e do intercambio dos datos persoais aumentou de maneira significativa. Estes avances requiren un marco máis sólido e coherente para a protección dos datos, garantindo un elevado nivel de seguridade da información e dos datos persoais tratados polo sector público autonómico.

Nesta liña, a Directiva 2016/680 do Parlamento Europeo e do Consello, do 27 de abril de 2016, completa a nova regulación europea en materia de protección de datos delimitada polo Regulamento 2016/679 e a Directiva 2016/681, definindo as garantías e os principios que deben rexer o tratamento, automatizado ou manual, dos datos persoais relativos ás persoas físicas, identificadas ou identificables, cando este se realice con fins de prevención, investigación, detección ou axuízamento de infraccións penais ou de execución de sancións penais, incluídas a protección e a prevención fronte ás ameazas contra a seguridade pública.



## VIII

Polo que atinxe o fundamento competencial, esta lei dítase no exercicio das competencias autonómicas exclusivas en materia de organización das institucións de autogoberno e en materia de procedementos administrativos que deriven do específico dereito galego ou da organización propia dos poderes públicos galegos, así como da competencia autonómica de desenvolvemento lexislativo e execución da lexislación do Estado en materia de réxime xurídico da Administración pública de Galicia, recollidas, respectivamente, no artigo 27, alíneas 1 e 5, e mais no artigo 28.1 do Estatuto de autonomía de Galicia. Xunto a estes títulos competenciais tamén procede invocar, atendidas as previsións en materia de emprego público e de contratación contidas na lei, as competencias autonómicas de desenvolvemento lexislativo e execución da lexislación do Estado en materia de réxime estatutario dos seus funcionarios e en materia de contratos, previstas no artigo 28, alíneas 1 e 2, do Estatuto de autonomía de Galicia.

## IX

Esta lei estrutúrase nun título preliminar e sete títulos, cada un deles dedicado á regulación dos aspectos fundamentais do réxime da administración dixital para a incorporación do potencial das tecnoloxías dixitais no deseño das políticas públicas e na modernización do sector público autonómico, coa finalidade última de impulsar a economía galega.

Así, en primeiro lugar, o título preliminar, «Disposicións xerais», establece o obxecto, o ámbito de aplicación e os fins da lei. Este título preliminar marca aqueles principios xerais de actuación polos cales se deberá rexer a aplicación das previsións desta lei, onde destaca o relativo aos colectivos obrigados para a realización de calquera trámite dun procedemento administrativo ante o sector público autonómico. Esta previsión é adicional respecto daqueles colectivos indicados no artigo 14.2 da Lei 39/2015, do 1 de outubro, do procedemento administrativo común das administracións públicas. Igualmente, recóllese unha previsión sobre o acceso da comunidade galega no exterior aos servizos públicos dixitais. Faise tamén fincapé no desenvolvemento dos servizos públicos dixitais, nas súas condicións de uso e de acceso, nas previsións relativas á subministración única dos datos por parte da cidadanía, e en aspectos como a igualdade no acceso, o uso da lingua, a importancia da capacitación dixital e a avaliación da prestación dos servizos públicos dixitais.

A continuación, o título I, «Das relacións coa cidadanía», céntrase na regulación dos diversos instrumentos e das canles necesarios para as relacións *ad extra*. O primeiro dos capítulos define o modelo de sede electrónica da Xunta de Galicia, o seu contido mínimo e o seu réxime de titularidade e responsabilidade. Relacionado coa sede electrónica, o capítulo II, «Carpeta cidadá da Xunta de Galicia», amplía o concepto da actual Carpeta do cidadán para lles facilitar o acceso á cidadanía e ás empresas tanto á información de carácter persoal coma á información e a documentación de carácter administrativo ou de prestación de servizos, así como a manter permanentemente actualizados e vixentes aqueles datos ou a documentación que a persoa interesada poida achegar. É especialmente salientable que a información dispoñible na Carpeta cidadá lle permitirá á administración pública, logo do consentimento da persoa interesada, promover o desenvolvemento dos servizos públicos dixitais en beneficio dos propios cidadáns, os denominados «servizos proactivos», que se adianten ás demandas e ás necesidades dos propios cidadáns, permitindo unha maior información cara ao cidadán relativa aos seus posibles intereses na relación coa administra-



ción, así como a redución de trámites ou procedementos, simplificando, en definitiva, a súa relación coa administración pública.

Por outra banda, régúlase o Sistema único de rexistro, integrado polo Rexistro Electrónico Xeral, pola Rede de oficinas de atención á cidadanía e de rexistro e, de existiren, polos rexistros electrónicos das entidades públicas instrumentais. Esta Rede de oficinas de atención á cidadanía e de rexistro realiza as funcións de servizo público para a prestación de información, asistencia ou atención coordinada de acceso aos servizos públicos e nas relacións dixitais da cidadanía e das empresas coas administracións públicas, así como a recepción e a remisión de solicitudes, escritos e comunicacións. Polo tanto, estas oficinas desenvolven, entre outras, as funcións encomendadas na Lei 39/2015, do 1 de outubro, ás oficinas de asistencia en materia de rexistro. Na súa configuración será necesario ter en conta a especial dispersión no medio rural, que abrangue máis do oitenta por cento do territorio de Galicia, así como a necesaria dotación suficiente de medios humanos e materiais para a atención da rede.

Pola súa parte, as previsións sobre a representación, coa creación do Rexistro Electrónico Xeral de Apoderamentos de Galicia, identificación e sinatura, a notificación e os medios de pago incorporan no ámbito do sector público autonómico as especificidades destes elementos necesarios para asegurar o funcionamento dunha administración cen por cento dixital.

Os sistemas de identificación e sinatura electrónicos previstos nesta lei adecúanse ao disposto no Regulamento (UE) nº 910/2014 do Parlamento Europeo e do Consello, do 23 de xullo de 2014, relativo á identificación electrónica e aos servizos de confianza para as transaccións electrónicas no mercado interior e pola que se derroga a Directiva 1999/93/CE.

O título II regula o *Diario Oficial de Galicia*, a través do cal se dá publicidade ás normas, ás resolucións, aos actos administrativos e aos demais documentos e informacións que sexan obxecto de público coñecemento. O eido dixital facilita tamén a accesibilidade e a interoperabilidade dos sistemas que publican información normativa na internet. En consecuencia, esta lei prevé expresamente que no *Diario Oficial de Galicia* se promoverá a adopción das medidas que faciliten esa interoperabilidade. Neste senso, procede salientar que a Unión Europea promove a adopción dun estándar de identificación e descrición das normas denominado European Law Identifier/Identificador europeo de lexislación (ELI), que ten por obxecto facilitar o acceso, o intercambio e a interconexión da información xurídica publicada nos sistemas de información xurídica nacionais e europeos, para poñer en marcha unha verdadeira rede de información legal, dispoñible como un conxunto de datos abertos e susceptibles de reutilización.

O título III, «Da presenza do sector público autonómico na internet», estrutúrase en catro capítulos que regulan a presenza do sector público autonómico na internet como mecanismo para garantir unha adecuada información institucional, administrativa e de prestación de servizos e potenciar unha imaxe institucional homoxénea no acceso aos contidos e aos servizos ofrecidos polo sector público autonómico na internet. Este título dá continuidade aos criterios de coordinación da presenza na internet establecidos polo Decreto 201/2011, do 13 de outubro, polo que se regula a presenza da Administración xeral e do sector público autonómico de Galicia na internet, regulando a Rede integrada da presenza na internet (denominación que pasa a ter a actual Rede integrada de portais da Administración xeral e do sector público autonómico de Galicia), na que se





incorporan como canles ordinarias de presenza na internet, ademais dos portais e das canles sociais e participativas, as aplicacións de dispositivos de mobilidade, coa previsión, tamén, da posible integración na rede daquelas outras vías de relación que os usos sociais convertan en habituais.

Destaca tamén a previsión sobre a organización da presenza na rede arredor do Portal web institucional da Xunta de Galicia [www.xunta.gal](http://www.xunta.gal), a través do cal se poderá acceder á información institucional corporativa e ao resto das iniciativas de presenza na internet promovidas polo sector público autonómico, incluídos os servizos en mobilidade. Igualmente, e como principal referente da presenza do sector público autonómico na internet, así como unha canle de acceso da cidadanía, o Portal web institucional asumirá as funcións do Punto de acceso xeral electrónico.

O título IV, «Do funcionamento dixital do sector público autonómico», regula aqueles elementos *ad intra* para o desenvolvemento da súa actividade. Así, o capítulo I, «Inventario da información administrativa», recolle a ordenación dos conxuntos de datos ou catálogos corporativos que con carácter transversal serven para a clasificación da información e a documentación do sector público autonómico, garantindo a interoperabilidade entre os sistemas e entre as administracións.

O capítulo II, «Funcionamento dixital interno», regula tanto os procesos internos de tramitación administrativa coma a emisión de documentos administrativos, as copias ou as comunicacións internas ou con outras administracións, co obxectivo de incrementar a eficiencia e a produtividade a través dun modelo de xestión dixital máis coordinado, integrado e que teña como eixe a perspectiva da cidadanía.

Merecen especial mención as novidades introducidas polo capítulo III sobre a configuración dixital dos procedementos administrativos e dos servizos como un instrumento de normalización e simplificación dos procedementos administrativos e dos servizos públicos dixitais co obxectivo de lograr unha maior interacción coa cidadanía e as empresas.

No capítulo IV, en materia de identificación e sinatura, tendo en conta a regulación básica contida na Lei 40/2015, do 1 de outubro, de réxime xurídico do sector público, regúlanse os medios de identificación e sinatura que debe empregar o sector público autonómico. Hai que destacar, ademais, a aposta pola modernización dos procedementos administrativos mediante o fomento das actuacións administrativas automatizadas no marco dun procedemento administrativo.

Por outro lado, no capítulo V, «Rexistro do Persoal Funcionario Público Habilitado», créase o rexistro autonómico onde constará o persoal funcionario público habilitado para a expedición de copias auténticas e a realización da identificación e da sinatura electrónicas das persoas interesadas que carezan dos medios electrónicos necesarios. Recóllese, así mesmo, a posibilidade de adhesión voluntaria das administracións públicas de Galicia.

O capítulo VI, «Interoperabilidade dos datos e dos documentos», declara a entidade do sector público autonómico con competencias en desenvolvemento dixital como un nodo de interoperabilidade do sector público autonómico mediante a plataforma de intermediación *pasaXe!*, que prestará funcionalidades comúns para o intercambio de datos e de documentos entre as administracións públicas galegas e o resto das administracións públicas. Destaca, ademais, a definición do alcance do Mapa de interoperabilidade do sector público autonómico, que permitirá ava-



liar a demanda de datos e documentos, atendendo á súa criticidade e ás melloras que achegan, o que permitirá priorizar os traballos de incorporación de servizos do nodo de interoperabilidade.

En materia de arquivos, o capítulo VII, «Arquivo electrónico administrativo», estende o alcance do arquivo a todos os expedientes administrativos do sector público autonómico en tramitación e aos finalizados.

O título V, «Dos medios, da seguridade e da continuidade da infraestrutura dixital», regula, no seu capítulo I, a infraestrutura básica necesaria para dar soporte á administración dixital. Neste senso, a infraestrutura básica deberá asegurar a prestación de todos os servizos dixitais a nivel de posto de traballo.

Como punto básico transversal, o capítulo II, «Medios dixitais para o desempeño da actividade», senta os alicerces para o desenvolvemento do posto de traballo dixital e os seus elementos fundamentais. A este respecto, cómpre salientar a regulación dos elementos fundamentais do plan de actuación para o desenvolvemento do posto de traballo dixital, que permitirá unha mellor adecuación das demandas e das necesidades do persoal empregado público que desenvolve a súa actividade no sector público autonómico.

O capítulo III, «Seguridade da información e protección dos datos», asegura normativamente a protección efectiva da seguridade da información e dos datos persoais conforme as normas previstas no Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE, así como na Lei orgánica 3/2018, do 5 de decembro, de protección de datos persoais e garantía dos dereitos dixitais.

Pola súa parte, o capítulo IV, a respecto do Plan de continuidade dos servizos dixitais, define o alcance dun plan transversal que permita garantir a continuidade dos servizos regulados nesta lei ante incidentes de seguridade. Este plan determinará os requisitos de seguridade, calidade e continuidade, as accións preventivas, correctivas e reactivas e mais o establecemento de responsabilidades que permitan garantir a dispoñibilidade dos servizos dixitais.

O título VI, «Do impulso dixital», busca aproveitar todo o potencial das tecnoloxías da información e a comunicación para a innovación tecnolóxica e o aumento das competencias laborais que requiren máis habilidades dixitais para competir a escala global. Desta forma, o capítulo I, «Marco galego de competencias dixitais», define por primeira vez un proxecto transversal para a cidadanía galega que permitirá acreditar uns coñecementos, unhas capacidades e unhas aptitudes mínimas para contribuír ao desenvolvemento dunha sociedade competente e á mellora das competencias profesionais. A este respecto, cómpre salientar que o Marco galego de competencias dixitais será aplicable na definición das competencias dixitais mínimas do persoal empregado público.

Destaca, así mesmo, a definición da capacitación dixital do persoal empregado público como mecanismo para asegurar unhas competencias dixitais mínimas do persoal empregado público para o exercicio das súas funcións, así como os mecanismos de acreditación dos coñecementos, das capacidades e das aptitudes no ámbito das tecnoloxías da información e as comunicacións.





O capítulo III, sobre o fomento da innovación dixital no sector público autonómico, promove a innovación dixital e a mellora dos servizos públicos a través de medidas de impulso do fomento da innovación dixital no sector público autonómico.

O derradeiro dos títulos da lei, o título VII, «Dos órganos e os instrumentos para a coordinación, a cooperación, a colaboración e o seguimento», incorpora os principios de coordinación no sector público autonómico e de cooperación e colaboración necesarios para o exercicio da actividade administrativa, de modo que a cidadanía poida acceder de forma integral á información relativa a unha materia.

Nesta liña, a Comisión de Seguridade e Goberno Electrónico, órgano creado e regulado no Decreto 73/2014, do 12 de xuño, polo que se crean e regulan os órganos colexiados con competencias en materia de seguridade da información e goberno electrónico da Administración xeral e do sector público autonómico de Galicia, supuxo desde a súa creación o establecemento dunha garantía de integración do principio de transversalidade nas actuacións dixitais do sector público autonómico. Ademais, como instrumento de coordinación do sector público autonómico, créase o Catálogo dos sistemas dixitais, que recollerá as aplicacións, os sistemas de información e as infraestruturas tecnológicas que se utilizan para o funcionamento dixital interno do sector público autonómico, así como para a prestación de servizos á cidadanía e a relación con outras administracións públicas.

O capítulo II enuncia as atribucións que lles corresponden aos distintos órganos e entidades do sector público autonómico competentes en relación coas materias reguladas nesta lei.

No capítulo III, «Colaboración e cooperación entre administracións públicas», cómpre salientar a creación da Comisión de Cooperación Interadministrativa para o Desenvolvemento Dixital, co obxectivo de impulsar un desenvolvemento cohesionado da administración dixital nas administracións públicas de Galicia e de promover a prestación conxunta de servizos dixitais.

No capítulo IV, ante a necesidade de ter un maior control e de mellorar a avaliación dos servizos públicos, créase o Sistema de indicadores da administración dixital, como un sistema para a medición da evolución e do impacto no desenvolvemento dixital do sector público autonómico.

O último dos capítulos, «Observatorio da Sociedade da Información e a Modernización Tecnolóxica de Galicia», aposta pola potenciación do Observatorio como un órgano asesor dixital para a extensión da modernización tecnolóxica da Comunidade Autónoma de Galicia.

Polo que respecta ás disposicións adicionais, hai que salientar aquelas referidas á continuidade dos servizos das tecnoloxías, a información e a comunicación (TIC) ante calquera indispoñibilidade e os instrumentos de avaliación da calidade na contratación dos servizos TIC en aplicación do principio de eficacia e eficiencia na prestación dos servizos públicos dixitais.

O resto das disposicións incluídas na parte final dedícanse, de xeito fundamental, a recoller as previsións necesarias para un axeitado tránsito á nova regulación, tendo en conta, en especial, que determinadas previsións da Lei 39/2015, do 1 de outubro, aínda non se atopan en vigor consonte o disposto na disposición derradeira sétima da dita lei, na redacción dada polo Real decreto lei 11/2018, do 31 de agosto. Introdúcense, ademais, as seguintes modificacións normativas: unha



modificación puntual na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, en relación coas copias auténticas; unha modificación da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, en relación co funcionamento dixital dos órganos colexiados, e unha modificación da Lei 7/2014, do 26 de setembro, de arquivos e documentos de Galicia, para un mellor aliñamento do Arquivo electrónico administrativo con esta normativa. Por último, a lei establece o mandato para o seu desenvolvemento regulamentario e a previsión sobre a súa entrada en vigor.

## TÍTULO PRELIMINAR

### Disposicións xerais

#### Artigo 1. *Obxecto*

1. Esta lei ten por obxecto regular o modelo de administración dixital no sector público autonómico, procedendo a desenvolver a normativa básica estatal en materia de administración electrónica, a complementar e a fomentar a adopción das medidas precisas para incorporar o potencial das tecnoloxías dixitais no deseño das políticas públicas, na modernización do sector público autonómico e no impulso da economía galega, coa finalidade última da prestación de servizos públicos dixitais de calidade.

2. Para estes efectos, a lei regula o réxime xurídico da utilización dos medios electrónicos por parte do sector público galego no desenvolvemento da súa actividade e nas súas relacións coa cidadanía, coas demais administracións públicas e coas empresas e as entidades, as infraestruturas e os servizos do sector público galego, as medidas para o desenvolvemento dixital na sociedade con criterios de inclusión e non-discriminación e os órganos con competencias en relación coa administración dixital.

#### Artigo 2. *Ámbito de aplicación*

Esta lei será aplicable:

a) Ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, pola Administración xeral e as entidades instrumentais.

Malia o anterior, non serán aplicables ás entidades instrumentais de dereito privado previstas na alínea b) do artigo 45 da Lei 16/2010, do 17 de decembro, aqueles preceptos da lei cuxa aplicación se restrinja expresamente ás entidades públicas instrumentais, así como aqueles que, segundo o caso, non resulten aplicables en atención á natureza das ditas entidades e ao réxime xurídico ao que deban quedar sometidas as concretas funcións desenvolvidas por elas.

b) Á cidadanía nas súas relacións co sector público autonómico de Galicia.

Para estes efectos, as referencias aos cidadáns e ás cidadás comprenderán as persoas físicas, as persoas xurídicas e, cando legalmente teñan recoñecida capacidade de obrar perante as administracións públicas, os grupos de afectados, as unións e entidades sen personalidade xurídica e mais os patrimonios independentes ou autónomos.



c) Nos casos en que así se indique expresamente, ás relacións entre o sector público autonómico e as restantes administracións públicas, dentro do ámbito territorial da Comunidade Autónoma de Galicia, con pleno respecto ás competencias destas.

### Artigo 3. *Fins da lei*

Son fins desta lei:

a) A garantía do exercicio dos dereitos recoñecidos nos artigos 13 e 53 da Lei 39/2015, do 1 de outubro, do procedemento administrativo común das administracións públicas, nas relacións electrónicas co sector público autonómico de Galicia, promovendo unha administración pública aberta, transparente, accesible, eficaz e eficiente.

b) A modernización do sector público autonómico, coa aplicación das tecnoloxías existentes en cada momento, de modo que a actividade pública sexa máis transparente, áxil, responsable e innovadora.

c) A efectividade dos dereitos á calidade dos servizos públicos e a unha boa administración recoñecidos nos artigos 2 e 3 da Lei 1/2015, do 1 de abril, de garantía da calidade dos servizos públicos e da boa administración; todo iso baixo os principios, recollidos no artigo 4 da mesma lei, de calidade, simplificación, claridade, boa fe, imparcialidade, confianza lexítima, proximidade á cidadanía, coordinación e cooperación coas outras administracións públicas.

d) O fomento do uso das tecnoloxías da información co obxectivo de asegurar os principios de simplificación, racionalización administrativa e redución de cargas a que fai referencia o artigo 4 da Lei 14/2013, do 26 de decembro, de racionalización do sector público autonómico.

e) O impulso do uso da identificación electrónica e dos servizos de confianza para as transaccións dixitais.

f) A capacitación da cidadanía en competencias dixitais, co obxectivo de favorecer un desenvolvemento social inclusivo e integrador, impulsar a participación plena en todos os ámbitos da vida, protexer os seus dereitos en relación coas administracións públicas e contribuír ao desenvolvemento económico de Galicia.

g) A regulación da infraestrutura e dos sistemas tecnolóxicos que habilitan o funcionamento dixital do sector público autonómico de Galicia.

h) A cooperación interadministrativa e a reutilización dos servizos e dos compoñentes técnicos como mecanismo esencial para asegurar a interoperabilidade. Esta cooperación prestará especial atención á Administración local galega, para o que se abordarán as necesarias medidas de fomento e apoio.

### Artigo 4. *Principios xerais de actuación*

Para a consecución dos fins enumerados no artigo anterior, o sector público autonómico axustará a súa actuación aos seguintes principios xerais:



a) Mellorar a prestación dos servizos públicos e o funcionamento do sector público autonómico aproveitando as capacidades das tecnoloxías da información e a comunicación, de acordo cos principios e as normas de calidade, eficacia, transparencia e boa administración previstos na Lei 1/2015, do 1 de abril, de garantía da calidade dos servizos públicos e da boa administración, e na Lei 1/2016, do 18 de xaneiro, de transparencia e bo goberno.

b) Facer efectivo o principio de igualdade e non-discriminación, co obxectivo de que o uso de medios electrónicos non poida implicar en ningún caso a existencia de discriminacións para os cidadáns e as cidadás, tanto respecto do acceso á prestación de servizos públicos coma respecto de calquera actuación ou procedemento, así como por razón de discapacidade ou dificultades especiais. Así mesmo, garantir a accesibilidade dos sistemas, das aplicacións, dos sitios web e das aplicacións para dispositivos móbiles.

Este punto terá en conta o disposto no Real decreto lexislativo 1/2013, do 29 de novembro, polo que se aproba o Texto refundido da Lei xeral de dereitos das persoas con discapacidade e da súa inclusión social.

c) Asegurar a interoperabilidade dos servizos, os sistemas e a información cos doutras administracións públicas, coa finalidade de contribuír a homoxeneizar o marco electrónico de relación entre o sector público autonómico e a cidadanía, así como a favorecer a optimización e o aproveitamento dos recursos.

d) Garantir a seguridade da información e a protección das persoas físicas no que respecta ao tratamento dos datos persoais, mediante un trato responsable e transparente dos datos, coa aplicación dos principios relativos ao tratamento previstos na normativa en materia de protección de datos.

e) Asegurar a integridade, a autenticidade, a confidencialidade, a calidade, a protección e a conservación dos documentos que as persoas interesadas acheguen ao procedemento administrativo, de acordo co previsto no Real decreto 3/2010, do 8 de xaneiro, polo que se regula o Esquema nacional de seguridade no ámbito da administración electrónica.

f) Facer efectiva a garantía dos dereitos dixitais previstos na Lei orgánica 3/2018, do 5 de decembro, de protección de datos persoais e garantía dos dereitos dixitais.

f *bis*) Adoptar as medidas necesarias para que o deseño dos servizos, dos trámites e dos procedementos sexa conforme co obxectivo de reducir as cargas, os custos e os prazos de resolución dos procedementos administrativos, co obxecto de acadar a maior eficacia, eficiencia e economía na actividade administrativa.

f *ter*) Garantir o uso normal da lingua galega en todas as plataformas, os procedementos e os servizos da administración dixital, así como potenciar o desenvolvemento de ferramentas tecnolóxicas en galego e en estándares abertos.

f *quater*) Facer efectiva a participación plena de toda a cidadanía, evitando a fenda tecnolóxica e a exclusión por razóns de xénero, xeográficas, xeracionais, económicas, de diversidade funcional, culturais ou sociais.



### Artigo 5. *Servizos públicos dixitais*

1. A Administración xeral e as entidades públicas instrumentais do sector público autonómico de Galicia promoverán a utilización das tecnoloxías da información e das técnicas avanzadas de tratamento dos datos para poñer á disposición da cidadanía unhas novas actividades prestacionais que, asumidas como propias no exercicio das súas competencias, permitan a mellor satisfacción dos intereses xerais, respectando as previsións e as exixencias da Lei 1/2015, do 1 de abril, de garantía da calidade dos servizos públicos e da boa administración.

2. En particular, promoverán o desenvolvemento dos servizos públicos dixitais que:

a) Atendan de xeito personalizado a cidadanía, tendo en conta as súas circunstancias.

b) Promovan a prestación de servizos conxuntos entre os órganos da Administración xeral ou os órganos das entidades públicas instrumentais do sector público autonómico, orientados á atención das necesidades da sociedade.

c) Promovan actuacións simplificadas ou automatizadas que reduzan os tempos de atención ou de resolución administrativa.

d) Teñan en conta as características especiais do medio rural, tanto na súa dispersión coma na dispoñibilidade de medios de acceso aos servizos públicos dixitais.

*2 bis.* En todo caso, o emprego de procedementos administrativos electrónicos ou dixitais non supoñerá ningunha modificación da natureza e dos efectos dos servizos ou actos administrativos, nin implicará a eliminación, a redución ou o condicionamento indebido dos dereitos recoñecidos ou atribuídos á cidadanía.

### Artigo 5 bis. *Cooperación na prestación dos servizos públicos dixitais*

Coa finalidade de mellorar a atención á cidadanía e de simplificar a súa relación coa administración pública, promoverase a identificación e o deseño de servizos dixitais que inclúan as actuacións coordinadas e complementarias coas restantes administracións do territorio, potenciando a mellora na atención á cidadanía mediante o uso de ferramentas e de medios electrónicos que soporten esa coordinación entre administracións.

### Artigo 6. *Deberes no acceso e na utilización dos servizos públicos dixitais*

1. Os cidadáns e as cidadás teñen o deber de utilizar os servizos públicos dixitais que se poñan á súa disposición de xeito adecuado, co respecto das normas de uso, xerais ou específicas, que se establezan para cada un dos servizos.

2. En particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e respectar a normativa en materia de protección de datos de carácter persoal.



### Artigo 7. *Acceso aos servizos públicos dixitais*

1. A Administración xeral e as entidades públicas instrumentais do sector público autonómico de Galicia garantirán o acceso aos servizos públicos dixitais que se poñan á disposición da cidadanía, para o seu emprego nas relacións coas administracións públicas.

2. Para facilitar o acceso aos servizos públicos dixitais, a Administración xeral e as entidades públicas instrumentais do sector público autonómico de Galicia:

a) Promoverán as medidas necesarias para que a cidadanía teña o acceso á provisión dos medios de identificación e de sinatura electrónicos.

b) Poñerán á disposición nos edificios administrativos os medios de acceso para a utilización dos servizos públicos dixitais.

c) Facilitarán o uso das canles de acceso aos servizos públicos dixitais e establecerán canles de atención e axuda para o uso adecuado deles, así como preverán os mecanismos para a continuidade dos servizos públicos no caso de indispoñibilidades tecnolóxicas.

### Artigo 8. *Acceso da comunidade galega no exterior aos servizos públicos dixitais*

1. A Xunta de Galicia determinará as medidas necesarias para garantir que os cidadáns galegos e as cidadás galegas residentes fóra de Galicia e mais as entidades galegas asentadas fóra de Galicia teñan acceso por medios electrónicos aos servizos públicos dixitais que lles sexan aplicables, con especial atención ás medidas necesarias para asegurar a provisión dos medios de identificación e sinatura electrónicos abondos para o acceso a tales servizos públicos dixitais.

2. Para estes efectos, a Administración xeral e as entidades públicas instrumentais do sector público autonómico, adoptarán as medidas funcionais, técnicas e organizativas necesarias e dirixidas a facer efectivo o exercicio deste acceso.

### Artigo 9. *Obrigatoriedade de emprego dos medios electrónicos*

1. No ámbito do sector público autonómico estarán obrigados a relacionarse a través dos medios electrónicos para a realización de calquera trámite dun procedemento administrativo, ademais dos indicados no artigo 14.2 da Lei 39/2015, do 1 de outubro, do procedemento administrativo común das administracións públicas, os seguintes suxeitos:

a) Os traballadores autónomos e as traballadoras autónomas para os trámites e as actuacións que realicen no exercicio da súa actividade profesional.

b) O estudiantado universitario para os trámites e as actuacións que realicen motivados pola súa condición académica.

c) As persoas que representen un suxeito obrigado dos anteriormente indicados.



2. Consonte o artigo 14.3 da Lei 39/2015, do 1 de outubro, regulamentariamente poderase establecer a obriga de relacionarse a través dos medios electrónicos co sector público autonómico para determinados procedementos e certos colectivos de persoas físicas respecto dos cales, por razón da súa capacidade económica, técnica, dedicación profesional ou outros motivos, quede acreditado que teñen o acceso e a dispoñibilidade dos medios electrónicos necesarios.

3. No caso específico dos procedementos para a concesión de axudas e subvencións, as correspondentes bases reguladoras poderán establecer a obrigatoriedade do emprego dos medios electrónicos, sempre que se xustifique nelas a concorrencia das circunstancias indicadas na alínea anterior, de acordo coa memoria que para o efecto se inclúa no procedemento necesario para a súa aprobación.

4. Do mesmo xeito, e de conformidade co artigo 16.5 da Lei 39/2015, do 1 de outubro, regulamentariamente poderase establecer a obriga de presentar determinados documentos por medios electrónicos para certos procedementos e colectivos de persoas físicas respecto dos cales, por razón da súa capacidade económica, técnica, dedicación profesional ou outros motivos, quede acreditado que teñen o acceso e a dispoñibilidade dos medios electrónicos necesarios.

#### Artigo 10. *Subministración única de datos*

1. A Administración xeral e as entidades instrumentais do sector público autonómico adoptarán as medidas tendentes a garantir, con suxeición á normativa vixente en materia de protección de datos, que os cidadáns e as cidadás faciliten unha mesma información só unha vez.

Para estes efectos, e respectando as exigencias impostas pola dita normativa, establece-ranse os mecanismos que permitan a reutilización interna dos datos facilitados polas persoas que se relacionan co sector público autonómico co obxectivo de reducir as súas cargas administrativas.

2. A Administración xeral e as entidades instrumentais do sector público autonómico poñerán á disposición dos cidadáns e das cidadás, de xeito individualizado e con plenas garantías de seguridade, continuidade, privacidade e protección de datos, a información e os datos por eles ou elas subministrados, co obxectivo de que poidan acceder ou modificar os seus propios datos e coñecer os procedementos nos cales teñan a condición de persoa interesada.

3. Serán aplicables as previsións do artigo 28 da Lei 39/2015, do 1 de outubro, do procedemento administrativo común das administracións públicas, e da disposición adicional oitava da Lei orgánica 3/2018, do 5 de decembro, de protección de datos persoais e garantía dos dereitos dixitais, así como da restante normativa aplicable.

#### Artigo 11. *Igualdade dixital*

1. A Administración xeral e as entidades instrumentais do sector público autonómico de Galicia promoverán as actuacións necesarias para facilitar a relación dixital das persoas con discapacidade, con especial atención ás persoas con discapacidade intelectual ou sensorial, para o pleno exercicio dos seus dereitos e das súas obrigas ao amparo desta lei.





2. A Administración xeral e as entidades instrumentais do sector público autonómico de Galicia impulsarán as medidas para eliminar todas as dificultades de relación dixital por razón de xénero. Así mesmo, prestarán especial atención aos factores que poidan agravar as dificultades de relación dixital, en particular a idade, a localización no medio rural ou a situación de precariedade económica ou de exclusión social.

3. A Administración xeral e as entidades instrumentais do sector público autonómico de Galicia promoverán uns programas dirixidos a fomentar a autonomía dixital dos colectivos en risco de exclusión dixital.

Para estes efectos, considéranse colectivos en risco de exclusión dixital aqueles que polas súas circunstancias educativas, sociais, culturais ou económicas carezan da posibilidade de acceder aos servizos electrónicos do sector público autonómico en condicións de igualdade cos restantes colectivos.

#### Artigo 12. *Usos lingüísticos*

1. Nas relacións da cidadanía co sector público autonómico por canles dixitais, os contidos e os servizos garantirán o uso normal do galego e do castelán. Adicionalmente poderanse incluír noutras linguas contidos ou servizos para os que se considere de interese en prol de acadar unha mellor difusión.

2. Os contidos e os servizos dixitais establecerán o galego como lingua de contacto inicial. O castelán será tamén lingua de uso nos contidos e nos servizos dixitais.

#### Artigo 13. *Capacitación dixital*

1. A Xunta de Galicia deberá desenvolver un modelo de acreditación oficial dos coñecementos, das capacidades e das aptitudes no ámbito das tecnoloxías da información e as comunicacións que posibilite o recoñecemento das competencias dixitais dos cidadáns e das cidadás.

2. A Administración xeral e as entidades instrumentais do sector público autonómico de Galicia promoverán, no seu ámbito competencial, actuacións para fomentar a capacitación dixital da cidadanía, como medida para facer efectivo o principio de igualdade fronte á administración dixital, así como para facilitar a participación cidadá nos procedementos do sector público autonómico e, en último termo, aproveitar o impulso das tecnoloxías dixitais para o desenvolvemento da economía galega.

#### Artigo 14. *Efectividade das medidas previstas na lei*

A Xunta de Galicia establecerá uns mecanismos e procedementos que permitan avaliar as medidas previstas nesta lei, entre os cales han figurar os seguintes:

a) Incluíranse no Sistema de indicadores da administración dixital uns indicadores específicos sobre os dereitos e os principios enunciados nesta lei. Para estes efectos, poderase solicitar o asesoramento dos órganos do sector público autonómico con competencias en relación cos dereitos e os principios sinalados ou dos colectivos aos que singularmente afecten.





b) O Plan xeral de mellora da calidade dos servizos públicos, previsto no artigo 20 da Lei 1/2015, do 1 de abril, de garantía da calidade dos servizos públicos e da boa administración, terá en consideración, para a elaboración dos seus obxectivos estratéxicos e programas operativos, as propostas de actuación resultantes da análise dos indicadores, por proposta da Comisión de Seguridade e Goberno Electrónico.

## TÍTULO I Das relacións coa cidadanía

### CAPÍTULO I Sede electrónica

#### Artigo 15. *Sede electrónica da Xunta de Galicia*

1. A sede electrónica da Xunta de Galicia é o enderezo electrónico dispoñible para a cidadanía nos termos establecidos no artigo 38 da Lei 40/2015, do 1 de outubro, de réxime xurídico do sector público.

2. O ámbito de aplicación da sede electrónica da Xunta de Galicia abrangue o conxunto de órganos e entidades que configuran o sector público autonómico de Galicia.

#### Artigo 16. *Contido da sede electrónica da Xunta de Galicia*

1. A sede electrónica da Xunta de Galicia facilitará a seguinte información:

a) A identificación do enderezo electrónico de referencia da sede, do seu titular e do seu ámbito de aplicación, así como dos servizos postos á disposición da cidadanía nela.

b) Os textos íntegros das normas de creación da sede electrónica e do Rexistro Electrónico Xeral.

c) A data e a hora oficial e mais os días declarados como inhábiles para os efectos do cómputo dos prazos.

d) A relación dos sistemas de identificación e de sinatura que son admitidos na sede electrónica, así como os trámites e os procedementos para os que son admitidos.

e) A relación dos sistemas de identificación e de sinatura que son utilizados pola sede electrónica.

f) A Guía de procedementos e servizos, recollida na Lei 14/2013, do 26 de decembro, de racionalización do sector público autonómico, que incluírá a relación dos procedementos e dos servizos á disposición da cidadanía, con indicación do seu obxecto, das persoas beneficiarias, dos requisitos e os documentos necesarios, dos prazos de presentación e de resolución, do sentido do silencio, do nivel de interactividade na tramitación e das canles de presentación, así como a normativa aplicable. Ademais, incorporará os formularios normalizados que sexan aplicables en cada un deles. A Guía de procedementos e servizos inclúe a relación actualizada dos trámites que poden iniciarse no Rexistro Electrónico Xeral ao que dá acceso a sede electrónica.



g) A relación das actuacións administrativas automatizadas no sector público autonómico e os selos electrónicos ou os outros mecanismos utilizados para a súa sinatura, se é o caso.

h) A información relativa ás indisponibilidades do servizo por incidencias técnicas, e, no caso de ampliación dun prazo derivada dunha incidencia técnica, a incidencia técnica acontecida e mais a ampliación concreta do prazo non vencido.

i) Os formatos admitidos para a presentación electrónica de documentos no Rexistro Electrónico Xeral.

j) O directorio xeorreferenciado da Rede de oficinas de atención á cidadanía e de rexistro, que lles permita ás persoas identificaren a oficina máis próxima ao seu enderezo, con indicación dos días e do horario en que permanecen abertas, así como a relación actualizada das oficinas en que se prestará asistencia para a presentación electrónica de documentos.

k) A información necesaria para a correcta utilización da sede, incluíndo o mapa da sede electrónica, con especificación da estrutura de navegación e as distintas seccións dispoñibles, así como o acceso á información relacionada coa propiedade intelectual, a protección de datos persoais e a accesibilidade da sede electrónica.

2. Ademais, a sede electrónica da Xunta de Galicia permitirá:

a) O acceso ao Rexistro Electrónico Xeral para a presentación electrónica de solicitudes, escritos, comunicacións e documentos.

b) O acceso ao Rexistro Electrónico Xeral para a presentación de queixas ou suxestións.

c) O acceso personalizado á Carpeta cidadá da Xunta de Galicia

d) O outorgamento de apoderamentos *apud acta* mediante a comparecencia electrónica na sede electrónica por parte de quen teña a condición de persoa interesada nun procedemento administrativo.

e) A consulta personalizada das transmisións de datos ou de documentos entre administracións públicas efectuadas con motivo da realización dun trámite ou unha consulta.

f) A práctica de notificacións administrativas por comparecencia na sede electrónica.

g) A solicitude de emisión de copias auténticas dos documentos públicos administrativos.

h) A comprobación da autenticidade e da integridade dos documentos electrónicos emitidos polos órganos e as entidades incluídos no ámbito de aplicación da sede electrónica.

i) O acceso ao *Diario Oficial de Galicia*.

3. Así mesmo, a sede electrónica da Xunta de Galicia incorporará calquera outro contido exixido pola normativa vixente, e poderá incorporar outras informacións, contidos ou servizos de interese para a cidadanía.



### Artigo 17. *Titularidade e responsabilidade*

1. A titularidade da sede electrónica da Xunta de Galicia correspóndelles á Administración xeral da Comunidade Autónoma de Galicia e ás entidades públicas instrumentais incluídas no seu ámbito.

2. Corresponderalle á consellaría con competencias en materia de administracións públicas a coordinación, cos órganos e as entidades do sector público autonómico, dos contidos e dos servizos dispoñibles na sede electrónica da Xunta de Galicia.

3. A entidade do sector público autonómico con competencias en desenvolvemento dixital será a responsable dos contidos e dos servizos comúns dispoñibles na sede electrónica, da xestión tecnolóxica e da continuidade, a accesibilidade e a seguridade da sede electrónica da Xunta de Galicia.

4. A responsabilidade dos contidos postos á disposición da cidadanía na sede electrónica da Xunta de Galicia e relativos ao ámbito de actuación dun órgano da Administración xeral da Comunidade Autónoma ou dunha entidade pública instrumental do sector público autonómico será, respectivamente, da secretaría xeral ou secretaría xeral técnica da consellaría ou do órgano executivo da entidade pública instrumental correspondente. No caso dos contidos relativos ás outras entidades instrumentais, a responsabilidade corresponderalle á consellaría de adscrición.

### Artigo 18. *Outras sedes electrónicas*

1. Excepcionalmente, as entidades públicas instrumentais, por razóns de eficacia, de eficiencia e de interese xeral derivadas da concorrencia de circunstancias especiais, poderán crear as súas propias sedes electrónicas de acordo coas condicións e cos requisitos que se establezan regulamentariamente.

2. Na norma de creación concretaranse o seu ámbito específico de actuación así como os servizos específicos que prevexa. No relativo aos contidos e aos servizos comúns coa sede electrónica da Xunta de Galicia vincularanse a esta última.

3. A creación ou a supresión dunha sede electrónica corresponderalle ao Consello da Xunta de Galicia, consonte o establecido no artigo 117.

4. Na sede electrónica da Xunta de Galicia habilitarase o acceso ás sedes electrónicas que se creen ao amparo deste artigo.

## CAPÍTULO II

### **Carpeta cidadá da Xunta de Galicia**

#### Artigo 19. *A Carpeta cidadá da Xunta de Galicia*

1. A Carpeta cidadá da Xunta de Galicia é o conxunto estruturado de información e documentos en formato electrónico relativo ás relacións administrativas de cada persoa interesada, xerada nas súas relacións administrativas ordinarias co sector público autonómico de Galicia.



2. Así mesmo, forma parte da Carpeta cidadá da Xunta de Galicia a información de contacto, a de circunstancias persoais e a outra información ou documentación achegada voluntariamente pola cidadanía na súa relación co sector público autonómico.

3. A Carpeta cidadá é única para o conxunto de órganos e entidades do sector público autonómico de Galicia.

#### Artigo 20. *Finalidade da Carpeta cidadá da Xunta de Galicia*

A Carpeta cidadá da Xunta de Galicia terá como finalidade:

a) Achegar de forma personalizada a administración á cidadanía, facilitándolle o acceso ao estado de tramitación dos seus expedientes administrativos, simplificando as relacións administrativas e promovendo a prestación de servizos personalizados.

b) Facilitar o acceso por parte dos cidadáns e das cidadás á información, tanto de carácter persoal coma de carácter administrativo, que respecto deles e delas estea dispoñible no sector público autonómico, de xeito ordenado e sinxelo.

c) Dispoñer de información actualizada e de calidade e de contacto coa cidadanía para utilizala de xeito preferente nas relacións con ela, sempre que non se indiquen outros medios específicos para un determinado procedemento ou servizo, e recoller informacións doutras circunstancias persoais facilitadas polos cidadáns e as cidadás.

d) A elaboración de actividades estatísticas orientadas a satisfacer as necesidades das persoas usuarias, a avaliación das políticas públicas e a toma de decisións, con suxeición ás exixencias derivadas da normativa en materia de protección de datos de carácter persoal.

e) Garantir que os cidadáns e as cidadás faciliten a mesma información unha soa vez nos termos previstos no artigo 10.

#### Artigo 21. *Contido da Carpeta cidadá da Xunta de Galicia*

Formará parte da Carpeta cidadá da Xunta de Galicia a seguinte información:

a) Os datos persoais achegados polos cidadáns e as cidadás. En particular, os datos de identidade, correo electrónico e enderezo preferente para os efectos de notificación que queiran utilizar na tramitación dos procedementos, de non especificaren outros datos distintos para un procedemento concreto.

b) Os expedientes tramitados no ámbito do artigo 19.1, nos cales se teña a condición de persoa interesada, incluíndo os documentos, as informacións relacionadas e o estado da tramitación.

c) Os apoderamentos inscritos no Rexistro Electrónico Apoderamentos de Galicia, creado no artigo 39.

d) As notificacións das resolucións e dos actos administrativos.



e) Aquela que permita o acceso á información de ámbito especializado, sempre que se dea cumprimento aos requisitos de acceso necesarios segundo o ámbito de que se trate.

f) Outra documentación ou información que, en función da evolución dos servizos dixitais e coas debidas garantías de seguridade e protección de datos, poida conter a Carpeta cidadá da Xunta de Galicia para dar cumprimento aos fins previstos no artigo anterior.

#### Artigo 22. *Acceso á Carpeta cidadá*

1. O acceso das persoas interesadas á súa Carpeta cidadá, dispoñible na sede electrónica da Xunta de Galicia, farase coas garantías de seguridade necesarias, logo da identificación electrónica por calquera dos sistemas de identificación admitidos pola sede electrónica, e deberá permitir:

a) O acceso por parte das persoas interesadas ao contido da súa carpeta, así como obter unha copia dos datos e documentos que nela se conteñan.

b) (Sen contido.)

c) Prestar o seu consentimento e retiralo para o tratamento dos seus datos persoais co obxecto de prestar servizos proactivos personalizados, así como manifestar a súa vontade de non recibir información sobre a prestación de servizos proactivos.

2. O acceso á Carpeta cidadá por parte do persoal do sector público autonómico estará suxeito ao réxime previsto na normativa de protección de datos de carácter persoal.

#### Artigo 23. *Responsabilidades*

1. Os distintos órganos da Administración xeral e das entidades instrumentais do sector público autonómico de Galicia garantirán a permanente actualización e veracidade da información e dos contidos da Carpeta cidadá dentro dos seus ámbitos competenciais.

2. A entidade do sector público autonómico con competencias en desenvolvemento dixital será a encargada da xestión tecnolóxica dos sistemas de soporte da Carpeta cidadá da Xunta de Galicia. Esta entidade adoptará as medidas necesarias para que as condicións de identificación, accesibilidade, continuidade, integridade e seguridade respondan ás exixencias normativas vixentes.

3. A persoa interesada será responsable da veracidade da información que achegue.

#### Artigo 24. *Servizos proactivos personalizados*

1. A partir da información dispoñible na Carpeta cidadá sobre as persoas interesadas, a Administración xeral e as entidades instrumentais do sector público autonómico poderán ofrecer, de forma proactiva, servizos personalizados no exercicio das súas funcións e competencias, relativos ás súas preferencias persoais, aos seus intereses, sempre que se apliquen as medidas adecuadas para a protección dos dereitos, das liberdades e dos intereses lexítimos das persoas destinatarias.



2. Para o tratamento dos datos persoais necesarios para a prestación dos servizos sinalados neste precepto será necesario que a persoa interesada preste o seu consentimento, nos termos previstos na normativa de protección de datos de carácter persoal, debendo subministrárselle a aquela a información exixida pola dita normativa.

O tratamento exixirá a adopción das medidas de seguridade necesarias conforme o disposto no Esquema nacional de seguridade no ámbito da administración electrónica e na normativa en materia de protección de datos de carácter persoal.

A persoa interesada terá dereito a retirar o seu consentimento en calquera momento.

Consonte o artigo 9.1 da Lei orgánica 3/2018, do 5 de decembro, de protección de datos persoais e garantía dos dereitos dixitais, o só consentimento da persoa afectada non abonda para levantar a prohibición de tratamento de datos cuxa finalidade principal sexa identificar a súa ideoloxía, afiliación sindical, relixión, orientación sexual, crenzas ou orixe racial ou étnica.

3. As persoas interesadas poderán decidir e comunicar, en calquera momento e a través da Carpeta cidadá, a súa vontade para que o sector público autonómico lles preste, ou deixe de prestar, servizos proactivos personalizados.

### CAPÍTULO III Sistema único de rexistro

#### *Sección 1ª. Composición do sistema*

#### Artigo 25. Sistema único de rexistro

1. O Sistema único de rexistro é o conxunto de órganos e unidades que realizan funcións de rexistro de entrada e saída de cantas solicitudes, escritos, comunicacións e documentos se reciban ou remitan na Administración xeral e nas entidades instrumentais do sector público autonómico, para a súa debida constancia, co fin de facer real e efectivo o principio de proximidade á cidadanía.

2. O Sistema único de rexistro está integrado pola Rede de oficinas de atención á cidadanía e de rexistro, polo Rexistro Electrónico Xeral e, de existiren, polos rexistros electrónicos das entidades públicas instrumentais do sector público autonómico que se creen conforme o previsto na alínea 4.

3. Non terán a condición de rexistro electrónico as caixas de correo electrónico corporativo asignadas ao persoal empregado público ou aos órganos ou ás unidades, nin tampouco os dispositivos de recepción de fax ou outras canles electrónicas non integradas co rexistro, agás nos supostos expresamente previstos no ordenamento xurídico.

4. Excepcionalmente, as entidades públicas instrumentais do sector público autonómico de Galicia, por razóns de eficacia, eficiencia e de interese xeral derivadas da concorrencia de circunstancias especiais, poderán crear o seu propio rexistro electrónico de acordo coas condicións e cos requisitos que se establezan regulamentariamente. Estes rexistros deberán ser plenamente inte-



roperables, estar interconectados co Rexistro Electrónico Xeral e cumprir coas garantías e as medidas de seguridade previstas na lexislación en materia de protección de datos de carácter persoal.

5. O Sistema único de rexistro dependerá da consellaría competente en materia de administracións públicas.

### *Sección 2ª. Rexistro Electrónico Xeral*

#### *Artigo 26. Rexistro Electrónico Xeral*

No Rexistro Electrónico Xeral farase o correspondente asento de todo documento que sexa presentado ou se reciba en calquera órgano administrativo da Administración xeral ou dunha entidade instrumental do sector público autonómico de Galicia. Tamén se poderá anotar nel a saída dos documentos oficiais dirixidos a outros órganos ou particulares.

#### *Artigo 27. Interoperabilidade do Rexistro Electrónico Xeral e protección dos datos de carácter persoal*

1. O Rexistro Electrónico Xeral facilitará o acceso aos rexistros electrónicos das entidades públicas instrumentais do sector público autonómico, de os haber.

2. O Rexistro Electrónico Xeral cumprirá coas garantías e as medidas de seguridade previstas na lexislación en materia de protección de datos de carácter persoal.

3. De acordo co artigo 16.4 da Lei 39/2015, do 1 de outubro, do procedemento administrativo común das administracións públicas, o Rexistro Electrónico Xeral será plenamente interoperable cos das demais administracións públicas, de modo que se garanta a súa compatibilidade informática e interconexión, así como a transmisión telemática dos asentos rexistrados e dos documentos que se presenten en calquera dos rexistros.

#### *Artigo 28. Acceso ao Rexistro Electrónico Xeral*

1. O acceso da cidadanía ao Rexistro Electrónico Xeral para a presentación electrónica de solicitudes, escritos, comunicacións e documentos estará dispoñible a través da sede electrónica da Xunta de Galicia.

2. O Rexistro Electrónico Xeral permitirá a presentación de solicitudes, escritos, comunicacións e documentos todos os días do ano durante as vinte e catro horas. Regulamentariamente regularase a posibilidade de interrupción temporal do funcionamento do Rexistro Electrónico Xeral por motivos xustificadas de carácter técnico, así como os supostos en que, de acordo coas condicións de uso do servizo, se poderán rexeitar os documentos electrónicos que se presenten e os efectos do seu rexeitamento.

3. O Rexistro Electrónico Xeral dispoñerá duns modelos e habilitará uns sistemas para a presentación conxunta de solicitudes para aqueles procedementos que regulamentariamente se determine, co fin de facilitar a automatización da súa presentación por parte das persoas interesadas e a súa tramitación pola administración.



### Artigo 29. *Anotacións dos asentos*

1. A recepción e a remisión de solicitudes, escritos e comunicacións xerarán os asentos correspondentes no rexistro. Para a realización dos asentos e para a súa consulta utilizaranse medios electrónicos seguros.

2. Por cada recepción ou remisión de solicitudes, escritos e comunicacións, o sistema informático que dea soporte ao Rexistro Electrónico Xeral realizará un asento de entrada ou de saída, respectivamente, e asociará a cada asento a documentación complementaria presentada ou remitida, especificando o número, a pegada dixital e a denominación dos documentos que se xuntan.

3. Os asentos do rexistro anotarase respectando a orde temporal de recepción ou saída.

4. O Rexistro garantirá a constancia, en cada asento que se practique, dun número de rexistro, unha epígrafe expresiva da súa natureza, a data e a hora da súa presentación ou remisión, a identificación da persoa interesada, o órgano administrativo remitente, de proceder, a persoa ou o órgano destinatario e, de proceder tamén, unha referencia ao número de expediente, así como unha referencia ao contido da solicitude, do escrito, da comunicación ou do documento que se rexistra.

### Artigo 30. *Recibos acreditativos da presentación*

1. O Rexistro Electrónico Xeral xerará automaticamente un recibo consistente nunha copia autenticada do documento de que se trate, no que se inclúe a data e a hora de presentación e o número de rexistro, así como un recibo acreditativo doutros documentos que, se for o caso, o acompañen, que garanta a súa integridade e non-repudiación.

2. Regularase o sistema de recuperación dos recibos no caso de fallo técnico ou cando concorran outras circunstancias que poidan impedir a súa correcta recepción por parte da persoa destinataria.

### Artigo 31. *Cómputo de prazos*

1. O cómputo dos prazos no Rexistro Electrónico Xeral rexerase polo establecido no artigo 31 da Lei 39/2015, do 1 de outubro, do procedemento administrativo común das administracións públicas.

2. De acordo co disposto no dito precepto, o Rexistro Electrónico Xeral rexerase, para os efectos do cómputo dos prazos, pola data e a hora oficial da sede electrónica de acceso, que será a sede electrónica da Xunta de Galicia.

3. A sede electrónica mostrará nun lugar facilmente visible e accesible a data e a hora oficial, que será a que conste como data e hora da operación, e para garantir a súa integridade adoptaranse as medidas de seguridade necesarias.





*Sección 3ª. Rede de oficinas de atención á cidadanía e de rexistro**Artigo 32. Composición*

1. A Rede de oficinas de atención á cidadanía e de rexistro constitúena as oficinas que desenvolven as funcións de asistencia en materia de rexistros e no uso dos medios electrónicos, a información á cidadanía e as demais previstas nos artigos 33, 34 e 35.

2. A Rede de oficinas de atención á cidadanía e de rexistro intégrana as oficinas que no momento da entrada en vigor desta lei desenvolvan as actividades de asistencia en materia de rexistros no sector público autonómico e mais por aquelas outras oficinas que pasen a formar parte da rede conforme o disposto nas alíneas seguintes deste artigo.

3. As oficinas desta rede crearanse, modificaranse e suprimiranse mediante unha orde da persoa titular da consellaría competente en materia de administracións públicas.

4. Así mesmo, por unha orde da persoa titular da consellaría competente en materia de administracións públicas, poderanse habilitar temporalmente unidades ou órganos da Administración xeral e das entidades públicas instrumentais como oficinas da rede para que realicen as funcións de oficina de atención á cidadanía e de rexistro, nos termos e co alcance que nela se determinen.

5. As delegacións e as oficinas exteriores autonómicas poderán dispoñer de oficinas de atención á cidadanía e de rexistro, de acordo coas condicións e cos requisitos que se establezan regulamentariamente, coa finalidade de achegar o sector público autonómico á comunidade galega residente fóra de Galicia e, en xeral, a calquera cidadán ou cidadá non residente en Galicia que se queira relacionar con el.

6. O disposto anteriormente enténdese sen prexuízo da posible subscrición de convenios entre a Administración autonómica e as outras administracións públicas para a cooperación no desenvolvemento das funcións propias das oficinas de atención á cidadanía e de rexistro que no convenio se concreten.

7. Na sede electrónica da Xunta de Galicia farase pública e manterase actualizada unha relación das oficinas nas cales se prestará asistencia para a presentación electrónica de documentos, así como un directorio xeorreferenciado que lles permita ás persoas interesadas identificaren a oficina máis próxima ao seu enderezo.

8. Mediante unha orde da persoa titular da consellaría competente na materia determinaranse os días e o horario en que estarán abertas ao público as oficinas de atención á cidadanía e de rexistro.

*Artigo 33. Presentación presencial e dixitalización*

As persoas que non estean obrigadas a relacionarse a través de medios electrónicos coas administracións públicas poderán voluntariamente presentar escritos, solicitudes, comunicacións e documentos presencialmente nas oficinas de atención á cidadanía e de rexistro, que, de acordo co artigo



16.5 da Lei 39/2015, do 1 de outubro, do procedemento administrativo común das administracións públicas, deberán dixitalizalos para a súa incorporación ao expediente administrativo electrónico.

Os documentos orixinais devolveránselles ás persoas interesadas, sen prexuízo daqueles supostos en que unha norma determine a custodia por parte da administración dos documentos presentados ou resulte obrigatoria a presentación de obxectos ou de documentos nun soporte específico non susceptibles de dixitalización.

#### Artigo 34. *Funcións das oficinas de atención á cidadanía e de rexistro*

1. Ademais das establecidas no artigo anterior, son funcións das oficinas da Rede de oficinas de atención á cidadanía e de rexistro:

a) A asistencia no uso dos medios electrónicos ás persoas interesadas que non estean obrigadas ao emprego dos ditos medios que así o soliciten, especialmente no referente á identificación e a sinatura electrónica, á presentación de solicitudes a través do Rexistro Electrónico Xeral e á obtención de copias auténticas.

b) Facilitarlles aos cidadáns e ás cidadás información xeral nos termos establecidos no artigo 11 da Lei 1/2015, do 1 de abril, de garantía da calidade dos servizos públicos e da boa administración. Prestaráselles especial atención ás persoas con discapacidade a través dos medios ou dos formatos adecuados.

c) Informar sobre o exercicio do dereito de acceso á información pública ao abeiro da lexislación vixente en materia de transparencia e prestar orientación e asesoramento para o exercicio do devandito dereito.

d) Informar sobre o procedemento para a presentación de suxestións e queixas e prestar asistencia no exercicio deste dereito nos termos previstos na Lei 1/2015, do 1 de abril.

e) Informar, sen prexuízo das funcións correspondentes aos órganos, aos servizos e ás unidades de xestión dos ámbitos competenciais específicos, sobre o estado de tramitación dos procedementos a aquelas persoas que así o soliciten, que teñan a condición de persoas interesadas e acudan persoalmente, ou mediante representante, a unha oficina da rede, sempre e cando a antedita información conste na Carpeta cidadá ou sexa accesible a través da sede electrónica.

f) A provisión dos medios de identificación dixital para as persoas que así o soliciten.

g) A realización de copias auténticas, axustándose ao previsto no Esquema nacional de interoperabilidade, no Esquema nacional de seguridade e nas súas normas técnicas de desenvolvemento, así como ás regras previstas no artigo 27 da Lei 39/2015, do 1 de outubro, do procedemento administrativo común das administracións públicas.

h) Formalizar os apoderamentos *apud acta* outorgados mediante comparencia persoal na oficina por quen teña a condición de persoa interesada nun procedemento administrativo.

i) A comunicación ás persoas interesadas da información de identificación do órgano, o centro, a unidade administrativa ou a entidade a que se dirixe a solicitude, o escrito, a comunicación ou os documentos.



j) A práctica de comunicacións ou notificacións nos casos previstos no artigo 41.1.a) da Lei 39/2015, do 1 de outubro.

k) Calquera outra función exixida pola normativa vixente, así como aquelas funcións que, orientadas á prestación de asistencia á cidadanía e de impulso do uso dos medios dixitais, se determinen regulamentariamente.

2. Coa finalidade de prestar un servizo máis personalizado aos cidadáns e ás cidadás poderanse establecer mecanismos de cita previa ou outros similares.

3. A Administración autonómica poñerá á disposición dos cidadáns e das cidadás as canles de acceso que sexan necesarias, así como os sistemas e as aplicacións que en cada caso se determinen para dar cumprimento ás funcións da rede.

4. A Administración xeral e as entidades públicas instrumentais do sector público autonómico de Galicia dotarán as oficinas de atención á cidadanía e de rexistro cos medios humanos e materiais necesarios para o desenvolvemento das súas funcións.

#### Artigo 35. *Asistencia para a identificación ou a sinatura electrónica*

1. De acordo co artigo 12.2 da Lei 39/2015, do 1 de outubro, do procedemento administrativo común das administracións públicas, para que a identificación ou a sinatura electrónica das persoas interesadas que non dispoñan dos medios electrónicos necesarios poida ser validamente realizada polo persoal funcionario público habilitado será necesario que elas se identifiquen perante a persoa funcionaria e presten o seu consentimento expreso para a dita actuación, do que deberá quedar constancia para os casos de discrepancia ou litixio.

2. As persoas interesadas presentarán para a súa identificación o documento nacional de identidade ou un documento identificativo equivalente en vigor, e deberán consentir expresamente a súa identificación ou sinatura polo persoal funcionario público habilitado para cada actuación administrativa por medios electrónicos que a requira. Para iso, deberán utilizar o modelo de documento dispoñible para o efecto na sede electrónica da Xunta de Galicia e nas oficinas da rede regulada nesta lei.

3. As persoas interesadas poderanlle solicitar ao persoal funcionario público habilitado toda a documentación acreditativa do trámite realizado e unha copia do documento de consentimento expreso asinado. Esta documentación estará dispoñible, en todo caso, na Carpeta cidadá.

### CAPÍTULO IV

#### **Cooperación para a atención á cidadanía**

##### Artigo 36. *Cooperación para a atención á cidadanía*

1. Por razóns de eficacia, eficiencia e mellor atención á cidadanía poderanse establecer acordos de colaboración con entidades públicas ou privadas, nos cales se indicarán as actividades e o obxecto da colaboración. De forma prioritaria, impulsaranse estes acordos coas entidades locais galegas.



2. A formalización dos devanditos acordos deberá contar co informe favorable da Comisión de Seguridade e Goberno Electrónico.

## CAPÍTULO V Interaccións informais

### Artigo 37. *Interaccións informais*

1. Para os efectos desta lei, enténdese por interaccións informais coa cidadanía aquelas comunicacións que se efectúan a través de canles dixitais, promovidas polo sector público autonómico, coa finalidade de proporcionar información xeral en tempo real, así como de dar resposta de natureza meramente orientativa ou informativa a determinadas cuestións. As respostas dadas no marco das interaccións informais non serán en ningún caso vinculantes nin para a persoa que as formule nin para o órgano ou a unidade do sector público autonómico que as conteste.

2. Considéranse canles de interacción informal:

a) As canles sociais e participativas, promovidas polo sector público autonómico, accesibles desde o Portal web institucional da Xunta de Galicia.

b) As caixas de correo electrónico do órgano ou da unidade do sector público autonómico con competencias na materia obxecto de consulta ou comunicación que figuren no Portal web institucional da Xunta de Galicia.

c) Os sistemas de mensaxaría electrónica de tipo individual ou colectivo e chats de texto ou voz que figuren no Portal web institucional da Xunta de Galicia.

3. Calquera persoa física ou xurídica poderá empregar as canles de interacción informal para obter unha información nos termos expostos na alínea 1, sen que sexa exigible a acreditación da identidade. Porén, tales canles non servirán para a válida presentación de solicitudes, escritos, comunicacións, recursos ou reclamacións, para o que haberá que aterse ao disposto na normativa reguladora do procedemento administrativo común, nesta lei e na restante normativa aplicable.

## CAPÍTULO VI Representación

### Artigo 38. *Acreditación da representación*

1. Conforme a normativa reguladora do procedemento administrativo común das administracións públicas, a representación poderase acreditar mediante calquera medio válido en dereito que deixe constancia fidedigna da súa existencia.

2. De acordo co disposto na mesma normativa, entenderase acreditada a representación nos procedementos administrativos tramitados polo sector público autonómico mediante o outorgamento de apoderamentos *apud acta* efectuados pola comparecencia persoal nas oficinas da rede regulada nesta lei, pola comparecencia electrónica na sede electrónica da Xunta de Galicia ou a tra-



vés da acreditación da inscrición no Rexistro Electrónico Xeral de Apoderamentos de Galicia, ou no que corresponda, do poder de representación.

#### Artigo 39. *Rexistro Electrónico Xeral de Apoderamentos de Galicia*

1. Créase o Rexistro Electrónico Xeral de Apoderamentos de Galicia, no cal deberán ser inscritos, polo menos, os de carácter xeral outorgados *apud acta*, de forma presencial nas oficinas de atención á cidadanía e de rexistro ou electronicamente na sede electrónica da Xunta de Galicia por quen teña a condición de interesado ou interesada nun procedemento administrativo a favor de representante, para actuar no seu nome perante as administracións públicas.

2. O Rexistro Electrónico Xeral de Apoderamentos de Galicia será plenamente interoperable nos termos do artigo 6.2 da Lei 39/2015, do 1 de outubro, do procedemento administrativo común das administracións públicas.

#### Artigo 40. *Acreditación da representación asociada á titularidade de determinados órganos ou cargos*

1. Coa finalidade de simplificar o trámite relativo á acreditación da representación, créase un rexistro autonómico no que constarán as persoas titulares de determinados órganos ou cargos.

2. Nos procedementos administrativos que se tramiten ante o sector público autonómico en que estas persoas, na condición de titulares de tales órganos ou cargos, actúen, conforme a normativa aplicable, en representación dunha entidade, a dita representación poderase aboar a través da acreditación da súa inscrición neste rexistro. Para estes efectos, o órgano competente para a tramitación do procedemento deberá incorporar ao expediente administrativo o documento electrónico que acredite o resultado da consulta ao dito rexistro.

3. Neste rexistro constarán:

a) As persoas que ocupen o cargo da alcaldía dos concellos de Galicia e a presidencia das deputacións provinciais de Galicia.

b) As persoas titulares dos órganos das administracións públicas galegas e das entidades vinculadas ou dependentes destas cuxo nomeamento sexa publicado no *Diario Oficial de Galicia* ou no boletín oficial correspondente.

c) As persoas que teñan a dirección dun centro educativo público autonómico, dunha delegación da Xunta de Galicia no exterior, das universidades públicas do Sistema universitario de Galicia ou dun centro de investigación ou tecnolóxico da Comunidade Autónoma de Galicia.

d) As persoas representantes das entidades galegas asentadas fóra de Galicia e inscritas no Rexistro da Galeguidade.

e) As persoas titulares doutros cargos non incluídos nas alíneas anteriores cando resulte de interese para os fins que motivan a creación deste rexistro, e que así se determinen regulamentariamente.



4. Regulamentariamente desenvolverase o procedemento de inscrición e de baixa no rexistro, así como as súas condicións de funcionamento, debendo garantirse a súa permanente actualización.

## CAPÍTULO VII Identificación e sinatura electrónicas

### Artigo 41. *Sistemas de identificación electrónica admitidos*

1. As persoas, nas súas relacións co sector público autonómico, poderán identificarse electronicamente a través de:

a) Os sistemas baseados en certificados electrónicos recoñecidos ou cualificados de sinatura electrónica expedidos polos prestadores incluídos na Lista de confianza dos prestadores cualificados de servizos electrónicos de confianza.

Para estes efectos, enténdense comprendidos entre os citados certificados electrónicos recoñecidos ou cualificados os dunha persoa física representante dunha persoa xurídica e dunha entidade sen personalidade xurídica.

b) Os sistemas baseados en certificados electrónicos recoñecidos ou cualificados de selo electrónico expedidos polos prestadores incluídos na Lista de confianza dos prestadores cualificados de servizos electrónicos de confianza.

c) Os sistemas de clave concertada e calquera outro sistema que a Administración autonómica considere válido, nos termos e nas condicións que se establezan, o que, en todo caso, ha contar cun rexistro previo como usuario que permita garantir a identidade.

2. A lista de confianza de prestadores cualificados de servizos electrónicos de confianza será accesible desde a sede electrónica da Xunta de Galicia.

### Artigo 42. *Sistemas de sinatura electrónica admitidos*

1. No caso de que as persoas se relacionen co sector público autonómico a través de medios electrónicos, consideraranse válidos para os efectos de sinatura:

a) Os sistemas de sinatura electrónica recoñecida ou cualificada e avanzada baseados en certificados electrónicos recoñecidos ou cualificados de sinatura electrónica expedidos polos prestadores incluídos na Lista de confianza dos prestadores cualificados de servizos electrónicos de confianza.

Para estes efectos, enténdense comprendidos entre os citados certificados electrónicos recoñecidos ou cualificados os dunha persoa física representante dunha persoa xurídica e dunha entidade sen personalidade xurídica.

b) Os sistemas de selo electrónico recoñecido ou cualificado e de selo electrónico avanzado baseados en certificados electrónicos recoñecidos ou cualificados de selo electrónico incluídos na Lista de confianza dos prestadores cualificados de servizos electrónicos de confianza.



c) Os sistemas de sinatura electrónica baseados na utilización de datos biométricos, nas condicións e nos termos que se establezan.

d) Calquera outro sistema que a Administración autonómica considere válido, nos termos e nas condicións que se establezan, en especial para facilitar as relacións electrónicas das persoas nacionais e estranxeiras non residentes con esta administración.

#### Artigo 43. *Sistemas de identificación e sinatura electrónicas nos procedementos administrativos*

1. A Xunta de Galicia determinará, con carácter xeral, os sistemas de identificación e sinatura electrónicas admitidos, de entre os previstos nos artigos anteriores, tendo en conta as previsións dos artigos 9 e 10 da Lei 39/2015, do 1 de outubro, do procedemento administrativo común das administracións públicas.

2. De conformidade co artigo 10.3 da Lei 39/2015, do 1 de outubro, cando así o dispoña expresamente a normativa reguladora aplicable, poderanse admitir os sistemas de identificación previstos nesta lei como sistema de sinatura cando permitan acreditar a autenticidade da expresión da vontade e do consentimento das persoas interesadas.

3. De acordo co artigo 10.4 da Lei 39/2015, do 1 de outubro, cando as persoas interesadas utilicen un sistema de sinatura dos previstos nesta lei, a súa identidade entenderase xa acreditada mediante o propio acto da sinatura.

### CAPÍTULO VIII Notificacións

#### Artigo 44. *Sistema de notificacións electrónicas de Galicia*

1. O sistema de notificacións electrónicas de Galicia Notifica.gal é o enderezo electrónico habilitado único que o sector público autonómico pon á disposición da cidadanía.

2. As notificacións electrónicas que realicen os órganos e as entidades do sector público autonómico de Galicia practicaranse mediante a comparecencia na sede electrónica da Xunta de Galicia e a través do sistema de notificacións electrónicas de Galicia, enderezo electrónico habilitado único.

3. A entidade do sector público autonómico con competencias en desenvolvemento dixital será a encargada dos contidos e os servizos comúns, da xestión tecnolóxica, da continuidade, da accesibilidade e da seguridade do sistema Notifica.gal. Corresponderalle a cada órgano ou entidade que utilice o sistema a responsabilidade sobre os contidos ou os servizos específicos, así como da xestión das notificacións dentro do seu ámbito de competencia.

4. Nos casos de non-funcionamento do sistema por razóns de imposibilidade técnica no envío ou na posta á disposición, derivada dun caso fortuíto, de forza maior ou doutras incidencias técnicas, as notificacións que se teñan que realizar na sede electrónica da Xunta de Galicia e no enderezo electrónico habilitado único, namentres non se restableza o sistema, poderanse efectuar, a xuízo do órgano que tramite o procedemento e atendendo ao cumprimento dos prazos de resolución e





ás circunstancias concorrentes, por medios non electrónicos, de acordo co establecido na lexislación reguladora do procedemento administrativo común, sempre que permitan ter constancia do envío ou da posta á disposición da notificación, da recepción ou do acceso pola persoa interesada ou por quen a represente, da data e a hora, do contido íntegro do acto notificado e da identidade fidedigna da persoa remitente e destinataria dela.

5. Para os efectos do acceso ao contido das notificacións por parte das persoas interesadas, o sistema informará das indispoñibilidades do servizo planificadas, así como das interrupcións non planificadas derivadas de incidencias técnicas. O sistema poñerá á disposición das persoas interesadas o oportuno xustificante electrónico de indispoñibilidade, no que se expresen os períodos da interrupción, para os efectos, de ser o caso, da súa presentación por parte da persoa interesada no correspondente procedemento e da xustificación ante o órgano competente para a súa tramitación da imposibilidade do cumprimento dos prazos dentro deste, así como a petición da súa ampliación, de así proceder.

6. O sistema Notifica.gal estará accesible no Portal web institucional da Xunta de Galicia e na sede electrónica da Xunta de Galicia, así como no seu enderezo directo.

#### *Artigo 45. Notificación ás persoas interesadas que non están obrigadas a relacionarse a través de medios electrónicos coa administración*

1. As persoas interesadas que non estean obrigadas a relacionarse por medios electrónicos coa administración poderán solicitar a creación do seu enderezo habilitado único a través do sistema de notificacións electrónicas de Galicia, mediante os modelos normalizados dispoñibles para estes efectos no propio sistema, para os efectos de recibir a partir dese momento as notificacións a través de medios electrónicos en calquera procedemento administrativo tramitado polo sector público autonómico.

2. En particular, nos procedementos iniciados por solicitude da persoa interesada, cando esta elixa no modelo normalizado de solicitude que a notificación nese procedemento se practique por medios electrónicos, a Administración xeral e as entidades instrumentais do sector público autonómico de Galicia crearán o seu enderezo habilitado único.

3. A creación do seu enderezo electrónico habilitado nos casos das dúas alíneas anteriores implicará que as notificacións que deban cursarse coa persoa interesada se realizarán preferentemente por vía electrónica, de acordo co establecido na normativa reguladora do procedemento administrativo común, sen prexuízo do seu dereito a decidir e a comunicar en calquera momento á Administración xeral e ás entidades instrumentais do sector público autonómico, mediante os modelos normalizados dispoñibles no sistema para o efecto, que as notificacións sucesivas se deixen de practicar por medios electrónicos. En particular, nos sucesivos procedementos iniciados por solicitude das persoas interesadas, as notificacións practicaranse polo medio sinalado para o efecto no modelo normalizado de solicitude.

4. A Administración xeral e as entidades instrumentais do sector público autonómico de Galicia, no momento en que se lle teña que practicar a unha persoa interesada das previstas neste artigo unha notificación en papel, poñerán tamén á disposición desta, a través da sede electrónica da Xunta de Galicia, o contido da notificación para que poida acceder a este de forma voluntaria, e poderán dar de alta de oficio o enderezo electrónico habilitado da persoa interesada no caso de que non o teña. A información relativa a esta cuestión poderase incluír na notificación en papel.





### Artigo 46. *Notificación ás persoas interesadas que están obrigadas a relacionarse a través de medios electrónicos coa administración*

1. As persoas interesadas obrigadas a se relacionaren a través de medios electrónicos coa administración deberán crear e manter o seu enderezo electrónico habilitado único a través de Notifica.gal, para todos os procedementos administrativos tramitados pola Administración xeral e as entidades instrumentais do sector público autonómico. En todo caso, a Administración xeral e as entidades do sector público autonómico de Galicia poderán de oficio crear o indicado enderezo, para os efectos de asegurar o cumprimento por parte das indicadas persoas interesadas da súa obriga de se relacionaren por medios electrónicos.

2. En particular, nos procedementos iniciados por solicitude das persoas interesadas deberase optar, en todo caso, no modelo normalizado de solicitude, pola notificación por medios electrónicos, sen que sexa válida para eles, nin produza efectos no procedemento, unha opción diferente.

3. Nos procedementos iniciados de oficio, nos casos en que as persoas interesadas previstas neste artigo non teñan creado o seu enderezo electrónico habilitado único, este seralles creado de oficio pola Administración xeral e as entidades instrumentais do sector público autonómico, e practicaranse nel as correspondentes notificacións. Cando á Administración xeral ou ás entidades instrumentais do sector público autonómico lles conste o seu enderezo de correo electrónico ou dispositivo electrónico poderán utilizar estes datos para lle enviar á persoa interesada un aviso en que se informe da posta á disposición da notificación. A falta de práctica deste aviso non impedirá que a notificación sexa considerada plenamente válida.

## CAPÍTULO IX

### Medios de pagamento

#### Artigo 47. *Cumprimento das obrigas de pagamento a través dos medios electrónicos*

1. As operacións de pagamento previstas ou derivadas da tramitación ou da resolución dun procedemento administrativo, e que se realicen por medios electrónicos a favor da Facenda Pública autonómica, efectuaranse a través dunha plataforma autonómica transversal.

2. A plataforma de pagamentos admitirá como métodos de pago os medios de pagamento previstos na normativa vixente ou calquera outro que, ao respectar a dita normativa, autorice o órgano competente.

3. As persoas usuarias da plataforma de pagamentos terán dereito a que se lles entregue un xustificante do pagamento realizado.

## TÍTULO II

### Do Diario Oficial de Galicia

#### Artigo 48. *Diario Oficial de Galicia*

1. O *Diario Oficial de Galicia (DOG)* é o medio de publicación oficial da Comunidade Autónoma de Galicia a través da cal se dá publicidade ás normas, as resolucións, os actos administrativos e os



demais documentos e informacións que sexan obxecto de público coñecemento, de conformidade co ordenamento xurídico vixente.

2. O *DOG* publícase en edición electrónica. Esta edición electrónica, que ten carácter oficial, auténtico e único, incorpora a sinatura electrónica cualificada como garantía da autenticidade, a integridade e a inalterabilidade do seu contido.

3. O *DOG* publicarase simultaneamente nos dous idiomas oficiais da Comunidade Autónoma de Galicia. Ambas as versións terán a consideración de oficiais e auténticas.

4. A responsabilidade da publicación e da xestión do *DOG* é da consellaría con competencias en materia de administracións públicas.

5. O *DOG* rexerese polo disposto nesta lei e no resto da normativa que resulte aplicable.

#### Artigo 49. *Interoperabilidade no eido xurídico*

A publicación do *DOG* adoptará criterios de interoperabilidade no referido ao intercambio de información de índole xurídica, coa finalidade de facilitar o acceso da cidadanía e a interoperabilidade coas redes de información xurídica que se poidan establecer.

#### Artigo 50. *Publicación*

1. O *DOG* publicarase no Portal do Diario Oficial de Galicia e será accesible desde o Portal web institucional da Xunta de Galicia e desde a sede electrónica da Xunta de Galicia.

2. A través do Portal do Diario Oficial de Galicia será posible acceder aos boletíns oficiais provinciais de Galicia.

3. Co obxecto de minimizar a diseminación da información de carácter persoal á que se poida acceder a través dos motores de busca, garantírase o pleno respecto ás exixencias derivadas da normativa en materia de protección de datos persoais e garantía dos dereitos dixitais.

### TÍTULO III

## Da presenza do sector público autonómico na internet

### CAPÍTULO I

## Disposicións xerais

#### Artigo 51. *Principios xerais da presenza do sector público autonómico na internet*

1. A presenza na internet do sector público autonómico deberá atender os seguintes principios xerais:

a) Garantir unha adecuada información institucional, administrativa e de prestación de servizos, asegurando o máximo nivel de calidade, consistencia e coherencia no que atinxe á imaxe, a comunicación e a información ofrecidas na Rede integrada da presenza na internet.



b) Potenciar unha imaxe institucional homoxénea que permita articular, mediante unha adecuada organización da información, o acceso aos contidos e aos servizos ofrecidos polo sector público autonómico na internet.

c) Impulsar unha estruturación adecuada dos contidos e do acceso aos servizos, mediante a integración, a segmentación e a xerarquización para garantir un acceso baseándose nas necesidades das persoas usuarias independentemente da estrutura organizativa do sector público autonómico, facilitando así a súa localización.

d) Promover e garantir a transparencia, como criterio orientador da actividade do sector público autonómico para lles facilitar aos cidadáns e ás cidadás información e datos de interese xeral.

e) Ofrecer unha canle de comunicación á cidadanía coas institucións que permita, á súa vez, promover a participación desta nos asuntos públicos.

f) Promover a difusión da información de interese e relevancia pública para o aproveitamento das oportunidades que ofrece a evolución dos servizos na internet para achegar a administración á cidadanía, facilitando espazos de participación.

g) Impulsar a difusión da riqueza cultural, patrimonial, lingüística e social de Galicia a través da internet.

h) Fomentar a calidade e a eficiencia na prestación dos servizos electrónicos.

i) Garantir o cumprimento da normativa vixente en materia de accesibilidade.

*i bis*) Fomentar o coñecemento e o uso da lingua galega.

*i ter*) Crear unhas canles e uns procedementos de consulta á cidadanía.

2. A Administración xeral e as entidades instrumentais do sector público autonómico prestarán servizos en liña accesibles á cidadanía, fomentando os portais web con orientación temática e centrada nas persoas destinatarias fronte a unha orientación orgánica ou departamental, co obxectivo de simplificar o acceso aos ditos portais.

## CAPÍTULO II

### **Organización da presenza do sector público autonómico na internet**

#### Artigo 52. *Portal web institucional da Xunta de Galicia*

1. O Portal web institucional da Xunta de Galicia <http://www.xunta.gal> é o sitio web institucional da Xunta de Galicia constituído polo conxunto de páxinas web relacionadas entre si, estruturadas mediante un sistema de información, de libre acceso e albergadas na Rede corporativa da Xunta de Galicia.

2. O Portal web institucional da Xunta de Galicia recollerá, xunto coa información institucional de todos os órganos superiores da Administración xeral da Comunidade Autónoma de Galicia, a



información administrativa e os servizos en liña facilitados ou prestados pola Administración xeral da Comunidade Autónoma de Galicia para a súa difusión á cidadanía. En particular, dará acceso ao Portal de transparencia e goberno aberto e facilitará a interconexión con outros enderezos electrónicos da rede de portais da Administración xeral e do sector público autonómico.

3. A través do Portal web institucional da Xunta de Galicia poderase acceder tamén á totalidade dos portais e dos servizos dixitais das entidades instrumentais do sector público autonómico de Galicia, de xeito que constitúa un punto de acceso permanente á información e aos servizos do sector público autonómico.

4. En particular, o Portal web institucional recollerá tamén o acceso ás canles de comunicación da cidadanía co sector público autonómico e o acceso á sede electrónica da Xunta de Galicia e á Carpeta cidadá da Xunta de Galicia.

5. O Portal web institucional da Xunta de Galicia realizará as funcións do Punto de acceso xeral electrónico do sector público autonómico.

#### Artigo 53. *Rede integrada da presenza na internet*

1. A presenza do sector público autonómico na internet ordénase como un conxunto ou unha rede integrada de portais, cos seus correspondentes contidos e servizos, canles sociais e participativas e aplicacións móbiles, cuxa titularidade, xestión e administración lles correspondan aos órganos do sector público autonómico no exercicio das súas competencias.

2. Formarán parte da Rede integrada da presenza na internet aquelas outras tipoloxías de canles que a evolución dos usos da sociedade e o propio desenvolvemento tecnolóxico permitan, establecendo novos modos de achegamento á cidadanía.

#### Artigo 54. *Organización da estrutura dos portais integrados na Rede integrada da presenza na internet*

1. Os órganos superiores da Administración xeral da Comunidade Autónoma de Galicia ou as entidades instrumentais do sector público autonómico poderán ofrecer información ou servizos ao público a través da internet, mediante espazos web baixo subdominios de xunta.gal.

2. Orientarase a publicación dos portais cara á súa configuración como portais temáticos destinados a organizar contidos e servizos vinculados a unha determinada materia que transcendan do órgano ou da entidade instrumental que ofrece os contidos ou presta o servizo, e que poderán contar con varios segmentos de destinatarios ou públicos obxectivos.

3. Poderase acordar, ademais, a publicación de portais promocionais para a difusión na internet de campañas ou programas específicos. Estes portais non se identificarán como portais dun determinado órgano ou dunha entidade instrumental, aínda cando os contidos destes portais se correspondan, maioritariamente, cos dun órgano ou unha entidade.

4. En calquera caso, para a incorporación de novos portais temáticos ou promocionais seguirase o principio de integración cos portais previamente existentes, coa finalidade de articular un modelo



coherente de presenza do sector público autonómico na internet sobre a base dos elementos comúns do sistema que garanten a homoxeneidade da imaxe, a compatibilidade e a interoperabilidade dos contidos.

### CAPÍTULO III

#### **Instrumentos para a organización da presenza na internet**

##### *Artigo 55. Catálogo da Rede integrada da presenza na internet*

1. O Catálogo da Rede integrada da presenza na internet recolle a relación de portais, canles sociais e participativas e aplicacións móbiles do sector público autonómico, así como aquel outros elementos que poidan formar parte desta rede, segundo o establecido no artigo 53.2, con identificación da información xeral, das características e propiedades e das responsabilidades dos elementos que o conforman.

2. Calquera portal web, canle social e participativa, aplicación móbil e aquel outros elementos que poidan formar parte desta rede, segundo o establecido no artigo 53.2, do sector público autonómico deberá quedar identificado no catálogo, que estará dispoñible para a súa consulta no Portal web institucional da Xunta de Galicia.

3. Para a publicación dunha iniciativa, e a súa inclusión no catálogo, deberase seguir o establecido nas políticas e as recomendacións vixentes, recollidas nas Guías de políticas web corporativas da Xunta de Galicia.

##### *Artigo 56. Guías de políticas web corporativas*

1. Coa finalidade de garantir uns criterios comúns que permitan artellar unha presenza na internet ordenada, cunha imaxe coherente e recoñecible pola cidadanía e con información e servizos de calidade, elaboraranse guías en materia de deseño e creación dos elementos que compoñen a Rede integrada da presenza na internet, garantindo, entre outros, a seguridade, o cumprimento da normativa vixente en materia de accesibilidade e a reutilización de recursos. Estas guías denominaranse Guías de políticas web corporativas.

2. As entidades do sector público autonómico deberán atender as previsións das devanditas guías na posta en marcha e na permanente actualización dos portais, das canles sociais e participativas, das aplicacións móbiles ou doutros elementos susceptibles de poderen formar parte da rede.

3. Deberase velar pola permanente actualización das guías e pola súa adecuación á normativa vixente na materia prevista nelas. Estas deberán estar publicadas e accesibles para todos os órganos do sector público autonómico.

4. Inclúiranse nas Guías de políticas web corporativas os mecanismos de revisión periódica dos elementos que compoñen o Catálogo da Rede integrada da presenza na internet, coa finalidade de garantir o cumprimento continuado das guías.



## CAPÍTULO IV

### Dominios

#### Artigo 57. *Dominio nos portais web*

1. A Administración xeral e as entidades instrumentais do sector público autonómico ofrecerán a información ou os servizos ao público a través da internet mediante portais web baixo o dominio de nivel superior .gal.

2. Os portais web do sector público autonómico que empreguen dominios de nivel superior distintos do .gal deberán redirixir ao dominio .gal correspondente, mantendo a navegación por este dominio. As referencias internas a outros dominios substituiranse por referencias ao .gal, para non duplicar a presenza do sector público autonómico en indexadores ou buscadores.

#### Artigo 58. *Dominio de correo*

Os órganos e as entidades do sector público autonómico empregarán o dominio de correo de nivel superior .gal en todas as contas de correo electrónico persoais, departamentais ou corporativas.

#### Artigo 59. *Rexistro de nomes de dominio*

1. O rexistro de nomes de dominio por parte dos órganos e das entidades do sector público autonómico realizarase baixo a denominación única «Xunta de Galicia».

2. Rexistraranse os nomes de dominio que sexan de interese para os órganos e as entidades do sector público autonómico e mais aqueles dominios que se consideren de especial interese e permitan preservar a imaxe e a presenza na rede do sector público autonómico.

3. A entidade do sector público autonómico con competencias en materia de desenvolvemento dixital será a encargada de:

a) Xestionar as solicitudes de rexistro de novos dominios e mantelos ante as organizacións encargadas do dito rexistro, por petición das entidades do sector público autonómico.

b) Manter a titularidade dos dominios vixentes e garantir a unidade de dominio e o cumprimento das políticas vixentes na materia, de acordo coa normativa patrimonial vixente.

## TÍTULO IV

### Do funcionamento dixital do sector público autonómico

## CAPÍTULO I

### Inventario da información administrativa

#### Artigo 60. *Inventario da información administrativa*

1. A Administración xeral e as entidades instrumentais do sector público autonómico harmonizarán a información básica de funcionamento dos sistemas de información utilizados nos diferentes



ámbitos da actividade do sector público autonómico para permitir a coherencia da información e a interoperabilidade con outras administracións públicas.

2. O Inventario da información administrativa do sector público autonómico recollerá os conxuntos de datos ou catálogos corporativos que con carácter transversal serven para a identificación unívoca dos contidos dos catálogos, a ordenación e a clasificación da información e da documentación do sector público autonómico, garantindo a interoperabilidade entre os sistemas e entre as administracións.

3. O Inventario da información administrativa utilizarase para difundir a información corporativa á cidadanía, interoperar con outras administracións públicas e configurar os sistemas de información segundo o establecido nos catálogos corporativos.

4. O Inventario da información administrativa do sector público autonómico incluirá, como mínimo:

a) O Directorio oficial do sector público autonómico, que recolle o esquema completo da composición da estrutura orgánica do sector público autonómico, incluíndo a relación dos órganos e das entidades instrumentais do sector público autonómico de Galicia, das oficinas da Rede de oficinas de atención á cidadanía e de rexistro e mais as unidades de xestión económico-orzamentaria, así como as súas relacións entre eles.

b) O Catálogo de procedementos e servizos, que inclúe a información actualizada dos procedementos e dos servizos do sector público autonómico de Galicia de forma clasificada, estruturados en familias e con indicación do seu nivel de informatización e seguridade.

A Guía de procedementos e servizos, parte integrante deste catálogo, recompila e divulga a información básica de cada procedemento ou servizo que pode ser de interese para a cidadanía.

c) O Catálogo de series documentais xeradas na xestión dos procedementos administrativos e dos servizos que presta o sector público autonómico, o Catálogo de tipos documentais e o Cadro de clasificación e esquemas de metadatos, necesarios todos eles para a configuración e a xestión do Arquivo electrónico administrativo.

d) Outros catálogos corporativos que con carácter transversal se establezan para a ordenación ou a clasificación da información do sector público autonómico, así como os necesarios para garantir a interoperabilidade coas restantes administracións.

5. De acordo co establecido no artigo 9 do Real decreto 4/2010, do 8 de xaneiro, polo que se regula o Esquema nacional de interoperabilidade no ámbito da administración electrónica, estableceranse os mecanismos que permitan enlazar e interoperar co Inventario da Administración xeral do Estado.

#### Artigo 61. *Xestión e uso do Inventario da información administrativa*

1. A Comisión de Seguridade e Goberno Electrónico determinará os protocolos de coordinación e mantemento dos contidos do Inventario da información administrativa.



2. O Inventario da información administrativa será de uso obrigatorio por parte dos sistemas de información utilizados nos diferentes ámbitos de actividade do sector público autonómico.

3. Os datos e os catálogos recollidos no Inventario da información administrativa do sector público autonómico estarán dispoñibles en formatos reutilizables.

## CAPÍTULO II

### Funcionamento dixital interno

#### Artigo 62. *Emisión de documentos administrativos*

1. De acordo co artigo 26.1 da Lei 39/2015, do 1 de outubro, do procedemento administrativo común das administracións públicas, os documentos administrativos emitiranse por escrito, a través de medios electrónicos, a menos que a súa natureza exixa outra forma máis adecuada de expresión e constancia.

2. Para os efectos da alínea anterior, cando a súa natureza o exixa como forma máis adecuada de expresión e constancia, será documento administrativo o ficheiro resultante da gravación de son ou imaxe axustado aos requisitos e ao procedemento que se estableza.

3. Os documentos administrativos e aqueles susceptibles de formaren parte dun expediente terán sempre asociada polo menos unha sinatura electrónica para garantir a autenticidade e a integridade. Para a sinatura electrónica por parte da Administración xeral e das entidades instrumentais do sector público autonómico, os sistemas que poden ser utilizados son exclusivamente os previstos no capítulo IV do título IV, sobre a identificación e a sinatura do sector público autonómico.

4. De acordo co artigo 26.3 da Lei 39/2015, do 1 de outubro, non requirirán de sinatura electrónica os documentos electrónicos emitidos polas administracións públicas que se publiquen con carácter meramente informativo, así como aqueles que non formen parte dun expediente administrativo. En todo caso, será necesario identificar a orixe destes documentos.

#### Artigo 63. *Copias de documentos*

1. A expedición de copias auténticas de documentos públicos administrativos ou privados así como a validez e a eficacia das ditas copias rexeranse polo disposto no artigo 27 da Lei 39/2015, do 1 de outubro, do procedemento administrativo común das administracións públicas.

2. Nos procedementos administrativos tramitados polo sector público autonómico de Galicia deberase expedir unha copia auténtica electrónica de calquera documento en papel ou noutro soporte non electrónico susceptible de dixitalización que presenten as persoas interesadas e que se vaia incorporar a un expediente administrativo.

3. Regulamentariamente determinaranse os órganos que teñan atribuídas as competencias de expedición de copias auténticas dos documentos públicos administrativos ou privados, así como os formatos das copias auténticas electrónicas.





#### Artigo 64. *Comunicacións internas*

1. As comunicacións que se realicen entre os órganos ou as entidades do sector público autonómico realizaranse obrigatoriamente por medios electrónicos a través das ferramentas tecnolóxicas corporativas habilitadas para o efecto.

2. As datas de transmisión e recepción acreditadas nas comunicacións electrónicas internas serán válidas para o cómputo dos prazos.

3. As comunicacións en soporte de papel só poderán utilizarse de forma excepcional e xustificada naqueles casos en que a comunicación non se poida realizar de xeito integramente electrónico.

#### Artigo 65. *Comunicacións con outras administracións*

As comunicacións que se realicen entre os órganos e as entidades do sector público autonómico e outras administracións públicas realizaranse, agás nos supostos de imposibilidade xustificada, por medios electrónicos.

### CAPÍTULO III

#### **Procedementos administrativos e servizos dixitais**

#### Artigo 66. *Configuración dixital dos procedementos administrativos e dos servizos no sector público autonómico*

1. A configuración dixital dos procedementos administrativos e dos servizos no sector público autonómico ten por finalidade simplificar e axilizar os procedementos administrativos e prestar servizos públicos dixitais, homoxéneos, personalizados e fáciles de utilizar, aplicando enfoques innovadores para deseñar e prestar mellores servizos de conformidade coas necesidades e as demandas da cidadanía, aproveitando as oportunidades que brinda a nova contorna dixital para facilitar as súas interaccións coas partes interesadas.

2. A implantación dos procedementos administrativos e dos servizos no sector público autonómico exixirá unha revisión integral e preceptiva, que permita a verificación dos principios e dos criterios comúns na concepción de procedementos e servizos cun pleno funcionamento electrónico, sen prexuízo do necesario respecto dos dereitos das persoas non obrigadas a se relacionaren por medios electrónicos coa administración, así como o uso de novas canles e tecnoloxías dispoñibles para cada caso na prestación dos servizos públicos.

3. Os procedementos e os servizos dixitais que se implanten deberán respectar os seguintes principios fundamentais co obxectivo de lograr a maior interacción coa cidadanía:

a) Principio de «só unha vez»: garantir que os cidadáns e as cidadás faciliten a mesma información unha soa vez, nos termos previstos no artigo 10.

b) Homoxeneización: simplificar os procedementos administrativos e os servizos públicos dixitais a través dunha interface homoxénea, facilitándolles ás persoas interesadas, por unha banda, a aprendizaxe do uso dos servizos e, por outra, a comprensión da información que se solicita.



c) Interoperabilidade: deberase garantir o cumprimento das normas técnicas de interoperabilidade que posibiliten a circulación dos datos e dos documentos entre as administracións públicas.

d) Personalización: habilitación de solucións dixitais personalizables que permitan a mellor adecuación ás demandas e ás singularidades de colectivos específicos.

e) Seguridade e protección de datos: cumprimento do marco xurídico sobre a protección dos datos persoais, da intimidade e da seguridade da información, integrando estes elementos na fase de deseño.

f) Automatización: fomento de actuacións administrativas automatizadas nos actos ou nas actuacións que sexan susceptibles de ser configuradas como tales no marco dun procedemento administrativo.

g) Inclusión e accesibilidade: deseñar os servizos públicos dixitais de tal modo que sexan inclusivos e tomen en consideración as necesidades de determinados colectivos, como as das persoas maiores e das persoas con discapacidade.

h) Transparencia e goberno aberto: compartir información e datos entre as administracións públicas e permitir que os cidadáns e as cidadás poidan ter acceso aos seus propios datos, controlalos e rectificalos, e que as persoas interesadas poidan facer un seguimento dos procedementos administrativos que os afecten.

i) Proxección exterior: lograr, no marco das competencias autonómicas, que paulatinamente os procedementos e os servizos públicos dixitais pertinentes sexan accesibles nos países cos que a nosa comunidade ten maiores relacións, especialmente con Portugal e os países de Iberoamérica, co que se facilita así a mobilidade das persoas e a integración tecnolóxica dos cidadáns galegos e das cidadás galegas residentes no exterior e das entidades galegas asentadas fóra de Galicia.

j) Adaptación tecnolóxica: evolución das tecnoloxías e dos sistemas informáticos coa finalidade de que estean permanentemente actualizados en relación coa contorna e co desenvolvemento tecnolóxico.

k) Pagamento electrónico: na realización de trámites suxeitos ao pagamento de taxas autonómicas deberase permitir o pago electrónico.

#### Artigo 67. *Deseño dos procedementos e dos servizos dixitais*

1. Na fase de deseño dun procedemento administrativo ou dun servizo deberanse ter en conta os seguintes elementos básicos da súa configuración dixital:

a) A incorporación da canle dixital por defecto, considerando a aplicación dos criterios de administración dixital, previstos na presente regulación, e a utilización dos sistemas dixitais únicos, regulados no artigo 116, sen prexuízo de lles garantir o acceso ás persoas que non estean obrigadas a relacionarse electronicamente coa administración.



b) A incorporación de actuacións administrativas automatizadas en trámites que sexan susceptibles desta configuración, reducindo substancialmente os tempos de tramitación e atención.

c) A aplicación de criterios iguais na relación cos mesmos colectivos.

d) A definición dos procedementos que permitan a interacción e a coordinación entre diferentes órganos ou coas restantes administracións públicas galegas, en prol da simplificación e da redución das cargas administrativas á cidadanía.

e) A identificación das canles de asistencia no uso dos servizos públicos dixitais.

f) Os mecanismos de identificación de melloras na prestación do servizo público dixital.

g) A facilidade de uso do servizo, minimizando o grao de coñecemento funcional ou tecnolóxico necesario para o seu uso.

h) A identificación dos datos ou dos certificados que se xeren no procedemento e no servizo e que se deban incluír no Catálogo de servizos de interoperabilidade regulado no artigo 77.

i) A identificación da información de carácter público que deba ser incorporada no Catálogo de información reutilizable en formato de datos abertos, en consonancia co capítulo III da Lei 1/2016, do 18 de xaneiro, de transparencia e bo goberno.

2. Regulamentariamente determinarase o procedemento de configuración dixital dos procedementos administrativos e dos servizos do sector público autonómico de Galicia, así como os órganos ou as unidades responsables.

#### *Artigo 67 bis. Impulso de servizos dixitais a empresas e profesionais*

1. O sector público autonómico de Galicia promoverá o uso preferentemente das canles electrónicas nas súas relacións coas empresas e os profesionais, incluíndo aquí calquera entidade que exerce unha actividade económica, independentemente da súa forma xurídica.

2. Impulsarase a creación de servizos electrónicos e a automatización dos procesos entre o sector público autonómico e as empresas e os profesionais, naqueles casos en que resulte beneficioso.

3. Promoverase o acceso unificado á información e aos servizos dispoñibles, tanto nas relacións administrativas coma económicas co sector público autonómico. Igualmente, promoverase a difusión da información de carácter público que permita favorecer o coñecemento do sector empresarial e profesional galego.

4. En particular, promoveranse os servizos dixitais no eido da contratación administrativa, tendo en conta a súa normativa específica aplicable e facendo efectivos os principios recollidos no título II da Lei 14/2013, do 26 de decembro, de racionalización do sector público autonómico.



5. A Xunta de Galicia poderá establecer convenios co obxecto de colaborar coas empresas na promoción entre estas dos seus medios dixitais.

#### Artigo 68. *Guías en materia de configuración dixital dos procedementos e dos servizos*

1. Para o deseño dos procedementos e dos servizos dixitais elaboraranse guías en materia de configuración dixital dos procedementos e dos servizos que ofrecerán as directrices de uso obrigatorio para a habilitación dos procedementos administrativos e dos servizos, baixo uns principios de racionalización e simplificación, e facilitarán o cumprimento da normativa en materia de administración electrónica e simplificación administrativa. As entidades do sector público autonómico deberán atender as previsións das devanditas guías para a habilitación electrónica dos procedementos e dos servizos no seu ámbito competencial.

2. En particular, para os procedementos de contratación pública elaborárase unha guía, que recollerá as recomendacións que hai que ter en conta na redacción dos pregos e das invitacións a procedementos negociados, que aseguren o uso das tecnoloxías da información e as comunicacións nas relacións entre o sector público autonómico e as empresas, dando cumprimento ás prescricións legais de administración electrónica en vigor.

3. Regulamentariamente determinaranse os órganos ou as unidades responsables da elaboración e da actualización continuada das guías en materia de configuración dixital dos procedementos e dos servizos. Deberase velar pola permanente actualización das ditas guías e pola súa adecuación á normativa vixente na materia prevista nelas, e deberán estar publicadas e accesibles para todos os órganos do sector público autonómico.

### CAPÍTULO IV

#### **Identificación e sinatura no eido do sector público autonómico**

##### Artigo 69. *Identificación e sinatura electrónicas do persoal empregado público*

A Administración xeral e as entidades públicas instrumentais do sector público autonómico dotarán o seu persoal empregado público dos mecanismos de identificación e sinatura electrónicas necesarios para o desenvolvemento das súas funcións.

##### Artigo 70. *Sistemas de identificación do persoal empregado público*

1. A Administración xeral e as entidades públicas instrumentais do sector público autonómico dotarán o seu persoal empregado público, con carácter xeral, dun certificado electrónico recoñecido ou cualificado de empregado público e dun sistema de usuario e contrasinal.

2. Estes sistemas de identificación poderán ser utilizados polo dito persoal, dependendo do nivel de seguridade requirido e nos termos previstos pola correspondente administración, nos sistemas informáticos do sector público autonómico ou doutras administracións públicas.

3. Así mesmo, este persoal poderá ser dotado doutros sistemas de identificación específicos que se determinen para o exercicio das súas funcións, incluíndo certificados de persoa física representante da Administración xeral ou das entidades públicas instrumentais.



### Artigo 71. *Sistemas de sinatura do persoal empregado público*

1. A Administración xeral e as entidades públicas instrumentais do sector público autonómico dotarán o seu persoal empregado público, con carácter xeral, dun certificado electrónico recoñecido ou cualificado de empregado público como sistema de sinatura electrónica.

2. Así mesmo, poderanse dotar outros mecanismos específicos que se determinen, incluído un certificado de persoa física representante da Administración xeral ou da entidade pública instrumental, para o desenvolvemento das súas funcións.

3. Cando as funcións desenvolvidas polo persoal empregado público do sector público autonómico exixan mobilidade ou exista unha imposibilidade técnica para a sinatura electrónica a través dun certificado electrónico recoñecido ou cualificado, poderán habilitarse, nos termos que se determinen regulamentariamente, outros sistemas de sinatura electrónica.

4. Naquelas actuacións que, realizadas por medios electrónicos, afecten a información clasificada, a seguridade pública ou a defensa nacional, ou noutras actuacións nas cales legalmente estea xustificado o anonimato para a súa realización, regulamentariamente poderá habilitarse para determinados colectivos de persoal empregado público do sector público autonómico o uso de certificados electrónicos con pseudónimo, que deberá referirse, en todo caso, ao número de identificación profesional da empregada ou do empregado público, que permitirá a súa identificación nos casos en que for necesario.

### Artigo 72. *Tarxeta de acreditación persoal*

1. A Administración xeral e as entidades públicas instrumentais dotarán o seu persoal empregado público dunha tarxeta de acreditación persoal, que incluírá todos os certificados electrónicos que requira para o desenvolvemento das súas funcións e que terá unha validez indefinida desde a toma de posesión ata o cesamento como persoal empregado público.

2. O mecanismo concreto de acreditación persoal do persoal empregado público do sector público autonómico estará suxeito á renovación das tecnoloxías e dos sistemas informáticos utilizados cando sexa necesario, coa finalidade de que estea permanentemente actualizado en relación coa contorna e co desenvolvemento tecnolóxico.

### Artigo 73. *Sistemas de identificación da Administración xeral e das entidades instrumentais do sector público autonómico*

1. A Administración xeral e as entidades instrumentais do sector público autonómico poderanse identificar mediante o uso dun selo electrónico baseado nun certificado electrónico recoñecido ou cualificado que reúna os requisitos exixidos pola lexislación da sinatura electrónica. Estes certificados electrónicos incluírán o número de identificación fiscal e a denominación correspondente, así como, se é o caso, a identidade da persoa titular no caso dos selos electrónicos dos órganos do sector público autonómico.

2. A relación dos selos electrónicos utilizados no sector público autonómico, incluíndo as características dos certificados electrónicos e os prestadores que os expiden, así como as medidas para a súa verificación, estarán dispoñibles na sede electrónica da Xunta de Galicia.



3. Entenderase identificada a entidade do sector público autonómico respecto da información que se publique como propia nos portais web da Rede integrada da presenza na internet.

#### Artigo 74. *Actuación administrativa automatizada*

1. A Administración xeral e as entidades públicas instrumentais do sector público autonómico promoverán o fomento de actuacións administrativas automatizadas cando se trate de actos ou actuacións respecto dos cales os criterios de análise ou decisión poidan integrarse nun programa que realice a actuación automatizada.

2. A sinatura electrónica das actuacións administrativas automatizadas poderase realizar mediante os seguintes sistemas de sinatura electrónica, de acordo co artigo 42 da Lei 40/2015, do 1 de outubro, de réxime xurídico do sector público:

a) Selo electrónico de administración pública, órgano, organismo público ou entidade de dereito público, baseado nun certificado electrónico recoñecido ou cualificado que reúna os requisitos exigidos pola lexislación da sinatura electrónica.

b) Código seguro de verificación vinculado ao sector público autonómico, permitíndose, en todo caso, a comprobación da integridade do documento mediante o acceso á sede electrónica da Xunta de Galicia.

3. No caso da sinatura electrónica con código seguro de verificación, deberase asegurar a autenticidade e a integridade do documento durante toda a súa vixencia. Para este fin, e co obxecto de favorecer a interoperabilidade, poderase superpoñer ao documento asinado un selo electrónico baseado nun certificado electrónico recoñecido ou cualificado.

4. As actuacións administrativas automatizadas deberanse declarar mediante unha resolución conxunta do órgano competente para a definición das especificacións, a programación, o mantemento, a supervisión e o control de calidade e, se é o caso, a auditoría do sistema de información e do seu código fonte, así como do órgano responsable para os efectos de impugnación. Nesta resolución especificarase a identificación de tales órganos e os sistemas de sinatura utilizados, de ser o caso, para a actuación administrativa automatizada.

5. O texto íntegro das resolucións indicadas na alínea anterior publicarase na sede electrónica da Xunta de Galicia e no *Diario Oficial de Galicia*.

### CAPÍTULO V

#### **Rexistro do Persoal Funcionario Público Habilitado**

##### Artigo 75. *Obxecto e alcance do Rexistro do Persoal Funcionario Público Habilitado*

1. Créase, no eido do sector público autonómico, o Rexistro do Persoal Funcionario Público Habilitado, onde constará o persoal funcionario habilitado para a expedición de copias auténticas e a realización da identificación e da sinatura electrónicas das persoas interesadas que non dispoñan dos medios electrónicos necesarios.



2. O Sistema de xestión do persoal da Xunta de Galicia conterá a información necesaria para dar soporte ao Rexistro, onde constará como persoal funcionario habilitado, polo menos, aquel persoal funcionario que realice funcións de atención aos cidadáns e ás cidadás nas oficinas da Rede de oficinas de atención á cidadanía e de rexistro, sen prexuízo da habilitación doutro persoal funcionario que se determine.

2 bis. No caso da prestación de servizos á cidadanía que impliquen a actuación coordinada e complementaria de diversas administracións no territorio, estableceranse os mecanismos de incorporación ao rexistro do correspondente persoal funcionario das restantes administracións públicas galegas.

3. As restantes administracións públicas galegas poderanse adherir voluntariamente a este rexistro, para cumprir co disposto na normativa reguladora do procedemento administrativo común en materia de rexistro de funcionarios públicos habilitados.

4. Consonte o disposto na normativa reguladora do procedemento administrativo común, este rexistro será plenamente interoperable e estará interconectado cos rexistros ou cos sistemas das restantes administracións públicas, para os efectos de comprobar a validez das habilitacións.

5. O Rexistro do Persoal Funcionario Público Habilitado dependerá da consellaría con competencia en materia de función pública.

6. Publicarase o catálogo das funcións e dos servizos que prestarán de cara á cidadanía, especialmente con respecto á habilitación e á tramitación da administración dixital no tocante a aquelas persoas que non están obrigadas a relacionarse de xeito electrónico coa administración.

## CAPÍTULO VI

### Interoperabilidade dos datos e dos documentos

#### Artigo 76. *Plataforma de intermediación*

1. A entidade do sector público autonómico con competencias en desenvolvemento dixital funcionará como un nodo de interoperabilidade mediante a plataforma de intermediación pasaXe!, que prestará funcionalidades comúns para o intercambio dos datos e de documentos entre o sector público autonómico e co resto das administracións públicas.

2. O intercambio dos datos e de documentos a través de pasaXe! realizarase nunhas condicións tales que garantan a seguridade da información e a protección dos datos persoais que se transmitan, proporcionando medidas para a autenticidade, a confidencialidade, a integridade, a dispoñibilidade e a trazabilidade adecuadas á natureza daqueles.

#### Artigo 77. *Catálogo de servizos de interoperabilidade*

1. O Catálogo de servizos de interoperabilidade incluírá todos os servizos de consulta dos datos e dos documentos accesibles a través da plataforma de intermediación pasaXe!.





2. O Catálogo de servizos de interoperabilidade estará dispoñible para a súa consulta tanto na Intranet corporativa coma no Portal web institucional, e nel informarase sobre os datos e os documentos que se poden consultar en cada un dos servizos, así como das condicións de uso de cada un deles.

3. A identificación de novos servizos de interoperabilidade poderá vir determinada por calquera órgano das entidades usuarias de pasaXe!, tanto polas necesidades de novos datos ou documentos na tramitación dos procedementos coma pola súa capacidade de poñer á disposición doutros órganos ou administracións públicas novos datos ou documentos.

#### Artigo 78. *Mapa de interoperabilidade do sector público autonómico*

1. O Mapa de interoperabilidade do sector público autonómico é o inventario de tipos de documentos e datos elaborados ou que xa consten en poder das administracións públicas que o sector público autonómico precise para o desempeño da súa actividade ou poida proporcionar a outras administracións para o desempeño da súa actividade.

2. Coa finalidade prevista na alínea 1, estarán incluídos no alcance do mapa a demanda potencial de intercambios electrónicos de datos ou documentos, a oferta de servizos interoperables que proporcionen tales datos ou documentos e o uso real destes servizos, que virá determinado polas consultas efectivas de información realizadas a través da plataforma de intermediación.

3. Para estes efectos, a posta á disposición do mapa permitirá:

a) Facilitar o impulso do intercambio de documentos e datos entre as administracións públicas a través de medios electrónicos.

b) Identificar e inventariar as necesidades e as obrigas de intercambio de datos e documentos do sector público autonómico.

c) Definir os documentos interoperables que dean soporte ás necesidades de intercambio de información entre as administracións públicas, aplicando unha visión de conxunto, e ordenando as transmisións entre administracións.

d) Avaliar a demanda de datos e documentos, atendendo a súa criticidade e as melloras que achegan, permitindo así priorizar os traballos de incorporación de servizos na plataforma de intermediación.

### CAPÍTULO VII

#### **Arquivo electrónico administrativo**

#### Artigo 79. *Arquivo electrónico administrativo da Xunta de Galicia*

1. O Arquivo electrónico administrativo da Xunta de Galicia é o sistema que permite a xestión de expedientes administrativos electrónicos do sector público autonómico nas súas diferentes fases. Polo tanto, incluírá todos os expedientes en tramitación e os finalizados, durante o tempo establecido nos seus calendarios de conservación.





2. O Arquivo electrónico administrativo rexeráse polo disposto nesta lei, na Lei 7/2014, do 26 de setembro, de arquivos e documentos de Galicia, e no resto da normativa aplicable.

3. A responsabilidade da custodia e o mantemento dos expedientes e os documentos durante a súa tramitación será responsabilidade da unidade xestora deles. Ao finalizarse a súa tramitación, a unidade xestora do expediente deberá transferir a súa custodia ao Arquivo de Galicia ou a outros arquivos do Sistema de arquivos de Galicia.

4. Os formatos dos documentos do Arquivo electrónico administrativo deberán garantir a súa autenticidade, integridade, conservación, dispoñibilidade e confidencialidade, así como a súa consulta, con independencia do tempo transcorrido desde a súa emisión.

#### Artigo 80. *Política de xestión documental electrónica*

1. A política de xestión documental electrónica constitúe o marco de actuación para a creación e a xestión de documentos auténticos, fiables e dispoñibles no tempo. A política de xestión documental electrónica desenvolve os aspectos técnicos, normativos e organizativos necesarios para a coordinación, a aplicación e a supervisión da xestión documental electrónica, de forma que se garanta a seguridade, a interoperabilidade e a preservación dos documentos.

2. A entidade do sector público autonómico con competencias en desenvolvemento dixital, en coordinación coas consellarías competentes en materia de arquivos e patrimonio documental e en materia de administracións públicas, deberá poñer en práctica a política de xestión documental electrónica do sector público autonómico no ámbito do Arquivo electrónico administrativo, que deberá prever, entre outros, os seguintes aspectos:

a) As directrices e as responsabilidades para a estruturación e o desenvolvemento dos procedementos de xestión documental.

b) Os metadatos dos expedientes e dos documentos electrónicos para o seu tratamento e xestión a nivel interno e para garantir a interoperabilidade con outras administracións públicas.

c) Os formatos de contido permitidos e recomendados.

d) Calquera outro contido necesario para a xestión dos expedientes e dos documentos do sector público autonómico.

### TÍTULO V

## **Dos medios, da seguridade e da continuidade da infraestrutura dixital**

### CAPÍTULO I

## **Infraestrutura dixital do sector público autonómico**

#### Artigo 81. *Infraestrutura dixital básica do sector público autonómico*

1. A infraestrutura dixital básica do sector público autonómico é o equipamento tecnolóxico e o software de base necesario para o funcionamento dixital dos servizos baixo os principios de dis-



poñibilidade, accesibilidade e seguridade. Inclúe o equipamento necesario para o procesamento dos datos e o correcto almacenamento e a custodia deles, así como para garantir as comunicacións electrónicas e o intercambio de información tanto no ámbito interno coma en relación con outras administracións e mais coa cidadanía e as empresas.

2. A infraestrutura dixital básica deberá asegurar a prestación dos servizos a nivel de posto de traballo, a dispoñibilidade dos datos e a súa protección para facilitar a interoperabilidade e a relación multilateral no intercambio de información e no acceso aos servizos entre todas as administracións públicas.

3. As características principais da infraestrutura dixital básica son:

- a) a utilización de protocolos estándar de comunicacións
- b) a alta dispoñibilidade e o rendemento
- c) a escalabilidade, a extensibilidade e a fiabilidade
- d) a facilidade de integración con outras redes públicas e privadas
- e) o cumprimento estrito dos controis de acceso e seguridade.

4. Terán a consideración de infraestrutura dixital básica os centros de procesamentos de datos e a Rede corporativa da Xunta de Galicia (RCXG).

#### Artigo 82. *Centros de procesamento de datos*

1. Os centros de procesamento de datos corporativos do sector público autonómico albergarán as infraestruturas tecnolóxicas necesarias para que o sector público autonómico lles proporcione servizos dixitais á cidadanía, ao propio sector público autonómico ou a outras administracións, cos axeitados niveis de seguridade e dispoñibilidade.

2. Estes centros actuarán como enlace para posibilitar a conexión entre os servizos dixitais ofrecidos polo sector público autonómico e os da Administración xeral do Estado.

3. Co fin de garantir a dispoñibilidade dos servizos que se prestan desde o Centro de Procesamento de Datos Integral (CPDI) e, se é o caso, os centros de procesamento de datos de respaldo (CPDR), a entidade responsable da xestión das infraestruturas de telecomunicacións do sector público autonómico realizará o control das conexións e o establecemento das condicións específicas de acceso aos devanditos servizos.

#### Artigo 83. *Acceso á Rede corporativa*

1. A Administración xeral e as entidades públicas instrumentais do sector público autonómico dispoñen dunha rede de acceso que integra voz e datos nas súas principais dependencias, a denominada Rede corporativa da Xunta de Galicia (RCXG), que proporciona servizos de datos, internet, telefonía fixa e telefonía móbil.



2. Os accesos aos servizos de telecomunicacións nos edificios e nos conxuntos inmobiliarios en que a Administración xeral e as entidades públicas instrumentais do sector público autonómico desenvolven a súa actividade deberán cumprir coas medidas de seguridade e continuidade dos sistemas, dos datos, das comunicacións e dos servizos electrónicos aplicables conforme a regulación vixente.

3. A entidade responsable da xestión da infraestrutura de telecomunicacións do sector público autonómico será a competente para supervisar e autorizar internamente as conexións da Rede corporativa con redes públicas de acceso aos devanditos servizos, establecendo as condicións específicas que se deben garantir conforme a regulación vixente.

#### Artigo 84. *Acceso á internet nos edificios públicos*

1. A Administración xeral e as entidades públicas instrumentais do sector público autonómico deberán contribuír á inclusión dixital da cidadanía, permitindo aproveitar os beneficios da conexión á internet de alta velocidade en todos os edificios da súa titularidade en que desenvolvan as súas competencias.

2. Para cumprir con este obxectivo, a Administración xeral e as entidades públicas instrumentais do sector público autonómico habilitarán nos ditos edificios o acceso público á información dixital a través da internet, sempre que se dean as condicións técnicas que o fagan posible.

#### Artigo 85. *Seguridade da infraestrutura dixital*

1. A entidade do sector público autonómico competente en desenvolvemento dixital será a responsable de administrar e controlar as infraestruturas dixitais que dean soporte aos servizos regulados nesta lei, garantindo a súa seguridade.

2. De conformidade co Esquema nacional de seguridade no relativo ao rexistro da actividade das persoas usuarias, e co obxectivo de garantir a seguridade, a continuidade e o rendemento da infraestrutura dixital do sector público autonómico, o seu uso poderá ser monitorizado e rexistrado, con independencia dos mecanismos que se poidan empregar para asegurar as comunicacións. Esta medida abranguerá, como mínimo, o servizo de mensaxaría corporativa, o acceso á información contida nos seus sistemas e os datos de conexión e tráfico das redes de comunicación. Esta monitorización non será nunca selectiva ou discriminatoria, senón que será realizada de forma sistemática ou aleatoria e sen vulneración da intimidade persoal nin do segredo das comunicacións. Estas accións levaranse a cabo cumprindo os requisitos que para o efecto esta-bleza a normativa vixente.

3. Os servizos respecto dos que se detecte un uso inadecuado ou que non cumpran os requisitos de seguridade, continuidade e protección de datos definidos nesta lei poderán ser bloqueados ou suspendidos temporalmente.

4. Darase difusión entre o persoal empregado público dos procedementos e dos criterios aplicables da monitorización indicada neste artigo.



## CAPÍTULO II

### Medios dixitais para o desempeño da actividade administrativa

#### Artigo 86. *Principios reitores*

1. A Administración xeral e as entidades públicas instrumentais do sector público autonómico deberán impulsar a introdución na xestión pública de novas ferramentas, servizos e procesos de prestación da actividade para o seu persoal empregado público co obxectivo de prestar os seus servizos á cidadanía de forma cada vez máis eficiente, eficaz e con maior celeridade e seguridade.

2. A utilización dos medios dixitais por parte do persoal empregado público do sector público autonómico axustarase aos seguintes principios:

a) Eficacia e eficiencia; a xestión dixital posibilitará a prestación dos servizos públicos mediante unha óptima utilización dos medios dixitais corporativos que posibilite a consecución directa dos fins públicos perseguidos.

b) Mellora de coñecementos, capacidades e aptitudes dixitais; asegurarse a formación dixital do persoal e a concienciación necesarias para garantir o coñecemento e a aplicación da seguridade da información e mais a protección de datos, así como que cubra as necesidades para o desenvolvemento da súa actividade.

c) Simplicidade; o uso de ferramentas e métodos que permitan a simplificación dos trámites, a eliminación dos procedementos innecesarios e a optimización das cargas administrativas.

d) Seguridade e protección de datos; o cumprimento do marco xurídico sobre a protección dos datos persoais e da intimidade e a seguridade da información.

e) Mobilidade; permitir o acceso desde calquera momento e lugar á información, aos servizos e ás ferramentas corporativas para o correcto desempeño da actividade profesional.

f) Colaboración interna; a posta á disposición de ferramentas de colaboración mutua no exercicio da actividade administrativa.

g) Personalización; a habilitación de solucións dixitais personalizables que permitan a mellor adecuación das demandas e das especificidades dos colectivos de persoal específicos.

h) Inclusión e accesibilidade; o deseño de ferramentas dixitais inclusivas que tomen en consideración as necesidades e as condicións diferentes do persoal empregado público.

i) Automatización; maximizar a produtividade do persoal empregado público coa eliminación da súa intervención directa en calquera tarefa que se poida informatizar.

k) Innovación da xestión pública; a posta á disposición de novos procesos, servizos e ferramentas dixitais para satisfacer as necesidades do persoal empregado público.



l) Actualización permanente; a renovación das tecnoloxías e dos sistemas dixitais en relación coa contorna e co desenvolvemento tecnolóxico en cada momento.

#### Artigo 87. *Obxectivos perseguidos*

As medidas establecidas neste capítulo posibilitarán:

a) Facilitar o uso de ferramentas dixitais e de metodoloxías que reduzan o custo da xestión e melloren a eficacia e a eficiencia.

b) Incrementar a eficiencia e a produtividade, mediante a mellora dos coñecementos, das capacidades e das aptitudes no ámbito das tecnoloxías da información e as comunicacións.

c) Acceder a un modelo de xestión máis coordinado e integrado, que teña como eixe a perspectiva da cidadanía.

d) Proxectar unha imaxe renovada á sociedade, máis moderna e innovadora, acorde cos novos tempos.

e) Ofrecer os medios materiais necesarios para o correcto desenvolvemento das funcións do persoal empregado público, garantindo, dentro do marco normativo vixente, o acceso á información necesaria para o seu correcto desempeño e ás ferramentas colaborativas que sexan necesarias.

f) Dixitalizar o posto de traballo, permitindo o acceso desde calquera momento e lugar á información, aos servizos e ás ferramentas para o correcto desempeño da súa actividade profesional.

g) Definir o marco para o establecemento dos obxectivos, da xornada de traballo flexible e do seguimento do desempeño.

h) O impulso e a extensión dunha formación dixital ao persoal empregado público que responda ás súas necesidades.

#### Artigo 88. *Medios dixitais corporativos*

1. Os medios dixitais corporativos son as ferramentas dixitais e outras solucións tecnolóxicas necesarias para a realización da actividade administrativa por parte do persoal empregado público segundo os principios reitores previstos.

2. O persoal empregado público, no exercicio da súa actividade, deberá:

a) Empregar os medios dixitais corporativos para o exercicio das súas funcións.

b) Seguir as recomendacións e as obrigas en materia de seguridade definidas na política de seguridade corporativa dos sistemas de información.

c) Velar pola seguridade dos datos a que teñan acceso polas tarefas do seu posto de traballo, especialmente os confidenciais ou de carácter persoal.



3. Para o emprego, no exercicio das súas funcións por parte do persoal empregado público, de medios dixitais e de dispositivos móbiles non corporativos deberanse seguir as políticas internas que implanten configuracións de seguridade específicas e adapten os ditos medios e dispositivos ás medidas de seguridade corporativas aplicables.

#### Artigo 89. *Desenvolvemento do posto de traballo dixital*

1. A Administración xeral e as entidades públicas instrumentais do sector público autonómico facilitarán ao seu persoal empregado público un posto de traballo dixital que permita o desempeño das súas funcións nun contexto dixital con eficiencia e autonomía.

2. O posto de traballo dixital deberá ter as seguintes características básicas:

a) Permitir o uso de escritorios e aplicacións corporativas en calquera dispositivo e en calquera lugar, que permitan unha xestión máis eficiente, segura e flexible.

b) Usar terminais ou dispositivos adaptados aos perfís do persoal empregado público, que permitan a mellor adecuación das demandas e especificidades dos colectivos de persoal específicos, maior rapidez nos despregues masivos, migracións ou actualizacións e maior homoxeneidade.

c) Posibilitar contornas de traballo colaborativas que permitan a comunicación directa e en grupo, o exercicio da actividade administrativa de maneira participativa e a creación de redes de usuarios con intereses ou actividades comúns.

3. A organización do posto de traballo dixital deberá ter en consideración os distintos perfís do persoal empregado público que desenvolven organizativamente tarefas similares e que comparten información e ferramentas de colaboración propias.

#### Artigo 90. *Intranet corporativa*

1. A Intranet da Xunta de Galicia é a plataforma web corporativa que permite a xestión e a organización do coñecemento, así como o acceso á información, aos servizos e aos medios dixitais que a Administración xeral e as entidades públicas instrumentais do sector público autonómico poñen ao servizo do persoal empregado público co obxectivo de facilitar o desempeño do seu traballo.

2. Desde a Intranet o persoal empregado público poderá acceder directamente a todos os medios dixitais corporativos necesarios para o desenvolvemento da súa actividade administrativa e ao coñecemento compartido da organización.

3. A Intranet proporcionaralle ao persoal empregado público espazos colaborativos orientados a satisfacer as demandas de grupos de traballo ou de colectivos específicos, conectándoos a unha mesma contorna de coñecemento.

4. Os espazos colaborativos configúranse como unha contorna produtiva, de aprendizaxe e de xestión cuxo contido pode ser creado de forma colaborativa. Ademais, ofrecerán espazos sinxelos e conectados con ferramentas internas preexistentes, que lle permitan ao persoal empregado pú-



blico o intercambio de información e a transferencia interna, a creación de contornas de cooperación en rede, a apertura á participación e o intercambio de información.

### CAPÍTULO III

## Seguridade da información e protección dos datos

### *Sección 1ª. Seguridade da información*

#### Artigo 91. *Política de seguridade da información*

1. A política de seguridade da información de aplicación xeral no sector público autonómico será aprobada polo Consello da Xunta de Galicia, sen prexuízo da posibilidade da aprobación de políticas concretas en cumprimento do artigo 11 do Real decreto 3/2010, do 8 de xaneiro, que deberán respectar, en todo caso, o disposto na aprobada polo Consello da Xunta de Galicia.

2. A política de seguridade determina os principios e a organización en materia de seguridade da información e establece as medidas de seguridade de natureza organizativa, física e lóxica que garantirán a integridade, a autenticidade, a confidencialidade, a dispoñibilidade, a trazabilidade, a calidade, a protección, a recuperación e a conservación da información dos documentos electrónicos, os seus soportes e medios.

3. As medidas de seguridade derivadas da política de seguridade da información estableceranse atendendo os riscos a que a información poida estar exposta e os prazos durante os cales deba conservarse, e serán de obrigado cumprimento para toda a infraestrutura dixital do sector público autonómico, incluíndo os servizos de administración dixital regulados nesta lei, e para todas as súas persoas usuarias e provedores dixitais que se relacionen coa dita infraestrutura dixital.

#### Artigo 92. *Xestión de incidentes de seguridade*

1. A Administración xeral e as entidades instrumentais do sector público autonómico constituirán un equipo de resposta ante as emerxencias informáticas e os incidentes de seguridade (CSIRT) que actuará como centro de resposta ante incidentes de seguridade en tecnoloxías da información e as comunicacións e velará polo desenvolvemento de medidas preventivas e correctivas neste ámbito.

2. A Administración xeral e as entidades instrumentais do sector público autonómico dispoñerán dun protocolo de notificación de incidentes de seguridade, que establecerá as responsabilidades e os procedementos de xestión e de notificación para garantir unha resposta rápida, eficaz e ordenada ante a ocorrencia dos incidentes, e cuxa xestión será responsabilidade do equipo de resposta ante emerxencias informáticas e incidentes de seguridade. Este protocolo será de obrigado cumprimento para todos os órganos e as entidades que conforman o sector público autonómico e para os provedores dixitais e as persoas usuarias dos servizos previstos nesta lei.

#### Artigo 93. *Relacións con provedores dixitais*

1. Para os efectos do previsto nesta lei, entenderase por provedor dixital calquera persoa física ou xurídica que, en virtude dunha relación xurídica con entidades do sector público autonómico,





subministre produtos ou preste servizos relacionados coa infraestrutura dixital do sector público autonómico.

2. A relación entre a Administración xeral e as entidades instrumentais do sector público autonómico e os seus provedores dixitais rexeráse polo disposto no instrumento xurídico concreto que sirva de fundamento xurídico á relación, que deberá incluír os requisitos necesarios para garantir a seguridade e a continuidade dos servizos prestados en función do risco vinculado á prestación do servizo por parte do provedor.

3. Cando foren ou se estimaren necesarias para a prestación do servizo ou da subministración dos produtos, os provedores dixitais deberán contar coas declaracións ou as certificacións, segundo o caso, de conformidade co Esquema nacional de seguridade, e deberanlle facilitar á Administración xeral e ás entidades instrumentais do sector público autonómico a información sobre o cumprimento das medidas de seguridade e continuidade aplicable con carácter previo ao comezo da prestación do servizo ou da subministración do produto.

4. Os provedores dixitais terán o deber de colaborar coa Administración xeral e coas entidades instrumentais do sector público autonómico en materia de seguridade da información e de continuidade.

5. Prestarase especial atención ao control dos servizos facilitados por provedores dixitais cando a súa infraestrutura estea situada fóra das instalacións do sector público autonómico, en particular no caso de que tales servizos supoñan unha transferencia internacional de datos.

6. A Administración xeral e as entidades instrumentais do sector público autonómico de Galicia reservaranse o dereito de monitorizar, revisar e auditar en todo momento os servizos prestados por terceiros, co fin de garantir a seguridade e a continuidade do servizo. Estas accións levaranse a cabo cumprindo os requisitos que para o efecto estableza a normativa vixente.

#### Artigo 94. *Xestión dos recursos tecnolóxicos do sector público autonómico*

1. Regulamentariamente determinaranse as condicións de soporte na xestión dos recursos tecnolóxicos co obxectivo prioritario de garantir a seguridade no uso dos servizos dixitais do sector público autonómico, e en particular nos centros educativos públicos galegos.

2. A entidade do sector público autonómico competente en materia de desenvolvemento dixital será a responsable da xestión e da auditoría dos devanditos servizos segundo a normativa sectorial correspondente, e poderá establecer os criterios e as condicións de uso destes servizos, así como as súas excepcións.

3. Co obxectivo de garantir a seguridade e a continuidade dos servizos dixitais prestados polo sector público autonómico, os órganos responsables das localizacións físicas en que estean situados os elementos da infraestrutura dixital terán a obriga de lle facilitar o acceso ás ditas localizacións ao persoal técnico competente, cando tal acceso sexa necesario para garantir a seguridade e a continuidade dos servizos.





### Artigo 95. Auditorías de seguridade da información

Realizaranse auditorías que permitan verificar o cumprimento das medidas de seguridade, de continuidade e de protección de datos en intervalos planificados ou cando teñan lugar cambios significativos en función do que estableza a normativa de referencia vixente en cada momento.

#### *Sección 2ª. Protección de datos*

### Artigo 96. Licidade do tratamento dos datos persoais

O tratamento dos datos persoais derivado dos servizos regulados nesta lei deberase fundar nunha base lexítima conforme o disposto no Regulamento xeral de protección de datos e na Lei orgánica 3/2018, do 5 de decembro, de protección de datos persoais e garantía dos dereitos dixitais.

### Artigo 97. Intercambio dos datos persoais

1. Coa finalidade de facer efectivo o dereito das persoas interesadas nun procedemento administrativo a non achegar documentos que se atopen en poder da administración actuante, que fosen elaborados por calquera administración ou que fosen achegados anteriormente polas persoas interesadas a calquera administración, realizaranse os tratamentos dos datos de carácter persoal, incluídos os derivados dos intercambios de información entre administracións públicas, que resulten necesarios e que cumpran os requisitos establecidos na normativa aplicable.

2. Para a prestación dos servizos dirixidos á cidadanía previstos nesta lei realizaranse os intercambios de información entre as administracións públicas que sexan estritamente necesarios e que cumpran os requisitos establecidos na normativa aplicable.

3. Cando os tratamentos regulados neste artigo sexan relativos ás sinaladas como categorías especiais de datos no Regulamento (UE) 2016/679 do Parlamento Europeo e do Consello, do 27 de abril de 2016, aqueles deberán axustarse ao disposto no dito regulamento, así como no artigo 9 da Lei orgánica 3/2018, do 5 de decembro, de protección de datos persoais e garantía dos dereitos dixitais.

### Artigo 98. Transparencia e información á persoa afectada

1. A Administración xeral e as entidades instrumentais do sector público autonómico de Galicia cumprirán co deber de información nos termos previstos na normativa en materia de protección de datos de carácter persoal.

2. As persoas interesadas poderán acceder á relación das transmisións dos seus datos e documentos entre administracións que se efectúen a través da plataforma de intermediación ou da Carpeta cidadá.



### Artigo 99. *Exercicio dos dereitos*

1. As persoas afectadas poderán exercer perante a Administración xeral e as entidades instrumentais do sector público autonómico os dereitos que lles correspondan conforme o disposto na normativa en materia de protección de datos de carácter persoal.

2. A Administración xeral e as entidades instrumentais do sector público autonómico poñerán á disposición das persoas un procedemento específico na sede electrónica da Xunta de Galicia para o exercicio dos dereitos en materia de protección de datos, sen prexuízo de que poidan optar por outro medio.

### Artigo 100. *Persoa delegada de protección de datos*

O sector público autonómico contará coa figura da persoa delegada de protección de datos, e establecerá o modelo de organización da prestación das funcións da devandita persoa delegada de protección de datos, baseándose na súa estrutura organizativa. Este modelo garantirá que as persoas interesadas dispoñan dun punto de contacto respecto de todas as cuestións relativas ao tratamento dos seus datos persoais e ao exercicio dos seus dereitos ao abeiro da normativa de protección de datos.

## CAPÍTULO IV

### **Continuidade dos servizos dixitais**

#### Artigo 101. *Plan de continuidade da prestación dos servizos dixitais*

1. A Administración xeral e as entidades instrumentais do sector público autonómico de Galicia dispoñerán dun Plan de continuidade da prestación dos servizos dixitais que permita garantir a continuidade dos servizos regulados nesta lei ante incidentes de seguridade. Este plan determinará os requisitos de seguridade e de continuidade, as accións preventivas, correctivas e reactivas e mais o establecemento de responsabilidades que permitan garantir a dispoñibilidade dos ditos servizos.

2. O Plan de continuidade da prestación dos servizos dixitais terá en conta os aspectos de continuidade:

a) da infraestrutura dixital

b) dos procedementos de traballo ou das ampliacións dos prazos no caso de indispoñibilidades do servizo por incidencia técnica

c) da dispoñibilidade dos servizos de soporte para garantir a continuidade dos servizos dixitais.

3. A Administración xeral exixiralles a todos os órganos e as entidades do sector público autonómico o cumprimento do Plan de continuidade e, se for necesario, que dispoñan do seu propio Plan de continuidade.

4. A Administración xeral e as entidades instrumentais do sector público autonómico poderán auditar periodicamente os controis de seguridade e de continuidade establecidos e implementados para poderen garantir a súa validez e eficacia ante situacións de crise.



5. O Plan de continuidade da prestación dos servizos dixitais deberá ser aprobado pola Comisión de Seguridade e Goberno Electrónico, por proposta da entidade do sector público autonómico con competencias en desenvolvemento dixital.

#### Artigo 102. *Indispoñibilidade técnica dos servizos*

1. A entidade do sector público autonómico con competencias en desenvolvemento dixital desenvolverá os protocolos e os procedementos internos que establezan os criterios e as formas de traballo ante a indispoñibilidade técnica dos servizos dixitais, coa finalidade de establecer pautas e criterios homoxéneos no funcionamento do sector público, en especial na relación coa cidadanía.

2. Así mesmo, respecto dos procedementos cuxa tramitación e resolución sexan da competencia do sector público autonómico, regulamentariamente establecerase o réxime de ampliación dos prazos aplicable e a emisión de certificados acreditativos da indispoñibilidade no caso de incidencias técnicas non planificadas que imposibiliten o funcionamento ordinario do sistema ou da aplicación que corresponda. Exceptuaranse do dito réxime aqueles procedementos que teñan unha normativa específica que resulte incompatible con el.

#### Artigo 103. *Prestación do servizo por parte das unidades con competencias en materia de tecnoloxías da información e a comunicación*

1. A Administración xeral e as entidades instrumentais do sector público autonómico deberán establecer mecanismos para garantir o funcionamento e a atención dos sistemas e das tecnoloxías da información necesarios para a prestación dos servizos dixitais todos os días do ano e as vinte e catro horas do día.

2. As unidades do sector público autonómico con competencias en materia de tecnoloxías da información e a comunicación deberán prever a prestación ininterrompida dos servizos necesarios para a administración e a operación continuada dos sistemas transversais, así como a atención das incidencias que afecten a dispoñibilidade, a continuidade e a seguridade dos sistemas no momento en que se produzan e a realización de intervencións programadas fóra dos horarios ordinarios de traballo.

### TÍTULO VI

## Do impulso dixital

### CAPÍTULO I

## Marco galego de competencias dixitais

#### Artigo 104. *Marco galego de competencias dixitais*

1. A Xunta de Galicia favorecerá un contexto dixital, no que a cidadanía poida acadar, actualizar e mellorar as súas competencias dixitais, en liña cos cambios e os usos tecnolóxicos que se integren na sociedade.

2. Para estes efectos, enténdese por competencia dixital a habilidade no uso seguro e responsable das tecnoloxías da información e a comunicación para o traballo, o lecer e a comunicación, sus-



tentándose nas competencias básicas en materia de tecnoloxías da información e a comunicación. Nestas competencias básicas inclúese o uso de ordenadores para obter, avaliar, almacenar, producir, presentar e intercambiar información, comunicarse e participar en redes de colaboración a través da internet.

3. A Xunta de Galicia promoverá a definición dun Marco galego de competencias dixitais, dirixido ao conxunto da cidadanía, no que se determinen os coñecementos, as capacidades e as aptitudes mínimas para contribuír ao desenvolvemento dunha sociedade usuaria dos servizos dixitais avanzados, á mellora profesional e ao benestar colectivo.

4. Dentro deste Marco galego de competencias dixitais incluírase a identificación das competencias dixitais mínimas do persoal empregado público que posibiliten o correcto desenvolvemento do seu posto de traballo nos supostos e cos requisitos que se determinen regulamentariamente, segundo o previsto no seguinte capítulo deste título.

5. A definición do Marco galego de competencias dixitais estará aliñada coas estratexias da Comisión Europea nesta materia.

#### *Artigo 105. Acreditación persoal no Marco galego de competencias dixitais*

1. Os cidadáns e as cidadás poderán obter unha acreditación oficial dos seus coñecementos, capacidades e aptitudes no ámbito das tecnoloxías da información e as comunicacións que posibilite o recoñecemento das súas competencias dixitais por parte do sector público autonómico e doutras administracións que así o prevexan.

2. Regulamentariamente establecerase o alcance do Marco galego de competencias dixitais, identificando os contidos, a estruturación en niveis, o tipo de certificación ou certificacións, os criterios de actualización con base nas novas necesidades de competencias no eido dixital, así como os requisitos e o procedemento para a obtención da acreditación.

#### *Artigo 106. Actuacións para a inclusión dixital*

1. A Administración xeral e as entidades instrumentais do sector público autonómico, no ámbito das súas competencias e funcións, promoverán actuacións para a inclusión dixital, considerando as seguintes liñas básicas:

- a) a alfabetización dixital da cidadanía, co fomento do uso das competencias dixitais básicas
- b) a capacitación dixital para as persoas usuarias que necesitan acadar madurez nas competencias dixitais
- c) o impulso de proxectos de innovación social dixital
- d) a promoción do talento dixital para que a cidadanía poida desenvolverse plenamente no ámbito persoal e profesional



e) o fomento das redes de cooperación a través dos aliados dixitais e o Programa de voluntariado dixital

f) a consideración de calquera outra acción que facilite a inclusión dixital da sociedade.

2. As aulas da Rede de centros para a modernización e a inclusión tecnolóxica (Rede Cemit) constituirán un instrumento para a execución das actuacións para a inclusión dixital. Promoverán, dentro das súas actividades, programas formativos orientados á capacitación para a obtención da acreditación regulada no artigo 105.

3. As actuacións para o desenvolvemento do Marco galego de competencias dixitais contarán cos instrumentos necesarios para a súa aplicación, incluíndo a participación doutros axentes que colaboren co sector público autonómico.

## CAPÍTULO II

### Capacitación dixital do persoal empregado público

#### Artigo 107. *Capacitación dixital do persoal empregado público*

1. A Administración xeral e as entidades públicas instrumentais do sector público autonómico habilitarán os medios e garantirán o acceso á formación continuada do persoal empregado público para o desenvolvemento das súas competencias dixitais e o aproveitamento eficiente dos medios dixitais na prestación dos servizos públicos.

2. En consonancia cos medios e a formación facilitados pola administración, o persoal empregado público procurará a súa capacitación dixital para o exercicio das súas funcións nunha contorna dixital de prestación de servizos públicos.

#### Artigo 108. *Plan de capacitación dixital do persoal empregado público*

1. A Xunta de Galicia aprobará o Plan de capacitación dixital do persoal empregado público. Este plan estará baseado no Marco galego de competencias dixitais, que deberá definir as competencias dixitais mínimas do persoal empregado público, e complementarase cos coñecementos específicos no funcionamento da administración dixital que posibiliten o correcto desenvolvemento do seu posto de traballo nos supostos e cos requisitos que se determinen regulamentariamente.

2. O Plan de capacitación dixital estará dirixido á totalidade do persoal empregado público da Administración xeral e das entidades públicas instrumentais do sector público autonómico e permitirá acadar o certificado galego de competencias dixitais referido no artigo 105.

3. (Sen contido.)

#### Artigo 109. *Formación no uso dos medios dixitais*

1. As entidades do sector público autonómico con competencias en materia de formación ao persoal empregado público desenvolverán unha función permanente de detección de necesidades for-



mativas para proporcionar respostas efectivas ás necesidades de formación e recualificación do persoal empregado público e para anticiparse á actualización constante da contorna dixital, contribuíndo deste xeito ao desenvolvemento profesional e persoal dos traballadores e das traballadoras.

2. Nos plans anuais de formación das ditas entidades incluíranse as actividades específicas de formación relativas á implantación continuada da administración electrónica e de procesos innovadores, á seguridade da información e a protección de datos, así como á posta en marcha de novos servizos dixitais.

3. Estas actividades de formación poderán ter a consideración de obrigatorias cando sexan necesarias para o desempeño profesional do persoal empregado público, nos supostos e cos requisitos que se determinen regulamentariamente. Neste caso, o tempo de formación será considerado como tempo efectivo de traballo.

#### Artigo 110. *Capacitación dixital nos procesos de selección de persoal e provisión de postos*

1. Os procesos selectivos para o ingreso na Administración xeral da Comunidade Autónoma de Galicia incorporarán no seu programa, de ser necesario, os contidos relativos á administración dixital e ás tecnoloxías da información e a comunicación que sexan adecuados aos corpos, ás escalas ou ás categorías a que se refiran os ditos procesos selectivos.

2. Nos procesos de provisión que se convoquen poderán valorarse os mesmos contidos, de acordo co que preveña a correspondente convocatoria.

#### Artigo 110 bis. *Capacitación dixital noutras administracións públicas galegas*

1. As restantes administracións públicas galegas deberán promover uns plans de capacitación dixital dos seus empregados públicos.

2. Estableceranse os mecanismos de colaboración que permitan facer extensivas as actuacións do sector público autonómico nesta materia ás restantes administracións públicas galegas.

### CAPÍTULO III

#### **Fomento da innovación dixital na administración pública**

#### Artigo 111. *Fomento da innovación dixital*

1. A Administración xeral e as entidades públicas instrumentais do sector público autonómico promoverán a innovación dixital na mellora das súas relacións coa cidadanía e no seu propio funcionamento, co obxectivo de deseñar novas formas de prestar servizos de maior calidade e de xerar eficiencias internas.

2. A estratexia de innovación dixital e mellora dos servizos públicos deberá recoller, con carácter mínimo, as seguintes liñas básicas:

a) Aumentar a eficiencia e a eficacia da actuación administrativa a través da transformación dos procesamentos de xestión internos das entidades en procesos dixitais.



b) Prover uns servizos públicos dixitais que se adapten ás posibles innovacións facilitadas pola evolución tecnolóxica.

c) Mellorar a satisfacción das persoas usuarias no uso dos servizos públicos dixitais.

d) Facilitar a utilización dos servizos dixitais por persoas con algún tipo de diversidade funcional e persoas maiores.

e) Promover uns procesos de innovación social para o desenvolvemento e a implementación de novos servizos públicos que satisfagan as necesidades sociais.

#### Artigo 112. *Canles para a innovación dixital*

1. A Xunta de Galicia creará un foro de innovación dixital no funcionamento da Administración pública galega, no cal poderá participar o persoal empregado público das administracións públicas de Galicia. A finalidade do foro será promover a xeración de ideas e a creatividade na procura de novas solucións ou formas de traballo aproveitando a utilización das tecnoloxías da información e a comunicación.

2. A publicación das experiencias de innovación xurdidas permitirá intercambiar as boas prácticas entre as distintas administracións públicas e, polo tanto, introducir os ciclos de mellora continua no sector público autonómico.

3. A Xunta de Galicia promoverá a creación de canles e mecanismos de participación co obxecto de recoller as ideas e as suxestións cidadás no ámbito da innovación social.

4. A Administración xeral e as entidades públicas instrumentais do sector público autonómico utilizarán a posta en marcha de sistemas e dos servizos dixitais e o coñecemento do funcionamento da administración pública por parte do seu persoal empregado público para mellorar os procesos na xestión pública e a innovación continua na forma de prestar servizos e no funcionamento interno.

5. Regulamentariamente estableceranse os mecanismos concretos para o fomento da innovación dixital e mais a creación e o funcionamento do foro previsto neste artigo, así como as canles que se habilitarán para a aplicación práctica das ideas innovadoras que xurdan na materia.

### TÍTULO VII

## **Dos órganos e os instrumentos para a coordinación, a cooperación, colaboración e o seguimento**

### CAPÍTULO I

## **Coordinación no sector público autonómico**

#### Artigo 113. *Coordinación institucional*

A Administración xeral e as entidades instrumentais do sector público autonómico deberán abordar o desenvolvemento da administración electrónica e o seu funcionamento nun contexto



dixital desde un ámbito corporativo e global que garanta un modelo único de relación coa cidadanía e un modelo transversal e homoxéneo de desenvolvemento dentro do sector público autonómico. As liñas do proceso de dixitalización do sector público autonómico, tanto as establecidas nesta lei coma as que resulten do seu desenvolvemento e a súa aplicación, deberán levar a cabo mediante actuacións transversais e coas premisas da coordinación institucional e a cohesión de esforzos.

#### Artigo 114. *Órgano de coordinación*

A Comisión de Seguridade e Goberno Electrónico actuará como órgano de coordinación e desenvolverá para tal fin as funcións previstas no artigo 118.

#### Artigo 115. *Catálogo dos sistemas dixitais*

1. Os sistemas para o funcionamento dixital son o conxunto de aplicacións, sistemas de información e infraestruturas tecnolóxicas necesarias para a dispoñibilidade dos procesamentos e dos servizos dixitais.

2. Créase o Catálogo dos sistemas dixitais, e nel recolleranse as aplicacións, os sistemas de información e as infraestruturas tecnolóxicas que utilizan ou se poñen á disposición dos órganos e das entidades do sector público autonómico para o seu funcionamento interno, para a prestación de servizos á cidadanía e a relación con outras administracións públicas.

3. O Catálogo dos sistemas dixitais ten como finalidade garantir a gobernanza tecnolóxica e a utilización de sistemas transversais ou especializados, nos cales se promova a aplicación adecuada dos criterios de reutilización, a transferencia tecnolóxica, a interoperabilidade, a seguridade, a facilidade de uso e a accesibilidade.

4. O Catálogo dos sistemas dixitais recollerá, con respecto aos elementos que o integran, a identificación das súas características técnicas e funcionais, as entidades responsables da súa xestión, así como a determinación do seu ámbito de utilización, o criterio de obrigatoriedade de uso e as condicións de uso.

5. A entidade do sector público autonómico con competencias en desenvolvemento dixital será a encargada da xestión e da actualización continuada do Catálogo dos sistemas dixitais. Así mesmo, establecerá os requisitos e os protocolos de incorporación nel.

#### Artigo 116. *Obrigatoriedade no uso dos sistemas*

1. Entre os sistemas recollidos no catálogo regulado no artigo anterior identificaranse aqueles que por razón da súa natureza e interese común respondan ás necesidades transversais de desenvolvemento da administración dixital.

2. A entidade do sector público autonómico con competencias en desenvolvemento dixital determinará os sistemas dixitais que serán de utilización obrigatoria para os órganos e as entidades do sector público autonómico no exercicio da súa actividade.





3. Como mínimo, terán a consideración de utilización obrigatoria para as entidades do sector público autonómico os seguintes: a sede electrónica da Xunta de Galicia, a Carpeta cidadá da Xunta de Galicia, o Rexistro Electrónico Xeral, o Rexistro Electrónico Xeral de Apoderamentos de Galicia, a plataforma de intermediación pasaXe!, o sistema de notificacións electrónicas de Galicia - Notifica.gal, o Portasinaturas electrónico da Xunta de Galicia, o Inventario da información administrativa e o Arquivo electrónico administrativo da Xunta de Galicia. No caso de que se aprobe a creación excepcional de sedes electrónicas ou rexistros electrónicos, nos termos previstos nesta lei, o uso de tales sedes ou rexistros será obrigatorio no seu respectivo ámbito de actuación.

4. Os sistemas que se utilicen para a prestación dos servizos dixitais deberán establecer os mecanismos de integración ou utilizar os sistemas dixitais recollidos na alínea anterior e cumprir os requirimentos legais establecidos na normativa básica aplicable e nesta lei.

5. Poñeranse á disposición dos órganos e das entidades do sector público autonómico unhas canles de información e apoio específicas en relación coas funcións e co alcance dos sistemas que sexan de utilización obrigatoria.

## CAPÍTULO II

### **Competencias e responsabilidades en materia de administración dixital dos órganos e das entidades do sector público autonómico**

#### *Artigo 117. O Consello da Xunta de Galicia*

1. Correspóndelle ao Consello da Xunta de Galicia establecer a política xeral do sector público autonómico en materia de administración dixital, dirixir o seu desenvolvemento e aplicación e mais exercer a iniciativa lexislativa e a potestade regulamentaria nesta materia, sen prexuízo das competencias atribuídas a outros órganos.

2. En particular, correspóndelle ao Consello da Xunta de Galicia:

- a) Aprobar a política de seguridade da información do sector público autonómico de Galicia.
- b) Aprobar os plans de actuación no ámbito do goberno electrónico.
- c) Aprobar a creación ou a supresión de novas sedes ou rexistros electrónicos.

#### *Artigo 118. Comisión de Seguridade e Goberno Electrónico*

1. A Comisión de Seguridade e Goberno Electrónico é o órgano colexiado ao que lle corresponde, no eido do sector público autonómico, a coordinación, o asesoramento, o impulso e a promoción das actuacións en materia de seguridade da información, o desenvolvemento da administración electrónica, a homoxeneización do funcionamento dixital, o acceso á información pública e a participación cidadá. Igualmente corresponderalle o seguimento da aplicación efectiva das medidas aprobadas no eido da seguridade e do goberno electrónico.



2. A Comisión de Seguridade e Goberno Electrónico poderá establecer as prioridades, os criterios e os protocolos que se determinen para acadar a axeitada implantación do funcionamento dixital da administración, así como propoñerlles ao Consello da Xunta ou ás persoas titulares das consellarías a adopción de medidas neste eido respecto dos asuntos da competencia dos ditos órganos.

3. Adicionalmente, correspóndelle á Comisión de Seguridade e Goberno Electrónico:

a) A proposta ao Consello da Xunta de Galicia da creación ou da supresión de novas sedes e rexistros electrónicos.

b) A aprobación dos protocolos de coordinación e mantemento da información contida no Inventario da información administrativa.

c) A aprobación do Plan de continuidade da prestación dos servizos dixitais.

d) A determinación dos indicadores de seguimento da implantación da administración dixital nos diferentes ámbitos competenciais do sector público autonómico.

e) O exercicio das funcións no ámbito da seguridade da información, a administración electrónica, a interoperabilidade, a presenza web e o goberno aberto previstas no artigo 5 do Decreto 73/2014, do 12 de xuño, polo que se crean e regulan os órganos colexiados con competencias en materia de seguridade da información e goberno electrónico da Administración xeral e do sector público autonómico de Galicia.

4. Este órgano, adscrito á entidade do sector público autonómico con competencias en desenvolvemento dixital, contará coa participación na súa composición de todas as consellarías da Administración xeral da Comunidade Autónoma de Galicia, como garantía da integración do principio de transversalidade nas actuacións que se poidan levar a cabo no ámbito das súas competencias.

5. A Comisión de Seguridade e Goberno Electrónico rexerese polo disposto nesta lei, na súa norma de creación e na restante normativa aplicable.

#### Artigo 119. *Consellaría competente en materia de administracións públicas*

En relación coa materia regulada nesta lei, correspóndelle á consellaría competente en materia de administracións públicas:

a) A coordinación dos contidos e dos servizos dispoñibles na sede electrónica da Xunta de Galicia.

b) A xestión e a coordinación da Rede de oficinas de atención á cidadanía e de rexistro, así como a creación, a modificación e a supresión de oficinas da rede e a habilitación temporal das unidades ou dos órganos da Administración xeral e das entidades públicas instrumentais.

c) A xestión e a coordinación do Rexistro Electrónico Xeral.



*Artigo 120. Consellaría e outros órganos competentes en materia de arquivos e patrimonio documental*

1. En relación coa materia regulada nesta lei, correspóndelle á consellaría competente en materia de arquivos e patrimonio documental, coa colaboración da entidade con competencias en desenvolvemento dixital, determinar a política de xestión documental electrónica do sector público autonómico de Galicia.

2. Así mesmo, haberá que aterse, no que resulten aplicables, ás previsións en materia de competencias contidas na Lei 7/2014, do 26 de setembro, de arquivos e documentos de Galicia.

*Artigo 121. Entidades con competencia en materia de formación ao persoal empregado público*

Correspóndelles ás entidades do sector público autonómico competentes en materia de formación ao persoal empregado público o desenvolvemento das actividades formativas que aseguren a obtención das competencias dixitais mínimas do persoal empregado público que posibiliten o correcto desenvolvemento do seu posto de traballo, así como as demais funcións previstas no artigo 109.

*Artigo 122. Entidade con competencias en desenvolvemento dixital*

1. Para os efectos desta lei, enténdese como entidade con competencias en desenvolvemento dixital a entidade do sector público autonómico á que lle corresponde a elaboración, o desenvolvemento e a execución da estratexia tecnolóxica global do sector público autonómico de Galicia.

2. Ademais das funcións previstas na súa norma de creación, a dita entidade desenvolverá as seguintes:

a) A función de nodo de interoperabilidade mediante a plataforma de intermediación pasaXe!, que prestará funcionalidades comúns para o intercambio dos datos e dos documentos entre o sector público autonómico e co resto das administracións públicas.

b) A xestión do procedemento para a acreditación das competencias dixitais.

c) A xestión e a auditoría dos servizos dixitais segundo a normativa sectorial correspondente, podendo establecer uns criterios de aplicación e excepcións a tales criterios. Ademais, deberá establecer as medidas necesarias para garantir que os servizos dixitais respondan ás exixencias de accesibilidade, dispoñibilidade, integridade, trazabilidade e seguridade consonte a normativa vixente.

d) A xestión e a actualización continuada do Catálogo dos sistemas dixitais e o establecemento dos requisitos e dos procedementos de incorporación nel.

e) As establecidas no artigo 59 relativas á xestión dos nomes de dominio.

f) As previstas no artigo 128 no relativo ao Sistema de indicadores da administración dixital.



g) Aqueloutras actuacións, derivadas do exercicio das súas competencias, que sexan necesarias para o desenvolvemento tecnolóxico dos instrumentos que fagan posible a execución das previsións contidas nesta lei.

### CAPÍTULO III

#### **Colaboración e cooperación entre as administracións públicas**

##### *Artigo 123. Comisión de Cooperación Interadministrativa para o Desenvolvemento Dixital*

1. Créase a Comisión de Cooperación Interadministrativa para o Desenvolvemento Dixital como o órgano técnico para a cooperación entre as administracións públicas galegas.

2. As funcións da Comisión de Cooperación Interadministrativa para o Desenvolvemento Dixital serán:

a) Impulsar o desenvolvemento cohesionado da administración dixital na Comunidade Autónoma de Galicia.

b) Asegurar a cooperación entre as administracións públicas galegas para proporcionar uns servizos dixitais conxuntos ou complementarios, facilitando unha imaxe coherente da administración de cara á cidadanía.

c) Promover a prestación conxunta dos servizos dixitais.

d) Establecer as canles operativas para o desenvolvemento dos servizos dixitais compatibles e interoperables, así como fomentar a reutilización dos sistemas ou das infraestruturas dixitais.

e) Facer un seguimento conxunto do grao de avance da administración dixital e mais da efectividade das medidas postas en marcha.

3. Regulamentariamente determinarase a composición e o réxime xurídico da Comisión de Cooperación Interadministrativa para o Desenvolvemento Dixital.

##### *Artigo 124. Intercambio dos datos, das informacións e dos documentos entre as administracións públicas*

1. A Administración xeral e as entidades públicas instrumentais do sector público autonómico de Galicia deberán asegurar:

a) A subministración da información, dos datos e dos documentos no seu poder ás administracións públicas solicitantes que os precisen para o exercicio das súas competencias, nos termos previstos na normativa aplicable.

b) A creación e o mantemento dos sistemas integrados de información administrativa co fin de dispoñer de datos actualizados, completos e permanentes.

c) A prestación da asistencia mutua na aplicación da lexislación relativa á protección dos datos persoais, en particular mediante a notificación, a remisión de reclamacións, a asistencia nas inves-



tigacións, o intercambio de información e a reserva das garantías adecuadas para a protección dos datos persoais.

2. A Administración xeral e as entidades públicas instrumentais do sector público autonómico de Galicia compartirán co resto das administracións públicas de Galicia as liñas de actuación e orientacións comúns para favorecer o intercambio de ideas, estándares, tecnoloxía e proxectos orientados a garantir a interoperabilidade dos datos e documentos e a melloraren a eficacia e a eficiencia na prestación dos servizos públicos das distintas administracións públicas galegas.

#### Artigo 125. *Cooperación e colaboración con outros organismos*

1. Impulsaranse as relacións de colaboración e cooperación necesarias coas restantes administracións públicas presentes no territorio galego coa finalidade de favorecer o achegamento dixital á cidadanía nas súas relacións coa administración.

2. A Administración xeral e as entidades públicas instrumentais do sector público autonómico de Galicia deberán impulsar a colaboración e a cooperación co resto das administracións públicas para a posta en marcha de servizos interadministrativos integrados e a compartición de infraestruturas, técnicas e os servizos comúns que permitan a racionalización dos recursos das tecnoloxías da información e a comunicación a todos os niveis.

3. No ámbito das competencias autonómicas, deberanse promover actividades de cooperación con organizacións nacionais e internacionais en materia de tecnoloxías da información, de protección de datos e de seguridade da información.

4. Promoverase a participación do persoal competente do sector público autonómico en foros sectoriais e grupos de traballo nas materias reguladas nesta lei.

#### Artigo 126. *Posta á disposición dos sistemas incluídos no Catálogo dos sistemas dixitais*

1. No Catálogo dos sistemas dixitais indicaranse aqueles elementos que, pola súa situación tecnolóxica ou as súas características funcionais, estean en disposición de ser utilizados ou reutilizados por outras administracións públicas, órganos estatutarios, organismos e entidades de dereito público vinculados ou dependentes daquelas, ou polas universidades públicas do Sistema universitario de Galicia, que poderán adherirse ao seu uso.

2. Darase publicidade ao contido do Catálogo dos sistemas dixitais, indicando as características dos sistemas, as condicións de uso, o nivel de servizo e os mecanismos de coordinación para a xestión dos cambios.

3. En función das condicións e da situación dos elementos contidos no Catálogo dos sistemas dixitais, estes poderanse poñer á disposición en diversas modalidades: reutilización, posta á disposición do seu uso, utilización compartida e aqueloutras que en cada momento poidan ser de interese.

4. Para os efectos do previsto no artigo 158 da Lei 40/2015, do 1 de outubro, de réxime xurídico do sector público, o Catálogo dos sistemas dixitais realizará as funcións de directorio de aplicacións



dispoñibles para a súa reutilización, de conformidade co disposto no Esquema nacional de interoperabilidade.

5. Por un acordo con outras administracións, estas poderán determinar o uso obrigatorio dos sistemas do catálogo que consideren de interese no seu ámbito competencial.

5 *bis*. As entidades que integran o sector público autonómico de Galicia velarán por que as aplicacións que desenvolvan se baseen en criterios e estándares que faciliten a interoperabilidade e poidan ser reutilizadas por outras entidades do sector público.

## CAPÍTULO IV

### Sistema de indicadores da administración dixital

#### Artigo 127. *Sistema de indicadores da administración dixital*

1. Créase o Sistema de indicadores da administración dixital, constituído polos indicadores do funcionamento da propia administración, nos seus diferentes ámbitos de actividade, configurados a partir da información dispoñible nos sistemas e nas aplicacións que dan soporte dixital á actividade do sector público autonómico.

2. A creación do Sistema de indicadores da administración dixital do sector público autonómico ten como obxectivo o establecemento dos mecanismos de medición necesarios para a avaliación, a análise, o control da evolución e a prospectiva da implantación e mais o impacto da administración dixital, así como a achega de coñecemento para a mellora da prestación dos servizos públicos.

3. O Sistema de indicadores da administración dixital estará orientado e estruturado para a súa utilización e entendemento desde diferentes ámbitos:

a) para a súa utilización por parte do sector público autonómico, como elemento na toma de decisións

b) para a súa utilización como fonte de información na avaliación da prestación dos servizos públicos

c) para a súa utilización como fonte de información por parte dos organismos encargados da observación da sociedade dixital ou da análise estatística

c *bis*) para o seu aliñamento cos indicadores comúns que se establezan no marco da cooperación entre as administracións públicas

d) para a súa posta á disposición da cidadanía como elemento de transparencia, proporcionando un servizo de información de alta calidade baseado nos principios de libre e fácil acceso á información do sector público.

4. Os informes resultantes do Sistema de indicadores da administración dixital estarán dispoñibles en formatos reutilizables.



### Artigo 128. *Xestión do Sistema de indicadores da administración dixital*

1. Correspóndelle á Comisión de Seguridade e Goberno Electrónico a determinación dos indicadores de seguimento da implantación da administración dixital nos diferentes ámbitos competenciais do sector público autonómico.

2. A entidade do sector público autonómico con competencias en desenvolvemento dixital será a encargada da xestión e do desenvolvemento dos mecanismos de creación e difusión do Sistema de indicadores da administración dixital. Esta entidade adoptará as medidas necesarias para que as condicións de accesibilidade, continuidade, integridade e seguridade respondan ás exixencias normativas vixentes, así como que dean resposta ás necesidades das persoas destinatarias do sistema.

3. Será responsabilidade das unidades usuarias dos sistemas de información ou das aplicacións orixes da información garantir o seu bo uso, o que redundará nunha mellor calidade do Sistema de indicadores.

4. Por proposta da Comisión de Cooperación Interadministrativa para o Desenvolvemento Dixital, ou dalgunhas das administracións que formen parte dela, poderanse incluír indicadores do seu ámbito competencial, que quedarán integrados no sistema cos mesmos criterios e usos que os restantes indicadores.

## CAPÍTULO VI

### **Observatorio da Sociedade da Información e a Modernización de Galicia**

#### Artigo 129. *Observatorio da Sociedade da Información e a Modernización de Galicia*

1. O Observatorio da Sociedade da Información e a Modernización de Galicia configúrase como o órgano asesor para a valoración da evolución da sociedade da información e a modernización administrativa nas administracións públicas de Galicia, para a participación e a colaboración coas ditas administracións públicas nesas materias e para a contribución á promoción e á extensión da sociedade da información e a modernización dixital en Galicia. Igualmente, configúrase como un sistema de información para a análise, a comparación, o seguimento e a divulgación dos datos, da información e dos coñecementos relacionados coas materias antes referidas.

2. O Observatorio abordará, mediante os seus traballos, a análise do impacto das actividades de desenvolvemento da administración dixital na propia administración e na sociedade galega. As súas observacións e estudos deberán dar lugar a propostas de orientación estratéxica no desenvolvemento da administración dixital galega.

3. O Observatorio da Sociedade da Información e a Modernización de Galicia rexerese por esta lei, pola súa norma de creación e pola restante normativa aplicable.

#### Disposición adicional primeira. *Enderezos de acceso aos sistemas*

Os enderezos da internet, nos cales estarán dispoñibles os sistemas regulados nesta lei ou no seu desenvolvemento normativo, serán obxecto de publicación mediante unha resolución da entidade do sector público autonómico con competencias en materia de desenvolvemento dixital.





Disposición adicional segunda. *Continuidade na prestación dos servizos das tecnoloxías da información e a comunicación*

1. Coa finalidade de garantir a dispoñibilidade dos servizos dixitais, os contratos que subscriban as entidades do sector público autonómico para a prestación dos servizos das tecnoloxías da información e a comunicación que sexan críticos para o funcionamento dos ditos servizos dixitais deberán incluír obrigatoriamente nas súas cláusulas da prestación do servizo que queda garantida a atención continuada. Nos ditos contratos estableceranse os réximes dos servizos de garda e aqueles outros que permitan a atención continuada dos servizos.

2. Coa finalidade de asegurar a prestación de servizos críticos, o persoal empregado público poderá estar sometido á dispoñibilidade horaria nos termos que se establezan regulamentariamente.

Disposición adicional terceira. *Asistencia á cidadanía no relativo aos medios tecnolóxicos*

1. Estableceranse as canles e os medios que permitan ofrecer un soporte tecnolóxico á cidadanía nas súas relacións electrónicas cos órganos e as entidades do sector público autonómico.

2. Coa finalidade de garantir o acceso igualitario aos servizos dixitais durante o proceso progresivo da incorporación do uso dos medios dixitais na sociedade, as oficinas de atención á cidadanía e de rexistro poderán desenvolver actuacións específicas tendentes a favorecer a progresiva incorporación, familiarización ou desenvolvemento do uso dos medios dixitais por parte dos colectivos que especialmente o requiran.

3. Na posta en marcha dos servizos ou dos procedementos dixitais, para promover o uso igualitario dos medios dixitais, poderase impulsar o desenvolvemento de plans de acompañamento orientados aos colectivos implicados, coa finalidade de promover a capacidade de acceso e a utilización dos servizos. Estes plans poderanse desenvolver en colaboración con outros axentes.

Disposición adicional cuarta. *Sobre a vixencia e a homologación da formación previa*

1. No deseño e o desenvolvemento do Marco galego de competencias dixitais estableceranse os criterios de vixencia e homologación da certificación galega de competencias dixitais en ofimática, regulada polo Decreto 218/2011, do 17 de novembro.

2. No caso do persoal empregado público estableceranse igualmente os criterios de convalidación dos cursos ou das actividades formativas que se teñan realizado e que teñan relación directa coa implementación das tecnoloxías dixitais da información e as comunicacións aplicadas á administración e con contidos vixentes e aplicables.

Disposición adicional quinta. *Actividades de prestación e persoal das entidades instrumentais de dereito privado*

As previsións desta lei en materia de servizos públicos dixitais e as relativas ao persoal empregado público serán aplicables, no que proceda, ás actividades de prestación e ao persoal das entidades instrumentais do sector público autonómico de dereito privado.





#### Disposición transitoria primeira. *Sistema único de rexistro*

Namentres non se proceda ao desenvolvemento regulamentario do Sistema único de rexistro manterase en vigor o Decreto 191/2011, do 22 de setembro, de organización e funcionamento dos rexistros da Administración xeral e das entidades públicas instrumentais da Comunidade Autónoma de Galicia, en todo o que non resulte incompatible con esta lei.

#### Disposición transitoria segunda. *Rexistro Electrónico Xeral de Apoderamentos de Galicia e Rexistro do Persoal Funcionario Público Habilitado*

O funcionamento efectivo do Rexistro Electrónico Xeral de Apoderamentos de Galicia e do Rexistro do Persoal Funcionario Público Habilitado producirase na data que se determine no desenvolvemento regulamentario das previsións desta lei relativas aos ditos rexistros. Esta data será, en todo caso, anterior á data da entrada en vigor da regulación contida na Lei 39/2015, do 1 de outubro, do procedemento administrativo común das administracións públicas, sobre o Rexistro Electrónico de Apoderamentos e o Rexistro de Empregados Públicos Habilitados.

#### Disposición transitoria terceira. *Interoperabilidade*

En tanto non entren en vigor as previsións da Lei 39/2015, do 1 de outubro, sobre o Rexistro Electrónico de Apoderamentos, o Rexistro Electrónico Xeral e o Rexistro de Empregados Públicos Habilitados, a interoperabilidade do Rexistro Electrónico Xeral de Apoderamentos de Galicia, do Rexistro Electrónico Xeral e do Rexistro do Persoal Funcionario Público Habilitado e mais os efectos derivados de tal interoperabilidade, estarán condicionados á efectiva dispoñibilidade de rexistros equivalentes doutras administracións públicas cos que se poida interoperar.

#### Disposición transitoria cuarta. *Presenza do sector público autonómico na internet*

1. Mantense en vigor o Decreto 201/2011, do 13 de outubro, polo que se regula a presenza da Administración xeral e do sector público autonómico de Galicia na internet, en todo o que non resulte incompatible con esta lei.

2. A actual Rede integrada de portais da Administración xeral e do sector público autonómico de Galicia, regulada no artigo 9 do Decreto 201/2011, do 13 de outubro, pasa a denominarse Rede integrada da presenza na internet.

3. O actual Catálogo de portais, regulado no artigo 12 do Decreto 201/2011, do 13 de outubro, pasa a denominarse Catálogo da Rede integrada da presenza na internet, segundo o recollido no artigo 55 desta lei, coa ampliación do seu contido nos termos indicados no dito precepto.

4. A Guía de políticas web, regulada no artigo 13 do Decreto 201/2011, do 13 de outubro, pasa a denominarse Guías de políticas web corporativas, segundo o recollido no artigo 56 desta lei, coa ampliación do seu contido nos termos indicados no dito precepto.

#### Disposición derogatoria única. *Derrogación normativa*

1. Queda derogada a sección 1ª do capítulo III do título II da Lei 2/2017, do 8 de febreiro, de medidas fiscais, administrativas e de ordenación.



2. Queda derogado o Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

3. Quedan derogadas cantas normas de igual ou inferior rango contradigan ou se opoñan ao contido desta lei.

Disposición derradeira primeira. *Modificación da Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia*

Modifícase a alínea 27 do anexo I da Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, no sentido de substituír o inciso «Copias compulsadas ou auténticas de expedientes en poder da administración» por «Copias compulsadas ou auténticas de expedientes en poder da administración e copias auténticas de documentos privados ou doutras administracións».

Disposición derradeira segunda. *Modificación da Lei 16/2010, do 17 de decembro, de organización e funcionamento da Administración xeral e do sector público autonómico de Galicia*

Modifícase o artigo 21 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que queda redactado como segue:

«Artigo 21. *Uso de medios electrónicos*

1. Os órganos colexiados desenvolverán a súa actividade nunha contorna dixital. A constitución dos ditos órganos colexiados así como as comunicacións e a adopción de acordos realizaranse preferentemente por medios electrónicos, segundo o establecido na normativa básica sobre os órganos colexiados contida na Lei 40/2015, do 1 de outubro, de réxime xurídico do sector público.

2. De acordo co artigo 17.3 da Lei 40/2015, do 1 de outubro, de réxime xurídico do sector público, salvo que non resulte posible, as convocatorias serán remitidas aos membros do órgano colexiado a través de medios electrónicos nos termos previstos no dito precepto.

3. Os órganos colexiados poderán realizar sesións mediante videoconferencia ou outros medios electrónicos válidos para estes efectos consonte o previsto no artigo 17.1 da Lei 40/2015, do 1 de outubro.

4. As actas das sesións dos órganos colexiados e os certificados dos acordos constarán en documentos asinados electronicamente polas persoas que teñan a secretaría, a presidencia, ou ambas as dúas, segundo corresponda, e quedarán arquivadas electronicamente no Arquivo electrónico administrativo da Xunta de Galicia, con todas as garantías adecuadas para a súa autenticidade e conservación. Para a sinatura electrónica utilizaranse os sistemas previstos no artigo 71 da Lei reguladora da administración dixital de Galicia.»

Disposición derradeira terceira. *Modificación da Lei 7/2014, do 26 de setembro, de arquivos e documentos de Galicia*

1. Modifícase o artigo 35 da Lei 7/2014, do 26 de setembro, de arquivos e documentos de Galicia, co engadido dunha alínea 4, que quedará redactada como segue:



«4. O Arquivo Electrónico da Xunta de Galicia formará parte do Sistema de arquivos da Xunta de Galicia como repositorio dos documentos electrónicos dos arquivos enumerados nos puntos 2 e 3 que cumpran os requisitos previstos no artigo 43.»

2. Modifícase o artigo 42 da Lei 7/2014, do 26 de setembro, de arquivos e documentos de Galicia, coa eliminación da alínea 4.

3. Modifícase o artigo 43 da Lei 7/2014, do 26 de setembro, de arquivos e documentos de Galicia, que quedará redactado como segue:

«Artigo 43. *Arquivo Electrónico da Xunta de Galicia*

1. O Arquivo Electrónico da Xunta de Galicia é o sistema dixital que permite xestionar os documentos electrónicos en poder do sector público autonómico. Está integrado tanto polo o Arquivo Electrónico Administrativo coma polo Arquivo Electrónico do Patrimonio Documental, de acordo coas políticas de xestión establecidas en cada caso.

2. O Arquivo Electrónico Administrativo xestionará os expedientes administrativos electrónicos da Administración xeral e do sector público autonómico nas súas diferentes fases ata o momento da súa eliminación ou da súa transferencia ao Arquivo Electrónico do Patrimonio Documental, cando fosen valorados e seleccionados para a súa conservación permanente.

3. O Arquivo Electrónico do Patrimonio Documental xestionará os documentos valorados como de conservación permanente. Del forman parte tanto o repositorio de difusión coma o repositorio de preservación.

4. O Arquivo Electrónico da Xunta de Galicia desenvolverá os procesos e funcións da xestión documental a que se refire o artigo 18 no ámbito da Administración electrónica en coordinación co órgano competente en materia de Administración tecnolóxica.

5. O Arquivo Electrónico da Xunta de Galicia terá un modelo específico que será de uso común entre os órganos de goberno e da Administración xeral da Comunidade Autónoma de Galicia e das entidades instrumentais integrantes do sector público autonómico.

6. A Xunta de Galicia deberá garantir a custodia e a conservación dos seus documentos e expedientes electrónicos e facilitaralles aos arquivos da súa titularidade ou xestión o cumprimento das funcións que lles corresponden sobre aqueles.

7. A Xunta de Galicia promoverá a coordinación e a colaboración entre a consellaría ou entidade instrumental competente en materia de Administración electrónica e sistemas de información e a consellaría competente en materia de arquivos e patrimonio documental para garantir a custodia e a conservación no marco da xestión documental electrónica.

8. A consellaría competente en materia de arquivos participará na elaboración e mantemento dun sistema de información administrativa da Xunta de Galicia para facilitar a xestión dos docu-



mentos electrónicos dos órganos de goberno e da Administración xeral da Comunidade Autónoma de Galicia.»

Disposición derradeira cuarta. *Adaptación normativa*

No prazo dun ano a partir da entrada en vigor desta lei deberanse adecuar as normas autonómicas que sexan incompatibles co previsto nela.

Disposición derradeira quinta. *Desenvolvemento normativo*

Habilítase o Consello da Xunta de Galicia para ditar as disposicións que sexan necesarias para o desenvolvemento do establecido nesta lei.

Disposición derradeira sexta. *Entrada en vigor*

Esta lei entrará en vigor aos vinte días naturais da súa publicación no *Diario Oficial de Galicia*.

Santiago de Compostela, 28 de xuño de 2019.

María Julia Rodríguez Barreira  
Presidenta en funcións da Comisión

Patricia Vilán Lorenzo  
Secretaria da Comisión

## **Mantemento de emendas e formulación de votos particulares en relación co Proxecto de lei de administración dixital de Galicia**

- 48795 (10/PL-000014)  
Presidencia da Xunta de Galicia  
Proxecto de lei de administración dixital de Galicia  
BOPG nº 458, do 09.04.2019

Ordénase a publicación no *Boletín Oficial do Parlamento de Galicia* das emendas mantidas e dos votos particulares formulados ao Ditame emitido pola Comisión 1ª, Institucional, de Administración Xeral, Xustiza e Interior.

- G. P. de En Marea (doc. núm. 52069).
- G. P. dos Socialistas de Galicia (doc. núm. 52070).
- G. P. do Bloque Nacionalista Galego (doc. núm. 52064).

Santiago de Compostela, 28 de xuño de 2019  
Miguel Ángel Santalices Vieira  
Presidente



### 1.1.2.1.6. Proposicións de lei para presentar perante o Congreso dos Deputados

#### **Ditame emitido pola Comisión 1ª, Institucional, de Administración Xeral, Xustiza e Interior, sobre a Proposición de lei orgánica, para presentar perante o Congreso dos Deputados, de transferencias complementarias a Galicia en materia de tráfico, circulación de vehículos e seguranza viaria**

A Comisión 1ª, Institucional, de Administración Xeral, Xustiza e Interior, na súa sesión do día 28 de xuño de 2019, adoptou o seguinte acordo:

Aprobación do ditame da Comisión

- 44486 (10/PPLC-000012)

Grupo Parlamentario dos Socialistas de Galicia

Proposición de lei orgánica, para presentar perante o Congreso dos Deputados, de transferencias complementarias a Galicia en materia de tráfico, circulación de vehículos e seguranza viaria

BOPG nº 424, do 01.02.2019

Santiago de Compostela, 28 de xuño de 2019

Miguel Ángel Santalices Vieira

Presidente

#### **Ditame emitido pola Comisión 1ª, Institucional, de Administración Xeral, Xustiza e Interior sobre a Proposición de lei orgánica, para presentar perante o Congreso dos Deputados, de transferencias complementarias a Galicia en materia de tráfico, circulación de vehículos e seguranza viaria**

A Comisión 1ª, Institucional, de Administración Xeral, Xustiza e Interior, na sesión do día 28 de xuño de 2019, á vista do Informe elaborado pola Ponencia sobre a Proposición de lei orgánica, para presentar perante o Congreso dos Deputados, de transferencias complementarias a Galicia en materia de tráfico, circulación de vehículos e seguranza viaria, de conformidade co disposto nos artigos 116 e seguintes do Regulamento do Parlamento de Galicia, aprobou o seguinte:

#### DITAME

##### Exposición de motivos

A demanda de máis autogoberno é unha evidencia maioritaria na realidade social e institucional galega; máis autogoberno para acadarmos o benestar e darmos pulo á nosa modernización estrutural.

O artigo 150.2 da vixente Constitución posibilita que o Estado transfira ou delegue nas comunidades autónomas facultades correspondentes a materias de titularidade estatal que sexan, pola súa propia natureza, susceptibles de transferencia ou delegación. O Estatuto de autonomía de Galicia, pola súa banda, prevé esta posibilidade no seu artigo 36.1, e outórgalle ao Parlamento, no seu



artigo 36.2, a competencia para formular estas solicitudes e determinar o organismo da Comunidade Autónoma ao cal se lle atribúa a competencia transferida ou delegada.

O Estatuto de autonomía de Galicia atribúelles ás institucións galegas a competencia para a creación dunha Policía Autonómica, competencia que foi exercida e desenvolvida coa creación da Policía de Galicia por medio da Lei 8/2007, do 13 de xuño. Xa que logo, Galicia conta xa co instrumento preciso para poder desenvolver con garantía as competencias que se transfiren ao abeiro desta lei orgánica, independentemente de que o despregamento das unidades da Policía de Galicia encargadas da xestión do tráfico e seguranza viaria será un proceso que requirirá da colaboración entre as institucións estatais e autonómicas. En calquera caso, o Parlamento de Galicia expresa a súa vontade de que o devandito proceso se inicie coa maior brevidade co fin de se completar no horizonte da actual lexislatura.

A presente transferencia, ademais, vai contribuír directamente á mellor e máis diferenciada atención a unha realidade específica galega, baseada no espallamento dos núcleos de poboación, nas características singulares da súa rede viaria e mais nas propias condicións orográficas e climáticas.

#### Artigo 1. *Transferencia de competencias de execución*

Transfírenselle á Comunidade Autónoma de Galicia as facultades de execución da lexislación do Estado en materia de tráfico, circulación de vehículos e seguranza viaria, agás as seguintes:

a) A facultade para expedir, revisar e trocar os permisos e licenzas para manexar vehículos de motor e ciclomotores, así como a súa anulación, intervención e revogación.

b) A matriculación e expedición dos permisos ou licenzas de circulación, así como a súa anulación, intervención e revogación e, pola súa consecuencia, a autorización de transferencias, duplicados e baixas de vehículos de motor e ciclomotores e mais a expedición de permisos temporais.

#### Artigo 2. *Traspaso de servizos*

O exercicio das competencias transferidas será asumido pola Comunidade Autónoma cando teña efectividade a transferencia dos medios persoais, materiais e financeiros precisos, formalizado por medio de acordo da Comisión Mixta de Transferencias e do correspondente real decreto de traspaso de servizos.

#### Artigo 3. *Intercambio de datos*

As administracións do Estado e da Comunidade Autónoma de Galicia facilitaranse reciprocamente o acceso a cadanseu rexistro de datos persoais en materia de tráfico, respectando sempre o previsto na lexislación estatal vixente en materia de protección de datos de carácter persoal.

#### Disposición transitoria

A Policía de Galicia exercerá as funcións de vixilancia do tráfico nas vías interurbanas de Galicia consonte o que se dispoña no seo da Comisión Mixta de Transferencias e o que se aprrobe no correspondente real decreto de traspasos.



Durante o período de tempo preciso para que a Policía de Galicia complete o despregamento dos seus efectivos e naquelas zonas onde este non se leve a efecto, a Garda Civil continuará a exercer as súas funcións de vixilancia das vías interurbanas baixo a dependencia dos órganos competentes da Administración do Estado, que tamén seguirán a tramitar e resolver os correspondentes expedientes de sanción.

#### Disposición derogatoria

Derróganse todas as normas e disposicións que se opoñan ao disposto nesta lei orgánica.

#### Disposición derradeira

Esta lei entrará en vigor o mesmo día da súa publicación no *Boletín Oficial del Estado*.

Santiago de Compostela, 28 de xuño de 2019

José Manuel Rey Varela  
Presidente da Comisión

Patricia Vilán Lorenzo  
Secretaria da Comisión

## 2. Elección e composición do Parlamento, réxime e goberno interior, organización e funcionamento

### 2.2. Composición do Parlamento e dos seus órganos

#### Modificación da composición das comisións e da Deputación Permanente así como da distribución dos grupos parlamentarios nas comisións con representación proporcional e na Deputación Permanente

A Mesa do Parlamento, na súa sesión do día 2 de xullo de 2019, adoptou os seguintes acordos:

Modificación da composición das comisións e da Deputación Permanente así como da distribución dos grupos parlamentarios nas comisións con representación proporcional e na Deputación Permanente

Na sesión da Mesa do 24 de xuño de 2019 tomouse coñecemento da vontade de don Luis Villares Naveira, dona Paula Vázquez Verao, don Francisco Casal Vidal e don David Rodríguez Estévez, deputada e deputados do Grupo Parlamentario de En Marea, de abandonaren este grupo parlamentario e de se incorporaren ao Grupo Parlamentario Mixto.

Na sesión da Mesa do 28 de xuño de 2019 tomouse coñecemento da designación do portavoz Grupo Parlamentario Mixto, polo que quedou validamente constituído desde esa data, e adoptáronse varios acordos relativos á súa representatividade con efectos desde o dito día. Non obstante, trasladouse á Xunta de Portavoces o tratamento previo da subvencións para o seu financiamento, ademais das





cuestións referidas á composición da Deputación Permanente e das comisións con representación proporcional, da distribución proporcional dos grupos parlamentarios na Deputación Permanente e da distribución dos grupos parlamentarios nas comisións con representación proporcional.

Logo da audiencia da Xunta de Portavoces o 2 de xullo de 2019, adóptase o seguinte ACORDO:

1º. Aprobar a composición das comisións parlamentarias e da Deputación Permanente:

- Composición das comisións con representación proporcional: 12 membros.
- Composición das comisións con representación paritaria: 1 membro de cada grupo parlamentario nas permanentes e 2 membros nas non permanentes.
- Composición da Deputación Permanente: 21 membros e mais a Presidencia da Cámara.

2º. Aprobar a distribución dos grupos parlamentarios nas comisións con representación proporcional e na Deputación Permanente:

a) Comisións de composición proporcional: Comisións 1ª, 2ª, 3ª, 4ª, 5ª, 6ª, 7ª, 8ª, Comisión do Regulamento, Comisión de Control da Corporación da RTVG, Comisión para as relacións co Consello de Contas, Comisión de investigación sobre as antigas caixas de aforros, Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer actuacións necesarias para evitar que sinistros destas características poidan repetirse, Comisión de investigación para determinar as consecuencias dos recortes e privatización do sistema sanitario galego (2009-2018), con especial incidencia en casos como a non dispensación de medicamentos aos enfermos da hepatite C ou o falecemento dun paciente sen atención no PAC da Estrada:

- 7 membros do Grupo Parlamentario Popular de Galicia.
- 2 membros do Grupo Parlamentario dos Socialistas de Galicia.
- 1 membro do Grupo Parlamentario de En Marea.
- 1 membro do Grupo Parlamentario do Bloque Nacionalista Galego.
- 1 membro do Grupo Parlamentario Mixto.

b) Deputación Permanente:

- 11 membros do Grupo Parlamentario Popular de Galicia.
- 4 membros do Grupo Parlamentario dos Socialistas de Galicia.
- 3 membros do Grupo Parlamentario de En Marea.
- 2 membros do Grupo Parlamentario do Bloque Nacionalista Galego.
- 1 membro do Grupo Parlamentario Mixto.

3º. Abrir un prazo, que remata ás 14.00 horas do 4 de xullo de 2019, para que os grupos parlamentarios de En Marea e Mixto designen, cada un, un deputado ou deputada para os órganos parlamentarios con representación proporcional seguintes:

- Comisións 1ª, 2ª, 3ª, 4ª, 5ª, 6ª, 7ª, 8ª.
- Comisión do Regulamento.





- Comisión de Control da Corporación da RTVG.
- Comisión para as Relacións co Consello de Contas.
- Comisión de investigación sobre as antigas caixas de aforros.
- Comisión de investigación para determinar as causas e dirimir as responsabilidades políticas no accidente producido o pasado 12 de agosto durante a celebración do festival do Marisquiño en Vigo, así como propoñer actuacións necesarias para evitar que sinistros destas características poidan repetirse.
- Comisión de investigación para determinar as consecuencias dos recortes e privatización do sistema sanitario galego (2009-2018), con especial incidencia en casos como a non dispensación de medicamentos aos enfermos da hepatitis C ou o falecemento dun paciente sen atención no PAC da Estrada.
- Deputación Permanente (1 titular e 1 suplente do G. P. Mixto e 3 titulares e 3 suplentes do G. P. de En Marea)

4º. Abrir un prazo, que remata ás 14.00 horas do 4 de xullo de 2019, para que os grupos parlamentarios de En Marea e Mixto designen nas seguintes comisións con representación paritaria:

a) Cada un, un membro:

- Comisión do Estatuto dos Deputados.
- Comisión de Peticións.

b) Cada un, dous membros:

- Comisión non permanente especial sobre a seguridade viaria en Galicia.
- Comisión non permanente especial para a igualdade e para os dereitos das mulleres.
- Comisión especial non permanente para o seguimento das políticas relativas á discapacidade e elaboración de novas propostas a prol da integración das persoas con discapacidade.

5º. Comunicarlles este acordo aos grupos parlamentarios e ao Servizo de Asistencia Parlamentaria.

6º. Publicar este acordo no Boletín Oficial do Parlamento de Galicia.

Santiago de Compostela, 3 de xullo de 2019

Miguel Ángel Santalices Vieira

Presidente



## Á Mesa do Parlamento

**O Grupo Parlamentario de En Marea**, ao abeiro do disposto no Regulamento da Cámara, mantén para a súa defensa en Pleno, todas as emendas presentadas ao **Proxecto de lei de administración dixital de Galicia, doc. núm. 48795 (10/PL-000014)**, que non foron incorporadas ao Ditame da Comisión.

Santiago de Compostela, 28 de xuño de 2019.

Asdo.: Carmen Santos Queiruga

Voceira S. do G.P. de En Marea.

**Asinado dixitalmente por:**

**Carmen Santos Queiruga na data 28/06/2019 14:05:01**



## Á Mesa do Parlamento

O Grupo Parlamentario dos Socialistas de Galicia, a través do portavoz e ao abeiro do disposto no artigo 119 do Regulamento da Cámara, comunícalle a esa Presidencia que mantén para a súa defensa en Pleno, as emendas presentadas ao Proxecto de lei de administración dixital de Galicia (doc. núm. 48795), agás as aprobadas ou transaccionadas.

Pazo do Parlamento, 28 de xuño de 2019

**Asinado dixitalmente por:**

**Xoaquín María Fernández Leiceaga na data 28/06/2019 13:49:18**





OFICINA PARLAMENTAR  
**Parlamento de Galiza**  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

## Á Mesa do Parlamento

O **Grupo Parlamentar do Bloque Nacionalista Galego (BNG)**, a través da súa portavoz, e ao abeiro do disposto no artigo 119 do Regulamento da Cámara **MANTÉN**, para a súa defensa en Pleno, todas as emendas presentadas ao **Proxecto de lei de Administración dixital de Galicia [doc. núm. 48795 (10/PL-000014)]**, que non foron incorporadas ao ditame da Comisión.

Santiago de Compostela, 28 de xuño de 2019

Asdo.: **Ana Pontón Mondelo**

Portavoz do G.P. do BNG

**Asinado dixitalmente por:**

**Ana Pontón Mondelo na data 28/06/2019 13:48:14**



Texto para Pleno

## **PROXECTO DE LEI DE ADMINISTRACIÓN DIXITAL DE GALICIA**

**Proxecto de lei: BOPG núm. 458, do 09.04.2019, corrección erros: BOPG  
núm. 461, do 15.04.2019**

**Emendas: BOPG núm. 482, do 04.06.2019**

**Informe da Ponencia: núm. 492, do 25.06.2019**

**Ditame da Comisión:**

**DITAME DA COMISIÓN:**

Proxecto de lei de administración dixital de Galicia .

**EMENDAS MANTIDAS:**

-Do G.P. Socialistas de Galicia.  
Emenda nº1, de Modificación.

Propónse un novo título para esta lei co seguinte enunciado:

"Proxecto de lei de administración dixital do sector público autonómico de Galicia."

---

## DITAME DA COMISIÓN:

### TÍTULO PRELIMINAR

#### Disposicións xerais

#### Artigo 1. Obxecto

**1. Esta lei ten por obxecto regular o modelo de administración dixital no sector público autonómico, procedendo a desenvolver a normativa básica estatal en materia de administración electrónica, a implementar e a fomentar a adopción das medidas precisas para incorporar o potencial das tecnoloxías dixitais no deseño das políticas públicas, na modernización do sector público autonómico e no impulso da economía galega, coa finalidade última da prestación de servizos públicos dixitais de calidade.**

**2. Para estes efectos, a lei regula o réxime xurídico da utilización dos medios electrónicos por parte do sector público galego no desenvolvemento da súa actividade e nas súas relacións coa cidadanía, coas demais administracións públicas e coas empresas e as entidades, as infraestruturas e os servizos do sector público galego, as medidas para o desenvolvemento dixital na sociedade con criterios de inclusión e non-discriminación e os órganos con competencias en relación coa administración dixital.**

## EMENDAS MANTIDAS:

-Do G.P. En Marea.

Emenda nº1, ao apartado 2 bis), de Adición.

Débase engadir un novo apartado co seguinte texto:

"3. Garantir, en primeiro lugar, o acceso universal á conexión por rede de banda larga de toda a cidadanía de Galicia, para os efectos da implantación da posterior normativa de administración dixital.

Terase en conta especialmente o principio de igualdade dos colectivos máis desfavorecidos, entre eles a persoas con diversidade funcional."





## DITAME DA COMISIÓN:

### Artigo 2. Ámbito de aplicación

Esta lei será aplicable:

a) Ao sector público autonómico, integrado, de acordo co artigo 3 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, pola Administración xeral e as entidades instrumentais.

Malia o anterior, non serán aplicables ás entidades instrumentais de dereito privado previstas na alínea b) do artigo 45 da Lei 16/2010, do 17 de decembro, aqueles preceptos da lei cuxa aplicación se restrinxa expresamente ás entidades públicas instrumentais, así como aqueles que, segundo o caso, non resulten aplicables en atención á natureza das ditas entidades e ao réxime xurídico ao que deban quedar sometidas as concretas funcións desenvolvidas por elas.

b) Á cidadanía nas súas relacións co sector público autonómico de Galicia.

Para estes efectos, as referencias aos cidadáns e ás cidadás comprenderán as persoas físicas, as persoas xurídicas e, cando legalmente teñan recoñecida capacidade de obrar perante as administracións públicas, os grupos de afectados, as unións e entidades sen personalidade xurídica e mais os patrimonios independentes ou autónomos.

c) Nos casos en que así se indique expresamente, ás relacións entre o sector público autonómico e as restantes administracións públicas, dentro do ámbito territorial da Comunidade Autónoma de Galicia, con pleno respecto ás competencias destas.

## EMENDAS MANTIDAS:

-Do G.P. En Marea.  
Emenda nº2, ao apartado a), de Supresión.

Débase suprimir o segundo parágrafo do apartado a)

---

-Do G.P. Socialistas de Galicia.

Emenda nº5, ao apartado a), de Modificación.

No segundo parágrafo da letra a) deste artigo, onde di: "..., non serán aplicables ás entidades instrumentais de dereito privado previstas na alínea b) do artigo 45 da Lei 16/2010, do 17 de decembro, aqueles preceptos da lei cuxa aplicación se restrinxa expresamente ás entidades públicas instrumentais, así como aqueles que, segundo o caso, ...", debe dicir: "... poderán non ser de aplicación ás entidades instrumentais de dereito privado previstas na alínea b) do artigo 45 da Lei 16/2010, do 17 de decembro, cando así se xustifique, ..."

---

-Do G.P. Bloque Nacionalista Galego.  
Emenda nº3, ao apartado a), de Modificación.

No apartado a) do artigo 2 cambiar o texto actual: "Ao sector público autonómico", por: "Ao sector público galego".

---

-Do G.P. En Marea.  
Emenda nº3, ao apartado b), de Substitución.

Débase substituír o texto do primeiro paragrafo polo seguinte:  
"b) Á cidadanía nas súas relacións co sector público autonómico de Galicia, sempre tendo en conta o disposto no artigo 14.1 da LPACAP, que establece o dereito das persoas físicas á elección da comunicación mediante medios electrónicos ou non, nas comunicacións coas administracións, agás que estean obrigadas a relacionarse a través de medios electrónicos coa administración. Este medio pode modificarse pola persoa en calquera momento.

En todo caso, teñen a obriga de relacionarse a través de medios electrónicos coas administracións públicas para a realización de calquera trámite dun procedemento administrativo os seguintes suxeitos:

- a) As persoas xurídicas.
- b) As entidades sen personalidade xurídica.
- c) Aquelas que exerzan unha actividade profesional para a que se requira colexiación obrigatoria, para os trámites e actuacións que realicen coas administracións públicas no exercicio da dita actividade profesional, con expresa inclusión das notarías e dos rexistros da propiedade e mercantís.
- d) Aquelles que representen un interesado que estea obrigado a relacionarse electronicamente coa administración.
- e) A persoas empregadas das administracións públicas para trámites e actuacións que realicen na condición de empregado

público, na forma determinada regulamentariamente por cada administración."

---

-Do G.P. Bloque Nacionalista Galego.  
Emenda nº4, ao apartado b), de Modificación.

No apartado b) do artigo 2, substituír o texto actual: "b) Á cidadanía nas súas relacións co sector público autonómico de Galicia", polo seguinte: "b) Á cidadanía nas súas relacións co sector público galego."

---

-Do G.P. En Marea.  
Emenda nº4, ao apartado c), de Adición.

Débese engadir no apartado c) a seguinte expresión:  
Despois de: "Nos casos en que así se indique expresamente,"  
Engadir: "mediante previsión regulamentaria,"

---

## DITAME DA COMISIÓN:

### Artigo 3. Fins da lei

Son fins desta lei:

a) A garantía do exercicio dos dereitos recoñecidos nos artigos 13 e 53 da Lei 39/2015, do 1 de outubro, do procedemento administrativo común das administracións públicas, nas relacións electrónicas co sector público autonómico de Galicia, **promovendo unha administración pública aberta, transparente, accesible, eficaz e eficiente.**

b) A modernización do sector público autonómico, coa aplicación das tecnoloxías existentes en cada momento, de modo que a actividade pública sexa máis transparente, **áxil**, responsable e innovadora.

c) A efectividade dos dereitos á calidade dos servizos públicos e a unha boa administración recoñecidos nos artigos 2 e 3 da Lei 1/2015, do 1 de abril, de garantía da calidade dos servizos públicos e da boa administración; **todo iso baixo os principios, recollidos no artigo 4 da mesma lei, de calidade, simplificación, claridade, boa fe, imparcialidade, confianza lexítima, proximidade á cidadanía, coordinación e cooperación coas outras administracións públicas.**

d) O fomento do uso das tecnoloxías da información co obxectivo de asegurar os principios de simplificación, racionalización administrativa e redución de cargas a que fai referencia o artigo 4 da Lei 14/2013, do 26 de decembro, de racionalización do sector público autonómico.

e) O impulso do uso da identificación electrónica e dos servizos de confianza para as transaccións dixitais.

f) **A capacitación da cidadanía en competencias dixitais, co obxectivo de favorecer un desenvolvemento social inclusivo e integrador, impulsar a participación plena en todos os ámbitos da vida, protexer os seus dereitos en relación coas administracións públicas e contribuír ao desenvolvemento económico de Galicia.**

g) A regulación da infraestrutura e dos sistemas tecnolóxicos que habilitan o funcionamento dixital do sector público autonómico de Galicia.

h) A cooperación interadministrativa e a reutilización dos servizos e dos compoñentes técnicos como mecanismo esencial para asegurar a interoperabilidade. **Esta cooperación prestará especial atención á Administración local galega, para o que se abordarán as necesarias medidas de fomento e apoio.**

#### EMENDAS MANTIDAS:

-Do G.P. En Marea.  
Emenda nº5, ao apartado a), de Adición.

Débase substituír o texto do apartado polo seguinte:  
a) A garantía do acceso á rede (internet) de forma universal para o exercicio dos dereitos recoñecidos nos artigos 13, 14, 15 e 53 da Lei 39/2015, do 1 de outubro, do procedemento administrativo común das administracións públicas, nas relacións electrónicas co sector público autonómico de Galicia."

---

-Do G.P. Bloque Nacionalista Galego.  
Emenda nº5, ao apartado b), de Modificación.

No apartado b) do artigo 3 cambiar "b) A modernización do sector público autonómico" por: "b) A modernización do sector público galego."

---

-Do G.P. En Marea.  
Emenda nº7, ao apartado e), de Adición.

Débase engadir ao remate do apartado e) o seguinte texto:  
"para as transaccións dixitais, que non se exixirá ás persoas que non teñan garantido o acceso ás comunicacións electrónicas, ou ben que non desexen comunicarse nos termos do artigo 14.1 da Lei 39/2015 de xeito electrónico coa administración. Para estes efectos a administración será a responsable de facilitar, nos termos do artigo 13.b) da Lei 39/2015, a asistencia no uso de medios electrónicos nas relacións coas administracións públicas, garantindo baixo os principios de boa fe, claridade, proximidade, confianza lexítima, este acceso naqueles casos en que se previse expresamente que o único medio de comunicación coa administración será o electrónico, poñendo á disposición das usuarias puntos exclusivos de atención para a tramitación electrónica con persoal formado e habilitado para levar a cabo estas actuacións."



---

-Do G.P. En Marea.

Emenda nº8, ao apartado f), de Adición.

Débase engadir ao remate do apartado f) o seguinte texto:

"Para estes efectos, a Administración pública autonómica de Galicia fará pública e manterá actualizada unha relación das oficinas en que se prestará asistencia para a presentación electrónica de documentos, segundo o sinalado no artigo 16.7 da Lei 39/2015."

---

-Do G.P. Bloque Nacionalista Galego.

Emenda nº7, ao apartado g), de Supresión.

No apartado g) do artigo 3, suprimir a palabra "autonómico".

---

## DITAME DA COMISIÓN:

### Artigo 4. Principios xerais de actuación

Para a consecución dos fins enumerados no artigo anterior, o sector público autonómico axustará a súa actuación aos seguintes principios xerais:

a) Mellorar a prestación dos servizos públicos e o funcionamento do sector público autonómico aproveitando as capacidades das tecnoloxías da información e a comunicación, de acordo cos principios e as normas de calidade, eficacia, transparencia e boa administración previstos na Lei 1/2015, do 1 de abril, de garantía da calidade dos servizos públicos e da boa administración, e na Lei 1/2016, do 18 de xaneiro, de transparencia e bo goberno.

**b) Facer efectivo o principio de igualdade e non-discriminación, co obxectivo de que o uso de medios electrónicos non poida implicar en ningún caso a existencia de discriminacións para os cidadáns e as cidadás, tanto respecto do acceso á prestación de servizos públicos coma respecto de calquera actuación ou procedemento, así como por razón de discapacidade ou dificultades especiais. Así mesmo, garantir a accesibilidade dos sistemas, das aplicacións, dos sitios web e das aplicacións para dispositivos móbiles.**

**Este punto terá en conta o disposto no Real decreto legislativo 1/2013, do 29 de novembro, polo que se aproba o Texto refundido da Lei xeral de dereitos das persoas con discapacidade e da súa inclusión social.**

c) Asegurar a interoperabilidade dos servizos, os sistemas e a información cos doutras administracións públicas, coa finalidade de contribuír a homoxeneizar o marco electrónico de relación entre o sector público autonómico e a cidadanía, así como a favorecer a optimización e o aproveitamento dos recursos.

d) Garantir a seguridade da información e a protección das persoas físicas no que respecta ao tratamento dos datos persoais, mediante un trato responsable e transparente dos datos, coa aplicación dos principios relativos ao tratamento previstos na normativa en materia de protección de datos.

e) Asegurar a integridade, a autenticidade, a confidencialidade, a calidade, a protección e a conservación dos documentos que as persoas interesadas acheguen ao procedemento administrativo, de acordo co previsto no Real decreto 3/2010, do 8 de xaneiro, polo que se regula o Esquema nacional de seguridade no ámbito da administración electrónica.

f) Facer efectiva a garantía dos dereitos dixitais previstos na Lei orgánica 3/2018, do 5 de decembro, de protección de datos persoais e garantía dos dereitos dixitais.

**f bis) Adoptar as medidas necesarias para que o deseño dos servizos, dos trámites e dos procedementos sexa conforme co obxectivo de reducir as cargas, os custos e os prazos de resolución dos procedementos administrativos, co obxecto de acadar a maior eficacia, eficiencia e economía na actividade administrativa.**

**f ter) Garantir o uso normal da lingua galega en todas as plataformas, os procedementos e os servizos da administración dixital, así como potenciar o desenvolvemento de ferramentas tecnolóxicas en galego e en estándares abertos.**

**f quater) Facer efectiva a participación plena de toda a cidadanía, evitando a fenda tecnolóxica e a exclusión por razóns de xénero, xeográficas, xeracionais, económicas, de diversidade funcional, culturais ou sociais.**

#### **EMENDAS MANTIDAS:**

-Do G.P. Bloque Nacionalista Galego.  
Emenda nº8, de Modificación.

No artigo 4, substituír: “sector público autonómico”, por: “sector público galego”.

---

-Do G.P. En Marea.  
Emenda nº9, ao apartado a), de Substitución.

Débase substituír o texto do apartado a) polo seguinte:

"a) Garantir o acceso á rede e mellorar a prestación dos servizos públicos e o funcionamento do sector público autonómico aproveitando as capacidades das tecnoloxías da información e a comunicación, de acordo cos principios e as normas de calidade, eficacia, transparencia e boa administración previstos nos artigos 2, 3 e 4 da Lei 1/2015, e o previsto no título I, capítulos I e II, nas relacións coa



ciudadanía, e na Lei 1/2016, do 18 de xaneiro, de transparencia e bo goberno."

---

-Do G.P. En Marea.

Emenda nº10, ao apartado b), de Substitución.

Débase substituír o texto do apartado b) polo seguinte:

"b) Facer efectivo o principio de igualdade e non-discriminación, con expreso recoñecemento do disposto no artigo 28 e na disposición adicional terceira sobre as condicións de accesibilidade e non-discriminación, recollidas no Real decreto legislativo 1/2013, do 29 de novembro, que aproba o Texto refundido da Lei xeral de dereitos das persoas con discapacidade e da súa inclusión social en relación co disposto no artigo 37 da Lei 10/2014, do 3 de decembro, de accesibilidade. Así mesmo, garantir a accesibilidade dos sistemas, das aplicacións, dos sitios web e das aplicacións para dispositivos móbiles."

---

-Do G.P. Socialistas de Galicia.

Emenda nº10, ao apartado b), de Adición.

Na letra b) deste artigo, débese engadir *in fine* o seguinte texto: "..., permitindo, en todo caso, o uso dos medios electrónicos independentemente das opcións tecnolóxicas escollidas e promovendo o uso de estándares abertos."

---

-Do G.P. En Marea.

Emenda nº11, ao apartado c), de Substitución.

Débase substituír o texto do apartado c) polo seguinte:

"c) Asegurar a interoperabilidade dos servizos, os sistemas e a información cos doutras administracións públicas, coa finalidade de simplificar e axilizar a atención á cidadanía, no marco da expansión dos medios electrónicos como medio de comunicación coa administración, e garantir a súa eficacia, así como favorecer a optimización e o aproveitamento de recursos."

---

-Do G.P. En Marea.

Emenda nº12, ao apartado d), de Substitución.

Débase substituír o texto do apartado d) polo seguinte:

"d) Garantir a seguridade da información e a protección das persoas físicas no que respecta o tratamento dos datos persoais, mediante un trato responsable e transparente dos datos, coa aplicación dos principios relativos recollidos no

capítulo II do Regulamento (UE) 2016/679 e no título II da Lei 3/2018, de protección dos dereitos persoais e garantía dos dereitos dixitais."

---

-Do G.P. En Marea.

Emenda nº13, ao apartado e), de Substitución.

Débase substituír o texto do apartado e) polo seguinte:

"e) Asegurar a integridade, a autenticidade, a confidencialidade, a calidade, a protección e a conservación dos documentos que as persoas interesadas acheguen ao procedemento administrativo, de acordo co previsto no artigo 13.h) da Lei 30/2015, de conformidade co disposto no Real decreto 3/2010, do 8 de xaneiro, polo que se regula o Esquema nacional de seguridade no ámbito da administración electrónica."

---

-Do G.P. Socialistas de Galicia.

Emenda nº12, ao apartado f) ter), de Adición.

Débase engadir unha nova letra f) ter, que terá o seguinte contido:

"f) ter) A Xunta de Galicia, de acordo co establecido na lexislación vixente, impulsará a redución de taxas cando a cidadanía opte por medios electrónicos ou dixitais na tramitación dos procedementos administrativos. Con tal finalidade, as leis orzamentarias anuais conterán o importe concreto das ditas reducións."

---

-Do G.P. Socialistas de Galicia.

Emenda nº13, ao apartado f) quater), de Adición.

Débase engadir unha nova letra f) quater, que terá o seguinte contido:

"f)quater) A Xunta de Galicia, de acordo co establecido na lexislación vixente, impulsará a redución de prazos naqueles procedementos administrativos en que sexa factible e nos cales a cidadanía opte por medios electrónicos ou dixitais."

---

-Do G.P. Bloque Nacionalista Galego.

Emenda nº11, ao apartado f) quater), de Adición.

No artigo 4, engadir un novo apartado f) quater:



"f *quater*) Garantir a xestión pública directa de todas as plataformas e servizos dixitais de carácter estratéxico e que supoñan a xestión de información e datos persoais e confidenciais."

---

## DITAME DA COMISIÓN:

### Artigo 5. Servizos públicos dixitais

1. A Administración xeral e as entidades públicas instrumentais do sector público autonómico de Galicia promoverán a utilización das tecnoloxías da información e das técnicas avanzadas de tratamento dos datos para poñer á disposición da cidadanía unhas novas actividades prestacionais que, asumidas como propias no exercicio das súas competencias, permitan a mellor satisfacción dos intereses xerais, respectando as previsións e as exixencias da Lei 1/2015, do 1 de abril, de garantía da calidade dos servizos públicos e da boa administración.

2. En particular, elas promoverán o desenvolvemento dos servizos públicos dixitais que:

a) Atendan de xeito personalizado a cidadanía, tendo en conta as súas circunstancias.

b) Promovan a prestación de servizos conxuntos entre os órganos da Administración xeral ou os órganos das entidades públicas instrumentais do sector público autonómico, orientados á atención das necesidades da sociedade.

c) Promovan actuacións simplificadas ou automatizadas que reduzan os tempos de atención ou de resolución administrativa.

d) Teñan en conta as características especiais do medio rural, tanto na súa dispersión coma na dispoñibilidade de medios de acceso aos servizos públicos dixitais.

**2 bis. En todo caso, o emprego de procedementos administrativos electrónicos ou dixitais non supoñerá ningunha modificación da natureza e dos efectos dos servizos ou actos administrativos, nin implicará a eliminación, a redución ou o condicionamento indebido dos dereitos recoñecidos ou atribuídos á cidadanía.**

## EMENDAS MANTIDAS:

-Do G.P. Bloque Nacionalista Galego.

Emenda nº12, ao apartado 1, de Modificación.

No apartado 1 do artigo 5 substituir a palabra: “autonómico”, por: “galego”.

---

-Do G.P. En Marea.

Emenda nº14, ao apartado 2.c), de Adición.

Débase engadir ao remate do apartado 2.c) a seguinte expresión:

“, e faciliten, reducindo os trámites burocráticos, a documentación achegada.”

---

-Do G.P. En Marea.

Emenda nº15, ao apartado 2.d), de Adición.

Débase engadir ao remate do apartado 2.d) o seguinte texto:

“A este respecto facilitaranse puntos de acceso e oficinas para a atención á cidadanía, no marco do disposto no artigo 13.b) da Lei 39/2015 en relación co disposto no artigo 14.”

---

-Do G.P. Socialistas de Galicia.

Emenda nº15, ao apartado 2 ter), de Adición.

Débase engadir un novo punto 2 ter, que terá o seguinte contido:

“2 *ter*. A cidadanía terá os seguintes dereitos nas súas relacións por medios dixitais coa Administración do sector público autonómico de Galicia:

a) A non ser discriminada pola utilización dos procedementos administrativos dixitais ou electrónicos que aprobe a administración.

b) A utilizar calquera das dúas linguas oficiais de Galicia, nos termos que estableza a lexislación reguladora do uso do galego e o artigo 12 desta lei.

c) A formular peticións, pretensións, suxestións e accións, emendar defectos, practicar alegacións e probas e formular recursos e reclamacións contra os actos da Administración pública de Galicia.

d) A obter certificados administrativos por medios dixitais.

e) A pedir e obter informacións e formular consultas por sistemas que non entrañen especial dificultade, preferentemente mediante correos electrónicos ou similares.

f) A coñecer o estado de tramitación dos procedementos en que reúnan a condición de persoas interesadas.

- g) A utilizar os mecanismos de identificación establecidos legalmente nos trámites telemáticos.
  - h) A obter e utilizara sinatura electrónica nas condicións legalmente establecidas ou un sistema de identificación análogo.
  - i) A obter copias electrónicas dos documentos administrativos electrónicos que formen parte de procedementos en que se teña a condición de persoa interesada.
  - j) A que a administración lles garanta un servizo de xestión de arquivo para documentos electrónicos e a conservación dos actos administrativos dixitais que formen parte dun expediente.
  - k) A participar por medios electrónicos na actividade administrativa mediante audiencias ou informacións públicas, cando así estea prescrito legalmente ou mediante enquisas e consultas en determinados casos.
  - l) A acceder aos servizos e ás prestacións públicas a través da canle ou do medio da súa elección, entre os que en cada momento resulten tecnoloxicamente dispoñibles.
  - m) Á privacidade dos seus datos persoais e á intimidade persoal e familiar.
  - n) A todas as garantías xurídicas que exige a normativa reguladora da protección dos datos persoais.
  - ñ) Á seguridade e á calidade nas transmisións dixitais ou electrónicas.
  - o) A utilizar libre e gratuitamente os medios e os servizos electrónicos que se poñan á súa disposición nas oficinas de atención ao público ou nos lugares especificados para iso, para o seu emprego nas relacións coas administracións públicas.
  - p) A non achegar datos e documentos que consten en poder da Administración da Comunidade Autónoma de Galicia, a cal utilizará medios dixitais ou electrónicos para solicitar a dita información, sempre que se conte co consentimento expreso das persoas interesadas ou que unha lei así o determine cando os datos sexan de carácter persoal."
-



## **DITAME DA COMISIÓN:**

**Artigo 5 bis). Cooperación na prestación dos servizos públicos dixitais**

**Coa finalidade de mellorar a atención á cidadanía e de simplificar a súa relación coa administración pública, promoverase a identificación e o deseño de servizos dixitais que inclúan as actuacións coordinadas e complementarias coas restantes administracións do territorio, potenciando a mellora na atención á cidadanía mediante o uso de ferramentas e de medios electrónicos que soporten esa coordinación entre administracións.**

**NON TEN EMENDAS**

## **DITAME DA COMISIÓN:**

Artigo 6. Deberes no acceso e na utilización dos servizos públicos dixitais

1. Os cidadáns e as cidadás teñen o deber de utilizar os servizos públicos dixitais que se poñan á súa disposición de xeito adecuado, co respecto das normas de uso, xerais ou específicas, que se establezan para cada un dos servizos.

2. En particular, os cidadáns e as cidadás deberán utilizar os sistemas de identificación e de sinatura electrónicas de que sexan lexítimos titulares, usar a información dispoñible conforme a política de privacidade publicada e respectar a normativa en materia de protección de datos de carácter persoal.

## **EMENDAS MANTIDAS:**

-Do G.P. En Marea.

Emenda nº16, ao apartado 2 bis), de Adición.

Débase engadir un novo apartado co seguinte texto:

"3. En todo caso, garantíranse os dereitos das persoas que non teñan ou no queiran comunicarse de forma electrónica coas administracións públicas de conformidade co disposto no artigo 14 da Lei 39/2015. Garantírase tamén o respecto a esta modalidade de acceso presencial e con todas as garantías, dos dereitos das persoas con discapacidade, mentres sexa esta a opción escollida por elas para as súas relacións coas administracións públicas. A este respecto, as administracións terán que cumprir o disposto no artigo 28 do Real decreto lexislativo 1/2013, do 29 de novembro, que aproba os dereitos das persoas con discapacidade e da súa inclusión social, na protección dos dereitos de accesibilidade e non-discriminación no ámbito das relacións coas administracións públicas, e no Real decreto 366/2007."

---



## DITAME DA COMISIÓN:

### Artigo 7. Acceso aos servizos públicos dixitais

1. A Administración xeral e as entidades públicas instrumentais do sector público autonómico de Galicia garantirán o acceso aos servizos públicos dixitais que se poñan á disposición da cidadanía, para o seu emprego nas relacións coas administracións públicas.

2. Para facilitar o acceso aos servizos públicos dixitais a Administración xeral e as entidades públicas instrumentais do sector público autonómico de Galicia:

a) Promoverán as medidas necesarias para que a cidadanía teña o acceso á provisión dos medios de identificación e de sinatura electrónicos.

b) Poñerán á disposición nos edificios administrativos os medios de acceso para a utilización dos servizos públicos dixitais.

c) Facilitarán o uso das canles de acceso aos servizos públicos dixitais e establecerán canles de atención e axuda para o uso adecuado deles, así como preverán os mecanismos para a continuidade dos servizos públicos no caso de indispoñibilidades tecnolóxicas.

## EMENDAS MANTIDAS:

-Do G.P. Bloque Nacionalista Galego.  
Emenda nº13, ao apartado 1, de Modificación.

No apartado 1 do artigo 7, substituír a palabra “autonómico” por “galego”.

---

-Do G.P. En Marea.  
Emenda nº17, ao apartado 2.a), de Adición.

Débase engadir no apartado 2.a), despois de "...a cidadanía teña o acceso" a seguinte expresión:  
"á rede,"

---

-Do G.P. En Marea.  
Emenda nº18, ao apartado 2.b), de Adición.

Débase engadir ao remate do apartado 2.b) o seguinte texto:  
"e o persoal habilitado que axude á realización destas tarefas a todas as persoas, con especial cumprimento das obrigas coas persoas con discapacidade."

---

-Do G.P. En Marea.  
Emenda nº19, ao apartado 2.c), de Adición.

Débase engadir ao remate do apartado 2.c) o seguinte texto:  
"Nestes casos, a entrega farase en papel, que despois dixitalizará o persoal funcionario, e sempre con entrega fidedigna do xustificante para a persoa que achega a documentación, a queixa, a suxestión ou realiza calquera trámite administrativo."

---

-Do G.P. Bloque Nacionalista Galego.  
Emenda nº14, ao apartado 2.c) bis), de Adición.

Engadir un novo apartado c) bis no artigo 7:

"c *bis*) Suprimíranse as convocatorias públicas en concorrencia non competitiva, xa que non se garante a valoración obxectiva e o acceso igualitario aos servizos públicos dixitais."

---

## **DITAME DA COMISIÓN:**

Artigo 8. Acceso da comunidade galega no exterior aos servizos públicos dixitais

1. A Xunta de Galicia determinará as medidas necesarias para garantir que os cidadáns galegos e as cidadás galegas residentes fóra de Galicia e mais as entidades galegas asentadas fóra de Galicia teñan acceso por medios electrónicos aos servizos públicos dixitais que lles sexan aplicables, con especial atención ás medidas necesarias para asegurar a provisión dos medios de identificación e sinatura electrónicos abondos para o acceso a tales servizos públicos dixitais.

2. Para estes efectos, a Administración xeral e as entidades públicas instrumentais do sector público autonómico, adoptarán as medidas funcionais, técnicas e organizativas necesarias e dirixidas a facer efectivo o exercicio deste acceso.

**NON SE PRESENTARON EMENDAS**

## DITAME DA COMISIÓN:

### Artigo 9. Obrigatoriedade de emprego dos medios electrónicos

1. No ámbito do sector público autonómico estarán obrigados a relacionarse a través dos medios electrónicos para a realización de calquera trámite dun procedemento administrativo, ademais dos indicados no artigo 14.2 da Lei 39/2015, do 1 de outubro, do procedemento administrativo común das administracións públicas, os seguintes suxeitos:

- a) Os traballadores autónomos e as traballadoras autónomas para os trámites e as actuacións que realicen no exercicio da súa actividade profesional.
- b) O estudantado universitario para os trámites e as actuacións que realicen motivados pola súa condición académica.
- c) As persoas que representen un suxeito obrigado dos anteriormente indicados.

2. Consonte o artigo 14.3 da Lei 39/2015, do 1 de outubro, regulamentariamente poderase establecer a obriga de relacionarse a través dos medios electrónicos co sector público autonómico para determinados procedementos e certos colectivos de persoas físicas respecto dos cales, por razón da súa capacidade económica, técnica, dedicación profesional ou outros motivos, quede acreditado que teñen o acceso e a dispoñibilidade dos medios electrónicos necesarios.

3. No caso específico dos procedementos para a concesión de axudas e subvencións, as correspondentes bases reguladoras poderán establecer a obrigatoriedade do emprego dos medios electrónicos, sempre que se xustifique nelas a concorrencia das circunstancias indicadas na alínea anterior, de acordo coa memoria que para o efecto se inclúa no procedemento necesario para a súa aprobación.

4. Do mesmo xeito, e de conformidade co artigo 16.5 da Lei 39/2015, do 1 de outubro, regulamentariamente poderase establecer a obriga de presentar determinados documentos por medios electrónicos para certos procedementos e colectivos de persoas físicas respecto dos cales, por razón da súa capacidade económica, técnica, dedicación profesional ou outros motivos, quede acreditado que teñen o acceso e a dispoñibilidade dos medios electrónicos necesarios.

## EMENDAS MANTIDAS:

-Do G.P. En Marea.  
Emenda nº20, ao apartado 1, de Supresión.

Débese suprimir o apartado 1

---

-Do G.P. Socialistas de Galicia.  
Emenda nº16, ao apartado 1.a), de Adición.

Na letra a) do punto 1, deste artigo, débese engadir *in fine* o seguinte texto:

"... cando así veña establecido na normativa reguladora do procedemento, por razón da súa capacidade económica, técnica, sector profesional ou outros motivos obxectivos, e quede acreditado que dispón de acceso e dispoñibilidade dos medios electrónicos necesarios."

---

-Do G.P. Socialistas de Galicia.  
Emenda nº17, ao apartado 1.b), de Adición.

Na letra b) do punto 1 deste artigo débese engadir *in fine* o seguinte texto:

" ..., no marco da normativa reguladora do Sistema universitario de Galicia."

---

-Do G.P. En Marea.  
Emenda nº21, ao apartado 2, de Supresión.

Débese suprimir o apartado 2

---

-Do G.P. En Marea.  
Emenda nº22, ao apartado 3, de Supresión.

Débese suprimir o apartado 3.

---

-Do G.P. Bloque Nacionalista Galego.  
Emenda nº15, ao apartado 3, de Supresión.

Suprimir o apartado 3 do artigo 9.

---



-Do G.P. Socialistas de Galicia.  
Emenda nº18, ao apartado 3, de Adición.

No punto 3 deste artigo, débese engadir *in fine* o seguinte texto:

"... e sempre que non provoquen ningún efecto discriminatorio ou disuasorio."

---

-Do G.P. Bloque Nacionalista Galego.  
Emenda nº16, ao apartado 4, de Supresión.

Suprimir o apartado 4 do artigo 9.

---

## DITAME DA COMISIÓN:

### Artigo 10. Subministración única de datos

1. A Administración xeral e as entidades instrumentais do sector público autonómico adoptarán as medidas tendentes a garantir, con suxeición á normativa vixente en materia de protección de datos, que os cidadáns e as cidadás faciliten unha mesma información só unha vez.

Para estes efectos, e respectando as exixencias impostas pola dita normativa, estableceranse os mecanismos que permitan a reutilización interna dos datos facilitados polas persoas que se relacionan co sector público autonómico co obxectivo de reducir as súas cargas administrativas.

2. A Administración xeral e as entidades instrumentais do sector público autonómico poñerán á disposición dos cidadáns e das cidadás, de xeito individualizado e con plenas garantías de seguridade, continuidade, privacidade e protección de datos, a información e os datos por eles ou elas subministrados, co obxectivo de que poidan acceder ou modificar os seus propios datos e coñecer os procedementos nos cales teñan a condición de persoa interesada.

3. Serán aplicables as previsións do artigo 28 da Lei 39/2015, do 1 de outubro, do procedemento administrativo común das administracións públicas, e da disposición adicional oitava da Lei orgánica 3/2018, do 5 de decembro, de protección de datos persoais e garantía dos dereitos dixitais, así como da restante normativa aplicable.

## EMENDAS MANTIDAS:

-Do G.P. Bloque Nacionalista Galego.  
Emenda nº17, de Modificación.

No artigo 10, substituír: "autonómico", por: "galego".

---

-Do G.P. Socialistas de Galicia.  
Emenda nº19, ao apartado 1, de Adición.

No segundo parágrafo do punto 1 deste artigo, despois de: "... estableceranse ...", Débese engadir: "... regulamentariamente ..."

---

-Do G.P. En Marea.

Emenda nº23, ao apartado 3.bis), de Adición.

Débase engadir un apartado co seguinte texto:

"4. A Administración xeral e as entidades instrumentais garantirán que o acceso aos datos achegados conforme o artigo 10.1 pola cidadanía só poidan ser consultados e transmitidos no ámbito para o que a persoa autorice e nada máis que para ese procedemento, sendo responsable a administración pola consulta ou o traslado de datos sen ter a conseguinte autorización.

Terase especial coidado no ámbito da protección dos datos recollidos no artigo 9.2.a) do Regulamento (UE) 2016/679 e na Lei orgánica 3/2018, do 5 de decembro, de protección de datos persoais e garantía dos dereitos dixitais."

---



## DITAME DA COMISIÓN:

### Artigo 11. Igualdade dixital

1. A Administración xeral e as entidades instrumentais do sector público autonómico de Galicia promoverán as actuacións necesarias para facilitar a relación dixital das persoas con discapacidade, **con especial atención ás persoas con discapacidade intelectual ou sensorial**, para o pleno exercicio dos seus dereitos e das súas obrigas ao amparo desta lei.

2. A Administración xeral e as entidades instrumentais do sector público autonómico de Galicia impulsarán as medidas para eliminar todas as dificultades da relación dixital por razón de xénero. Así mesmo, prestarán especial atención aos factores que poidan agravar as dificultades da relación dixital, en particular a idade, a localización no medio rural ou a situación de precariedade económica **ou de exclusión social**.

3. A Administración xeral e as entidades instrumentais do sector público autonómico de Galicia promoverán uns programas dirixidos a fomentar a autonomía dixital dos colectivos en risco de exclusión dixital.

Para estes efectos, considéranse colectivos en risco de exclusión dixital aqueles que polas súas circunstancias educativas, sociais, culturais ou económicas carezan da posibilidade de acceder aos servizos electrónicos do sector público autonómico en condicións de igualdade cos restantes colectivos.

## EMENDAS MANTIDAS:

-Do G.P. Bloque Nacionalista Galego.  
Emenda nº18, de Modificación.

No artigo 11, substituír: “sector público autonómico”, por: “sector público galego”.

---

-Do G.P. Bloque Nacionalista Galego.  
Emenda nº19, ao apartado 2, de Substitución.

No apartado 2 do artigo 11, substituír o texto que comeza en: “Así mesmo...”, por:



"Así mesmo, garantirán o dereito á integración e á participación das persoas no ámbito dixital, removendo as barreiras xeracionais, xeográficas, culturais, sociais e económicas que dificultan ou impiden o exercicio deste dereito."

---

-Do G.P. Socialistas de Galicia.  
Emenda nº21, ao apartado 3 bis), de Adición.

Débase engadir un novo punto 3 bis, que terá o seguinte contido:

"3 *bis*. Singularmente, a Administración xeral e as entidades instrumentais do sector público autonómico promoverán programas de axudas dirixidos ao fomento e á utilización de medios dixitais entre as persoas do medio rural."

---

## **DITAME DA COMISIÓN:**

### Artigo 12. Usos lingüísticos

1. Nas relacións da cidadanía co sector público autonómico por canles dixitais, os contidos e os servizos garantirán o uso normal do galego e do castelán. Adicionalmente poderanse incluír noutras linguas contidos ou servizos para os que se considere de interese en prol de acadar unha mellor difusión.

2. Os contidos e os servizos dixitais establecerán o galego como lingua de contacto inicial. O castelán será tamén lingua de uso nos contidos e nos servizos dixitais.

## **EMENDAS MANTIDAS:**

-Do G.P. En Marea.

Emenda nº24, ao apartado 2.bis), de Adición.

Débese engadir un apartado co seguinte texto:

"3. Segundo o disposto nos artigos 6.1, 6.3 e 6.4 e no título VI da Lei 3/1983, do 15 de xuño, de normalización lingüística, os poderes públicos de Galicia promoverán o uso normal da lingua galega, oralmente e por escrito, nas súas relacións coa cidadanía."

---

## DITAME DA COMISIÓN:

### Artigo 13. Capacitación dixital

1. A Xunta de Galicia deberá desenvolver un modelo de acreditación oficial dos coñecementos, das capacidades e das aptitudes no ámbito das tecnoloxías da información e as comunicacións que posibilite o recoñecemento das competencias dixitais dos cidadáns e das cidadás.

2. A Administración xeral e as entidades instrumentais do sector público autonómico de Galicia promoverán, no seu ámbito competencial, actuacións para fomentar a capacitación dixital da cidadanía, como medida para facer efectivo o principio de igualdade fronte á administración dixital, así como para facilitar a participación cidadá nos procedementos do sector público autonómico e, en último termo, aproveitar o impulso das tecnoloxías dixitais para o desenvolvemento da economía galega.

## EMENDAS MANTIDAS:

-Do G.P. Bloque Nacionalista Galego.  
Emenda nº20, de Modificación.

No artigo 13 substituír: “sector público autonómico”, por: “sector público galego”.

---

-Do G.P. Socialistas de Galicia.  
Emenda nº22, ao apartado 1, de Adición.

No punto 1 deste artigo débese engadir *in fine* o seguinte texto:

"... . En todo caso, esta acreditación deberá ser compatible, recoñecible e non contraditoria coas titulacións oficiais ou as cualificacións profesionais relacionadas."

---

## DITAME DA COMISIÓN:

Artigo 14. Efectividade das medidas previstas na lei

**A Xunta de Galicia establecerá** uns mecanismos e procedementos que permitan avaliar as medidas previstas nesta lei, entre os cales han figurar os seguintes:

a) Incluíranse no Sistema de indicadores da administración dixital uns indicadores específicos sobre os dereitos e os principios enunciados nesta lei. Para estes efectos, poderase solicitar o asesoramento dos órganos do sector público autonómico con competencias en relación cos dereitos e os principios sinalados ou dos colectivos aos que singularmente afecten.

b) O Plan xeral de mellora da calidade dos servizos públicos, previsto no artigo 20 da Lei 1/2015, do 1 de abril, de garantía da calidade dos servizos públicos e da boa administración, terá en consideración, para a elaboración dos seus obxectivos estratéxicos e programas operativos, as propostas de actuación resultantes da análise dos indicadores, por proposta da Comisión de Seguridade e Goberno Electrónico.

## EMENDAS MANTIDAS:

-Do G.P. Socialistas de Galicia.  
Emenda nº24, de Adición.

Débase engadir un novo parágrafo final 1 bis), que terá o seguinte contido:

"1 bis. Anualmente a Xunta de Galicia elaborará un informe para medir a efectividade das medidas previstas nesta lei, do que se dará conta ao Parlamento de Galicia. Este informe conterá, de proceder, as necesarias medidas orzamentarias. O seu deseño e contido serán definidos regulamentariamente."

---

-Do G.P. En Marea.  
Emenda nº25, ao apartado b).bis), de Adición.

Débase engadir un apartado co seguinte texto:

"c) Para estes efectos, poderase prever a limitación temporal de determinados puntos da lei sempre e cando se constate que a súa implantación causa máis prexuízos ca beneficios, e todo



iso no ámbito da flexibilidade que a intelixencia artificial cause nas relacións entre a cidadanía e a administración, coas verificacións oportunas das melloras introducidas por esta lei ou polas disposicións regulamentarias que se diten para o efecto."

---

## DITAME DA COMISIÓN:

### TÍTULO I

Das relacións coa cidadanía

### CAPÍTULO I

Sede electrónica

Artigo 15. Sede electrónica da Xunta de Galicia

**1. A sede electrónica da Xunta de Galicia é o enderezo electrónico dispoñible para a cidadanía nos termos establecidos no artigo 38 da Lei 40/2015, do 1 de outubro, de réxime xurídico do sector público.**

**2. O ámbito de aplicación da sede electrónica da Xunta de Galicia abrangue o conxunto de órganos e entidades que configuran o sector público autonómico de Galicia.**

**NON TEN EMENDAS**

## DITAME DA COMISIÓN:

### Artigo 16. Contido da sede electrónica da Xunta de Galicia

1. A sede electrónica da Xunta de Galicia facilitará a seguinte información:

a) A identificación do enderezo electrónico de referencia da sede, do seu titular e do seu ámbito de aplicación, así como dos servizos postos á disposición da cidadanía nela.

b) Os textos íntegros das normas de creación da sede electrónica e do Rexistro Electrónico Xeral.

c) A data e a hora oficial e mais os días declarados como inhábiles para os efectos do cómputo dos prazos.

d) A relación dos sistemas de identificación e de sinatura que son admitidos na sede electrónica, así como os trámites e os procedementos para os que son admitidos.

e) A relación dos sistemas de identificación e de sinatura que son utilizados pola sede electrónica.

f) A Guía de procedementos e servizos, recollida na Lei 14/2013, do 26 de decembro, de racionalización do sector público autonómico, que incluírá a relación dos procedementos e dos servizos á disposición da cidadanía, con indicación do seu obxecto, das persoas beneficiarias, dos requisitos e os documentos necesarios, dos prazos de presentación e de resolución, do sentido do silencio, do nivel de interactividade na tramitación e das canles de presentación, así como a normativa aplicable. Ademais, incorporará os formularios normalizados que sexan aplicables en cada un deles. A Guía de procedementos e servizos inclúe a relación actualizada dos trámites que poden iniciarse no Rexistro Electrónico Xeral ao que dá acceso a sede electrónica.

g) A relación das actuacións administrativas automatizadas no sector público autonómico e os selos electrónicos ou os outros mecanismos utilizados para a súa sinatura, se é o caso.

h) A información relativa ás indispoñibilidades do servizo por incidencias técnicas, e, no caso de ampliación dun prazo derivada dunha incidencia técnica, a incidencia técnica acontecida e mais a ampliación concreta do prazo non vencido.



i) Os formatos admitidos para a presentación electrónica de documentos no Rexistro Electrónico Xeral.

j) O directorio xeorreferenciado da Rede de oficinas de atención á cidadanía e de rexistro, que lles permita ás persoas identificaren a oficina máis próxima ao seu enderezo, con indicación dos días e do horario en que permanecen abertas, así como a relación actualizada das oficinas en que se prestará asistencia para a presentación electrónica de documentos.

k) A información necesaria para a correcta utilización da sede, incluíndo o mapa da sede electrónica, con especificación da estrutura de navegación e as distintas seccións dispoñibles, así como o acceso á información relacionada coa propiedade intelectual, a protección de datos persoais e a accesibilidade da sede electrónica.

2. Ademais, a sede electrónica da Xunta de Galicia permitirá:

a) O acceso ao Rexistro Electrónico Xeral para a presentación electrónica de solicitudes, escritos, comunicacións e documentos.

b) O acceso ao Rexistro Electrónico Xeral para a presentación de queixas ou suxestións.

c) O acceso personalizado á Carpeta cidadá da Xunta de Galicia

d) O outorgamento de apoderamentos apud acta mediante a comparecencia electrónica na sede electrónica por parte de quen teña a condición de persoa interesada nun procedemento administrativo.

e) A consulta personalizada das transmisións de datos ou de documentos entre administracións públicas efectuadas con motivo da realización dun trámite ou unha consulta.

f) A práctica de notificacións administrativas por comparecencia na sede electrónica.

g) A solicitude de emisión de copias auténticas dos documentos públicos administrativos.

h) A comprobación da autenticidade e da integridade dos documentos electrónicos emitidos polos órganos e as

entidades incluídos no ámbito de aplicación da sede electrónica.

i) O acceso ao Diario Oficial de Galicia.

3. Así mesmo, a sede electrónica da Xunta de Galicia incorporará calquera outro contido exixido pola normativa vixente, e poderá incorporar outras informacións, contidos ou servizos de interese para a cidadanía.

### EMENDAS MANTIDAS:

-Do G.P. Socialistas de Galicia.  
Emenda nº26, ao apartado 2, de Adición.

No punto 2 deste artigo débese engadir unha nova letra i) bis, que terá o seguinte contido:

"i *bis*) O acceso para facilitar a presentación de propostas, reclamacións ou suxestións sobre as cuestións que afectan a Administración autonómica no ámbito material que recolle esta lei."

---

-Do G.P. En Marea.  
Emenda nº26, ao apartado 2.d), de Adición.

Débese engadir ao remate do apartado 2.d) o seguinte texto:  
"Consideraranse interesadas todas as persoas, organizacións e colectivos segundo o artigo 4 da Lei 39/2015, e habilitaranse as canles necesarias para a súa comparecencia como tales, sexa o procedemento de carácter administrativo ou outro."

---

-Do G.P. En Marea.  
Emenda nº27, ao apartado 2.e), de Substitución.

Débese substituír o texto do apartado 2.e) polo seguinte:  
"e) A consulta personalizada das transmisións de datos ou documentos entre administracións públicas efectuadas, sempre co consentimento anterior solicitado á persoa usuaria, que non revestirá o carácter de xeral, senón que se exixirá pola administración para cada trámite."

---

-Do G.P. Socialistas de Galicia.  
Emenda nº28, ao apartado 3, de Modificación.

No punto 3 deste artigo, débese substituír a expresión: "... incorporará ..." por: "... regulamentariamente poderá incorporar ..."

---

-Do G.P. En Marea.

Emenda nº28, ao apartado 3, de Adición.

Débese engadir ao remate do apartado o seguinte texto:

"Incorporaranse outras informacións relevantes para a cidadanía por consellerías; a modo de exemplo, as seguintes informacións son relevantes: como o concerto cos hospitais, o importe trimestral ou anual destes; o número de prazas por hospitais para doentes e a mingua en períodos vacacionais, o persoal contratado e o réxime.

Porén, no ámbito da Consellería de Política Social publicarase o número de persoas dependentes atendidas e o número de prazas públicas, así como as residencias públicas, as prazas de día, etc.

Consellería de Emprego e Industria: subvencións concedidas a empresas e deslocalización delas, creación de postos de traballo, sancións por incumprimento da normativa laboral, etc. Subvencións e desenvolvemento en I+D+I.

Consellería de Educación: subvencións a centros educativos públicos e privados e ampliación das prazas ou mingua destas.

Consellería de Medio Ambiente e Territorio: número de vivenda protexida por concellos, reserva para a construción, etc.

Consellería de Medio Rural: número de postos de traballo, subvencións, prezos dos principais produtos, etc."

---

## DITAME DA COMISIÓN:

### Artigo 17. Titularidade e responsabilidade

1. A titularidade da sede electrónica da Xunta de Galicia correspóndelles á Administración xeral da Comunidade Autónoma de Galicia e ás entidades públicas instrumentais incluídas no seu ámbito.

2. Corresponderalle á consellaría con competencias en materia de administracións públicas a coordinación, cos órganos e as entidades do sector público autonómico, dos contidos e dos servizos dispoñibles na sede electrónica da Xunta de Galicia.

3. A entidade do sector público autonómico con competencias en desenvolvemento dixital será a responsable dos contidos e dos servizos comúns dispoñibles na sede electrónica, da xestión tecnolóxica e da continuidade, a accesibilidade e a seguridade da sede electrónica da Xunta de Galicia.

4. A responsabilidade dos contidos postos á disposición da cidadanía na sede electrónica da Xunta de Galicia e relativos ao ámbito de actuación dun órgano da Administración xeral da Comunidade Autónoma ou dunha entidade pública instrumental do sector público autonómico será, respectivamente, da secretaría xeral ou secretaría xeral técnica da consellaría ou do órgano executivo da entidade pública instrumental correspondente. No caso dos contidos relativos ás outras entidades instrumentais, a responsabilidade corresponderalle á consellaría de adscrición.

## EMENDAS MANTIDAS:

-Do G.P. Socialistas de Galicia.  
Emenda nº29, ao apartado 4 bis), de Adición.

Débase engadir un novo punto 4 bis, neste artigo, que terá o seguinte contido:

"4 *bis*. Co fin de garantir unha adecuada coordinación e asegurar os necesarios niveis de colaboración para posibilitar a actualización permanente da información e a súa adecuación ás demandas da cidadanía, a Comisión de Seguridade e Goberno Electrónico, conforme o establecido no artigo 118, terá atribuídas funcións para potenciar a colaboración entre as



unidades de información administrativa e as unidades de xestión de sitios web dos distintos departamentos, analizar os modelos de gobernanza que posibiliten unha adecuada xestión, garantir as accións que se consideren convenientes para ofrecer un servizo apropiado de información administrativa e dispoñer da información ou colaborar na xestión da sede electrónica."

---

## DITAME DA COMISIÓN:

### Artigo 18. Outras sedes electrónicas

1. Excepcionalmente, as entidades públicas instrumentais, por razóns de eficacia, de eficiencia e de interese xeral derivadas da concorrencia de circunstancias especiais, poderán crear as súas propias sedes electrónicas de acordo coas condicións e cos requisitos que se establezan regulamentariamente.
2. Na norma de creación concretaranse o seu ámbito específico de actuación así como os servizos específicos que prevexa. No relativo aos contidos e aos servizos comúns coa sede electrónica da Xunta de Galicia vincularanse a esta última.
3. **A creación ou a supresión dunha sede electrónica corresponderalle ao Consello da Xunta de Galicia, consonte o establecido no artigo 117.**
4. Na sede electrónica da Xunta de Galicia habilitarase o acceso ás sedes electrónicas que se creen ao amparo deste artigo.

## EMENDAS MANTIDAS:

-Do G.P. Bloque Nacionalista Galego.  
Emenda nº22, ao apartado 3, de Modificación.

No apartado 3 do artigo 18, substituír: “A creación dunha nova sede electrónica...”, por: “O acordo de creación dunha nova sede electrónica”.

---

## DITAME DA COMISIÓN:

### CAPÍTULO II

Carpeta cidadá da Xunta de Galicia

Artigo 19. Carpeta cidadá da Xunta de Galicia

1. A Carpeta cidadá da Xunta de Galicia é o conxunto estruturado de información e documentos en formato electrónico relativo ás relacións administrativas de cada persoa interesada, xerada nas súas relacións administrativas ordinarias co sector público autonómico de Galicia.

2. Así mesmo, forma parte da Carpeta cidadá da Xunta de Galicia a información de contacto, a de circunstancias persoais e a outra información ou documentación achegada **voluntariamente** pola cidadanía na súa relación co sector público autonómico.

3. A Carpeta cidadá é única para o conxunto de órganos e entidades do sector público autonómico de Galicia.

## EMENDAS MANTIDAS:

-Do G.P. En Marea.

Emenda nº29, ao apartado 3, de Supresión.

Débase suprimir a seguinte expresión:

"e entidades do sector público autonómico de Galicia."

---

-Do G.P. Socialistas de Galicia.

Emenda nº32, ao apartado 3 bis), de Adición.

Débase engadir un novo punto 3 bis neste artigo, que terá o seguinte contido:

"3 *bis*. Dado o seu carácter confidencial, é necesario realizar unha solicitude expresa para poder ter acceso á Carpeta cidadá, coexistindo coa opción telemática a presencial."

---

## DITAME DA COMISIÓN:

Artigo 20. Finalidade da Carpeta cidadá da Xunta de Galicia

A Carpeta cidadá da Xunta de Galicia terá como finalidade:

- a) Achegar de forma personalizada a administración á cidadanía, facilitándolle o acceso ao estado de tramitación dos seus expedientes administrativos, simplificando as relacións administrativas e promovendo a prestación de servizos personalizados.
- b) Facilitar o acceso por parte dos cidadáns e das cidadás á información, tanto de carácter persoal coma de carácter administrativo, que respecto deles e delas estea dispoñible no sector público autonómico, de xeito ordenado e sinxelo.
- c) Dispoñer de información actualizada e de calidade e de contacto coa cidadanía para utilizala de xeito preferente nas relacións con ela, sempre que non se indiquen outros medios específicos para un determinado procedemento ou servizo, e recoller informacións doutras circunstancias persoais facilitadas polos cidadáns e as cidadás.
- d) A elaboración de actividades estatísticas orientadas a satisfacer as necesidades das persoas usuarias, a avaliación das políticas públicas e a toma de decisións, con suxeición ás exixencias derivadas da normativa en materia de protección de datos de carácter persoal.
- e) Garantir que os cidadáns e as cidadás faciliten a mesma información unha soa vez nos termos previstos no artigo 10.

## EMENDAS MANTIDAS:

-Do G.P. En Marea.  
Emenda nº30, ao apartado b), de Supresión.

Débase suprimir a seguinte expresión:  
"tanto de carácter persoal coma"

---

-Do G.P. En Marea.  
Emenda nº31, ao apartado c), de Supresión.

Débase suprimir a seguinte expresión:





"e recoller informacións doutras circunstancias persoais"

---

-Do G.P. En Marea.

Emenda nº32, ao apartado d), de Supresión.

Débase suprimir o apartado d)

---

## **DITAME DA COMISIÓN:**

Artigo 21. Contido da Carpeta cidadá da Xunta de Galicia

Formará parte da Carpeta cidadá da Xunta de Galicia a seguinte información:

- a) Os datos persoais achegados polos cidadáns e as cidadás. En particular, os datos de identidade, correo electrónico e enderezo preferente para os efectos de notificación que queiran utilizar na tramitación dos procedementos, de non especificaren outros datos distintos para un procedemento concreto.
- b) Os expedientes tramitados no ámbito do artigo 19.1, nos cales se teña a condición de persoa interesada, incluíndo os documentos, as informacións relacionadas e o estado da tramitación.
- c) Os apoderamentos inscritos no Rexistro Electrónico Apoderamentos de Galicia, creado no artigo 39.
- d) As notificacións das resolucións e dos actos administrativos.
- e) Aquela que permita o acceso á información de ámbito especializado, sempre que se dea cumprimento aos requisitos de acceso necesarios segundo o ámbito de que se trate.
- f) Outra documentación ou información que, en función da evolución dos servizos dixitais e coas debidas garantías de seguridade e protección de datos, poida conter a Carpeta cidadá da Xunta de Galicia para dar cumprimento aos fins previstos no artigo anterior.

## **EMENDAS MANTIDAS:**

-Do G.P. En Marea.  
Emenda nº33, ao apartado a), de Supresión.

Débase suprimir no apartado a) a seguinte expresión:  
"que queiran utilizar na tramitación dos procedementos, de non especificaren outros datos distintos para un procedemento concreto."

---



-Do G.P. En Marea.

Emenda nº34, ao apartado d), de Adición.

Débase engadir ao remate do apartado d) o seguinte texto:  
"así como os recursos que se poden interpoñer, a autoridade administrativa ante os que os deben interpoñer e os prazos de inicio e final de interposición dos ditos recursos, e a obtención dos formularios normalizados se os houber."

---

## DITAME DA COMISIÓN:

### Artigo 22. Acceso á Carpeta cidadá

1. O acceso das persoas interesadas á súa Carpeta cidadá, dispoñible na sede electrónica da Xunta de Galicia, farase coas garantías de seguridade necesarias, logo da identificación electrónica por calquera dos sistemas de identificación admitidos pola sede electrónica, e deberá permitir:

a) O acceso por parte das persoas interesadas ao contido da súa carpeta, así como obter unha copia dos datos e documentos que nela se conteñan.

b) **(Sen contido.)**

c) Prestar o seu consentimento e retiralo para o tratamento dos seus datos persoais co obxecto de prestar servizos proactivos personalizados, así como manifestar a súa vontade de non recibir información sobre a prestación de servizos proactivos.

2. O acceso á Carpeta cidadá polo persoal do sector público autonómico estará suxeito ao réxime previsto na normativa de protección de datos de carácter persoal.

## EMENDAS MANTIDAS:

-Do G.P. En Marea.

Emenda nº35, ao apartado 1, de Supresión.

Débase suprimir no apartado 1 a seguinte expresión:  
"farase coas garantías de seguridade necesarias,"

---

-Do G.P. Socialistas de Galicia.

Emenda nº33, ao apartado 1, de Adición.

No punto 1 deste artigo, logo de: "... farase ...", débese engadir a palabra: "... gratuitamente ..."

---

-Do G.P. En Marea.

Emenda nº36, ao apartado 1.c), de Substitución.

Débase substituír o texto do apartado 1.c) polo seguinte:  
"1.c) Prestar o seu consentimento para o tratamento dos seus datos persoais. En canto ao tratamento dos datos para a



prestación de servizos proactivos, obterase necesariamente pola persoa encargada, así como a información dos servizos proactivos, en que consisten, para que serven e o dereito a retirar este consentimento en calquera momento."

---

-Do G.P. En Marea.

Emenda nº37, ao apartado 2, de Adición.

Débese engadir ao remate do apartado 2 a seguinte expresión:  
", tamén en canto a sancións por uso non autorizado."

---

## DITAME DA COMISIÓN:

### Artigo 23. Responsabilidades

1. Os distintos órganos da Administración xeral e das entidades instrumentais do sector público autonómico de Galicia garantirán a permanente actualización e veracidade da información e dos contidos da Carpeta cidadá dentro dos seus ámbitos competenciais.

2. A entidade do sector público autonómico con competencias en desenvolvemento dixital será a encargada da xestión tecnolóxica dos sistemas de soporte da Carpeta cidadá da Xunta de Galicia. Esta entidade adoptará as medidas necesarias para que as condicións de identificación, accesibilidade, continuidade, integridade e seguridade respondan ás exigencias normativas vixentes.

3. A persoa interesada será responsable da veracidade da información que achegue.

## EMENDAS MANTIDAS:

-Do G.P. En Marea.

Emenda nº38, ao apartado 1, de Adición.

Débase engadir ao remate do apartado a seguinte expresión:

"Coa solicitude a persoa usuaria cando realice algún dos trámites."

---

-Do G.P. En Marea.

Emenda nº39, ao apartado 2, de Adición.

Débase engadir ao remate do apartado o seguinte texto:

", dando lugar ao dereito de exixir responsabilidades por accesos non autorizados ou por fendas de seguridade fronte á cidadanía."

---

-Do G.P. Bloque Nacionalista Galego.

Emenda nº23, ao apartado 2, de Adición.

No apartado 2 do artigo 23, engadir ao final o seguinte texto:

"Esta xestión será realizada de forma directa por persoal da administración."



---

-Do G.P. En Marea.

Emenda nº40, ao apartado 3, de Adición.

Débese engadir ao remate do apartado o seguinte texto:

", sendo a administración responsable da súa custodia nos termos recollidos na Lei orgánica 3/2018."

---

## **DITAME DA COMISIÓN:**

### Artigo 24. Servizos proactivos personalizados

1. A partir da información dispoñible na Carpeta cidadá sobre as persoas interesadas, a Administración xeral e as entidades instrumentais do sector público autonómico poderán ofrecer, de forma proactiva, servizos personalizados no exercicio das súas funcións e competencias, relativos ás súas preferencias persoais, aos seus intereses (...), sempre que se apliquen as medidas adecuadas para a protección dos dereitos, das liberdades e dos intereses lexítimos das persoas destinatarias.

2. Para o tratamento dos datos persoais necesarios para a prestación dos servizos sinalados neste precepto será necesario que a persoa interesada preste o seu consentimento, nos termos previstos na normativa de protección de datos de carácter persoal, debendo subministrárselle a aquela a información exixida pola dita normativa.

O tratamento exixirá a adopción das medidas de seguridade necesarias conforme o disposto no Esquema nacional de seguridade no ámbito da administración electrónica e na normativa en materia de protección de datos de carácter persoal.

A persoa interesada terá dereito a retirar o seu consentimento en calquera momento.

Consonte o artigo 9.1 da Lei orgánica 3/2018, do 5 de decembro, de protección de datos persoais e garantía dos dereitos dixitais, o só consentimento da persoa afectada non abonda para levantar a prohibición do tratamento de datos cuxa finalidade principal sexa identificar a súa ideoloxía, afiliación sindical, relixión, orientación sexual, crenzas ou orixe racial ou étnica.

3. As persoas interesadas poderán decidir e comunicar, en calquera momento e a través da Carpeta cidadá, a súa vontade para que o sector público autonómico lles preste, ou deixe de prestar, servizos proactivos personalizados.

## **EMENDAS MANTIDAS:**

-Do G.P. En Marea.





Emenda nº42, ao apartado 3, de Adición.

Débese engadir ao remate do apartado a seguinte expresión:  
"A dita comunicación de revogación do consentimento terá efectos inmediatos."

---

-Do G.P. Socialistas de Galicia.

Emenda nº34, ao apartado 3 bis), de Adición.

Débese engadir un novo punto 3 bis, que terá o seguinte contido:

"3 *bis*. En calquera caso, serán respectados na prestación destes servizos os principios de obxectividade, transparencia e igualdade, sen que baixo ningunha circunstancia se poida levar a cabo ningunha clase de publicidade ou comunicación que non se refira estritamente a aqueles."

---



**DITAME DA COMISIÓN:**

CAPÍTULO III

Sistema único de rexistro

Sección 1ª. Composición do sistema

**NON SE PRESENTARON EMENDAS**

## **DITAME DA COMISIÓN:**

### Artigo 25. Sistema único de rexistro

1. O Sistema único de rexistro é o conxunto de órganos e unidades que realizan funcións de rexistro de entrada ou saída de cantas solicitudes, escritos, comunicacións e documentos se reciban ou remitan na Administración xeral e nas entidades instrumentais do sector público autonómico, para a súa debida constancia, co fin de facer real e efectivo o principio de proximidade á cidadanía.

2. O Sistema único de rexistro está integrado pola Rede de oficinas de atención á cidadanía e de rexistro, polo Rexistro Electrónico Xeral e, de existiren, polos rexistros electrónicos das entidades públicas instrumentais do sector público autonómico que se creen conforme o previsto na alínea 4.

3. Non terán a condición de rexistro electrónico as caixas de correo electrónico corporativo asignadas ao persoal empregado público ou aos órganos ou ás unidades, nin tampouco os dispositivos de recepción de fax ou outras canles electrónicas non integradas co rexistro, agás nos supostos expresamente previstos no ordenamento xurídico.

4. Excepcionalmente, as entidades públicas instrumentais do sector público autonómico de Galicia, por razóns de eficacia, eficiencia e de interese xeral derivadas da concorrencia de circunstancias especiais, poderán crear o seu propio rexistro electrónico de acordo coas condicións e cos requisitos que se establezan regulamentariamente. Estes rexistros deberán ser plenamente interoperables, estar interconectados co Rexistro Electrónico Xeral e cumprir coas garantías e as medidas de seguridade previstas na lexislación en materia de protección de datos de carácter persoal.

5. O Sistema único de rexistro dependerá da consellaría competente en materia de administracións públicas.

## **EMENDAS MANTIDAS:**

-Do G.P. En Marea.  
Emenda nº43, ao apartado 3, de Supresión.

Débase suprimir o apartado 3.





**DITAME DA COMISI3N:**

Secci3n 2<sup>a</sup>. Rexistro Electr3nico Xeral

**NON SE PRESENTARON EMENDAS**

## **DITAME DA COMISIÓN:**

### Artigo 26. Rexistro Electrónico Xeral

No Rexistro Electrónico Xeral farase o correspondente asento de todo documento que sexa presentado ou se reciba en calquera órgano administrativo da Administración xeral ou dunha entidade instrumental do sector público autonómico de Galicia. Tamén se poderá anotar nel a saída dos documentos oficiais dirixidos a outros órganos ou particulares.

## **NON TEN EMENDAS**

## **DITAME DA COMISIÓN:**

Artigo 27. Interoperabilidade do Rexistro Electrónico Xeral e protección dos datos de carácter persoal

1. O Rexistro Electrónico Xeral facilitará o acceso aos rexistros electrónicos das entidades públicas instrumentais do sector público autonómico, de os haber.

2. O Rexistro Electrónico Xeral cumprirá coas garantías e as medidas de seguridade previstas na lexislación en materia de protección de datos de carácter persoal.

3. De acordo co artigo 16.4 da Lei 39/2015, do 1 de outubro, do procedemento administrativo común das administracións públicas, o Rexistro Electrónico Xeral será plenamente interoperable cos das demais administracións públicas, de modo que se garanta a súa compatibilidade informática e interconexión, así como a transmisión telemática dos asentos rexistrados e dos documentos que se presenten en calquera dos rexistros.

## **NON SE PRESENTARON EMENDAS**

## DITAME DA COMISIÓN:

### Artigo 28. Acceso ao Rexistro Electrónico Xeral

1. O acceso da cidadanía ao Rexistro Electrónico Xeral para a presentación electrónica de solicitudes, escritos, comunicacións e documentos estará dispoñible a través da sede electrónica da Xunta de Galicia.

**2. O Rexistro Electrónico Xeral permitirá a presentación de solicitudes, escritos, comunicacións e documentos todos os días do ano durante as vinte e catro horas. Regulamentariamente regularase a posibilidade de interrupción temporal do funcionamento do Rexistro Electrónico Xeral por motivos xustificadas de carácter técnico, así como os supostos en que, de acordo coas condicións de uso do servizo, se poderán rexeitar os documentos electrónicos que se presenten e os efectos do seu rexeitamento.**

3. O Rexistro Electrónico Xeral dispoñerá duns modelos e habilitará uns sistemas para a presentación conxunta de solicitudes para aqueles procedementos que regulamentariamente se determine, co fin de facilitar a automatización da súa presentación por parte das persoas interesadas e a súa tramitación pola administración.

## EMENDAS MANTIDAS:

-Do G.P. Socialistas de Galicia.  
Emenda nº35, de Adición.

No punto 1 deste artigo débese engadir *in fine* o seguinte texto:

"... . A utilización pola cidadanía do Rexistro Electrónico Xeral será voluntaria e en calquera caso gratuíta."

---

-Do G.P. En Marea.  
Emenda nº44, ao apartado 2, de Supresión.

Débese suprimir o seguinte texto:

", así como os supostos en que, de acordo coas condicións de uso do servizo, se poderán rexeitar os documentos electrónicos que se presenten e os efectos do seu rexeitamento."





## **DITAME DA COMISI3N:**

### Artigo 29. Anotaci3ns dos asentos

1. A recepci3n e a remisi3n de solicitudes, escritos e comunicaci3ns xeraran os asentos correspondentes no rexistro. Para a realizaci3n dos asentos e para a súa consulta utilizaranse medios electr3nicos seguros.
2. Por cada recepci3n ou remisi3n de solicitudes, escritos e comunicaci3ns, o sistema inform3tico que dea soporte ao Rexistro Electr3nico Xeral realizar3 un asento de entrada ou de sa3da, respectivamente, e asociar3 a cada asento a documentaci3n complementaria presentada ou remitida, especificando o n3mero, a pegada dixital e a denominaci3n dos documentos que se xuntan.
3. Os asentos do rexistro anotaranse respectando a orde temporal de recepci3n ou sa3da.
4. O Rexistro garantir3 a constancia, en cada asento que se practique, dun n3mero de rexistro, unha ep3grafe expresiva da súa natureza, a data e a hora da súa presentaci3n ou remisi3n, a identificaci3n da persoa interesada, o 3rgano administrativo remitente, de proceder, a persoa ou o 3rgano destinatario e, de proceder tam3n, unha referencia ao n3mero de expediente, as3 como unha referencia ao contido da solicitud, do escrito, da comunicaci3n ou do documento que se rexistra.

## **EMENDAS MANTIDAS:**

-Do G.P. En Marea.  
Emenda n345, ao apartado 4, de Adici3n.

D3bese engadir ao remate do apartado 4 o seguinte texto:  
"Cada asento xerar3 un recibo acreditativo xustificante en formato pdf para a constataci3n da presentaci3n da documentaci3n, co d3a, a hora e a data."

---

## **DITAME DA COMISIÓN:**

### Artigo 30. Recibos acreditativos da presentación

1. O Rexistro Electrónico Xeral xerará automaticamente un recibo consistente nunha copia autenticada do documento de que se trate, no que se inclúe a data e a hora de presentación e o número de rexistro, así como un recibo acreditativo doutros documentos que, se for o caso, o acompañen, que garanta a súa integridade e non-repudiación.

2. (...) Regularase o sistema de recuperación dos recibos no caso de fallo técnico ou cando concorran outras circunstancias que poidan impedir a súa correcta recepción por parte da persoa destinataria.

## **NON TEN EMENDAS**

## DITAME DA COMISIÓN:

### Artigo 31. Cómputo de prazos

1. O computo dos prazos no Rexistro Electrónico Xeral rexerá polo establecido no artigo 31 da Lei 39/2015, do 1 de outubro, do procedemento administrativo común das administracións públicas.
2. De acordo co disposto no dito precepto, o Rexistro Electrónico Xeral rexerá, para os efectos do cómputo dos prazos, pola data e a hora oficial da sede electrónica de acceso, que será a sede electrónica da Xunta de Galicia.
3. A sede electrónica mostrará nun lugar facilmente visible e accesible a data e a hora oficial, que será a que conste como data e hora da operación, e para garantir a súa integridade adoptaranse as medidas de seguridade necesarias.

## EMENDAS MANTIDAS:

-Do G.P. Socialistas de Galicia.  
Emenda nº37, ao apartado 3 bis), de Adición.

Débase engadir un novo punto 3 bis, que terá o seguinte contido:

"3 *bis*. En todo caso, o Rexistro Electrónico Xeral non realizará nin anotará saídas de escritos ou comunicacións en días inhábiles."

---

**DITAME DA COMISI3N:**

Secci3n 3<sup>a</sup>. Rede de oficinas de atenci3n 3 cidadan3a e de rexistro

**NON SE PRESENTARON EMENDAS**

## DITAME DA COMISIÓN:

### Artigo 32. Composición

1. A Rede de oficinas de atención á cidadanía e de rexistro **constitúena as** oficinas que desenvolven as funcións de asistencia en materia de rexistros e no uso dos medios electrónicos, a información á cidadanía e as demais previstas nos artigos 33, 34 e 35.

2. A Rede de oficinas de atención á cidadanía e de rexistro **intégрана as** oficinas que no momento da entrada en vigor desta lei desenvolvan as actividades de asistencia en materia de rexistros no sector público autonómico e mais por aquelas outras oficinas que pasen a formar parte da rede conforme o disposto nas alíneas seguintes deste artigo.

3. As oficinas desta rede **crearanse, modificaranse e suprimiranse** mediante unha orde da persoa titular da consellaría competente en materia de administracións públicas.

4. Así mesmo, por unha orde da persoa titular da consellaría competente en materia de administracións públicas, poderanse habilitar temporalmente unidades ou órganos da Administración xeral e das entidades públicas instrumentais como oficinas da rede para que realicen as funcións de oficina de atención á cidadanía e de rexistro, nos termos e co alcance que nela se determinen.

5. As delegacións e as oficinas exteriores autonómicas poderán dispoñer de oficinas de atención á cidadanía e de rexistro, de acordo coas condicións e cos requisitos que se establezan regulamentariamente, coa finalidade de achegar o sector público autonómico á comunidade galega residente fóra de Galicia e, en xeral, a calquera cidadán ou cidadá non residente en Galicia que se queira relacionar con el.

6. O disposto anteriormente enténdese sen prexuízo da posible subscripción de convenios entre a Administración autonómica e as outras administracións públicas para a cooperación no desenvolvemento das funcións propias das oficinas de atención á cidadanía e de rexistro que no convenio se concreten.

7. Na sede electrónica da Xunta de Galicia farase pública e manterase actualizada unha relación das oficinas nas cales se prestará asistencia para a presentación electrónica de

documentos, así como un directorio xeorreferenciado que lles permita ás persoas interesadas identificaren a oficina máis próxima ao seu enderezo.

8. Mediante unha orde da persoa titular da consellaría competente na materia determinaranse os días e o horario en que estarán abertas ao público as oficinas de atención á cidadanía e de rexistro.

### **EMENDAS MANTIDAS:**

-Do G.P. Bloque Nacionalista Galego.  
Emenda nº25, ao apartado 2, de Adición.

No apartado 2 do artigo 32, engadir o seguinte:

"A citada rede deberá garantir unha boa cobertura do territorio galego para evitar a discriminación por razóns xeográficas ou de residencia."

---

-Do G.P. En Marea.  
Emenda nº50, ao apartado 4, de Substitución.

Débase substituír a seguinte expresión:  
Onde di: "poderanse habilitar "  
Debe dicir: "habilitaranse"

---

-Do G.P. En Marea.  
Emenda nº51, ao apartado 5, de Substitución.

Débase substituír a seguinte expresión:  
Onde di: "poderán dispoñer"  
Debe dicir: "dispoñerán"

---

-Do G.P. Bloque Nacionalista Galego.  
Emenda nº26, ao apartado 5, de Modificación.

No apartado 5 do artigo 32, substituír: "poderán", por: "deberán".

---

-Do G.P. En Marea.  
Emenda nº52, ao apartado 7, de Adición.

Débase engadir ao remate do apartado o seguinte texto:



"En todo caso, existirá unha oficina en cada unha das principais cidades de Galicia e vilas das comarcas, con horario de 9.00 a 18.00 horas, de luns a xoves, en horario ininterrompido e de 9.00 a 14.00 horas os venres."

---

-Do G.P. En Marea.

Emenda nº53, ao apartado 8, de Supresión.

Débase suprimir o apartado 8.

---



## **DITAME DA COMISIÓN:**

### **Artigo 33. Presentación presencial e dixitalización**

As persoas (...) que non estean obrigadas a relacionarse a través de medios electrónicos coas administracións públicas poderán voluntariamente presentar escritos, solicitudes, comunicacións e documentos presencialmente nas oficinas de atención á cidadanía e de rexistro, que, de acordo co artigo 16.5 da Lei 39/2015, do 1 de outubro, do procedemento administrativo común das administracións públicas, deberán dixitalizalos para a súa incorporación ao expediente administrativo electrónico.

Os documentos orixinais devolveránselles ás persoas interesadas, sen prexuízo daqueles supostos en que unha norma determine a custodia por parte da administración dos documentos presentados ou resulte obrigatoria a presentación de obxectos ou de documentos nun soporte específico non susceptibles de dixitalización.

## **NON TEN EMENDAS**

## DITAME DA COMISIÓN:

Artigo 34. Funcións das oficinas de atención á cidadanía e de rexistro

1. Ademais das establecidas no artigo anterior, son funcións das oficinas da Rede de oficinas de atención á cidadanía e de rexistro:

a) A asistencia no uso dos medios electrónicos ás persoas interesadas que non estean obrigadas ao emprego dos ditos medios que así o soliciten, especialmente no referente á identificación e a sinatura electrónica, á presentación de solicitudes a través do Rexistro Electrónico Xeral e á obtención de copias auténticas.

b) Facilitarlles aos cidadáns e ás cidadás información xeral nos termos establecidos no artigo 11 da Lei 1/2015, do 1 de abril, de garantía da calidade dos servizos públicos e da boa administración. Prestaráselles especial atención ás persoas con discapacidade a través dos medios ou dos formatos adecuados.

c) Informar sobre o exercicio do dereito de acceso á información pública ao abeiro da lexislación vixente en materia de transparencia e prestar orientación e asesoramento para o exercicio do devandito dereito.

d) Informar sobre o procedemento para a presentación de suxestións e queixas e prestar asistencia no exercicio deste dereito nos termos previstos na Lei 1/2015, do 1 de abril.

e) Informar, sen prexuízo das funcións correspondentes aos órganos, aos servizos e ás unidades de xestión dos ámbitos competenciais específicos, sobre o estado de tramitación dos procedementos a aquelas persoas que así o soliciten, que teñan a condición de persoas interesadas e acudan persoalmente, ou mediante representante, a unha oficina da rede, sempre e cando a antedita información conste na Carpeta cidadá ou sexa accesible a través da sede electrónica.

f) A provisión dos medios de identificación dixital para as persoas que así o soliciten.

g) A realización de copias auténticas, axustándose ao previsto no Esquema nacional de interoperabilidade, no Esquema

nacional de seguridade e nas súas normas técnicas de desenvolvemento, así como ás regras previstas no artigo 27 da Lei 39/2015, do 1 de outubro, do procedemento administrativo común das administracións públicas.

h) Formalizar os apoderamentos apud acta outorgados mediante a comparencia persoal na oficina por quen teña a condición de persoa interesada nun procedemento administrativo.

i) A comunicación ás persoas interesadas da información de identificación do órgano, do centro, da unidade administrativa ou da entidade á que se dirixe a solicitude, o escrito, a comunicación ou os documentos.

j) A práctica de comunicacións ou notificacións nos casos previstos no artigo 41.1.a) da Lei 39/2015, do 1 de outubro.

k) Calquera outra función exixida pola normativa vixente, así como aquelas funcións que, orientadas á prestación de asistencia á cidadanía e de impulso do uso dos medios dixitais, se determinen regulamentariamente.

2. Coa finalidade de prestar un servizo máis personalizado aos cidadáns e ás cidadás poderanse establecer mecanismos de cita previa ou outros similares.

3. A Administración autonómica poñerá á disposición dos cidadáns e das cidadás as canles de acceso que sexan necesarias, así como os sistemas e as aplicacións que en cada caso se determinen para dar cumprimento ás funcións da rede.

4. A Administración xeral e as entidades públicas instrumentais do sector público autonómico de Galicia dotarán as oficinas de atención á cidadanía e de rexistro cos medios humanos e materiais necesarios para o desenvolvemento das súas funcións.

#### **EMENDAS MANTIDAS:**

-Do G.P. En Marea.  
Emenda nº54, ao apartado 1.e), de Supresión.

Débase suprimir a seguinte expresión:  
", sempre e cando a antedita información conste na Carpeta cidadá ou sexa accesible a través da sede electrónica."



---

-Do G.P. En Marea.

Emenda nº55, ao apartado 1.j), de Adición.

Débese engadir despois de "notificacións" a seguinte expresión:

"e copias"

---

-Do G.P. En Marea.

Emenda nº56, ao apartado 2, de Adición.

Débese engadir ao remate do apartado a seguinte expresión:

"En todo caso, tamén existirá a atención sen mecanismos de cita previa en todas as oficinas."

---

## **DITAME DA COMISIÓN:**

Artigo 35. Asistencia para a identificación ou a sinatura electrónica

1. De acordo co artigo 12.2 da Lei 39/2015, do 1 de outubro, do procedemento administrativo común das administracións públicas, para que a identificación ou a sinatura electrónica das persoas interesadas que non dispoñan dos medios electrónicos necesarios poida ser validamente realizada polo persoal funcionario público habilitado será necesario que elas se identifiquen perante a persoa funcionaria e presten o seu consentimento expreso para a dita actuación, do que deberá quedar constancia para os casos de discrepancia ou litixio.

2. As persoas interesadas presentarán para a súa identificación o documento nacional de identidade ou un documento identificativo equivalente en vigor, e deberán consentir expresamente a súa identificación ou sinatura polo persoal funcionario público habilitado para cada actuación administrativa por medios electrónicos que a requira. Para iso, deberán utilizar o modelo de documento dispoñible para o efecto na sede electrónica da Xunta de Galicia e nas oficinas da rede regulada nesta lei.

3. As persoas interesadas poderanlle solicitar ao persoal funcionario público habilitado toda a documentación acreditativa do trámite realizado e unha copia do documento de consentimento expreso asinado. Esta documentación estará dispoñible en todo caso na Carpeta cidadá.

## **EMENDAS MANTIDAS:**

-Do G.P. En Marea.

Emenda nº57, ao apartado 2, de Adición.

débase engadir ao remate do apartado a seguinte expresión:  
"Este modelo axuntarase como anexo número 1."

---

-Do G.P. En Marea.

Emenda nº58, ao apartado 3, de Substitución.

Débase substituír o texto do apartado polo seguinte:

"3. As persoas interesadas poderanlle solicitar ao persoal funcionario público habilitado toda a documentación



acreditativa do trámite realizado, así como unha copia del e unha copia do documento de consentimento expreso asinado. Esta documentación estará dispoñible, en todo caso, na Carpeta cidadá."

---

## DITAME DA COMISIÓN:

### CAPÍTULO IV

Cooperación para a atención á cidadanía

Artigo 36. Cooperación para a atención á cidadanía

1. Por razóns de eficacia, eficiencia e mellor atención á cidadanía poderanse establecer acordos de colaboración con entidades públicas ou privadas, nos cales se indicarán as actividades e o obxecto da colaboración. **De forma prioritaria, impulsaranse estes acordos coas entidades locais galegas.**

2. A formalización dos devanditos acordos deberá contar co informe favorable da Comisión de Seguridade e Goberno Electrónico.

## EMENDAS MANTIDAS:

-Do G.P. En Marea.  
Emenda nº59, ao apartado 1, de Supresión.

Débase suprimir a seguinte expresión:  
"ou privadas"

---

-Do G.P. Bloque Nacionalista Galego.  
Emenda nº27, ao apartado 1, de Supresión.

No apartado 1 do artigo 36, suprimir "ou privadas".

---

-Do G.P. En Marea.  
Emenda nº60, ao apartado 2, de Adición.

Débase engadir ao remate do apartado o seguinte texto:  
"En todo caso, o contido destes acordos, as retribucións económicas, o período de vixencia e os obxectivos publicarásne desde o momento da sinatura no Portal de transparencia."

---

## DITAME DA COMISIÓN:

### CAPÍTULO V

#### Interaccións informais

#### Artigo 37. Interaccións informais

1. Para os efectos desta lei, enténdese por interaccións informais coa cidadanía aquelas comunicacións que se efectúan a través de canles dixitais, promovidas polo sector público autonómico, coa finalidade de proporcionar información xeral en tempo real, así como de dar resposta de natureza meramente orientativa ou informativa a determinadas cuestións. As respostas dadas no marco das interaccións informais non serán en ningún caso vinculantes nin para a persoa que as formule nin para o órgano ou a unidade do sector público autonómico que as conteste.

2. Considéranse canles de interacción informal:

a) As canles sociais e participativas, promovidas polo sector público autonómico, accesibles desde o Portal web institucional da Xunta de Galicia.

b) As caixas de correo electrónico do órgano ou da unidade do sector público autonómico con competencias na materia obxecto de consulta ou comunicación que figuren no Portal web institucional da Xunta de Galicia.

c) Os sistemas de mensaxaría electrónica de tipo individual ou colectivo e chats de texto ou voz que figuren no Portal web institucional da Xunta de Galicia.

3. Calquera persoa física ou xurídica poderá empregar as canles de interacción informal para obter unha información nos termos expostos na alínea 1, sen que sexa exigible a acreditación da identidade. Porén, tales canles non servirán para a válida presentación de solicitudes, escritos, comunicacións, recursos ou reclamacións, para o que haberá que aterse ao disposto na normativa reguladora do procedemento administrativo común, nesta lei e na restante normativa aplicable.





**NON SE PRESENTARON EMENDAS**

## **DITAME DA COMISIÓN:**

### **CAPÍTULO VI**

#### **Representación**

##### **Artigo 38. Acreditación da representación**

1. Conforme a normativa reguladora do procedemento administrativo común das administracións públicas, a representación poderase acreditar mediante calquera medio válido en dereito que deixe constancia fidedigna da súa existencia.

2. De acordo co disposto na mesma normativa, entenderase acreditada a representación nos procedementos administrativos tramitados polo sector público autonómico mediante o outorgamento de apoderamentos apud acta efectuados pola comparecencia persoal nas oficinas da rede regulada nesta lei, pola comparecencia electrónica na sede electrónica da Xunta de Galicia ou a través da acreditación da inscrición no Rexistro Electrónico Xeral de Apoderamentos de Galicia, ou no que corresponda, do poder de representación.

**NON SE PRESENTARON EMENDAS**

## **DITAME DA COMISIÓN:**

Artigo 39. Rexistro Electrónico Xeral de Apoderamentos de Galicia

1. Créase o Rexistro Electrónico Xeral de Apoderamentos de Galicia, no cal deberán ser inscritos, polo menos, os de carácter xeral outorgados apud acta, de forma presencial nas oficinas de atención á cidadanía e de rexistro ou electronicamente na sede electrónica da Xunta de Galicia por quen teña a condición de interesado ou interesada nun procedemento administrativo a favor de representante, para actuar no seu nome perante as administracións públicas.

2. O Rexistro Electrónico Xeral de Apoderamentos de Galicia será plenamente interoperable nos termos do artigo 6.2 da Lei 39/2015, do 1 de outubro, do procedemento administrativo común das administracións públicas.

**NON SE PRESENTARON EMENDAS**

## DITAME DA COMISIÓN:

Artigo 40. Acreditación da representación asociada á titularidade de determinados órganos ou cargos

1. Coa finalidade de simplificar o trámite relativo á acreditación da representación, créase un rexistro autonómico no que constarán as persoas titulares de determinados órganos ou cargos.

2. Nos procedementos administrativos que se tramiten ante o sector público autonómico en que estas persoas, na condición de titulares de tales órganos ou cargos, actúen, conforme a normativa aplicable, en representación dunha entidade, a dita representación poderase aboar a través da acreditación da súa inscrición neste rexistro. Para estes efectos, o órgano competente para a tramitación do procedemento deberá incorporar ao expediente administrativo o documento electrónico que acredite o resultado da consulta ao dito rexistro.

3. Neste rexistro constarán:

a) As persoas que ocupen o cargo da alcaldía dos concellos de Galicia e a presidencia das deputacións provinciais de Galicia.

b) As persoas titulares dos órganos das administracións públicas galegas e das entidades vinculadas ou dependentes destas cuxo nomeamento sexa publicado no *Diario Oficial de Galicia* ou no boletín oficial correspondente.

c) As persoas que teñan a dirección dun centro educativo público autonómico, dunha delegación da Xunta de Galicia no exterior, das universidades públicas do Sistema universitario de Galicia ou dun centro de investigación ou tecnolóxico da Comunidade Autónoma de Galicia.

d) As persoas representantes das entidades galegas asentadas fóra de Galicia e inscritas no Rexistro da Galeguidade.

e) As persoas titulares doutros cargos non incluídos nas alíneas anteriores cando resulte de interese para os fins que motivan a creación deste rexistro, e que así se determinen regulamentariamente.

4. Regulamentariamente desenvolverase o procedemento de inscrición e de baixa no rexistro, así como as súas condicións de funcionamento, debendo garantirse a súa permanente actualización.

#### EMENDAS MANTIDAS:

-Do G.P. Socialistas de Galicia.  
Emenda nº40, ao apartado 3.a), de Adición.

Na letra a) do punto 3 deste artigo, débese engadir *in fine* o seguinte texto:

"... , logo da súa conformidade."

---

-Do G.P. Socialistas de Galicia.  
Emenda nº41, ao apartado 3.c), de Adición.

Na letra c) do punto 3 deste artigo, débese engadir *in fine*, o seguinte: "... logo da súa conformidade."

---

-Do G.P. Socialistas de Galicia.  
Emenda nº42, ao apartado 3.d), de Adición.

Na letra d) do punto 3 deste artigo débese engadir *in fine* o seguinte texto: "... , logo da súa conformidade."

---

-Do G.P. Bloque Nacionalista Galego.  
Emenda nº29, ao apartado 3.ter), de Adición.

Engadir un novo apartado 5 no artigo 40 co seguinte texto:

"5. O citado rexistro terá xestión pública directa."

---

## DITAME DA COMISIÓN:

### CAPÍTULO VII

#### Identificación e sinatura electrónicas

#### Artigo 41. Sistemas de identificación electrónica admitidos

1. As persoas, nas súas relacións co sector público autonómico, poderán identificarse electronicamente a través de:

a) Os sistemas baseados en certificados electrónicos recoñecidos ou cualificados de sinatura electrónica expedidos polos prestadores incluídos na Lista de confianza dos prestadores cualificados de servizos electrónicos de confianza.

Para estes efectos, enténdense comprendidos entre os citados certificados electrónicos recoñecidos ou cualificados os dunha persoa física representante dunha persoa xurídica e dunha entidade sen personalidade xurídica.

b) Os sistemas baseados en certificados electrónicos recoñecidos ou cualificados de selo electrónico expedidos polos prestadores incluídos na Lista de confianza dos prestadores cualificados de servizos electrónicos de confianza.

c) Os sistemas de clave concertada e calquera outro sistema que a Administración autonómica considere válido, nos termos e nas condicións que se establezan, o que, en todo caso, ha contar cun rexistro previo como usuario que permita garantir a identidade.

**2. A lista de confianza de prestadores cualificados de servizos electrónicos de confianza será accesible desde a sede electrónica da Xunta de Galicia.**

## NON TEN EMENDAS

## **DITAME DA COMISIÓN:**

### Artigo 42. Sistemas de sinatura electrónica admitidos

1. No caso de que as persoas se relacionen co sector público autonómico a través de medios electrónicos, consideraranse válidos para os efectos de sinatura:

a) Os sistemas de sinatura electrónica recoñecida ou cualificada e avanzada baseados en certificados electrónicos recoñecidos ou cualificados de sinatura electrónica expedidos polos prestadores incluídos na Lista de confianza dos prestadores cualificados de servizos electrónicos de confianza.

Para estes efectos, enténdense comprendidos entre os citados certificados electrónicos recoñecidos ou cualificados os dunha persoa física representante dunha persoa xurídica e dunha entidade sen personalidade xurídica.

b) Os sistemas de selo electrónico recoñecido ou cualificado e de selo electrónico avanzado baseados en certificados electrónicos recoñecidos ou cualificados de selo electrónico incluídos na Lista de confianza dos prestadores cualificados de servizos electrónicos de confianza.

c) Os sistemas de sinatura electrónica baseados na utilización de datos biométricos, nas condicións e nos termos que se establezan.

d) Calquera outro sistema que a Administración autonómica considere válido, nos termos e nas condicións que se establezan, en especial para facilitar as relacións electrónicas das persoas nacionais e estranxeiras non residentes con esta administración.

## **EMENDAS MANTIDAS:**

-Do G.P. En Marea.  
Emenda nº61, ao apartado 1.c), de Supresión.

Débesse suprimir o apartado 1.c)

---

## **DITAME DA COMISIÓN:**

Artigo 43. Sistemas de identificación e sinatura electrónicas nos procedementos administrativos

1. A Xunta de Galicia determinará, con carácter xeral, os sistemas de identificación e sinatura electrónica admitidos, de entre os previstos nos artigos anteriores, tendo en conta as previsións dos artigos **9 e 10** da Lei 39/2015, do 1 de outubro, do procedemento administrativo común das administracións públicas.

2. De conformidade co artigo 10.3 da Lei 39/2015, do 1 de outubro, cando así o dispoña expresamente a normativa reguladora aplicable, poderanse admitir os sistemas de identificación previstos nesta lei como sistema de sinatura cando permitan acreditar a autenticidade da expresión da vontade e do consentimento das persoas interesadas.

3. De acordo co artigo 10.4 da Lei 39/2015, do 1 de outubro, cando as persoas interesadas utilicen un sistema de sinatura dos previstos nesta lei, a súa identidade entenderase xa acreditada mediante o propio acto da sinatura.

## **NON TEN EMENDAS**



## DITAME DA COMISIÓN:

### CAPÍTULO VIII

#### Notificacións

#### Artigo 44. Sistema de notificacións electrónicas de Galicia

1. O sistema de notificacións electrónicas de Galicia Notifica.gal é o enderezo electrónico habilitado único que o sector público autonómico pon á disposición da cidadanía.

2. As notificacións electrónicas que realicen os órganos e as entidades do sector público autonómico de Galicia practicaranse mediante a comparecencia na sede electrónica da Xunta de Galicia e a través do sistema de notificacións electrónicas de Galicia, enderezo electrónico habilitado único.

3. A entidade do sector público autonómico con competencias en desenvolvemento dixital será a encargada dos contidos e os servizos comúns, da xestión tecnolóxica, da continuidade, da accesibilidade e da seguridade do sistema Notifica.gal. Corresponderalle a cada órgano ou entidade que utilice o sistema a responsabilidade sobre os contidos ou os servizos específicos, así como da xestión das notificacións dentro do seu ámbito de competencia.

4. Nos casos de non-funcionamento do sistema por razóns de imposibilidade técnica no envío ou na posta á disposición, derivada dun caso fortuíto, de forza maior ou doutras incidencias técnicas, as notificacións que se teñan que realizar na sede electrónica da Xunta de Galicia e no enderezo electrónico habilitado único, namentres non se restableza o sistema, poderanse efectuar, a xuízo do órgano que tramite o procedemento e atendendo ao cumprimento dos prazos de resolución e ás circunstancias concorrentes, por medios non electrónicos, de acordo co establecido na lexislación reguladora do procedemento administrativo común, sempre que permitan ter constancia do envío ou da posta á disposición da notificación, da recepción ou do acceso pola persoa interesada ou por quen a represente, da data e a hora, do contido íntegro do acto notificado e da identidade fidedigna da persoa remitente e destinataria dela.

5. Para os efectos do acceso ao contido das notificacións por parte das persoas interesadas, o sistema informará das indispoñibilidades do servizo planificadas, así como das interrupcións non planificadas derivadas de incidencias técnicas. O sistema poñerá á disposición das persoas interesadas o oportuno xustificante electrónico de indispoñibilidade, no que se expresen os períodos da interrupción, para os efectos, de ser o caso, da súa presentación por parte da persoa interesada no correspondente procedemento e da xustificación ante o órgano competente para a súa tramitación da imposibilidade do cumprimento dos prazos dentro deste, así como a petición da súa ampliación, de así proceder.

6. O sistema Notifica.gal estará accesible no Portal web institucional da Xunta de Galicia e na sede electrónica da Xunta de Galicia, así como no seu enderezo directo.

#### **EMENDAS MANTIDAS:**

-Do G.P. Bloque Nacionalista Galego.  
Emenda nº30, ao apartado 3, de Adición.

No apartado 3 do artigo 44, engadir ao final o seguinte texto:

"O sistema Notifica.gal prestarase por medio da xestión pública directa."

---

## DITAME DA COMISIÓN:

Artigo 45. Notificación ás persoas interesadas que non están obrigadas a relacionarse a través de medios electrónicos coa administración

1. As persoas interesadas que non estean obrigadas a relacionarse por medios electrónicos coa administración poderán solicitar a creación do seu enderezo habilitado único a través do sistema de notificacións electrónicas de Galicia, mediante os modelos normalizados dispoñibles para estes efectos no propio sistema, para os efectos de recibir a partir dese momento as notificacións a través de medios electrónicos en calquera procedemento administrativo tramitado polo sector público autonómico.

2. En particular, nos procedementos iniciados por solicitude da persoa interesada, cando esta elixa no modelo normalizado de solicitude que a notificación nese procedemento se practique por medios electrónicos, a Administración xeral e as entidades instrumentais do sector público autonómico de Galicia crearán o seu enderezo habilitado único.

3. A creación do seu enderezo electrónico habilitado nos casos das dúas alíneas anteriores implicará que as notificacións que deban cursarse coa persoa interesada se realizarán preferentemente por vía electrónica, de acordo co establecido na normativa reguladora do procedemento administrativo común, sen prexuízo do seu dereito a decidir e a comunicar en calquera momento á Administración xeral e ás entidades instrumentais do sector público autonómico, mediante os modelos normalizados dispoñibles no sistema para o efecto, que as notificacións sucesivas se deixen de practicar por medios electrónicos. En particular, nos sucesivos procedementos iniciados por solicitude das persoas interesadas, as notificacións practicaranse polo medio sinalado para o efecto no modelo normalizado de solicitude.

4. A Administración xeral e as entidades instrumentais do sector público autonómico de Galicia, no momento en que se lle teña que practicar a unha persoa interesada das previstas neste artigo unha notificación en papel, poñerán tamén á disposición desta, a través da sede electrónica da Xunta de Galicia, o contido da notificación para que poida acceder a este de forma voluntaria, e poderán dar de alta de oficio o enderezo electrónico habilitado da persoa interesada no caso de que non



o teña. A información relativa a esta cuestión poderase incluír na notificación en papel.

**EMENDAS MANTIDAS:**

-Do G.P. En Marea.  
Emenda nº63, ao apartado 4, de Supresión.

Débese suprimir o apartado 4

---

## **DITAME DA COMISIÓN:**

Artigo 46. Notificación ás persoas interesadas que están obrigadas a relacionarse a través de medios electrónicos coa administración

1. As persoas interesadas obrigadas a se relacionaren a través de medios electrónicos coa administración deberán crear e manter o seu enderezo electrónico habilitado único a través de Notifica.gal, para todos os procedementos administrativos tramitados pola Administración xeral e as entidades instrumentais do sector público autonómico. En todo caso, a Administración xeral e as entidades do sector público autonómico de Galicia poderán de oficio crear o indicado enderezo, para os efectos de asegurar o cumprimento polas indicadas persoas interesadas da súa obriga de se relacionaren por medios electrónicos.

2. En particular, nos procedementos iniciados por solicitude das persoas interesadas deberase optar en todo caso no modelo normalizado de solicitude pola notificación por medios electrónicos, sen que sexa válida para eles, nin produza efectos no procedemento, unha opción diferente.

3. Nos procedementos iniciados de oficio, nos casos en que as persoas interesadas previstas neste artigo non teñan creado o seu enderezo electrónico habilitado único, este seralles creado de oficio pola Administración xeral e as entidades instrumentais do sector público autonómico, e practicaranse nel as correspondentes notificacións. Cando á Administración xeral ou ás entidades instrumentais do sector público autonómico lles conste o seu enderezo de correo electrónico ou dispositivo electrónico poderán utilizar estes datos para lle enviar á persoa interesada un aviso en que se informe da posta á disposición da notificación. A falta de práctica deste aviso non impedirá que a notificación sexa considerada plenamente válida.

## **EMENDAS MANTIDAS:**

-Do G.P. En Marea.  
Emenda nº64, ao apartado 3, de Supresión.

Débase suprimir o apartado 3.

---

-Do G.P. Bloque Nacionalista Galego.



Emenda nº31, ao apartado 3, de Modificación.

No apartado 3 do artigo 46, substituír o texto: “nos casos nos as persoas interesadas”, por: “nos casos en que as persoas interesadas”.

---

## DITAME DA COMISIÓN:

### CAPÍTULO IX

#### Medios de pagamento

Artigo 47. Cumprimento das obrigas de pagamento a través dos medios electrónicos

1. As operacións de pagamento previstas ou derivadas da tramitación ou da resolución dun procedemento administrativo, e que se realicen por medios electrónicos a favor da Facenda Pública autonómica, efectuaranse a través dunha plataforma autonómica transversal.
2. A plataforma de pagamentos admitirá como métodos de pago os medios de pagamento previstos na normativa vixente ou calquera outro que, ao respectar a dita normativa, autorice o órgano competente.
3. As persoas usuarias da plataforma de pagamentos terán dereito a que se lles entregue un xustificante do pagamento realizado.

## EMENDAS MANTIDAS:

-Do G.P. Bloque Nacionalista Galego.  
Emenda nº32, ao apartado 1, de Adición.

No apartado 1 do artigo 47, engadir ao final o seguinte texto:

"Esta plataforma terá unha xestión pública directa."

---

-Do G.P. En Marea.  
Emenda nº65, ao apartado 3, de Substitución.

Débase substituír o texto do apartado polo seguinte:  
"3. As persoas usuarias da plataforma de pagamentos recibirán un xustificante do pagamento realizado, coa hora e a data sinalada en que se realizou o pagamento."

---

-Do G.P. En Marea.  
Emenda nº66, ao apartado 3.bis), de Adición.



Débese engadir un apartado co seguinte texto:

"4. A plataforma de pagamento estará operativa os trescentos sesenta e cinco días do ano as vinte e catro horas."

---



## DITAME DA COMISIÓN:

### TÍTULO II

Do Diario Oficial de Galicia

Artigo 48. Diario Oficial de Galicia

1. O Diario Oficial de Galicia (DOG) é o medio de publicación oficial da Comunidade Autónoma de Galicia a través da cal se dá publicidade ás normas, as resolucións, os actos administrativos e os demais documentos e informacións que sexan obxecto de público coñecemento, de conformidade co ordenamento xurídico vixente.

2. O DOG publícase en edición electrónica. Esta edición electrónica, que ten carácter oficial, auténtico e único, incorpora a sinatura electrónica cualificada como garantía da autenticidade, a integridade e a inalterabilidade do seu contido.

3. O DOG publicarase simultaneamente nos dous idiomas oficiais da Comunidade Autónoma de Galicia. Ambas as versións terán a consideración de oficiais e auténticas.

4. A responsabilidade da publicación e da xestión do DOG é da consellaría con competencias en materia de administracións públicas.

5. O DOG rexerese polo disposto nesta lei e no resto da normativa que resulte aplicable.

## EMENDAS MANTIDAS:

-Do G.P. Socialistas de Galicia.  
Emenda nº44, ao apartado 2, de Adición.

Débase engadir un novo parágrafo no punto 2 deste artigo, que terá o seguinte contido:

"O DOG incorporará o código de verificación electrónica, consistente nun conxunto de caracteres que identifican de forma única calquera das disposicións, dos actos ou dos anuncios publicados e que deberá estar impreso en todas e cada unha das páxinas, e facilitar o acceso ao documento



electrónico orixinal na súa publicación de acordo co establecido no artigo 50 desta lei."

---



## **DITAME DA COMISIÓN:**

Artigo 49. Interoperabilidade no eido xurídico

A publicación do DOG adoptará criterios de interoperabilidade no referido ao intercambio de información de índole xurídica, coa finalidade de facilitar o acceso da cidadanía e a interoperabilidade coas redes de información xurídica que se poidan establecer.

**NON SE PRESENTARON EMENDAS**

## DITAME DA COMISIÓN:

### Artigo 50. Publicación

1. O DOG publicárase no Portal do Diario Oficial de Galicia e será accesible desde o Portal web institucional da Xunta de Galicia e desde a sede electrónica da Xunta de Galicia.
2. A través do Portal do Diario Oficial de Galicia será posible acceder aos boletíns oficiais provinciais de Galicia.
3. Co obxecto de minimizar a diseminación da información de carácter persoal á que se poida acceder a través dos motores de busca, garantírase o pleno respecto ás exixencias derivadas da normativa en materia de protección de datos persoais e garantía dos dereitos dixitais.

## EMENDAS MANTIDAS:

-Do G.P. Socialistas de Galicia.  
Emenda nº46, ao apartado 2, de Adición.

No punto 2 deste artigo débese engadir *in fine*, o seguinte texto:

"..., para o que se promoverá o correspondente acordo con cada unha das deputacións provinciais de Galicia, as cales á súa vez poderán facer accesible nas súas correspondentes sedes electrónicas o DOG."

---

-Do G.P. Socialistas de Galicia.  
Emenda nº45, ao apartado 3 bis), de Adición.

Débese engadir un novo punto 3 bis, que terá o seguinte contido:

"3 bis. No portal do DOG será posible acceder á normativa autonómica de xeito actualizado e consolidado, referenciándose as modificacións e os cambios introducidos nela."

---

## DITAME DA COMISIÓN:

### TÍTULO III

Da presenza do sector público autonómico na internet

### CAPÍTULO I

Disposicións xerais

Artigo 51. Principios xerais da presenza do sector público autonómico na internet

1. A presenza na internet do sector público autonómico deberá atender os seguintes principios xerais:

a) Garantir unha adecuada información institucional, administrativa e de prestación de servizos, asegurando o máximo nivel de calidade, consistencia e coherencia no que atinxe á imaxe, a comunicación e a información ofrecidas na Rede integrada da presenza na internet.

b) Potenciar unha imaxe institucional homoxénea que permita articular, mediante unha adecuada organización da información, o acceso aos contidos e aos servizos ofrecidos polo sector público autonómico na internet.

c) Impulsar unha estruturación adecuada dos contidos e do acceso aos servizos, mediante a integración, a segmentación e a xerarquización para garantir un acceso baseándose nas necesidades das persoas usuarias independentemente da estrutura organizativa do sector público autonómico, facilitando así a súa localización.

d) Promover e garantir a transparencia, como criterio orientador da actividade do sector público autonómico para lles facilitar aos cidadáns e ás cidadás información e datos de interese xeral.

e) Ofrecer unha canle de comunicación á cidadanía coas institucións que permita, á súa vez, promover a participación desta nos asuntos públicos.

f) Promover a difusión da información de interese e relevancia pública para o aproveitamento das oportunidades que ofrece a evolución dos servizos na internet para achegar a administración á cidadanía, facilitando espazos de participación.

g) Impulsar a difusión da riqueza cultural, patrimonial, lingüística e social de Galicia a través da internet.

h) Fomentar a calidade e a eficiencia na prestación dos servizos electrónicos.

i) Garantir o cumprimento da normativa vixente en materia de accesibilidade.

**i bis) Fomentar o coñecemento e o uso da lingua galega.**

**i ter) Crear unhas canles e uns procedementos de consulta á cidadanía.**

2. A Administración xeral e as entidades instrumentais do sector público autonómico prestarán servizos en liña accesibles á cidadanía, fomentando os portais web con orientación temática e centrada nas persoas destinatarias fronte a unha orientación orgánica ou departamental, co obxectivo de simplificar o acceso aos ditos portais.

#### **EMENDAS MANTIDAS:**

-Do G.P. Bloque Nacionalista Galego.  
Emenda nº34, ao apartado 1.i) ter), de Adición.

No apartado 1 do artigo 51, engadir un novo suapartado i) ter co seguinte texto:

"i ter) Garantir unha información pública obxectiva, neutral e fiable fronte ao uso propagandístico das canles dixitais."

---

## DITAME DA COMISIÓN:

### CAPÍTULO II

Organización da presenza do sector público autonómico na internet

Artigo 52. Portal web institucional da Xunta de Galicia

1. O Portal web institucional da Xunta de Galicia **<http://www.xunta.gal>** é o sitio web institucional da Xunta de Galicia constituído polo conxunto de páxinas web relacionadas entre si, estruturadas mediante un sistema de información, de libre acceso e albergadas na Rede corporativa da Xunta de Galicia.

2. O Portal web institucional da Xunta de Galicia recollerá, xunto coa información institucional de todos os órganos superiores da Administración xeral da Comunidade Autónoma de Galicia, a información administrativa e os servizos en liña facilitados ou prestados pola Administración xeral da Comunidade Autónoma de Galicia para a súa difusión á cidadanía. **En particular, dará acceso ao Portal de transparencia e goberno aberto e facilitará a interconexión con outros enderezos electrónicos da rede de portais da Administración xeral e do sector público autonómico.**

3. A través do Portal web institucional da Xunta de Galicia poderase acceder tamén á totalidade dos portais e dos servizos dixitais das entidades instrumentais do sector público autonómico de Galicia, de xeito que constitúa un punto de acceso permanente á información e aos servizos do sector público autonómico.

4. En particular, o Portal web institucional recollerá tamén o acceso ás canles de comunicación da cidadanía co sector público autonómico e o acceso á sede electrónica da Xunta de Galicia e á Carpeta cidadá da Xunta de Galicia.

5. O Portal web institucional da Xunta de Galicia realizará as funcións do Punto de acceso xeral electrónico do sector público autonómico.

## EMENDAS MANTIDAS:



-Do G.P. Socialistas de Galicia.  
Emenda nº47, ao apartado 5 bis), de Adición.

Débese engadir un novo punto 5 bis), que terá o seguinte contido:

"5 *bis*. A Administración xeral e as entidades instrumentais do sector público autonómico dispoñerán dos medios necesarios para garantir unha áxil e permanente actualización da información dispoñible nos seus portais web."

---



## **DITAME DA COMISIÓN:**

### Artigo 53. Rede integrada da presenza na internet

1. A presenza do sector público autonómico na internet ordénase como un conxunto ou unha rede integrada de portais, cos seus correspondentes contidos e servizos, canles sociais e participativas e aplicacións móbiles, cuxa titularidade, xestión e administración lles correspondan aos órganos do sector público autonómico no exercicio das súas competencias.
2. Formarán parte da Rede integrada da presenza na internet aquelas outras tipoloxías de canles que a evolución dos usos da sociedade e o propio desenvolvemento tecnolóxico permitan, establecendo novos modos de achegamento á cidadanía.

## **NON SE PRESENTARON EMENDAS**

## **DITAME DA COMISIÓN:**

Artigo 54. Organización da estrutura dos portais integrados na Rede integrada da presenza na internet

1. Os órganos superiores da Administración xeral da Comunidade Autónoma de Galicia ou as entidades instrumentais do sector público autonómico poderán ofrecer información ou servizos ao público a través da internet, mediante espazos web baixo subdominios de xunta.gal.

2. Orientarase a publicación dos portais cara á súa configuración como portais temáticos destinados a organizar contidos e servizos vinculados a unha determinada materia que transcendan do órgano ou da entidade instrumental que ofrece os contidos ou presta o servizo, e que poderán contar con varios segmentos de destinatarios ou públicos obxectivos.

3. Poderase, ademais, acordar a publicación de portais promocionais para a difusión na internet de campañas ou programas específicos. Estes portais non se identificarán como portais dun determinado órgano ou entidade instrumental, aínda cando os contidos destes portais se correspondan, maioritariamente, cos dun órgano ou unha entidade.

4. En calquera caso, para a incorporación de novos portais temáticos ou promocionais seguirase o principio de integración cos portais previamente existentes, coa finalidade de articular un modelo coherente de presenza do sector público autonómico na internet sobre a base dos elementos comúns do sistema que garanten a homoxeneidade da imaxe, a compatibilidade e a interoperabilidade dos contidos.

**NON SE PRESENTARON EMENDAS**

## **DITAME DA COMISIÓN:**

### **CAPÍTULO III**

Instrumentos para a organización da presenza na internet

Artigo 55. Catálogo da Rede integrada da presenza na internet

1. O Catálogo da Rede integrada da presenza na internet recolle a relación de portais, canles sociais e participativas e aplicacións móbiles do sector público autonómico, así como aqueloutros elementos que poidan formar parte desta rede, segundo o establecido no artigo 53.2, con identificación da información xeral, das características e propiedades e das responsabilidades dos elementos que o conforman.

2. Calquera portal web, canle social e participativa, aplicación móbil e aqueloutros elementos que poidan formar parte desta rede, segundo o establecido no artigo 53.2, do sector público autonómico deberá quedar identificado no catálogo, que estará dispoñible para a súa consulta no Portal web institucional da Xunta de Galicia.

3. Para a publicación dunha iniciativa, e a súa inclusión no catálogo, deberase seguir o establecido nas políticas e as recomendacións vixentes, recollidas nas Guías de políticas web corporativas da Xunta de Galicia.

**NON SE PRESENTARON EMENDAS**

## **DITAME DA COMISIÓN:**

### **Artigo 56. Guías de políticas web corporativas**

**1. Coa finalidade de garantir uns criterios comúns que permitan artellar unha presenza na internet ordenada, cunha imaxe coherente e recoñecible pola cidadanía e con información e servizos de calidade, elaboraranse guías en materia de deseño e creación dos elementos que compoñen a Rede integrada da presenza na internet, garantindo, entre outros, a seguridade, o cumprimento da normativa vixente en materia de accesibilidade e a reutilización de recursos. Estas guías denominaranse Guías de políticas web corporativas.**

**2. As entidades do sector público autonómico deberán atender as previsións das devanditas guías na posta en marcha e na permanente actualización dos portais, das canles sociais e participativas, das aplicacións móbiles ou doutros elementos susceptibles de poderen formar parte da rede.**

**3. Deberase velar pola permanente actualización das guías e pola súa adecuación á normativa vixente na materia prevista nelas. Estas deberán estar publicadas e accesibles para todos os órganos do sector público autonómico.**

**4. Inclúranse nas Guías de políticas web corporativas os mecanismos de revisión periódica dos elementos que compoñen o Catálogo da Rede integrada da presenza na internet, coa finalidade de garantir o cumprimento continuado das guías.**

**NON TEN EMENDAS**

## **DITAME DA COMISIÓN:**

### **CAPÍTULO IV**

#### **Dominios**

##### **Artigo 57. Dominio nos portais web**

1. A Administración xeral e as entidades instrumentais do sector público autonómico ofrecerán a información ou os servizos ao público a través da internet mediante portais web baixo o dominio de nivel superior .gal.

2. Os portais web do sector público autonómico que empreguen dominios de nivel superior distintos do .gal deberán redirixir ao dominio .gal correspondente, mantendo a navegación por este dominio. As referencias internas a outros dominios substituiranse por referencias ao .gal, para non duplicar a presenza do sector público autonómico en indexadores ou buscadores.

## **NON SE PRESENTARON EMENDAS**



## **DITAME DA COMISIÓN:**

Artigo 58. Dominio de correo

Os órganos e as entidades do sector público autonómico empregarán o dominio de correo de nivel superior .gal en todas as contas de correo electrónico persoais, departamentais ou corporativas.

## **NON SE PRESENTARON EMENDAS**

## **DITAME DA COMISIÓN:**

### Artigo 59. Rexistro de nomes de dominio

1. O rexistro de nomes de dominio por parte dos órganos e das entidades do sector público autonómico realizarase baixo a denominación única «Xunta de Galicia».

2. Rexistraranse os nomes de dominio que sexan de interese para os órganos e as entidades do sector público autonómico e mais aqueles dominios que se consideren de especial interese e permitan preservar a imaxe e a presenza na rede do sector público autonómico.

3. A entidade do sector público autonómico con competencias en materia de desenvolvemento dixital será a encargada de:

a) Xestionar as solicitudes de rexistro de novos dominios e mantelos ante as organizacións encargadas do dito rexistro, por petición das entidades do sector público autonómico.

b) Manter a titularidade dos dominios vixentes e garantir a unidade de dominio e o cumprimento das políticas vixentes na materia, de acordo coa normativa patrimonial vixente.

**NON SE PRESENTARON EMENDAS**

**DITAME DA COMISIÓN:**

## TÍTULO IV.

Do funcionamento dixital do sector público autonómico

**EMENDAS MANTIDAS:**

-Do G.P. Bloque Nacionalista Galego.  
Emenda nº36, de Modificación.

No título do título IV substituír: "sector público autonómico", por:  
"sector público galego".

---



## DITAME DA COMISIÓN:

### CAPÍTULO I

#### Inventario da información administrativa

#### Artigo 60. Inventario da información administrativa

1. A Administración xeral e as entidades instrumentais do sector público autonómico harmonizarán a información básica de funcionamento dos sistemas de información utilizados nos diferentes ámbitos da actividade do sector público autonómico para permitir a coherencia da información e a interoperabilidade con outras administracións públicas.

2. O Inventario da información administrativa do sector público autonómico recollerá os conxuntos de datos ou catálogos corporativos que con carácter transversal serven para a identificación unívoca dos contidos dos catálogos, a ordenación e a clasificación da información e da documentación do sector público autonómico, garantindo a interoperabilidade entre os sistemas e entre as administracións.

3. O Inventario da información administrativa utilizarase para difundir a información corporativa á cidadanía, interoperar con outras administracións públicas e configurar os sistemas de información segundo o establecido nos catálogos corporativos.

4. O Inventario da información administrativa do sector público autonómico incluírá, como mínimo:

a) O Directorio oficial do sector público autonómico, que recolle o esquema completo da composición da estrutura orgánica do sector público autonómico, incluíndo a relación dos órganos e das entidades instrumentais do sector público autonómico de Galicia, das oficinas da Rede de oficinas de atención á cidadanía e de rexistro e mais as unidades de xestión económico-orzamentaria, así como as súas relacións entre eles.

b) O Catálogo de procedementos e servizos, que inclúe a información actualizada dos procedementos e dos servizos do sector público autonómico de Galicia de forma clasificada, estruturados en familias e con indicación do seu nivel de informatización e seguridade.

A Guía de procedementos e servizos, parte integrante deste catálogo, recompila e divulga a información básica de cada procedemento ou servizo que pode ser de interese para a cidadanía.

c) O Catálogo de series documentais xeradas na xestión dos procedementos administrativos e dos servizos que presta o sector público autonómico, o Catálogo de tipos documentais e o Cadro de clasificación e esquemas de metadatos, necesarios todos eles para a configuración e a xestión do Arquivo electrónico administrativo.

d) Outros catálogos corporativos que con carácter transversal se establezan para a ordenación ou a clasificación da información do sector público autonómico, así como os necesarios para garantir a interoperabilidade coas restantes administracións.

5. De acordo co establecido no artigo 9 do Real decreto 4/2010, do 8 de xaneiro, polo que se regula o Esquema nacional de interoperabilidade no ámbito da administración electrónica, estableceranse os mecanismos que permitan enlazar e interoperar co Inventario da Administración xeral do Estado.

#### **EMENDAS MANTIDAS:**

-Do G.P. En Marea.  
Emenda nº67, ao apartado 4.a), de Adición.

Débase engadir ao remate do apartado 4.a) a seguinte expresión:

"e o nome dos seus titulares e membros que compoñen os órganos e as entidades instrumentais en cada momento."

---

## **DITAME DA COMISIÓN:**

Artigo 61. Xestión e uso do Inventario da información administrativa

1. A Comisión de Seguridade e Goberno Electrónico determinará os protocolos de coordinación e mantemento dos contidos do Inventario da información administrativa.
2. O Inventario da información administrativa será de uso obrigatorio por parte dos sistemas de información utilizados nos diferentes ámbitos de actividade do sector público autonómico.
3. Os datos e os catálogos recollidos no Inventario da información administrativa do sector público autonómico estarán dispoñibles en formatos reutilizables.

**NON SE PRESENTARON EMENDAS**

## **DITAME DA COMISIÓN:**

### **CAPÍTULO II**

#### **Funcionamento dixital interno**

#### **Artigo 62. Emisión de documentos administrativos**

1. De acordo co artigo 26.1 da Lei 39/2015, do 1 de outubro, do procedemento administrativo común das administracións públicas, os documentos administrativos emitiranse por escrito, a través de medios electrónicos, a menos que a súa natureza exixa outra forma máis adecuada de expresión e constancia.

2. Para os efectos da alínea anterior, cando a súa natureza o exixa como forma máis adecuada de expresión e constancia, será documento administrativo o ficheiro resultante da gravación de son ou imaxe axustado aos requisitos e ao procedemento que se estableza.

3. Os documentos administrativos e aqueles susceptibles de formaren parte dun expediente terán sempre asociada polo menos unha sinatura electrónica para garantir a autenticidade e a integridade. Para a sinatura electrónica por parte da Administración xeral e das entidades instrumentais do sector público autonómico, os sistemas que poden ser utilizados son exclusivamente os previstos no capítulo IV do título IV, sobre a identificación e a sinatura do sector público autonómico.

4. De acordo co artigo 26.3 da Lei 39/2015, do 1 de outubro, non requirirán de sinatura electrónica os documentos electrónicos emitidos polas administracións públicas que se publiquen con carácter meramente informativo, así como aqueles que non formen parte dun expediente administrativo. En todo caso, será necesario identificar a orixe destes documentos.

**NON SE PRESENTARON EMENDAS**

## **DITAME DA COMISIÓN:**

### Artigo 63. Copias de documentos

1. A expedición de copias auténticas de documentos públicos administrativos ou privados así como a validez e a eficacia das ditas copias rexeranse polo disposto no artigo 27 da Lei 39/2015, do 1 de outubro, do procedemento administrativo común das administracións públicas.

2. Nos procedementos administrativos tramitados polo sector público autonómico de Galicia deberase expedir unha copia auténtica electrónica de calquera documento en papel ou noutro soporte non electrónico susceptible de dixitalización que presenten as persoas interesadas e que se vaia incorporar a un expediente administrativo.

3. Regulamentariamente determinaranse os órganos que teñan atribuídas as competencias de expedición de copias auténticas dos documentos públicos administrativos ou privados, así como os formatos das copias auténticas electrónicas.

## **EMENDAS MANTIDAS:**

-Do G.P. En Marea.  
Emenda nº68, ao apartado 3, de Supresión.

Débase suprimir o apartado 3.

---

## **DITAME DA COMISIÓN:**

### Artigo 64. Comunicaci3ns internas

1. As comunicaci3ns que se realicen entre os 3rganos ou as entidades do sector p3blico auton3mico realizaranse obrigatoriamente por medios electr3nicos a trav3s das ferramentas tecnol3xicas corporativas habilitadas para o efecto.
2. As datas de transmisi3n e recepci3n acreditadas nas comunicaci3ns electr3nicas internas ser3n v3lidas para o c3mputo dos prazos.
3. As comunicaci3ns en soporte de papel s3 poder3n utilizarse de forma excepcional e xustificada naqueles casos en que a comunicaci3n non se poida realizar de xeito integramente electr3nico.

**NON SE PRESENTARON EMENDAS**

### **DITAME DA COMISIÓN:**

#### Artigo 65. Comunicaci3ns con outras administraci3ns

As comunicaci3ns que se realicen entre os 3rganos e as entidades do sector p3blico auton3mico e outras administraci3ns p3blicas realizaranse, ag3s nos supostos de imposibilidade xustificada, por medios electr3nicos.

### **NON SE PRESENTARON EMENDAS**

## DITAME DA COMISIÓN:

### CAPÍTULO III

#### Procedementos administrativos e servizos dixitais

#### Artigo 66. Configuración dixital dos procedementos administrativos e dos servizos no sector público autonómico

1. A configuración dixital dos procedementos administrativos e dos servizos no sector público autonómico ten por finalidade simplificar e **axilizar** os procedementos administrativos e prestar servizos públicos dixitais, homoxéneos, personalizados e fáciles de utilizar, aplicando enfoques innovadores para deseñar e prestar mellores servizos de conformidade coas necesidades e as demandas da cidadanía, aproveitando as oportunidades que brinda a nova contorna dixital para facilitar as súas interaccións coas partes interesadas.

2. A implantación dos procedementos administrativos e dos servizos no sector público autonómico exixirá unha revisión integral e preceptiva, que permita a verificación dos principios e dos criterios comúns na concepción de procedementos e servizos cun pleno funcionamento electrónico, sen prexuízo do necesario respecto dos dereitos das persoas non obrigadas a se relacionaren por medios electrónicos coa administración, así como o uso de novas canles e tecnoloxías dispoñibles para cada caso na prestación dos servizos públicos.

3. Os procedementos e os servizos dixitais que se implanten deberán respectar os seguintes principios fundamentais co obxectivo de lograr a maior interacción coa cidadanía:

a) Principio de «só unha vez»: garantir que os cidadáns e as cidadás faciliten a mesma información unha soa vez, nos termos previstos no artigo 10.

b) Homoxeneización: simplificar os procedementos administrativos e os servizos públicos dixitais a través dunha interface homoxénea, facilitándolles ás persoas interesadas, por unha banda, a aprendizaxe do uso dos servizos e, por outra, a comprensión da información que se solicita.

c) Interoperabilidade: deberase garantir o cumprimento das normas técnicas de interoperabilidade que posibiliten a





circulación dos datos e dos documentos entre as administracións públicas.

d) Personalización: habilitación de solucións dixitais personalizables que permitan a mellor adecuación ás demandas e ás singularidades de colectivos específicos.

e) Seguridade e protección de datos: cumprimento do marco xurídico sobre a protección dos datos persoais, da intimidade e da seguridade da información, integrando estes elementos na fase de deseño.

f) Automatización: fomento de actuacións administrativas automatizadas nos actos ou nas actuacións que sexan susceptibles de ser configuradas como tales no marco dun procedemento administrativo.

g) Inclusión e accesibilidade: deseñar os servizos públicos dixitais de tal modo que sexan inclusivos e tomen en consideración as necesidades de determinados colectivos, como as das persoas maiores e das persoas con discapacidade.

h) Transparencia e goberno aberto: compartir información e datos entre as administracións públicas e permitir que os cidadáns e as cidadás poidan ter acceso aos seus propios datos, controlalos e rectificalos, e que as persoas interesadas poidan facer un seguimento dos procedementos administrativos que lles afecten.

i) Proxección exterior: lograr, no marco das competencias autonómicas, que paulatinamente os procedementos e os servizos públicos dixitais pertinentes sexan accesibles nos países cos que a nosa comunidade ten maiores relacións, especialmente con Portugal e os países de Iberoamérica, co que se facilita así a mobilidade das persoas e a integración tecnolóxica dos cidadáns galegos e das cidadás galegas residentes no exterior e das entidades galegas asentadas fóra de Galicia.

j) Adaptación tecnolóxica: evolución das tecnoloxías e dos sistemas informáticos coa finalidade de que estean permanentemente actualizados en relación coa contorna e co desenvolvemento tecnolóxico.

k) Pagamento electrónico: na realización de trámites suxeitos ao pagamento de taxas autonómicas deberase permitir o pago electrónico.

#### **EMENDAS MANTIDAS:**

-Do G.P. En Marea.  
Emenda nº70, ao apartado 3.c), de Adición.

Débese engadir ao remate do apartado o seguinte texto:  
"cos requisitos de seguranza aplicados ao nivel de datos que se transmitan e sempre que exista conformidade da persoa interesada."

---

-Do G.P. En Marea.  
Emenda nº71, ao apartado 3.g), de Substitución.

Débese substituír o texto do apartado 3.g) polo seguinte:  
"g) Inclusión e accesibilidade: deseñar os servizos públicos dixitais de tal modo que sexan inclusivos, que garantan o principio de igualdade de todas as persoas e non-discriminación no acceso aos bens e aos servizos da administración e mais que teñan en consideración as necesidades de determinados colectivos, como o das persoas maiores e as persoas con diversidade funcional."

---

-Do G.P. En Marea.  
Emenda nº72, ao apartado 3.i), de Substitución.

Débese substituír a seguinte expresión:  
Onde di: "i) Proxección exterior:"  
Debe dicir: "i) Proxección interior e exterior:"

---

## DITAME DA COMISIÓN:

### Artigo 67. Deseño dos procedementos e dos servizos dixitais

1. Na fase de deseño dun procedemento administrativo ou dun servizo deberanse ter en conta os seguintes elementos básicos da súa configuración dixital:

a) A incorporación da canle dixital por defecto, considerando a aplicación dos criterios de administración dixital, previstos na presente regulación, e a utilización dos sistemas dixitais únicos, regulados no artigo 116, sen prexuízo de lles garantir o acceso ás persoas que non estean obrigadas a relacionarse electronicamente coa administración.

b) A incorporación de actuacións administrativas automatizadas en trámites que sexan susceptibles desta configuración, reducindo substancialmente os tempos de tramitación e atención.

c) A aplicación de criterios iguais na relación cos mesmos colectivos.

**d) A definición dos procedementos que permitan a interacción e a coordinación entre diferentes órganos ou coas restantes administracións públicas galegas, en prol da simplificación e da redución de cargas administrativas á cidadanía.**

e) A identificación das canles de asistencia no uso dos servizos públicos dixitais.

f) Os mecanismos de identificación de melloras na prestación do servizo público dixital.

g) A facilidade de uso do servizo, minimizando o grao de coñecemento funcional ou tecnolóxico necesario para o seu uso.

**h) A identificación dos datos ou dos certificados que se xeren no procedemento e no servizo e que se deban incluír no Catálogo de servizos de interoperabilidade regulado no artigo 77.**

**i) A identificación da información de carácter público que deba ser incorporada no Catálogo de información**

**reutilizable en formato de datos abiertos, en consonancia co capítulo III da Lei 1/2016, do 18 de xaneiro, de transparencia e bo goberno.**

2. Regulamentariamente determinarase o procedemento de configuración dixital dos procedementos administrativos e dos servizos do sector público autonómico de Galicia, así como os órganos ou as unidades responsables.

#### **EMENDAS MANTIDAS:**

-Do G.P. En Marea.

Emenda nº73, ao apartado 1.b), de Substitución.

Débase substituír ao remate do apartado 1.b) a seguinte expresión:

Onde di: "os tempos de tramitación e atención."

Debe dicir: "os tempos de tramitación, atención e resolución."

---

-Do G.P. En Marea.

Emenda nº74, ao apartado 1.c), de Supresión.

Débase suprimir o apartado 1.c)

---

-Do G.P. En Marea.

Emenda nº75, ao apartado 1.f), de Substitución.

Débase substituír o texto do apartado 1.f) polo seguinte:

f") Os mecanismos de identificación de melloras, fendas e eivas na prestación do servizo público dixital."

---

-Do G.P. En Marea.

Emenda nº76, ao apartado 2, de Supresión.

Débase suprimir ao inicio do apartado a seguinte expresión:  
"Regulamentariamente"

---

## **DITAME DA COMISIÓN:**

### **Aartigo 67 bis. Impulso de servizos dixitais a empresas e profesionais**

**1. O sector público autonómico de Galicia promoverá o uso preferentemente das canles electrónicas nas súas relacións coas empresas e os profesionais, incluíndo aquí calquera entidade que exerce unha actividade económica, independentemente da súa forma xurídica.**

**2. Impulsarase a creación de servizos electrónicos e a automatización dos procesos entre o sector público autonómico e as empresas e os profesionais, naqueles casos en que resulte beneficioso.**

**3. Promoverase o acceso unificado á información e aos servizos dispoñibles, tanto nas relacións administrativas coma económicas co sector público autonómico. Igualmente, promoverase a difusión da información de carácter público que permita favorecer o coñecemento do sector empresarial e profesional galego.**

**4. En particular, promoveranse os servizos dixitais no eido da contratación administrativa, tendo en conta a súa normativa específica aplicable e facendo efectivos os principios recollidos no título II da Lei 14/2013, do 26 de decembro, de racionalización do sector público autonómico.**

**5. A Xunta de Galicia poderá establecer convenios co obxecto de colaborar coas empresas na promoción entre estas dos seus medios dixitais.**

**NON SE PRESENTARON EMENDAS**

## **DITAME DA COMISIÓN:**

Artigo 68. Guías en materia de configuración dixital dos procedementos e dos servizos

1. Para o deseño dos procedementos e dos servizos dixitais elaboraranse guías en materia de configuración dixital dos procedementos e dos servizos que ofrecerán as directrices de uso obrigatorio para a habilitación dos procedementos administrativos e dos servizos, baixo uns principios de racionalización e simplificación, e facilitarán o cumprimento da normativa en materia de administración electrónica e simplificación administrativa. As entidades do sector público autonómico deberán atender as previsións das devanditas guías para a habilitación electrónica dos procedementos e dos servizos no seu ámbito competencial.

2. En particular, para os procedementos de contratación pública elaborárase unha guía, que recollerá as recomendacións que hai que ter en conta na redacción dos pregos e das invitacións a procedementos negociados, que aseguren o uso das tecnoloxías da información e as comunicacións nas relacións entre o sector público autonómico e as empresas, dando cumprimento ás prescricións legais de administración electrónica en vigor.

3. Regulamentariamente determinaranse os órganos ou as unidades responsables da elaboración e da actualización continuada das guías en materia de configuración dixital dos procedementos e dos servizos. Deberase velar pola permanente actualización das ditas guías e pola súa adecuación á normativa vixente na materia prevista nelas, e deberán estar publicadas e accesibles para todos os órganos do sector público autonómico.

## **EMENDAS MANTIDAS:**

-Do G.P. En Marea.  
Emenda nº77, ao apartado 2, de Adición.

Débase engadir ao remate do apartado o seguinte texto:  
"Teranse en conta a maiores as dificultades no desenvolvemento das pequenas e medianas empresas neste eido, sendo claves as axudas que se poidan desenvolver para potenciar o desenvolvemento deste tipo de aplicacións para as



relacións coas administracións públicas. Nas invitacións a procedementos negociados, terase en conta, de tratarse de pequenas, medianas empresas ou do colectivo de autónomos, o cumprimento noutras áreas, como a de integración das persoas con discapacidade, o cumprimento das Lei orgánica 3/2007 e mais os criterios de proximidade."

---

## **DITAME DA COMISIÓN:**

### **CAPÍTULO IV**

Identificación e sinatura no eido do sector público autonómico

Artigo 69. Identificación e sinatura electrónicas do persoal empregado público

A Administración xeral e as entidades públicas instrumentais do sector público autonómico dotarán o seu persoal empregado público dos mecanismos de identificación e sinatura electrónicas necesarios para o desenvolvemento das súas funcións.

**NON SE PRESENTARON EMENDAS**



## **DITAME DA COMISIÓN:**

Artigo 70. Sistemas de identificación do persoal empregado público

1. A Administración xeral e as entidades públicas instrumentais do sector público autonómico dotarán o seu persoal empregado público, con carácter xeral, dun certificado electrónico recoñecido ou cualificado de empregado público e dun sistema de usuario e contrasinal.

2. Estes sistemas de identificación poderán ser utilizados polo dito persoal, dependendo do nivel de seguridade requirido e nos termos previstos pola correspondente administración, nos sistemas informáticos do sector público autonómico ou doutras administracións públicas.

3. Así mesmo, este persoal poderá ser dotado doutros sistemas de identificación específicos que se determinen para o exercicio das súas funcións, incluíndo certificados de persoa física representante da Administración xeral ou das entidades públicas instrumentais.

## **EMENDAS MANTIDAS:**

-Do G.P. En Marea.  
Emenda nº78, ao apartado 3, de Supresión.

Débese suprimir o seguinte texto:  
", incluíndo certificados de persoa física representante da Administración xeral ou das entidades públicas instrumentais."

---

## DITAME DA COMISIÓN:

### Artigo 71. Sistemas de sinatura do persoal empregado público

1. A Administración xeral e as entidades públicas instrumentais do sector público autonómico dotarán o seu persoal empregado público, con carácter xeral, dun certificado electrónico recoñecido ou cualificado de empregado público como sistema de sinatura electrónica.

2. Así mesmo, poderanse dotar outros mecanismos específicos que se determinen, incluído un certificado de persoa física representante da Administración xeral ou da entidade pública instrumental, para o desenvolvemento das súas funcións.

3. Cando as funcións desenvolvidas polo persoal empregado público do sector público autonómico exixan mobilidade ou exista unha imposibilidade técnica para a sinatura electrónica a través dun certificado electrónico recoñecido ou cualificado, poderán habilitarse, nos termos que se determinen regulamentariamente, outros sistemas de sinatura electrónica.

**4. Naquelas actuacións que, realizadas por medios electrónicos, afecten a información clasificada, a seguridade pública ou a defensa nacional, ou noutras actuacións nas cales legalmente estea xustificado o anonimato para a súa realización, regulamentariamente poderá habilitarse para determinados colectivos de persoal empregado público do sector público autonómico o uso de certificados electrónicos con pseudónimo, que deberá referirse, en todo caso, ao número de identificación profesional da empregada ou do empregado público, que permitirá a súa identificación nos casos en que for necesario.**

## EMENDAS MANTIDAS:

-Do G.P. En Marea.  
Emenda nº79, ao apartado 2, de Supresión.

Débase suprimir o seguinte texto:  
", incluído un certificado de persoa física representante da Administración xeral ou da entidade pública instrumental, para o desenvolvemento das súas funcións."

---



-Do G.P. En Marea.

Emenda nº80, ao apartado 4, de Substitución.

Débase substituír o texto do apartado polo seguinte:

"4. Excepcionalmente, por razóns de seguridade pública, habilitaranse para determinado persoal empregado público do sector público autonómico o uso de certificados electrónicos, que se referirá, en todo caso, ao número de identificación profesional de empregado ou empregada público, que permitirá a súa identificación nos casos en que for necesario, segundo o recollido no artigo 43.2 da Lei 40/2015."

---

## **DITAME DA COMISIÓN:**

### Artigo 72. Tarxeta de acreditación persoal

1. A Administración xeral e as entidades públicas instrumentais dotarán o seu persoal empregado público dunha tarxeta de acreditación persoal, que incluíra todos os certificados electrónicos que requira para o desenvolvemento das súas funcións e que terá unha validez indefinida desde a toma de posesión ata o cesamento como persoal empregado público.

2. O mecanismo concreto de acreditación persoal do persoal empregado público do sector público autonómico estará suxeito á renovación das tecnoloxías e dos sistemas informáticos utilizados cando sexa necesario, coa finalidade de que estea permanentemente actualizado en relación coa contorna e co desenvolvemento tecnolóxico.

**NON SE PRESENTARON EMENDAS**

## **DITAME DA COMISIÓN:**

Artigo 73. Sistemas de identificación da Administración xeral e das entidades instrumentais do sector público autonómico

1. A Administración xeral e as entidades instrumentais do sector público autonómico poderanse identificar mediante o uso dun selo electrónico baseado nun certificado electrónico recoñecido ou cualificado que reúna os requisitos exixidos pola lexislación da sinatura electrónica. Estes certificados electrónicos incluírán o número de identificación fiscal e a denominación correspondente, así como, se é o caso, a identidade da persoa titular no caso dos selos electrónicos dos órganos do sector público autonómico.

2. A relación dos selos electrónicos utilizados no sector público autonómico, incluíndo as características dos certificados electrónicos e os prestadores que os expiden, así como as medidas para a súa verificación, estarán dispoñibles na sede electrónica da Xunta de Galicia.

3. Entenderase identificada a entidade do sector público autonómico respecto da información que se publique como propia nos portais web da Rede integrada da presenza na internet.

**NON SE PRESENTARON EMENDAS**

## DITAME DA COMISIÓN:

### Artigo 74. Actuación administrativa automatizada

1. A Administración xeral e as entidades públicas instrumentais do sector público autonómico promoverán o fomento de actuacións administrativas automatizadas cando se trate de actos ou actuacións respecto dos cales os criterios de análise ou decisión poidan integrarse nun programa que realice a actuación automatizada.

2. A sinatura electrónica das actuacións administrativas automatizadas poderase realizar mediante os seguintes sistemas de sinatura electrónica, de acordo co artigo 42 da Lei 40/2015, do 1 de outubro, de réxime xurídico do sector público:

a) Selo electrónico de administración pública, órgano, organismo público ou entidade de dereito público, baseado nun certificado electrónico recoñecido ou cualificado que reúna os requisitos exixidos pola lexislación da sinatura electrónica.

b) Código seguro de verificación vinculado ao sector público autonómico, permitíndose en todo caso a comprobación da integridade do documento mediante o acceso á sede electrónica da Xunta de Galicia.

3. No caso da sinatura electrónica con código seguro de verificación, deberase asegurar a autenticidade e a integridade do documento durante toda a súa vixencia. Para este fin, e co obxecto de favorecer a interoperabilidade, poderase superpoñer ao documento asinado un selo electrónico baseado nun certificado electrónico recoñecido ou cualificado.

4. As actuacións administrativas automatizadas deberanse declarar mediante unha resolución conxunta do órgano competente para a definición das especificacións, a programación, o mantemento, a supervisión e o control de calidade e, se é o caso, a auditoría do sistema de información e do seu código fonte, así como do órgano responsable para os efectos de impugnación. Nesta resolución especificarase a identificación de tales órganos e os sistemas de sinatura utilizados, de ser o caso, para a actuación administrativa automatizada.



5. O texto íntegro das resolucións indicadas na alínea anterior publicarase na sede electrónica da Xunta de Galicia e no Diario Oficial de Galicia.

**NON SE PRESENTARON EMENDAS**

## DITAME DA COMISIÓN:

### CAPÍTULO V

#### Rexistro do Persoal Funcionario Público Habilitado

##### Artigo 75. Obxecto e alcance do Rexistro do Persoal Funcionario Público Habilitado

1. Créase, no eido do sector público autonómico, o Rexistro do Persoal Funcionario Público Habilitado, onde constará o persoal funcionario habilitado para a expedición de copias auténticas e a realización da identificación e da sinatura electrónicas das persoas interesadas que non dispoñan dos medios electrónicos necesarios.

2. O Sistema de xestión do persoal da Xunta de Galicia conterà a información necesaria para dar soporte ao Rexistro, onde constará como persoal funcionario habilitado, polo menos, aquel persoal funcionario que realice funcións de atención aos cidadáns e ás cidadás nas oficinas da Rede de oficinas de atención á cidadanía e de rexistro, sen prexuízo da habilitación doutro persoal funcionario que se determine.

**2 bis. No caso da prestación de servizos á cidadanía que impliquen a actuación coordinada e complementaria de diversas administracións no territorio, estableceranse os mecanismos de incorporación ao rexistro do correspondente persoal funcionario das restantes administracións públicas galegas.**

3. As restantes administracións públicas galegas poderanse adherir voluntariamente a este rexistro, para cumprir co disposto na normativa reguladora do procedemento administrativo común en materia de rexistro de funcionarios públicos habilitados.

4. Consonte o disposto na normativa reguladora do procedemento administrativo común, este rexistro será plenamente interoperable e estará interconectado cos rexistros ou cos sistemas das restantes administracións públicas, para os efectos de comprobar a validez das habilitacións.



5. O Rexistro do Persoal Funcionario Público Habilitado dependerá da consellaría con competencia en materia de función pública.

**6. Publicarase o catálogo das funcións e dos servizos que prestarán de cara á cidadanía, especialmente con respecto á habilitación e á tramitación da administración dixital no tocante a aquelas persoas que non están obrigadas a relacionarse de xeito electrónico coa administración.**

**EMENDAS MANTIDAS:**

-Do G.P. En Marea.  
Emenda nº81, ao apartado 1, de Adición.

Débese engadir a seguinte verba:  
Despois de: "copias auténticas" débese engadir: "gratuítas"

---

## **DITAME DA COMISIÓN:**

### **CAPÍTULO VI**

Interoperabilidade dos datos e dos documentos

#### **Artigo 76. Plataforma de intermediación**

1. A entidade do sector público autonómico con competencias en desenvolvemento dixital funcionará como un nodo de interoperabilidade mediante a plataforma de intermediación pasaXe!, que prestará funcionalidades comúns para o intercambio de datos e de documentos entre o sector público autonómico e co resto das administracións públicas.

2. O intercambio dos datos e de documentos a través de pasaXe! realizarase nunhas condicións tales que garantan a seguridade da información e a protección dos datos persoais que se transmitan, proporcionando medidas para a autenticidade, a confidencialidade, a integridade, a dispoñibilidade e a trazabilidade adecuadas á natureza daqueles.

## **EMENDAS MANTIDAS:**

-Do G.P. Bloque Nacionalista Galego.  
Emenda nº37, de Adición.

No artigo 76, engadir ao final o seguinte texto:

"Esta plataforma terá xestión pública directa."

---

## **DITAME DA COMISIÓN:**

### Artigo 77. Catálogo de servizos de interoperabilidade

1. O Catálogo de servizos de interoperabilidade incluírá todos os servizos de consulta dos datos e dos documentos accesibles a través da plataforma de intermediación pasaXe!.
2. O Catálogo de servizos de interoperabilidade estará dispoñible para a súa consulta tanto na Intranet corporativa coma no Portal web institucional, e nel informarase sobre os datos e os documentos que se poden consultar en cada un dos servizos, así como das condicións de uso de cada un deles.
3. A identificación de novos servizos de interoperabilidade poderá vir determinada por calquera órgano das entidades usuarias de pasaXe!, tanto polas necesidades de novos datos ou documentos na tramitación dos procedementos coma pola súa capacidade de poñer á disposición doutros órganos ou administracións públicas novos datos ou documentos.

## **NON TEN EMENDAS**

## **DITAME DA COMISIÓN:**

Artigo 78. Mapa de interoperabilidade do sector público autonómico

1. O Mapa de interoperabilidade do sector público autonómico é o inventario de tipos de documentos e datos elaborados ou que xa consten en poder das administracións públicas que o sector público autonómico precise para o desempeño da súa actividade ou poida proporcionar a outras administracións para o desempeño da súa actividade.

2. Coa finalidade prevista na alínea 1, estarán incluídos no alcance do mapa a demanda potencial de intercambios electrónicos de datos ou documentos, a oferta de servizos interoperables que proporcionen tales datos ou documentos e o uso real destes servizos, que virá determinado polas consultas efectivas de información realizadas a través da plataforma de intermediación.

3. Para estes efectos, a posta á disposición do mapa permitirá:

a) Facilitar o impulso do intercambio de documentos e datos entre as administracións públicas a través de medios electrónicos.

b) Identificar e inventariar as necesidades e as obrigas de intercambio de datos e documentos do sector público autonómico.

c) Definir os documentos interoperables que dean soporte ás necesidades de intercambio de información entre as administracións públicas, aplicando unha visión de conxunto, e ordenando as transmisións entre administracións.

d) Avaliar a demanda de datos e documentos, atendendo a súa criticidade e as melloras que achegan, permitindo así priorizar os traballos de incorporación de servizos na plataforma de intermediación.

## **EMENDAS MANTIDAS:**

-Do G.P. Bloque Nacionalista Galego.  
Emenda nº39, de Modificación.



No artigo 78, substituir : “sector público autonómico”, por:  
“sector público galego”.

---

## **DITAME DA COMISIÓN:**

### **CAPÍTULO VII**

#### **Arquivo electrónico administrativo**

#### **Artigo 79. Arquivo electrónico administrativo da Xunta de Galicia**

1. O Arquivo electrónico administrativo da Xunta de Galicia é o sistema que permite a xestión de expedientes administrativos electrónicos do sector público autonómico nas súas diferentes fases. Polo tanto, incluírá todos os expedientes en tramitación e os finalizados, durante o tempo establecido nos seus calendarios de conservación.

2. O Arquivo electrónico administrativo rexeráse polo disposto nesta lei, na Lei 7/2014, do 26 de setembro, de arquivos e documentos de Galicia, e no resto da normativa aplicable.

3. A responsabilidade da custodia e o mantemento dos expedientes e os documentos durante a súa tramitación será responsabilidade da unidade xestora deles. Ao finalizarse a súa tramitación, a unidade xestora do expediente deberá transferir a súa custodia ao Arquivo de Galicia ou a outros arquivos do Sistema de arquivos de Galicia.

4. Os formatos dos documentos do Arquivo electrónico administrativo deberán garantir a súa autenticidade, integridade, conservación, dispoñibilidade e confidencialidade, así como a súa consulta, con independencia do tempo transcorrido desde a súa emisión.

## **EMENDAS MANTIDAS:**

-Do G.P. Bloque Nacionalista Galego.  
Emenda nº40, ao apartado 1, de Adición.

No apartado 1 do artigo 79, engadir o seguinte texto:

"Este arquivo terá xestión pública directa."

---

## **DITAME DA COMISIÓN:**

### Artigo 80. Política de xestión documental electrónica

1. A política de xestión documental electrónica constitúe o marco de actuación para a creación e a xestión de documentos auténticos, fiables e dispoñibles no tempo. A política de xestión documental electrónica desenvolve os aspectos técnicos, normativos e organizativos necesarios para a coordinación, a aplicación e a supervisión da xestión documental electrónica, de forma que se garanta a seguridade, a interoperabilidade e a preservación dos documentos.

2. A entidade do sector público autonómico con competencias en desenvolvemento dixital, en coordinación coas consellarías competentes en materia de arquivos e patrimonio documental e en materia de administracións públicas, deberá poñer en práctica a política de xestión documental electrónica do sector público autonómico no ámbito do Arquivo electrónico administrativo, que deberá prever, entre outros, os seguintes aspectos:

- a) As directrices e as responsabilidades para a estruturación e o desenvolvemento dos procedementos de xestión documental.
- b) Os metadatos dos expedientes e dos documentos electrónicos para o seu tratamento e xestión a nivel interno e para garantir a interoperabilidade con outras administracións públicas.
- c) Os formatos de contido permitidos e recomendados.
- d) Calquera outro contido necesario para a xestión dos expedientes e dos documentos do sector público autonómico.

**NON SE PRESENTARON EMENDAS**

## DITAME DA COMISIÓN:

### TÍTULO V

Dos medios, da seguridade e da continuidade da infraestrutura dixital

### CAPÍTULO I

Infraestrutura dixital do sector público autonómico

Artigo 81. Infraestrutura dixital básica do sector público autonómico

1. A infraestrutura dixital básica do sector público autonómico é o equipamento tecnolóxico e o software de base necesario para o funcionamento dixital dos servizos baixo os principios de dispoñibilidade, accesibilidade e seguridade. Inclúe o equipamento necesario para o procesamento dos datos e o correcto almacenamento e a custodia deles, así como para garantir as comunicacións electrónicas e o intercambio de información tanto no ámbito interno coma en relación con outras administracións e mais coa cidadanía e as empresas.

2. A infraestrutura dixital básica deberá asegurar a prestación dos servizos a nivel de posto de traballo, a dispoñibilidade dos datos e a súa protección para facilitar a interoperabilidade e a relación multilateral no intercambio de información e no acceso aos servizos entre todas as administracións públicas.

3. As características principais da infraestrutura dixital básica son:

- a) a utilización de protocolos estándar de comunicacións
- b) a alta dispoñibilidade e o rendemento
- c) a escalabilidade, a extensibilidade e a fiabilidade.
- d) A facilidade de integración con outras redes públicas e privadas
- e) o cumprimento estrito dos controis de acceso e seguridade.



4. Terán a consideración de infraestrutura dixital básica os centros de procesos de datos e a Rede corporativa da Xunta de Galicia (RCXG).

**EMENDAS MANTIDAS:**

-Do G.P. Bloque Nacionalista Galego.  
Emenda nº41, ao apartado 3.e) bis), de Adición.

No apartado 3 do artigo 81, engadir un novo apartado e) bis co seguinte texto:

"e *bis*) Fomento do uso de estándares abertos."

---

## **DITAME DA COMISIÓN:**

### Artigo 82. Centros de procesamento de datos

1. Os centros de procesamento de datos corporativos do sector público autonómico albergarán as infraestruturas tecnolóxicas necesarias para que o sector público autonómico lles proporcione servizos dixitais á cidadanía, ao propio sector público autonómico ou a outras administracións, cos axeitados niveis de seguridade e dispoñibilidade.
2. Estes centros actuarán como enlace para posibilitar a conexión entre os servizos dixitais ofrecidos polo sector público autonómico e os da Administración xeral do Estado.
3. Co fin de garantir a dispoñibilidade dos servizos que se prestan desde o Centro de Procesamento de Datos Integral (CPDI) e, se é o caso, os centros de procesamento de datos de respaldo (CPDR), a entidade responsable da xestión das infraestruturas de telecomunicacións do sector público autonómico realizará o control das conexións e o establecemento das condicións específicas de acceso aos devanditos servizos.

**NON SE PRESENTARON EMENDAS**

## **DITAME DA COMISIÓN:**

### **Artigo 83. Acceso á Rede corporativa**

1. A Administración xeral e as entidades públicas instrumentais do sector público autonómico dispoñen dunha rede de acceso que integra voz e datos nas súas principais dependencias, a denominada Rede corporativa da Xunta de Galicia (RCXG), que proporciona servizos de datos, internet, telefonía fixa e telefonía móbil.

2. Os accesos aos servizos de telecomunicacións nos edificios e nos conxuntos inmobiliarios en que a Administración xeral e as entidades públicas instrumentais do sector público autonómico desenvolven a súa actividade deberán cumprir coas medidas de seguridade e continuidade dos sistemas, dos datos, das comunicacións e dos servizos electrónicos aplicables conforme a regulación vixente.

3. A entidade responsable da xestión da infraestrutura de telecomunicacións do sector público autonómico será a competente para supervisar e autorizar internamente as conexións da Rede corporativa con redes públicas de acceso aos devanditos servizos, establecendo as condicións específicas que se deben garantir conforme a regulación vixente.

**NON SE PRESENTARON EMENDAS**

## **DITAME DA COMISIÓN:**

### **Artigo 84. Acceso á internet nos edificios públicos**

1. A Administración xeral e as entidades públicas instrumentais do sector público autonómico deberán contribuír a´ inclusión dixital da cidadanía, permitindo aproveitar os beneficios da conexión á internet de alta velocidade en todos os edificios da súa titularidade en que desenvolvan as súas competencias.

2. Para cumprir con este obxectivo, a Administración xeral e as entidades públicas instrumentais do sector público autonómico habilitarán nos ditos edificios o acceso público á información dixital a través da internet, sempre que se dean as condicións técnicas que o fagan posible.

## **NON SE PRESENTARON EMENDAS**

## **DITAME DA COMISIÓN:**

### **Artigo 85. Seguridade da infraestrutura dixital**

1. A entidade do sector público autonómico competente en desenvolvemento dixital será a responsable de administrar e controlar as infraestruturas dixitais que dean soporte aos servizos regulados nesta lei, garantindo a súa seguridade.

2. De conformidade co Esquema nacional de seguridade no relativo ao rexistro da actividade das persoas usuarias, e co obxectivo de garantir a seguridade, a continuidade e o rendemento da infraestrutura dixital do sector público autonómico, o seu uso poderá ser monitorizado e rexistrado, con independencia dos mecanismos que se poidan empregar para asegurar as comunicacións. Esta medida abranguerá, como mínimo, o servizo de mensaxaría corporativa, o acceso á información contida nos seus sistemas e os datos de conexión e tráfico das redes de comunicación. Esta monitorización non será nunca selectiva ou discriminatoria, senón que será realizada de forma sistemática ou aleatoria e sen vulneración da intimidade persoal nin do segredo das comunicacións. Estas accións levaranse a cabo cumprindo os requisitos que para o efecto estableza a normativa vixente.

3. Os servizos respecto dos que se detecte un uso inadecuado ou que non cumpran os requisitos de seguridade, continuidade e protección de datos definidos nesta lei poderán ser bloqueados ou suspendidos temporalmente.

4. Darase difusión entre o persoal empregado público dos procedementos e dos criterios aplicables da monitorización indicada neste artigo.

**NON SE PRESENTARON EMENDAS**

## DITAME DA COMISIÓN:

### CAPÍTULO II

Medios dixitais para o desempeño da actividade administrativa

#### Artigo 86. Principios reitores

1. A Administración xeral e as entidades públicas instrumentais do sector público autonómico deberán impulsar a introdución na xestión pública de novas ferramentas, servizos e procesos de prestación da actividade para o seu persoal empregado público co obxectivo de prestar os seus servizos á cidadanía de forma cada vez máis eficiente, eficaz e con maior celeridade e seguridade.

2. A utilización dos medios dixitais por parte do persoal empregado público do sector público autonómico axustarase aos seguintes principios:

a) Eficacia e eficiencia; a xestión dixital posibilitará a prestación dos servizos públicos mediante unha óptima utilización dos medios dixitais corporativos que posibilite a consecución directa dos fins públicos perseguidos.

b) Mellora de coñecementos, capacidades e aptitudes dixitais; asegurarse a formación dixital do persoal e a concienciación necesarias para garantir o coñecemento e a aplicación da seguridade da información e mais a protección de datos, así como que cubra as necesidades para o desenvolvemento da súa actividade.

c) Simplicidade; o uso de ferramentas e métodos que permitan a simplificación dos trámites, a eliminación dos procedementos innecesarios e a optimización das cargas administrativas.

d) Seguridade e protección de datos; o cumprimento do marco xurídico sobre a protección dos datos persoais e da intimidade e a seguridade da información.

e) Mobilidade; permitir o acceso desde calquera momento e lugar á información, aos servizos e ás ferramentas corporativas para o correcto desempeño da actividade profesional.

- f) Colaboración interna; a posta á disposición de ferramentas de colaboración mutua no exercicio da actividade administrativa.
- g) Personalización; a habilitación de solucións dixitais personalizables que permitan a mellor adecuación das demandas e das especificidades dos colectivos de persoal específicos.
- h) Inclusión e accesibilidade; o deseño de ferramentas dixitais inclusivas que tomen en consideración as necesidades e as condicións diferentes do persoal empregado público.
- i) Automatización; maximizar a produtividade do persoal empregado público coa eliminación da súa intervención directa en calquera tarefa que se poida informatizar.
- k) Innovación da xestión pública; a posta á disposición de novos procesos, servizos e ferramentas dixitais para satisfacer as necesidades do persoal empregado público.
- l) Actualización permanente; a renovación das tecnoloxías e dos sistemas dixitais en relación coa contorna e co desenvolvemento tecnolóxico en cada momento.

#### **EMENDAS MANTIDAS:**

-Do G.P. Bloque Nacionalista Galego.  
Emenda nº42, de Modificación.

No artigo 86, substituír: “sector público autonómico”, por:  
“sector público galego”.

---

## **DITAME DA COMISIÓN:**

### Artigo 87. Obxectivos perseguidos

As medidas establecidas neste capítulo posibilitarán:

- a) Facilitar o uso de ferramentas dixitais e de metodoloxías que reduzan o custo da xestión e melloren a eficacia e a eficiencia.
- b) Incrementar a eficiencia e a produtividade, mediante a mellora dos coñecementos, das capacidades e das aptitudes no ámbito das tecnoloxías da información e as comunicacións.
- c) Acceder a un modelo de xestión máis coordinado e integrado, que teña como eixe a perspectiva da cidadanía.
- d) Proxectar unha imaxe renovada á sociedade, máis moderna e innovadora, acorde cos novos tempos.
- e) Ofrecer os medios materiais necesarios para o correcto desenvolvemento das funcións do persoal empregado público, garantindo, dentro do marco normativo vixente, o acceso á información necesaria para o seu correcto desempeño e ás ferramentas colaborativas que sexan necesarias.
- f) Dixitalizar o posto de traballo, permitindo o acceso desde calquera momento e lugar á información, aos servizos e ás ferramentas para o correcto desempeño da súa actividade profesional.
- g) Definir o marco para o establecemento dos obxectivos, da xornada de traballo flexible e do seguimento do desempeño.
- h) O impulso e a extensión dunha formación dixital ao persoal empregado público que responda ás súas necesidades.

**NON SE PRESENTARON EMENDAS**



## **DITAME DA COMISIÓN:**

### Artigo 88. Medios dixitais corporativos

1. Os medios dixitais corporativos son as ferramentas dixitais e outras solucións tecnolóxicas necesarias para a realización da actividade administrativa por parte do persoal empregado público segundo os principios reitores previstos.

2. O persoal empregado público, no exercicio da súa actividade, deberá:

a) Empregar os medios dixitais corporativos para o exercicio das súas funcións.

b) Seguir as recomendacións e as obrigas en materia de seguridade definidas na política de seguridade corporativa dos sistemas de información.

c) Velar pola seguridade dos datos a que teñan acceso polas tarefas do seu posto de traballo, especialmente os confidenciais ou de carácter persoal.

3. Para o emprego, no exercicio das súas funcións por parte do persoal empregado público, de medios dixitais e de dispositivos móbiles non corporativos deberanse seguir as políticas internas que implanten configuracións de seguridade específicas e adapten os ditos medios e dispositivos ás medidas de seguridade corporativas aplicables.

**NON SE PRESENTARON EMENDAS**

## **DITAME DA COMISIÓN:**

### Artigo 89. Desenvolvemento do posto de traballo dixital

1. A Administración xeral e as entidades públicas instrumentais do sector público autonómico facilitarán ao seu persoal empregado público un posto de traballo dixital que permita o desempeño das súas funcións nun contexto dixital con eficiencia e autonomía.

2. O posto de traballo dixital deberá ter as seguintes características básicas:

a) Permitir o uso de escritorios e aplicacións corporativas en calquera dispositivo e en calquera lugar, que permitan unha xestión máis eficiente, segura e flexible.

b) Usar terminais ou dispositivos adaptados aos perfís do persoal empregado público, que permitan a mellor adecuación das demandas e especificidades dos colectivos de persoal específicos, maior rapidez nos despregues masivos, migracións ou actualizacións e maior homoxeneidade.

c) Posibilitar contornas de traballo colaborativas que permitan a comunicación directa e en grupo, o exercicio da actividade administrativa de maneira participativa e a creación de redes de usuarios con intereses ou actividades comúns.

3. A organización do posto de traballo dixital deberá ter en consideración os distintos perfís do persoal empregado público que desenvolven organizativamente tarefas similares e que comparten información e ferramentas de colaboración propias.

**NON SE PRESENTARON EMENDAS**

## **DITAME DA COMISIÓN:**

### Artigo 90. Intranet corporativa

1. A Intranet da Xunta de Galicia é a plataforma web corporativa que permite a xestión e a organización do coñecemento, así como o acceso á información, aos servizos e aos medios dixitais que a Administración xeral e as entidades públicas instrumentais do sector público autonómico poñen ao servizo do persoal empregado público co obxectivo de facilitar o desempeño do seu traballo.

2. Desde a Intranet o persoal empregado público poderá acceder directamente a todos os medios dixitais corporativos necesarios para o desenvolvemento da súa actividade administrativa e ao coñecemento compartido da organización.

3. A Intranet proporcionaralle ao persoal empregado público espazos colaborativos orientados a satisfacer as demandas de grupos de traballo ou de colectivos específicos, conectándoos a unha mesma contorna de coñecemento.

4. Os espazos colaborativos configúranse como unha contorna produtiva, de aprendizaxe e de xestión cuxo contido pode ser creado de forma colaborativa. Ademais, ofrecerán espazos sinxelos e conectados con ferramentas internas preexistentes, que lle permitan ao persoal empregado público o intercambio de información e a transferencia interna, a creación de contornas de cooperación en rede, a apertura á participación e o intercambio de información.

**NON SE PRESENTARON EMENDAS**



## **DITAME DA COMISIÓN:**

### CAPÍTULO III

Seguridade da información e protección dos datos

Sección 1ª. Seguridade da información

**NON SE PRESENTARON EMENDAS**

## **DITAME DA COMISIÓN:**

Artigo 91. Política de seguridade da información

**1. A política de seguridade da información de aplicación xeral no sector público autonómico será aprobada polo Consello da Xunta de Galicia, sen prexuízo da posibilidade da aprobación de políticas concretas en cumprimento do artigo 11 do Real decreto 3/2010, do 8 de xaneiro, que deberán respectar, en todo caso, o disposto na aprobada polo Consello da Xunta de Galicia.**

2. A política de seguridade determina os principios e a organización en materia de seguridade da información e establece as medidas de seguridade de natureza organizativa, física e lóxica que garantirán a integridade, a autenticidade, a confidencialidade, a dispoñibilidade, a trazabilidade, a calidade, a protección, a recuperación e a conservación da información dos documentos electrónicos, os seus soportes e medios.

3. As medidas de seguridade derivadas da política de seguridade da información estableceranse atendendo os riscos aos que a información poida estar exposta e aos prazos durante os cales deba conservarse, e serán de obrigado cumprimento para toda a infraestrutura dixital do sector público autonómico, incluíndo os servizos de administración dixital regulados nesta lei, e para todas as súas persoas usuarias e provedores dixitais que se relacionen coa dita infraestrutura dixital.

**NON TEN EMENDAS**

## DITAME DA COMISIÓN:

### Artigo 92. Xestión de incidentes de seguridade

1. A Administración xeral e as entidades instrumentais do sector público autonómico constituirán un equipo de resposta ante as emerxencias informáticas e os incidentes de seguridade (CSIRT) que actuará como centro de resposta ante incidentes de seguridade en tecnoloxías da información e as comunicacións e velará polo desenvolvemento de medidas preventivas e correctivas neste ámbito.

2. A Administración xeral e as entidades instrumentais do sector público autonómico dispoñerán dun protocolo de notificación de incidentes de seguridade, que establecerá as responsabilidades e os procedementos de xestión e de notificación para garantir unha resposta rápida, eficaz e ordenada ante a ocorrencia dos incidentes, e cuxa xestión será responsabilidade do equipo de resposta ante emerxencias informáticas e incidentes de seguridade. Este protocolo será de obrigado cumprimento para todos os órganos e as entidades que conforman o sector público autonómico e para os provedores dixitais e as persoas usuarias dos servizos previstos nesta lei.

## EMENDAS MANTIDAS:

-Do G.P. Bloque Nacionalista Galego.  
Emenda nº43, ao apartado 1, de Adición.

No apartado 1 do artigo 92, engadir despois de: "sector público autonómico", o seguinte: "e as demais administracións".

---

-Do G.P. Bloque Nacionalista Galego.  
Emenda nº44, ao apartado 2, de Adición.

No apartado 2 do artigo 92, engadir despois de: "sector público autonómico", o seguinte: "e as demais administracións."

---

## DITAME DA COMISIÓN:

### Artigo 93. Relacións con provedores dixitais

1. Para os efectos do previsto nesta lei, entenderase por provedor dixital calquera persoa física ou xurídica que, en virtude dunha relación xurídica con entidades do sector público autonómico, subministre produtos ou preste servizos relacionados coa infraestrutura dixital do sector público autonómico.

2. A relación entre a Administración xeral e as entidades instrumentais do sector público autonómico e os seus provedores dixitais rexeráse polo disposto no instrumento xurídico concreto que sirva de fundamento xurídico á relación, que deberá incluír os requisitos necesarios para garantir a seguridade e a continuidade dos servizos prestados en función do risco vinculado á prestación do servizo por parte do provedor.

3. Cando foren ou se estimaren necesarias para a prestación do servizo ou da subministración dos produtos, os provedores dixitais deberán contar coas declaracións ou as certificacións, segundo o caso, de conformidade co Esquema nacional de seguridade, e deberanlle facilitar á Administración xeral e ás entidades instrumentais do sector público autonómico a información sobre o cumprimento das medidas de seguridade e continuidade aplicable con carácter previo ao comezo da prestación do servizo ou da subministración do produto.

4. Os provedores dixitais terán o deber de colaborar coa Administración xeral e coas entidades instrumentais do sector público autonómico en materia de seguridade da información e continuidade.

5. Prestarase especial atención ao control dos servizos facilitados por provedores dixitais cando a súa infraestrutura estea situada fóra das instalacións do sector público autonómico, en particular no caso de que tales servizos supoñan unha transferencia internacional de datos.

6. A Administración xeral e as entidades instrumentais do sector público autonómico de Galicia reservaranse o dereito de monitorizar, revisar e auditar en todo momento os servizos prestados por terceiros, co fin de garantir a seguridade e a continuidade do servizo. Estas accións levaranse a cabo

cumprindo os requisitos que para o efecto estableza a normativa vixente.

### **EMENDAS MANTIDAS:**

-Do G.P. Bloque Nacionalista Galego.  
Emenda nº45, ao apartado 6.bis), de Adición.

Engadir un novo apartado 7 no artigo 93 co seguinte texto:

"7. Como norma xeral, a administración prestará os servizos dixitais á cidadanía de forma directa. Só se fará uso da xestión indirecta naqueles casos en que sexa necesario contratar produtos ou infraestruturas tecnolóxicas necesarias para a prestación dos citados servizos."

---



## **DITAME DA COMISIÓN:**

Artigo 94. Xestión dos recursos tecnolóxicos do sector público autonómico

1. Regulamentariamente determinaranse as condicións de soporte na xestión dos recursos tecnolóxicos co obxectivo prioritario de garantir a seguridade no uso dos servizos dixitais do sector público autonómico, e en particular nos centros educativos públicos galegos.

2. A entidade do sector público autonómico competente en materia de desenvolvemento dixital será a responsable da xestión e da auditoría dos devanditos servizos segundo a normativa sectorial correspondente, e poderá establecer os criterios e as condicións de uso destes servizos, así como as súas excepcións.

3. Co obxectivo de garantir a seguridade e a continuidade dos servizos dixitais prestados polo sector público autonómico, os órganos responsables das localizacións físicas en que estean situados os elementos da infraestrutura dixital terán a obriga de lle facilitar o acceso ás ditas localizacións ao persoal técnico competente, cando tal acceso sexa necesario para garantir a seguridade e a continuidade dos servizos.

**NON SE PRESENTARON EMENDAS**



## **DITAME DA COMISIÓN:**

### Artigo 95. Auditorías de seguridade da información

Realizaranse auditorías que permitan verificar o cumprimento das medidas de seguridade, de continuidade e de protección de datos en intervalos planificados ou cando teñan lugar cambios significativos en función do que estableza a normativa de referencia vixente en cada momento.

## **NON SE PRESENTARON EMENDAS**



**DITAME DA COMISI3N:**

Secci3n 2<sup>a</sup>. Protecci3n de datos

**NON SE PRESENTARON EMENDAS**

## **DITAME DA COMISIÓN:**

Artigo 96. Licidade do tratamento dos datos persoais

O tratamento dos datos persoais derivado dos servizos regulados nesta lei deberase fundar nunha base lexítima conforme o disposto no Regulamento xeral de protección de datos e na Lei orgánica 3/2018, do 5 de decembro, de protección de datos persoais e garantía dos dereitos dixitais.

**NON SE PRESENTARON EMENDAS**

## DITAME DA COMISIÓN:

### Artigo 97. Intercambio dos datos persoais

1. Coa finalidade de facer efectivo o dereito das persoas interesadas nun procedemento administrativo a non achegar documentos que se atopen en poder da administración actuante, que fosen elaborados por calquera administración ou que fosen achegados anteriormente polas persoas interesadas a calquera administración, realizaranse os tratamentos dos datos de carácter persoal, incluídos os derivados dos intercambios de información entre administracións públicas, que resulten necesarios e que cumpran os requisitos establecidos na normativa aplicable.

2. Para a prestación dos servizos dirixidos á cidadanía previstos nesta lei realizaranse os intercambios de información entre as administracións públicas que sexan estritamente necesarios e que cumpran os requisitos establecidos na normativa aplicable.

3. Cando os tratamentos regulados neste artigo sexan relativos ás sinaladas como categorías especiais de datos no Regulamento (UE) 2016/679 do Parlamento Europeo e do Consello, do 27 de abril de 2016, **aqueles** deberán axustarse ao disposto no dito regulamento, así como no artigo 9 da Lei orgánica 3/2018, do 5 de decembro, de protección de datos persoais e garantía dos dereitos dixitais.

**NON SE PRESENTARON EMENDAS**

## **DITAME DA COMISIÓN:**

### Artigo 98. Transparencia e información á persoa afectada

1. A Administración xeral e as entidades instrumentais do sector público autonómico de Galicia cumprirán co deber de información nos termos previstos na normativa en materia de protección de datos de carácter persoal.

2. As persoas interesadas poderán acceder á relación das transmisións dos seus datos e documentos entre administracións que se efectúen a través da plataforma de intermediación ou da Carpeta cidadá.

## **NON SE PRESENTARON EMENDAS**

## **DITAME DA COMISIÓN:**

### Artigo 99. Exercicio dos dereitos

1. As persoas afectadas poderán exercer perante a Administración xeral e as entidades instrumentais do sector público autonómico os dereitos que lles correspondan conforme o disposto na normativa en materia de protección de datos de carácter persoal.

2. A Administración xeral e as entidades instrumentais do sector público autonómico poñerán á disposición das persoas un procedemento específico na sede electrónica da Xunta de Galicia para o exercicio dos dereitos en materia de protección de datos, sen prexuízo de que poidan optar por outro medio.

## **NON SE PRESENTARON EMENDAS**

## DITAME DA COMISIÓN:

### Artigo 100. **Persoa delegada** de protección de datos

O sector público autonómico contará coa figura **da persoa delegada** de protección de datos, e establecerá o modelo de organización da prestación das funcións **da devandita persoa delegada** de protección de datos, baseándose na súa estrutura organizativa. Este modelo garantizará que as persoas interesadas dispoñan dun punto de contacto respecto de todas as cuestións relativas ao tratamento dos seus datos persoais e ao exercicio dos seus dereitos ao abeiro da normativa de protección de datos.

## EMENDAS MANTIDAS:

-Do G.P. Socialistas de Galicia.  
Emenda nº48, de Adición.

Débase engadir un novo parágrafo bis neste artigo, que terá o seguinte contido:

"A designación, a cualificación, a posición e a intervención das persoas delegadas de protección de datos adecuarase ao establecido no capítulo III do título V da Lei orgánica 3/2018, do 5 de decembro, de protección de datos persoais e garantía dos dereitos dixitais."

---

-Do G.P. Socialistas de Galicia.  
Emenda nº49, de Adición.

Débase engadir un novo parágrafo ter), que terá o seguinte contido:

"As distintas consellarías e entidades do sector público autonómico, como responsables do tratamento de datos, deben garantir que a persoa delegada de Protección de Datos participe de forma adecuada e en tempo oportuno en todas as cuestións relativas á protección de datos de carácter persoal, e igualmente deberanselle facilitar os recursos necesarios para o exercicio das funcións de acceso aos datos de carácter persoal e ás operacións de tratamento."



---

-Do G.P. Socialistas de Galicia.  
Emenda nº50, de Adición.

Débase engadir un novo parágrafo quater) que terá o seguinte contido:

"A persoa delegada de Protección de Datos non poderá recibir ningunha instrución das persoas responsables ou encargadas do tratamento de datos de carácter persoal da Xunta de Galicia en canto ao exercicio das súas funcións."

---

-Do G.P. Socialistas de Galicia.  
Emenda nº51, de Adición.

Débase engadir un novo parágrafo quinquies, que terá o seguinte contido:

"A persoa delegada de Protección de Datos e o seu persoal adscrito estarán obrigados a manter o segredo e a confidencialidade no desempeño das súas funcións."

---

## DITAME DA COMISIÓN:

### CAPÍTULO IV

#### Continuidade dos servizos dixitais

#### Artigo 101. Plan de continuidade da prestación dos servizos dixitais

1. A Administración xeral e as entidades instrumentais do sector público autonómico de Galicia dispoñerán dun Plan de continuidade da prestación dos servizos dixitais que permita garantir a continuidade dos servizos regulados nesta lei ante incidentes de seguridade. Este plan determinará os requisitos de seguridade e de continuidade, as accións preventivas, correctivas e reactivas e mais o establecemento de responsabilidades que permitan garantir a dispoñibilidade dos ditos servizos.

2. O Plan de continuidade da prestación dos servizos dixitais terá en conta os aspectos de continuidade:

a) da infraestrutura dixital

b) dos procedementos de traballo ou das ampliacións dos prazos no caso de indispoñibilidades do servizo por incidencia técnica

c) da dispoñibilidade dos servizos de soporte para garantir a continuidade dos servizos dixitais.

3. A Administración xeral exixiralles a todos os órganos e as entidades do sector público autonómico o cumprimento do Plan de continuidade e, se for necesario, que dispoñan do seu propio Plan de continuidade.

4. A Administración xeral e as entidades instrumentais do sector público autonómico poderán auditar periodicamente os controis de seguridade e de continuidade establecidos e implementados para poderen garantir a súa validez e eficacia ante situacións de crise.

5. O Plan de continuidade da prestación dos servizos dixitais deberá ser aprobado pola Comisión de Seguridade e Goberno



Electrónico, por proposta da entidade do sector público autonómico con competencias en desenvolvemento dixital.

**NON TEN EMENDAS**

## DITAME DA COMISIÓN:

### Artigo 102. Indispoñibilidade técnica dos servizos

1. A entidade do sector público autonómico con competencias en desenvolvemento dixital desenvolverá os protocolos e os procedementos internos que establezan os criterios e as formas de traballo ante a indispoñibilidade técnica dos servizos dixitais, coa finalidade de establecer pautas e criterios homoxéneos no funcionamento do sector público, en especial na relación coa cidadanía.

2. Así mesmo, respecto dos procedementos cuxa tramitación e resolución sexan da competencia do sector público autonómico, regulamentariamente establecerase o réxime de ampliación dos prazos aplicable **e a emisión de certificados acreditativos da indispoñibilidade** no caso de incidencias técnicas non planificadas que imposibiliten o funcionamento ordinario do sistema ou da aplicación que corresponda. Exceptuaranse do dito réxime aqueles procedementos que teñan unha normativa específica que resulte incompatible con el.

**NON SE PRESENTARON EMENDAS**

## **DITAME DA COMISIÓN:**

Artigo 103. Prestación do servizo por parte das unidades con competencias en materia de tecnoloxías da información e a comunicación

1. A Administración xeral e as entidades instrumentais do sector público autonómico deberán establecer mecanismos para garantir o funcionamento e a atención dos sistemas e das tecnoloxías da información necesarios para a prestación dos servizos dixitais todos os días do ano e as vinte e catro horas do día.

2. As unidades do sector público autonómico con competencias en materia de tecnoloxías da información e a comunicación deberán prever a prestación ininterrompida dos servizos necesarios para a administración e a operación continuada dos sistemas transversais, así como a atención das incidencias que afecten a dispoñibilidade, a continuidade e a seguridade dos sistemas no momento en que se produzan e a realización de intervencións programadas fóra dos horarios ordinarios de traballo.

**NON SE PRESENTARON EMENDAS**

## DITAME DA COMISIÓN:

### TÍTULO VI

Do impulso dixital

#### CAPÍTULO I

Marco galego de competencias dixitais

Artigo 104. Marco galego de competencias dixitais

1. A Xunta de Galicia favorecerá un contexto dixital, no que a cidadanía poida acadar, actualizar e mellorar as súas competencias dixitais, en liña cos cambios e os usos tecnolóxicos que se integren na sociedade.

2. Para estes efectos, enténdese por competencia dixital a habilidade no uso seguro e responsable das tecnoloxías da información e **a comunicación** para o traballo, o lecer e a comunicación, sustentándose nas competencias básicas en materia de tecnoloxías da información e a comunicación. Nestas competencias básicas inclúese o uso de ordenadores para obter, avaliar, almacenar, producir, presentar e intercambiar información, comunicarse e participar en redes de colaboración a través da internet.

3. A Xunta de Galicia promoverá a definición dun Marco galego de competencias dixitais, dirixido ao conxunto da cidadanía, no que se determinen os coñecementos, as capacidades e as aptitudes mínimas para contribuír ao desenvolvemento dunha sociedade usuaria dos servizos dixitais avanzados, á mellora profesional e ao benestar colectivo.

4. Dentro deste Marco galego de competencias dixitais incluírase a identificación das competencias dixitais mínimas do persoal empregado público que posibiliten o correcto desenvolvemento do seu posto de traballo nos supostos e cos requisitos que se determinen regulamentariamente, segundo o previsto no seguinte capítulo deste título.

5. A definición do Marco galego de competencias dixitais estará aliñada coas estratexias da Comisión Europea nesta materia.

## EMENDAS MANTIDAS:

-Do G.P. Bloque Nacionalista Galego.  
Emenda nº46, ao apartado 5.bis), de Adición.

No artigo 104 engadir un novo apartado 6 co seguinte texto:

"6. A Xunta de Galicia, en colaboración con outras administracións, elaborará un plan plurianual para a adquisición de competencias dixitais por parte da poboación, atendendo especialmente a criterios de inclusión daqueles sectores e colectivos con maiores dificultades para o coñecemento e o uso destas competencias."

---

-Do G.P. Bloque Nacionalista Galego.  
Emenda nº47, ao apartado 5.ter), de Adición.

No artigo 104 engadir un novo apartado 7 co seguinte texto:

"7. A Xunta de Galicia, en colaboración con outras administracións, garantirá o acceso de toda a poboación ás redes de banda larga e a novos desenvolvementos de redes ultrarrápidas, para corrixir as actuais desigualdades por razóns xeográficas e de residencia."

---

## **DITAME DA COMISIÓN:**

Artigo 105. Acreditación persoal no Marco galego de competencias dixitais

1. Os cidadáns e as cidadás poderán obter unha acreditación oficial dos seus coñecementos, capacidades e aptitudes no ámbito das tecnoloxías da información e as comunicacións que posibilite o recoñecemento das súas competencias dixitais por parte do sector público autonómico e doutras administracións que así o prevexan.

2. Regulamentariamente establecerase o alcance do Marco galego de competencias dixitais, identificando os contidos, a estruturación en niveis, o tipo de certificación ou certificacións, os criterios de actualización con base nas novas necesidades de competencias no eido dixital, así como os requisitos e o procedemento para a obtención da acreditación.

**NON SE PRESENTARON EMENDAS**



## DITAME DA COMISIÓN:

### Artigo 106. Actuacións para a inclusión dixital

1. A Administración xeral e as entidades instrumentais do sector público autonómico, no ámbito das súas competencias e funcións, promoverán actuacións para a inclusión dixital, considerando as seguintes liñas básicas:

a) a alfabetización dixital da cidadanía, co fomento do uso das competencias dixitais básicas

b) a capacitación dixital para as persoas usuarias que necesitan acadar madurez nas competencias dixitais

c) o impulso de proxectos de innovación social dixital

d) a promoción do talento dixital para que a cidadanía poida desenvolverse plenamente no ámbito persoal e profesional

e) o fomento das redes de cooperación a través dos aliados dixitais e o Programa de voluntariado dixital

f) a consideración de calquera outra acción que facilite a inclusión dixital da sociedade.

2. As aulas da Rede de centros para a modernización e a inclusión tecnolóxica (Rede Cemit) constituirán un instrumento para a execución das actuacións para a inclusión dixital. Promoverán, dentro das súas actividades, programas formativos orientados á capacitación para a obtención da acreditación regulada no artigo 105.

3. As actuacións para o desenvolvemento do Marco galego de competencias dixitais contarán cos instrumentos necesarios para a súa aplicación, incluíndo a participación doutros axentes que colaboren co sector público autonómico.

## EMENDAS MANTIDAS:

-Do G.P. Bloque Nacionalista Galego.  
Emenda nº48, ao apartado 1.f) bis), de Adición.

No artigo 106 engadir un novo subapartado f) bis. co seguinte texto:

"f *bis*) O fomento da inclusión dixital no ámbito rural, nomeadamente das mulleres."

---

-Do G.P. Bloque Nacionalista Galego.  
Emenda nº49, ao apartado 1.f) ter), de Adición.

No apartado 1 do artigo 106 engadir un novo subapartado g) ter. co seguinte texto:

"g *ter*) O fomento da adquisición de competencias dixitais por parte das persoas que desempeñan cargos directivos nas entidades sociais."

---

-Do G.P. Bloque Nacionalista Galego.  
Emenda nº50, ao apartado 3.bis), de Adición.

No artigo 106 engadir un novo apartado 4 co seguinte texto:

"4. A Rede Cemit complementarase con programas desenvolvidos a través do sistema educativo público e con programas de adquisición de competencias dixitais promovidos polos concellos, polas organizacións sindicais e empresariais ou por medio do voluntariado dixital, co obxectivo de chegar a todos os sectores da poboación, nomeadamente a aqueles con maiores dificultades de acceso."

---

## **DITAME DA COMISIÓN:**

### **CAPÍTULO II**

#### **Capacitación dixital do persoal empregado público**

##### **Artigo 107. Capacitación dixital do persoal empregado público**

1. A Administración xeral e as entidades públicas instrumentais do sector público autonómico habilitarán os medios e garantirán o acceso á formación continuada do persoal empregado público para o desenvolvemento das súas competencias dixitais e o aproveitamento eficiente dos medios dixitais na prestación dos servizos públicos.

2. En consonancia cos medios e a formación facilitados pola administración, o persoal empregado público procurará a súa capacitación dixital para o exercicio das súas funcións nunha contorna dixital de prestación de servizos públicos.

## **EMENDAS MANTIDAS:**

-Do G.P. Bloque Nacionalista Galego.  
Emenda nº51, ao apartado 1, de Adición.

No apartado 1 do artigo 107, engadir despois de: "sector público autonómico", o seguinte texto: "e as demais administracións públicas galegas."

---

## DITAME DA COMISIÓN:

Artigo 108. Plan de capacitación dixital do persoal empregado público

1. A Xunta de Galicia aprobará o Plan de capacitación dixital do persoal empregado público. Este plan estará baseado no Marco galego de competencias dixitais, que deberá definir as competencias dixitais mínimas do persoal empregado público, e complementarase cos coñecementos específicos no funcionamento da administración dixital que posibiliten o correcto desenvolvemento do seu posto de traballo nos supostos e cos requisitos que se determinen regulamentariamente.

2. O Plan de capacitación dixital estará dirixido á totalidade do persoal empregado público da Administración xeral e das entidades públicas instrumentais do sector público autonómico e permitirá acadar o certificado galego de competencias dixitais referido no artigo 105.

3. **(Sen contido.)**

## EMENDAS MANTIDAS:

-Do G.P. Bloque Nacionalista Galego.  
Emenda nº52, de Modificación.

No artigo 108, substituír: “sector público autonómico”, por: “sector público galego”.

---

-Do G.P. Bloque Nacionalista Galego.  
Emenda nº53, ao apartado 3, de Substitución.

No artigo 108, substituír o texto do apartado 3 polo seguinte:

"3. O Plan de capacitación dixital do persoal empregado público será elaborado por unha comisión integrada pola Xunta de Galicia, as universidades, as administracións locais e as outras administracións galegas interesadas en participaren na súa elaboración e no seu desenvolvemento."

---

## DITAME DA COMISIÓN:

### Artigo 109. Formación no uso dos medios dixitais

1. As entidades do sector público autonómico con competencias en materia de formación ao persoal empregado público desenvolverán unha función permanente de detección de necesidades formativas para proporcionar respostas efectivas ás necesidades de formación e recualificación do persoal empregado público e para anticiparse á actualización constante da contorna dixital, contribuíndo deste xeito ao desenvolvemento profesional e persoal dos traballadores e das traballadoras.

2. Nos plans anuais de formación das ditas entidades incluíranse as actividades específicas de formación relativas á implantación continuada da administración electrónica e de procesos innovadores, á seguridade da información e a protección de datos, así como á posta en marcha de novos servizos dixitais.

3. Estas actividades de formación poderán ter a consideración de obrigatorias cando sexan necesarias para o desempeño profesional do persoal empregado público, nos supostos e cos requisitos que se determinen regulamentariamente. Neste caso, o tempo de formación será considerado como tempo efectivo de traballo.

## EMENDAS MANTIDAS:

-Do G.P. En Marea.

Emenda nº83, ao apartado 3, de Substitución.

Débese substituír a seguinte expresión:

Onde di: "poderán ter a consideración de obrigatorias"

Debe dicir: "terán a consideración de obrigatorias"

---

## **DITAME DA COMISIÓN:**

Artigo 110. Capacitación dixital nos procesos de selección de persoal e provisión de postos

1. Os procesos selectivos para o ingreso na Administración xeral da Comunidade Autónoma de Galicia incorporarán no seu programa, de ser necesario, os contidos relativos á administración dixital e ás tecnoloxías da información e a comunicación que sexan adecuados aos corpos, ás escalas ou ás categorías a que se refiran os ditos procesos selectivos.

2. Nos procesos de provisión que se convoquen poderán valorarse os mesmos contidos, de acordo co que prevexa a correspondente convocatoria.

## **NON TEN EMENDAS**

**DITAME DA COMISIÓN:**

Artigo 110 bis). **Capacitación dixital noutras administracións públicas galegas**

**1. As restantes administracións públicas galegas deberán promover uns plans de capacitación dixital dos seus empregados públicos.**

**2. Estableceranse os mecanismos de colaboración que permitan facer extensivas as actuacións do sector público autonómico nesta materia ás restantes administracións públicas galegas.**

**NON TEN EMENDAS**

## **DITAME DA COMISIÓN:**

### **CAPÍTULO III**

#### **Fomento da innovación dixital na administración pública**

##### **Artigo 111. Fomento da innovación dixital**

1. A Administración xeral e as entidades públicas instrumentais do sector público autonómico promoverán a innovación dixital na mellora das súas relacións coa cidadanía e no seu propio funcionamento, co obxectivo de deseñar novas formas de prestar servizos de maior calidade e de xerar eficiencias internas.

2. A estratexia de innovación dixital e mellora dos servizos públicos deberá recoller, con carácter mínimo, as seguintes liñas básicas:

- a) Aumentar a eficiencia e a eficacia da actuación administrativa a través da transformación dos procesamentos de xestión internos das entidades en procesos dixitais.
- b) Prover uns servizos públicos dixitais que se adapten ás posibles innovacións facilitadas pola evolución tecnolóxica.
- c) Mellorar a satisfacción das persoas usuarias no uso dos servizos públicos dixitais.
- d) Facilitar a utilización dos servizos dixitais por persoas con algún tipo de diversidade funcional e persoas maiores.
- e) Promover uns procesos de innovación social para o desenvolvemento e a implementación de novos servizos públicos que satisfagan as necesidades sociais.

**NON SE PRESENTARON EMENDAS**



## **DITAME DA COMISIÓN:**

### Artigo 112. Canles para a innovación dixital

1. A Xunta de Galicia creará un foro de innovación dixital no funcionamento da Administración pública galega, no que poderá participar o persoal empregado público das administracións públicas de Galicia. A finalidade do foro será promover a xeración de ideas e a creatividade na procura de novas solucións ou formas de traballo aproveitando a utilización das tecnoloxías da información e a comunicación.

2. A publicación das experiencias de innovación xurdidas permitirá intercambiar as boas prácticas entre as distintas administracións públicas e, polo tanto, introducir os ciclos de mellora continua no sector público autonómico.

3. A Xunta de Galicia promoverá a creación de canles e mecanismos de participación co obxecto de recoller as ideas e as suxestións cidadás no ámbito da innovación social.

4. A Administración xeral e as entidades públicas instrumentais do sector público autonómico utilizarán a posta en marcha de sistemas e dos servizos dixitais e o coñecemento do funcionamento da administración pública por parte do seu persoal empregado público para mellorar os procesos na xestión pública e a innovación continua na forma de prestar servizos e no funcionamento interno.

5. Regulamentariamente estableceranse os mecanismos concretos para o fomento da innovación dixital e mais a creación e o funcionamento do foro previsto neste artigo, así como as canles que se habilitarán para a aplicación práctica das ideas innovadoras que xurdan na materia.

## TÍTULO VII

Dos órganos e os instrumentos para a coordinación, a cooperación, colaboración e o seguimento

**NON SE PRESENTARON EMENDAS**

## **DITAME DA COMISIÓN:**

### **CAPÍTULO I**

#### **Coordinación no sector público autonómico**

##### **Artigo 113. Coordinación institucional**

A Administración xeral e as entidades instrumentais do sector público autonómico deberán abordar o desenvolvemento da administración electrónica e o seu funcionamento nun contexto dixital desde un ámbito corporativo e global que garanta un modelo único de relación coa cidadanía e un modelo transversal e homoxéneo de desenvolvemento dentro do sector público autonómico. As liñas do proceso de dixitalización do sector público autonómico, tanto as establecidas nesta lei coma as que resulten do seu desenvolvemento e a súa aplicación, deberán levar a cabo mediante actuacións transversais e coas premisas da coordinación institucional e a cohesión de esforzos.

## **EMENDAS MANTIDAS:**

-Do G.P. Bloque Nacionalista Galego.  
Emenda nº55, de Adición.

No artigo 113 engadir ao final o seguinte texto:

"Fomentarase a coordinación con outras administracións, nomeadamente co Parlamento, a Valedoría do Pobo, as universidades e as administracións locais para o desenvolvemento da administración dixital. Con tal obxectivo poderá crearse un consorcio para o impulso da administración dixital."

---



## **DITAME DA COMISIÓN:**

Artigo 114. Órgano de coordinación

A Comisión de Seguridade e Goberno Electrónico actuará como órgano de coordinación e desenvolverá para tal fin as funcións previstas no artigo 118.

**NON SE PRESENTARON EMENDAS**

## **DITAME DA COMISIÓN:**

### Artigo 115. Catálogo dos sistemas dixitais

1. Os sistemas para o funcionamento dixital son o conxunto de aplicacións, sistemas de información e infraestruturas tecnolóxicas necesarias para a dispoñibilidade dos procesamentos e dos servizos dixitais.

2. Créase o Catálogo dos sistemas dixitais, e nel recolleranse as aplicacións, os sistemas de información e as infraestruturas tecnolóxicas que utilizan ou se poñen á disposición dos órganos e das entidades do sector público autonómico para o seu funcionamento interno, para a prestación de servizos á cidadanía e a relación con outras administracións públicas.

3. O Catálogo dos sistemas dixitais ten como finalidade garantir a gobernanza tecnolóxica e a utilización de sistemas transversais ou especializados, nos cales se promova a aplicación adecuada dos criterios de reutilización, a transferencia tecnolóxica, a interoperabilidade, a seguridade, a facilidade de uso e a accesibilidade.

4. O Catálogo dos sistemas dixitais recollerá, con respecto aos elementos que o integran, a identificación das súas características técnicas e funcionais, as entidades responsables da súa xestión, así como a determinación do seu ámbito de utilización, o criterio de obrigatoriedade de uso e as condicións de uso.

5. A entidade do sector público autonómico con competencias en desenvolvemento dixital será a encargada da xestión e da actualización continuada do Catálogo dos sistemas dixitais. Así mesmo, establecerá os requisitos e os protocolos de incorporación nel.

## **EMENDAS MANTIDAS:**

-Do G.P. Bloque Nacionalista Galego.  
Emenda nº56, ao apartado 5.bis), de Adición.

No artigo 115 engadir un novo apartado 5 co seguinte texto:

"5. O Catálogo dos sistemas dixitais establecerá as aplicacións, os sistemas de información e os servizos que se prestarán por



xestión directa por parte da administración. Como mínimo, inclúranse na xestión directa os citados no artigo 116.3, así como os sistemas de xestión do correo corporativo, os servizos de xestión de información e de datos do Sergas, da Administración de xustiza e do sistema educativo público."

---

## **DITAME DA COMISIÓN:**

### Artigo 116. Obrigatoriedade no uso dos sistemas

1. Entre os sistemas recollidos no catálogo regulado no artigo anterior identificaranse aqueles que por razón da súa natureza e interese común respondan ás necesidades transversais de desenvolvemento da administración dixital.

2. A entidade do sector público autonómico con competencias en desenvolvemento dixital determinará os sistemas dixitais que serán de utilización obrigatoria para os órganos e as entidades do sector público autonómico no exercicio da súa actividade.

3. Como mínimo, terán a consideración de utilización obrigatoria para as entidades do sector público autonómico os seguintes: a sede electrónica da Xunta de Galicia, a Carpeta cidadá da Xunta de Galicia, o Rexistro Electrónico Xeral, o Rexistro Electrónico Xeral de Apoderamentos de Galicia, a plataforma de intermediación pasaXe!, o sistema de notificacións electrónicas de Galicia - Notifica.gal, o Portasinaturas electrónico da Xunta de Galicia, o Inventario da información administrativa e o Arquivo electrónico administrativo da Xunta de Galicia. No caso de que se aprobe a creación excepcional de sedes electrónicas ou rexistros electrónicos, nos termos previstos nesta lei, o uso de tales sedes ou rexistros será obrigatorio no seu respectivo ámbito de actuación.

4. Os sistemas que se utilicen para a prestación dos servizos dixitais deberán establecer os mecanismos de integración ou utilizar os sistemas dixitais recollidos na alínea anterior e cumprir os requirimentos legais establecidos na normativa básica aplicable e nesta lei.

5. Poñeranse á disposición dos órganos e das entidades do sector público autonómico unhas canles de información e apoio específicas en relación coas funcións e co alcance dos sistemas que sexan de utilización obrigatoria.

**NON SE PRESENTARON EMENDAS**

## DITAME DA COMISIÓN:

### CAPÍTULO II

Competencias e responsabilidades en materia de administración dixital dos órganos e das entidades do sector público autonómico

Artigo 117. O Consello da Xunta de Galicia

1. Correspóndelle ao Consello da Xunta de Galicia establecer a política xeral do sector público autonómico en materia de administración dixital, dirixir o seu desenvolvemento e aplicación e mais exercer a iniciativa legislativa e a potestade regulamentaria nesta materia, sen prexuízo das competencias atribuídas a outros órganos.

2. En particular, correspóndelle ao Consello da Xunta de Galicia:

a) Aprobar a política de seguridade da información do sector público autonómico de Galicia.

b) Aprobar os plans de actuación no ámbito do goberno electrónico.

c) Aprobar a creación **ou a supresión** de novas sedes ou rexistros electrónicos.

**NON SE PRESENTARON EMENDAS**

## DITAME DA COMISIÓN:

### Artigo 118. Comisión de Seguridade e Goberno Electrónico

1. A Comisión de Seguridade e Goberno Electrónico é o órgano colexiado ao que lle corresponde, no eido do sector público autonómico, a coordinación, o asesoramento, o impulso e a promoción das actuacións en materia de seguridade da información, o desenvolvemento da administración electrónica, a homoxeneización do funcionamento dixital, o acceso á información pública e a participación cidadá. Igualmente corresponderalle o seguimento da aplicación efectiva das medidas aprobadas no eido da seguridade e do goberno electrónico.

2. A Comisión de Seguridade e Goberno Electrónico poderá establecer as prioridades, os criterios e os protocolos que se determinen para acadar a axeitada implantación do funcionamento dixital da administración, así como propoñerlles ao Consello da Xunta ou ás persoas titulares das consellarías a adopción de medidas neste eido respecto dos asuntos da competencia dos ditos órganos.

3. Adicionalmente, correspóndelle á Comisión de Seguridade e Goberno Electrónico:

a) A proposta ao Consello da Xunta de Galicia da creación **ou da supresión** de novas sedes e rexistros electrónicos.

b) A aprobación dos protocolos de coordinación e mantemento da información contida no Inventario da información administrativa.

c) A aprobación do Plan de continuidade da prestación dos servizos dixitais.

d) A determinación dos indicadores de seguimento da implantación da administración dixital nos diferentes ámbitos competenciais do sector público autonómico.

e) O exercicio das funcións no ámbito da seguridade da información, a administración electrónica, a interoperabilidade, a presenza web e o goberno aberto previstas no artigo 5 do Decreto 73/2014, do 12 de xuño, polo que se crean e regulan os órganos colexiados con competencias en materia de



seguridade da información e goberno electrónico da Administración xeral e do sector público autonómico de Galicia.

4. Este órgano, adscrito á entidade do sector público autonómico con competencias en desenvolvemento dixital, contará coa participación na súa composición de todas as consellarías da Administración xeral da Comunidade Autónoma de Galicia, como garantía da integración do principio de transversalidade nas actuacións que se poidan levar a cabo no ámbito das súas competencias.

5. A Comisión de Seguridade e Goberno Electrónico rexerese polo disposto nesta lei, na súa norma de creación e na restante normativa aplicable.

#### **EMENDAS MANTIDAS:**

-Do G.P. Socialistas de Galicia.  
Emenda nº52, ao apartado 2, de Modificación.

No punto 2 deste artigo, onde di: " ... poderá establecer ...", debe dicir: "... poderá propoñer ao Consello da Xunta de Galicia ..."

---

-Do G.P. Socialistas de Galicia.  
Emenda nº53, ao apartado 4, de Modificación.

Proponse unha nova redacción para o punto 4 deste artigo, que terá o seguinte contido:

"4. Este órgano, adscrito á consellaría competente en materia de administración pública, contará coa participación na súa composición de todas as consellarías da Administración xeral da Comunidade Autónoma de Galicia, así como das entidades do sector público autonómico que estableza o Consello da Xunta de Galicia, como garantía da integración do principio de transversalidade nas actuacións que se poidan levar a cabo no ámbito das súas competencias. Na súa composición garantirase a presenza equilibrada de homes e mulleres."

---

### **DITAME DA COMISIÓN:**

Artigo 119. Consellaría competente en materia de administracións públicas

En relación coa materia regulada nesta lei, correspóndelle á consellaría competente en materia de administracións públicas:

- a) A coordinación dos contidos e dos servizos dispoñibles na sede electrónica da Xunta de Galicia.
- b) A xestión e a coordinación da Rede de oficinas de atención á cidadanía e de rexistro, así como a creación, a modificación e a supresión de oficinas da rede e a habilitación temporal das unidades ou dos órganos da Administración xeral e das entidades públicas instrumentais.
- c) A xestión e a coordinación do Rexistro Electrónico Xeral.

**NON SE PRESENTARON EMENDAS**

### DITAME DA COMISIÓN:

Artigo 120. Consellaría e outros órganos competentes en materia de arquivos e patrimonio documental

1. En relación coa materia regulada nesta lei, correspóndelle á consellaría competente en materia de arquivos e patrimonio documental, coa colaboración da entidade con competencias en desenvolvemento dixital, determinar a política de xestión documental electrónica do sector público autonómico de Galicia.

2. Así mesmo, haberá que aterse, no que resulten aplicables, ás previsións en materia de competencias contidas na Lei 7/2014, do 26 de setembro, de arquivos e documentos de Galicia.

### EMENDAS MANTIDAS:

-Do G.P. Socialistas de Galicia.  
Emenda nº54, ao apartado 1, de Modificación.

No punto 1 deste artigo, débese substituír a palabra: "... determinar ...", por: "... propoñer ..."

---

-Do G.P. Socialistas de Galicia.  
Emenda nº55, ao apartado 1, de Adición.

No punto 1 deste artigo débese engadir *in fine* o seguinte texto:

"... que deberá ser aprobada por acordo do Consello da Xunta de Galicia."

---

### **DITAME DA COMISIÓN:**

Artigo 121. Entidades con competencia en materia de formación ao persoal empregado público

Correspóndelles ás entidades do sector público autonómico competentes en materia de formación ao persoal empregado público o desenvolvemento das actividades formativas que aseguren a obtención das competencias dixitais mínimas do persoal empregado público que posibiliten o correcto desenvolvemento do seu posto de traballo, así como as demais funcións previstas no artigo 109.

**NON SE PRESENTARON EMENDAS**

## DITAME DA COMISIÓN:

Artigo 122. Entidade con competencias en desenvolvemento dixital

1. Para os efectos desta lei, enténdese como entidade con competencias en desenvolvemento dixital a entidade do sector público autonómico á que lle corresponde a elaboración, o desenvolvemento e a execución da estratexia tecnolóxica global do sector público autonómico de Galicia.

2. Ademais das funcións previstas na súa norma de creación, a dita entidade desenvolverá as seguintes:

a) **A función** de nodo de interoperabilidade mediante a plataforma de intermediación pasaXe!, que prestará funcionalidades comúns para o intercambio dos datos e dos documentos entre o sector público autonómico e co resto das administracións públicas.

b) A xestión do procedemento para a acreditación das competencias dixitais.

c) A xestión e a auditoría dos servizos dixitais segundo a normativa sectorial correspondente, podendo establecer uns criterios de aplicación e excepcións a tales criterios. Ademais, deberá establecer as medidas necesarias para garantir que os servizos dixitais respondan ás exixencias de accesibilidade, dispoñibilidade, integridade, trazabilidade e seguridade segundo a normativa vixente.

d) A xestión e a actualización continuada do Catálogo dos sistemas dixitais e o establecemento dos requisitos e dos procedementos de incorporación nel.

e) As establecidas no artigo 59 relativas á xestión dos nomes de dominio.

f) As previstas no artigo 128 no relativo ao Sistema de indicadores da administración dixital.

g) Aqueloutras actuacións, derivadas do exercicio das súas competencias, que sexan necesarias para o desenvolvemento tecnolóxico dos instrumentos que fagan posible a execución das previsións contidas nesta lei.



**NON SE PRESENTARON EMENDAS**

## **DITAME DA COMISIÓN:**

### **CAPÍTULO III**

Colaboración e cooperación entre as administracións públicas

Artigo 123. Comisión de Cooperación Interadministrativa para o Desenvolvemento Dixital

1. Créase a Comisión de Cooperación Interadministrativa para o Desenvolvemento Dixital como o órgano técnico para a cooperación entre as administracións públicas galegas.

2. As funcións da Comisión de Cooperación Interadministrativa para o Desenvolvemento Dixital serán:

a) Impulsar o desenvolvemento cohesionado da administración dixital na Comunidade Autónoma de Galicia.

b) Asegurar a cooperación entre as administracións públicas galegas para proporcionar uns servizos dixitais conxuntos ou complementarios, facilitando unha imaxe coherente da administración de cara á cidadanía.

c) Promover a prestación conxunta dos servizos dixitais.

d) Establecer as canles operativas para o desenvolvemento dos servizos dixitais compatibles e interoperables, así como fomentar a reutilización dos sistemas ou das infraestruturas dixitais.

e) Facer un seguimento conxunto do grao de avance da administración dixital e mais da efectividade das medidas postas en marcha.

3. Regulamentariamente determinarase a composición e o réxime xurídico da Comisión de Cooperación Interadministrativa para o Desenvolvemento Dixital.

## **EMENDAS MANTIDAS:**

-Do G.P. Socialistas de Galicia.  
Emenda nº56, ao apartado 2.b), de Adición.

Na letra b) do punto 2 deste artigo, débese engadir *in fine* o seguinte texto:

"... . Esta cooperación prestará especial atención á promoción dos servizos dixitais nas entidades locais galegas."

---

-Do G.P. Bloque Nacionalista Galego.  
Emenda nº57, ao apartado 2.e) bis), de Adición.

No artigo 123 engadir un novo apartado e) bis. co seguinte texto:

"e bis) Promover a adquisición de competencias dixitais por parte da poboación galega, atendendo prioritariamente a criterios de inclusión e non-discriminación por razón de xénero, lingua, causas xeracionais, xeográficas, económicas e sociais."

---

-Do G.P. Socialistas de Galicia.  
Emenda nº57, ao apartado 3, de Adición.

No punto 3 deste artigo, débese engadir *in fine* o seguinte texto:

"... garantindo, en todo caso, a suficiente representación das entidades locais e das universidades públicas galegas. Na súa composición garantirase a presenza equilibrada de homes e mulleres."

---



## **DITAME DA COMISIÓN:**

Artigo 124. Intercambio dos datos, das informacións e dos documentos entre as administracións públicas

1. A Administración xeral e as entidades públicas instrumentais do sector público autonómico de Galicia deberán asegurar:

a) A subministración da información, dos datos e dos documentos no seu poder ás administracións públicas solicitantes que os precisen para o exercicio das súas competencias, nos termos previstos na normativa aplicable.

b) A creación e o mantemento dos sistemas integrados de información administrativa co fin de dispoñer de datos actualizados, completos e permanentes.

c) A prestación da asistencia mutua na aplicación da lexislación relativa á protección dos datos persoais, en particular mediante a notificación, a remisión de reclamacións, a asistencia nas investigacións, o intercambio de información e a reserva das garantías adecuadas para a protección dos datos persoais.

2. A Administración xeral e as entidades públicas instrumentais do sector público autonómico de Galicia compartirán co resto das administracións públicas de Galicia as liñas de actuación e orientacións comúns para favorecer o intercambio de ideas, estándares, tecnoloxía e proxectos orientados a garantiren a interoperabilidade dos datos e documentos e a melloraren a eficacia e a eficiencia na prestación dos servizos públicos das distintas administracións públicas galegas.

**NON SE PRESENTARON EMENDAS**

## DITAME DA COMISIÓN:

### Artigo 125. Cooperación e colaboración con outros organismos

1. Impulsaranse as relacións de colaboración e cooperación necesarias coas restantes administracións públicas presentes no territorio galego coa finalidade de favorecer o achegamento dixital á cidadanía nas súas relacións coa administración.

2. A Administración xeral e as entidades públicas instrumentais do sector público autonómico de Galicia deberán impulsar a colaboración e a cooperación co resto das administracións públicas para a posta en marcha de servizos interadministrativos integrados e a compartición de infraestruturas, técnicas e os servizos comúns que permitan a racionalización dos recursos das tecnoloxías da información e a comunicación a todos os niveis.

3. No ámbito das competencias autonómicas, deberanse promover actividades de cooperación con organizacións nacionais e internacionais en materia de tecnoloxías da información, de protección de datos e de seguridade da información.

4. Promoverase a participación do persoal competente do sector público autonómico en foros sectoriais e grupos de traballo nas materias reguladas nesta lei.

## EMENDAS MANTIDAS:

-Do G.P. Socialistas de Galicia.  
Emenda nº58, ao apartado 4 bis), de Adición.

Débase engadir un novo punto 4 bis, que terá o seguinte contido:

"4 bis. A Xunta de Galicia garantizará a cooperación coas entidades locais galegas, mediante o necesario financiamento das infraestruturas, dos sistemas e das aplicacións necesarias para favorecer a extensión do uso dos medios dixitais nas súas actividades, para o que se establecerán os convenios ou as convocatorias de axudas oportunas."

---

## DITAME DA COMISIÓN:

Artigo 126. Posta á disposición dos sistemas incluídos no Catálogo dos sistemas dixitais

1. No Catálogo dos sistemas dixitais indicaranse aqueles elementos que, pola súa situación tecnolóxica ou as súas características funcionais, estean en disposición de ser utilizados ou reutilizados por outras administracións públicas, órganos estatutarios, organismos e entidades de dereito público vinculados ou dependentes daquelas, ou polas universidades públicas do Sistema universitario de Galicia, que poderán adherirse ao seu uso.

2. Darase publicidade ao contido do Catálogo dos sistemas dixitais, indicando as características dos sistemas, as condicións de uso, o nivel de servizo e os mecanismos de coordinación para a xestión dos cambios.

3. En función das condicións e da situación dos elementos contidos no Catálogo dos sistemas dixitais, estes poderanse poñer á disposición en diversas modalidades: reutilización, posta á disposición do seu uso, utilización compartida e aquelas outras que en cada momento poidan ser de interese.

4. Para os efectos do previsto no artigo 158 da Lei 40/2015, do 1 de outubro, de réxime xurídico do sector público, o Catálogo dos sistemas dixitais realizará as funcións de directorio de aplicacións dispoñibles para a súa reutilización, de conformidade co disposto no Esquema nacional de interoperabilidade.

5. Por un acordo con outras administracións, estas poderán determinar o uso obrigatorio dos sistemas do catálogo que consideren de interese no seu ámbito competencial.

**5 bis. As entidades que integran o sector público autonómico de Galicia velarán por que as aplicacións que desenvolvan se baseen en criterios e estándares que faciliten a interoperabilidade e poidan ser reutilizadas por outras entidades do sector público.**

## EMENDAS MANTIDAS:

-Do G.P. Socialistas de Galicia.

Emenda nº59, ao apartado 5 bis), de Adición.

Débese engadir un novo punto 5 bis, neste artigo, que terá o seguinte contido:

"5 *bis*. As entidades que integran o sector público autonómico de Galicia potenciarán o uso das aplicacións que fosen desenvolvidas por outras entidades públicas."

---

-Do G.P. Socialistas de Galicia.

Emenda nº61, ao apartado 5 quater), de Adición.

Débese engadir un novo punto 5 quater, que terá o seguinte contido:

"5 *quater*. As entidades do sector público autonómico de Galicia deben impulsar a creación de bancos de recursos e aplicacións das administracións públicas que poidan ser reutilizados para facilitar o aproveitamento das aplicacións, así como o seu desenvolvemento colaborativo."

---

## DITAME DA COMISIÓN:

### CAPÍTULO IV

#### Sistema de indicadores da administración dixital

#### Artigo 127. Sistema de indicadores da administración dixital

1. Créase o Sistema de indicadores da administración dixital, constituído polos indicadores do funcionamento da propia administración, nos seus diferentes ámbitos de actividade, configurados a partir da información dispoñible nos sistemas e nas aplicacións que dan soporte dixital á actividade do sector público autonómico.

2. A creación do Sistema de indicadores da administración dixital do sector público autonómico ten como obxectivo o establecemento dos mecanismos de medición necesarios para a avaliación, a análise, o control da evolución e a perspectiva da implantación e mais o impacto da administración dixital, así como a achega de coñecemento para a mellora da prestación dos servizos públicos.

3. O Sistema de indicadores da administración dixital estará orientado e estruturado para a súa utilización e entendemento desde diferentes ámbitos:

a) para a súa utilización por parte do sector público autonómico, como elemento na toma de decisións

b) para a súa utilización como fonte de información na avaliación da prestación dos servizos públicos

c) para a súa utilización como fonte de información por parte dos organismos encargados da observación da sociedade dixital ou da análise estatística

**c bis) para o seu aliñamento cos indicadores comúns que se establezan no marco da cooperación entre as administracións públicas**

d) para a súa posta á disposición da cidadanía como elemento de transparencia, proporcionando un servizo de información de alta calidade baseado nos principios de libre e fácil acceso á información do sector público.



4. Os informes resultantes do Sistema de indicadores da administración dixital estarán dispoñibles en formatos reutilizables.

**NON SE PRESENTARON EMENDAS**

## **DITAME DA COMISIÓN:**

Artigo 128. Xestión do Sistema de indicadores da administración dixital

1. Correspóndelle á Comisión de Seguridade e Goberno Electrónico a determinación dos indicadores de seguimento da implantación da administración dixital nos diferentes ámbitos competenciais do sector público autonómico.

2. A entidade do sector público autonómico con competencias en desenvolvemento dixital será a encargada da xestión e do desenvolvemento dos mecanismos de creación e difusión do Sistema de indicadores da administración dixital. Esta entidade adoptará as medidas necesarias para que as condicións de accesibilidade, continuidade, integridade e seguridade respondan ás exixencias normativas vixentes, así como que dean resposta ás necesidades das persoas destinatarias do sistema.

3. Será responsabilidade das unidades usuarias dos sistemas de información ou das aplicacións orixes da información garantir o seu bo uso, o que redundará nunha mellor calidade do Sistema de indicadores.

4. Por proposta da Comisión de Cooperación Interadministrativa para o Desenvolvemento Dixital, ou dalgunhas das administracións que formen parte dela, poderanse incluír indicadores do seu ámbito competencial, que quedarán integrados no sistema cos mesmos criterios e usos que os restantes indicadores.

## **NON TEN EMENDAS**

## DITAME DA COMISIÓN:

### CAPÍTULO VI

Observatorio da Sociedade da Información e a Modernización de Galicia

Artigo 129. Observatorio da Sociedade da Información e a Modernización de Galicia

1. O Observatorio da Sociedade da Información e a Modernización de Galicia configúrase como o órgano asesor para a valoración da evolución da sociedade da información e a modernización administrativa nas administracións públicas de Galicia, **para** a participación e a colaboración coas ditas administracións públicas nesas materias e **para a contribución** á promoción e á extensión da sociedade da información e a modernización dixital en Galicia. Igualmente, configúrase como un sistema de información para a análise, a comparación, o seguimento e a divulgación dos datos, da información e dos coñecementos relacionados coas materias antes referidas.

2. O Observatorio abordará, mediante os seus traballos, a análise do impacto das actividades de desenvolvemento da administración dixital na propia administración e na sociedade galega. As súas observacións e estudos deberán dar lugar a propostas de orientación estratéxica no desenvolvemento da administración dixital galega.

3. O Observatorio da Sociedade da Información e a Modernización de Galicia rexerase por esta lei, pola súa norma de creación e pola restante normativa aplicable.

## EMENDAS MANTIDAS:

-Do G.P. Bloque Nacionalista Galego.  
Emenda nº58, ao apartado 2, de Adición.

No apartado 2 do artigo 129, engadir ao final o seguinte texto:

"Asemade, o Observatorio fará recomendacións e propostas en materia de fomento de competencias dixitais por parte da sociedade galega. Co obxecto de que teña unha composición





máis plural e ampla, actualizarase a súa norma de creación para incluír unha maior representación das administracións locais, das universidades e do ámbito asociativo. Na súa composición garantirase a paridade de xénero."

---

-Do G.P. Socialistas de Galicia.  
Emenda nº64, ao apartado 3, de Adición.

No punto 3 deste artigo, débese engadir un novo parágrafo que terá o seguinte contido:

"Na súa composición garantirase a representación da Administración local galega, da Administración xeral do Estado, do Sistema universitario de Galicia, das organizacións sindicais e empresariais, dos colexios profesionais, así como dos consumidores e usuarios. Garantirase unha composición equilibrada entre mulleres e homes."

---

## EMENDAS MANTIDAS:

-Do G.P. En Marea.  
Emenda nº84, de Adición.

Débase engadir un novo artigo co seguinte texto:

"Artigo 130. *Responsabilidade da administración dixital*

As persoas particulares terán dereito á ser indemnizadas polas lesións que sufran nos seus bens e dereitos, sempre que estas lesións sexan consecuencia do funcionamento normal ou anormal dos servizos públicos, neste caso, os provocados polo funcionamento da administración na vertente dixital, agás nos casos previstos na lei, segundo o disposto no artigo 32 e seguintes da Lei 40/2015.

No que respecta ao catálogo de infraccións e sancións haberá que aterse ao disposto na Lei 40/2015."

---

### **DITAME DA COMISIÓN:**

Disposición adicional primeira. Enderezos de acceso aos sistemas

Os enderezos da internet, nos cales estarán dispoñibles os sistemas regulados nesta lei ou no seu desenvolvemento normativo, serán obxecto de publicación mediante unha resolución da entidade do sector público autonómico con competencias en materia de desenvolvemento dixital.

### **EMENDAS MANTIDAS:**

-Do G.P. Socialistas de Galicia.  
Emenda nº65, de Modificación.

Nesta disposición adicional, onde di: "...da entidade do sector público autonómico con competencias en materia de desenvolvemento dixital.", debe dicir: "...da consellaría con competencias en materia de administracións públicas."

---

## DITAME DA COMISIÓN:

Disposición adicional segunda. Continuidade na prestación dos servizos das tecnoloxías da información e a comunicación

1. Coa finalidade de garantir a dispoñibilidade dos servizos dixitais, os contratos que subscriban as entidades do sector público autonómico para a prestación dos servizos das tecnoloxías da información e a comunicación que sexan críticos para o funcionamento dos ditos servizos dixitais deberán incluír obrigatoriamente nas súas cláusulas da prestación do servizo que queda garantida a atención continuada. Nos ditos contratos estableceranse os réximes dos servizos de garda e aqueloutros que permitan a atención continuada dos servizos.

2. Coa finalidade de asegurar a prestación de servizos críticos, o persoal empregado público poderá estar sometido á dispoñibilidade horaria nos termos que se establezan regulamentariamente.

## EMENDAS MANTIDAS:

-Do G.P. En Marea.  
Emenda nº85, ao apartado 2, de Supresión.

Débese suprimir o apartado 2.

---

-Do G.P. Socialistas de Galicia.  
Emenda nº66, ao apartado 2, de Adición.

No punto 2 desta disposición adicional débese engadir *in fine* o seguinte texto:

"...e mediante a correspondente negociación colectiva."

---

## DITAME DA COMISIÓN:

Disposición adicional terceira. Asistencia á cidadanía no relativo aos medios tecnolóxicos

1. Estableceranse as canles e os medios que permitan ofrecer un soporte tecnolóxico á cidadanía nas súas relacións electrónicas cos órganos e as entidades do sector público autonómico.

2. Coa finalidade de garantir o acceso igualitario aos servizos dixitais durante o proceso progresivo da incorporación do uso dos medios dixitais na sociedade, as oficinas de atención á cidadanía e de rexistro poderán desenvolver actuacións específicas tendentes a favorecer a progresiva incorporación, familiarización ou desenvolvemento do uso dos medios dixitais por parte dos colectivos que especialmente o requiran.

**3. Na posta en marcha dos servizos ou dos procedementos dixitais, para promover o uso igualitario dos medios dixitais, poderase impulsar o desenvolvemento de plans de acompañamento orientados aos colectivos implicados, coa finalidade de promover a capacidade de acceso e a utilización dos servizos. Estes plans poderanse desenvolver en colaboración con outros axentes.**

**NON TEN EMENDAS**

### **DITAME DA COMISIÓN:**

Disposición adicional cuarta. Sobre a vixencia e a homologación da formación previa

1. No deseño e o desenvolvemento do Marco galego de competencias dixitais estableceranse os criterios de vixencia e homologación da certificación galega de competencias dixitais en ofimática, regulada polo Decreto 218/2011, do 17 de novembro.

2. No caso do persoal empregado público estableceranse igualmente os criterios de convalidación dos cursos ou das actividades formativas que se teñan realizado e que teñan relación directa coa implementación das tecnoloxías dixitais da información e as comunicacións aplicadas á administración e con contidos vixentes e aplicables.

### **EMENDAS MANTIDAS:**

-Do G.P. En Marea.  
Emenda nº86, ao apartado 2, de Supresión.

Débese suprimir o apartado 2.

---



### **DITAME DA COMISIÓN:**

Disposición adicional quinta. Actividades de prestación e persoal das entidades instrumentais de dereito privado

As previsións desta lei en materia de servizos públicos dixitais e as relativas ao persoal empregado público serán aplicables, no que proceda, ás actividades de prestación e ao persoal das entidades instrumentais do sector público autonómico de dereito privado.

### **NON SE PRESENTARON EMENDAS**

### EMENDAS MANTIDAS:

-Do G.P. Socialistas de Galicia.  
Emenda nº67, de Adición.

Débese engadir unha nova disposición adicional quinta bis, que terá o seguinte contido:

"Disposición adicional quinta bis. Protección e supervisión dos dereitos da cidadanía

Compételle ao Valedor do Pobo, como comisionado de Transparencia, de acordo co establecido no artigo 32 da Lei 1/2016, do 18 de xaneiro, de transparencia e bo goberno, velar pola efectividade dos dereitos recoñecidos á cidadanía en materia de utilización dos medios dixitais coa Administración autonómica galega, para o cal poderá requirir da Comisión de Seguridade e Goberno Electrónico canta información ou documentación precise."

---





## EMENDAS MANTIDAS:

-Do G.P. Socialistas de Galicia.  
Emenda nº68, de Adición.

Débese engadir unha nova disposición adicional quinta ter, que terá o seguinte contido:

"Disposición adicional quinta ter. Adscripción da Axencia para a Modernización Tecnolóxica de Galicia  
A Axencia para a Modernización Tecnolóxica de Galicia (Amtega) adscríbese á consellaría competente en materia de administracións públicas, para o que se deberán realizar as necesarias adaptacións estatutarias e as dos mandatos de xestión."

---

## EMENDAS MANTIDAS:

-Do G.P. Socialistas de Galicia.  
Emenda nº69, de Adición.

Débese engadir unha nova disposición adicional quinta quater, que terá o seguinte contido:

"Disposición adicional quinta quater. Garantía de medios suficientes nas oficinas de atención á cidadanía e nos rexistros Para os efectos do cumprimento do establecido no artigo 34.4 desta lei, a consellaría competente en materia de administración pública, no prazo máximo de tres meses, aprobará e publicará un plan para garantir a suficiencia de medios humanos e materiais das oficinas de atención á cidadanía e dos rexistros, coa valoración das necesidades existentes e das previsións temporais e orzamentarias precisas."

---

### **DITAME DA COMISIÓN:**

Disposición transitoria primeira. Sistema único de rexistro

Namentres non se proceda ao desenvolvemento regulamentario do Sistema único de rexistro manterase en vigor o Decreto 191/2011, do 22 de setembro, de organización e funcionamento dos rexistros da Administración xeral e das entidades públicas instrumentais da Comunidade Autónoma de Galicia, en todo o que non resulte incompatible con esta lei.

### **EMENDAS MANTIDAS:**

-Do G.P. Socialistas de Galicia.  
Emenda nº70, de Adición.

Débese engadir *in fine* o seguinte texto: "En todo caso, a aprobación do desenvolvemento regulamentario do Sistema único de rexistro deberase realizar no prazo máximo de seis meses."

---

### **DITAME DA COMISIÓN:**

Disposición transitoria segunda. Rexistro Electrónico Xeral de Apoderamentos de Galicia e Rexistro do Persoal Funcionario Público Habilitado

O funcionamento efectivo do Rexistro Electrónico Xeral de Apoderamentos de Galicia e do Rexistro do Persoal Funcionario Público Habilitado producirase na data que se determine no desenvolvemento regulamentario das previsións desta lei relativas aos ditos rexistros. Esta data será, en todo caso, anterior á data da entrada en vigor da regulación contida na Lei 39/2015, do 1 de outubro, do procedemento administrativo común das administracións públicas, sobre o Rexistro Electrónico de Apoderamentos e o Rexistro de Empregados Públicos Habilitados.

**NON SE PRESENTARON EMENDAS**

## **DITAME DA COMISIÓN:**

Disposición transitoria terceira. Interoperabilidade

En tanto non entren en vigor as previsións da Lei 39/2015, do 1 de outubro, sobre o Rexistro Electrónico de Apoderamentos, o Rexistro Electrónico e o Rexistro de Empregados Públicos Habilitados, a interoperabilidade do Rexistro Electrónico Xeral de Apoderamentos de Galicia, do Rexistro Electrónico Xeral e do Rexistro do Persoal Funcionario Público Habilitado e mais os efectos derivados de tal interoperabilidade, estarán condicionados á efectiva dispoñibilidade de rexistros equivalentes doutras administracións públicas cos que se poida interoperar.

**NON SE PRESENTARON EMENDAS**

## **DITAME DA COMISIÓN:**

Disposición transitoria cuarta. Presenza do sector público autonómico na internet

1. Mantense en vigor o Decreto 201/2011, do 13 de outubro, polo que se regula a presenza da Administración xeral e do sector público autonómico de Galicia na internet, en todo o que non resulte incompatible con esta lei.
2. A actual Rede integrada de portais da Administración xeral e do sector público autonómico de Galicia, regulada no artigo 9 do Decreto 201/2011, do 13 de outubro, pasa a denominarse Rede integrada da presenza na internet.
3. O actual Catálogo de portais, regulado no artigo 12 do Decreto 201/2011, do 13 de outubro, pasa a denominarse Catálogo da Rede integrada da presenza na internet, segundo o recollido no artigo 55 desta lei, coa ampliación do seu contido nos termos indicados no dito precepto.
4. A Guía de políticas web, regulada no artigo 13 do Decreto 201/2011, do 13 de outubro, pasa a denominarse Guías de políticas web corporativas, segundo o recollido no artigo 56 desta lei, coa ampliación do seu contido nos termos indicados no dito precepto.

**NON SE PRESENTARON EMENDAS**

### **DITAME DA COMISIÓN:**

Disposición derogatoria única. Derogación normativa

1. Queda derogada a sección 1ª do capítulo III do título II da Lei 2/2017, do 8 de febreiro, de medidas fiscais, administrativas e de ordenación.

2. Queda derogado o Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes.

3. Quedan derogadas cantas normas de igual ou inferior rango contradigan ou se opoñan ao contido desta lei.

### **NON SE PRESENTARON EMENDAS**

### **DITAME DA COMISIÓN:**

Disposición derradeira primeira. Modificación da Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia

Modifícase a alínea 27 do anexo I da Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, no sentido de substituír o inciso «Copias compulsadas ou auténticas de expedientes en poder da administración» por «Copias compulsadas ou auténticas de expedientes en poder da administración e copias auténticas de documentos privados ou doutras administracións».

### **EMENDAS MANTIDAS:**

-Do G.P. En Marea.  
Emenda nº87, de Supresión.

Débese suprimir a disposición derradeira primeira.

---



## DITAME DA COMISIÓN:

Disposición derradeira segunda. Modificación da Lei 16/2010, do 17 de decembro, de organización e funcionamento da Administración xeral e do sector público autonómico de Galicia

Modifícase o artigo 21 da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, que queda redactado como segue:

«Artigo 21. Uso de medios electrónicos

1. Os órganos colexiados desenvolverán a súa actividade nunha contorna dixital. A constitución dos ditos órganos colexiados así como as comunicacións e a adopción de acordos realizaranse preferentemente por medios electrónicos, segundo o establecido na normativa básica sobre os órganos colexiados contida na Lei 40/2015, do 1 de outubro, de réxime xurídico do sector público.

2. De acordo co artigo 17.3 da Lei 40/2015, do 1 de outubro, de réxime xurídico do sector público, salvo que non resulte posible, as convocatorias serán remitidas aos membros do órgano colexiado a través de medios electrónicos nos termos previstos no dito precepto.

3. Os órganos colexiados poderán realizar sesións mediante videoconferencia ou outros medios electrónicos válidos para estes efectos consonte o previsto no artigo 17.1 da Lei 40/2015, do 1 de outubro.

4. As actas das sesións dos órganos colexiados e os certificados dos acordos constarán en documentos asinados electronicamente polas persoas que teñan a secretaría, a presidencia, ou **ambas as dúas**, segundo corresponda, e quedarán arquivadas electronicamente no Arquivo electrónico administrativo da Xunta de Galicia, con todas as garantías adecuadas para a súa autenticidade e conservación. Para a sinatura electrónica utilizaranse os sistemas previstos no artigo 71 da **Lei reguladora da administración dixital de Galicia.**»

## EMENDAS MANTIDAS:

-Do G.P. En Marea.



Emenda nº88, ao apartado 4, de Adición.

Débese engadir un punto co seguinte texto:

"4. As actas das sesións dos órganos colexiados publicaranse no portal web do propio órgano colexiado, con expresa mención dos asistentes e co contido, segundo o ditado na Lei de transparencia e bo goberno."

---

## DITAME DA COMISIÓN:

Disposición derradeira terceira. Modificación da Lei 7/2014, do 26 de setembro, de arquivos e documentos de Galicia

1. Modifícase o artigo 35 da Lei 7/2014, do 26 de setembro, de arquivos e documentos de Galicia, co engadido dunha alínea 4, que quedará redactada como segue:

«4. O Arquivo Electrónico da Xunta de Galicia formará parte do Sistema de arquivos da Xunta de Galicia como repositorio dos documentos electrónicos dos arquivos enumerados nos puntos 2 e 3 que cumpran os requisitos previstos no artigo 43.»

2. Modifícase o artigo 42 da Lei 7/2014, do 26 de setembro, de arquivos e documentos de Galicia, coa eliminación da alínea 4.

3. Modifícase o artigo 43 da Lei 7/2014, do 26 de setembro, de arquivos e documentos de Galicia, que quedará redactado como segue:

«Artigo 43. Arquivo Electrónico da Xunta de Galicia

1. O Arquivo Electrónico da Xunta de Galicia é o sistema dixital que permite xestionar os documentos electrónicos en poder do sector público autonómico. Está integrado tanto polo o Arquivo Electrónico Administrativo coma polo Arquivo Electrónico do Patrimonio Documental, de acordo coas políticas de xestión establecidas en cada caso.

2. O Arquivo Electrónico Administrativo xestionará os expedientes administrativos electrónicos da Administración xeral e do sector público autonómico nas súas diferentes fases ata o momento da súa eliminación ou da súa transferencia ao Arquivo Electrónico do Patrimonio Documental, cando fosen valorados e seleccionados para a súa conservación permanente.

3. O Arquivo Electrónico do Patrimonio Documental xestionará os documentos valorados como de conservación permanente. Del forman parte tanto o repositorio de difusión coma o repositorio de preservación.

4. O Arquivo Electrónico da Xunta de Galicia desenvolverá os procesos e funcións da xestión documental a que se refire o artigo 18 no ámbito da Administración electrónica en

coordinación co órgano competente en materia de Administración tecnolóxica.

5. O Arquivo Electrónico da Xunta de Galicia terá un modelo específico que será de uso común entre os órganos de goberno e da Administración xeral da Comunidade Autónoma de Galicia e das entidades instrumentais integrantes do sector público autonómico.

6. A Xunta de Galicia deberá garantir a custodia e a conservación dos seus documentos e expedientes electrónicos e facilitaralles aos arquivos da súa titularidade ou xestión o cumprimento das funcións que lles corresponden sobre aqueles.

7. A Xunta de Galicia promoverá a coordinación e a colaboración entre a consellaría ou entidade instrumental competente en materia de Administración electrónica e sistemas de información e a consellaría competente en materia de arquivos e patrimonio documental para garantir a custodia e a conservación no marco da xestión documental electrónica.

8. A consellaría competente en materia de arquivos participará na elaboración e mantemento dun sistema de información administrativa da Xunta de Galicia para facilitar a xestión dos documentos electrónicos dos órganos de goberno e da Administración xeral da Comunidade Autónoma de Galicia.»

#### **EMENDAS MANTIDAS:**

-Do G.P. Bloque Nacionalista Galego.  
Emenda nº59, ao apartado 3, de Modificación.

No apartado 3 da disposición derradeira terceira débese modificar o texto do punto oito, cambiando a parte inicial polo seguinte:

"8. A consellaría competente en materia de arquivos coordinará a elaboración dun sistema de información administrativa da Xunta de Galicia...".

---

### **DITAME DA COMISIÓN:**

Disposición derradeira cuarta. Adaptación normativa

No prazo dun ano a partir da entrada en vigor desta lei deberanse adecuar as normas autonómicas que sexan incompatibles co previsto nela.

### **EMENDAS MANTIDAS:**

-Do G.P. Socialistas de Galicia.  
Emenda nº71, de Adición.

Débese engadir *in fine* o seguinte texto:

"...así como remitirle ao Parlamento de Galicia un informe ao respecto para o seu debido coñecemento."

---



### **DITAME DA COMISIÓN:**

Disposición derradeira quinta. Desenvolvemento normativo

Habíltase o Consello da Xunta de Galicia para ditar as disposicións que sexan necesarias para o desenvolvemento do establecido nesta lei.

### **NON SE PRESENTARON EMENDAS**



### **DITAME DA COMISIÓN:**

Disposición derradeira sexta. Entrada en vigor

Esta lei entrará en vigor aos vinte días naturais da súa publicación no Diario Oficial de Galicia.

**NON SE PRESENTARON EMENDAS**

**EMENDAS MANTIDAS:**

-Do G.P. Socialistas de Galicia.  
Emenda nº2, de Adición.

Débese engadir un índice antes da exposición de motivos.

---



## DITAME DA COMISIÓN:

Exposición de motivos.

I

A administración pública desempeña un papel fundamental no desenvolvemento da sociedade como reguladora e como provedora de servizos públicos para a cidadanía e tamén como organización cun importante colectivo de persoal e como parte salientable no desenvolvemento económico dun país.

No marco normativo, e en liña coas demandas sociais de cambios na administración, aprobáronse nos últimos anos importantes normas en materia de racionalización da organización administrativa e dos recursos públicos, a eficacia na xestión, o desenvolvemento dos principios vinculados á garantía da calidade dos servizos públicos, o dereito á boa administración e a dispoñer de servizos públicos de calidade, e tamén en materia de transparencia e bo goberno.

Estas demandas xorden nunha sociedade na que as tecnoloxías da información e a comunicación, e en particular a internet, adquiriron unha importancia evidente nas relacións económicas, sociais e profesionais das persoas. Segundo a Enquisa sobre o uso das tecnoloxías da información e a comunicación nos fogares do 2018, publicada polo Instituto Nacional de Estatística, o 72,1 por cento da poboación entre os dezaseis e os setenta e catro anos accede diariamente á internet, o 43,5 por cento fixo algunha compra pola internet e o 65,4 por cento utilizou a administración electrónica. Na poboación entre os dez e os quince anos, o 69,8 por cento dispón de teléfono móbil e o uso da internet está estendido ata o 92,8 por cento.

A administración pública debe evolucionar xunto coa sociedade. Debe acadar un desenvolvemento pleno da administración electrónica e aproveitar as innovacións que as tecnoloxías da información e a comunicación, as denominadas tecnoloxías dixitais, na súa constante evolución, poden achegar para construír un novo modelo de administración, máis transparente, sinxelo, eficaz e inclusivo e, por conseguinte, máis acorde coas demandas da cidadanía e das empresas.

O Plan de acción sobre administración electrónica 2016-2020 da Unión Europea determinou que no ano 2020 as

administracións públicas e as institucións públicas da Unión Europea deberán ser abertas, eficientes e integradoras e prestarlles servizos públicos dixitais sen fronteiras, personalizados, fáciles de utilizar e de extremo a extremo a toda a cidadanía e ás empresas da Unión Europea.

Nesta liña, o Consello da Xunta de Galicia, na súa sesión do día 30 de abril de 2015, aprobou a Axenda dixital de Galicia 2020. Esta estratexia tecnolóxica de Galicia para o período 2015-2020 busca impulsar un modelo de crecemento baseado na economía dixital, que contribúa a dar resposta aos desafíos a que se enfrenta Galicia en todas as áreas de desenvolvemento.

Daquela, a administración pública está na obriga de aplicar enfoques innovadores para deseñar e prestar mellores servizos de conformidade coas necesidades e as demandas da cidadanía e as empresas, por medio do aproveitamento das oportunidades que brinda a nova contorna dixital para facilitar as súas interaccións cos cidadáns e as cidadás, coas empresas e con outras administracións. Unha administración dixital para unha cidadanía usuaria do dixital e para aquela que non o é.

## II

Esta Lei de administración dixital de Galicia completa o marco normativo galego mencionado no punto anterior para o desenvolvemento no contexto dixital dos principios vinculados á racionalización administrativa e dos recursos públicos, a garantía da calidade dos servizos públicos e o dereito á boa administración, así como a transparencia e o bo goberno.

Aborda catro ámbitos imprescindibles para o desenvolvemento dunha administración dixital: os instrumentos necesarios para o desenvolvemento da administración electrónica, a necesaria capacitación para acadar unha cidadanía dixital, as infraestruturas e os sistemas para o funcionamento dixital do sector público autonómico e mais os instrumentos de coordinación, colaboración, cooperación e seguimento para conseguir unha implantación efectiva da administración dixital de xeito cohesionado. Desta maneira:

a) Concreta e regula o xeito en que o sector público autonómico constrúe o seu funcionamento electrónico, dando cumprimento ao establecido no marco normativo estatal no eido da administración electrónica, pero garantindo a súa



capacidade de organización dixital interna e de establecemento do modelo de relación dixital coa cidadanía. A regulación complétase coas previsións necesarias para o impulso do desenvolvemento dos servizos públicos dixitais no contexto da internet dunha forma ordenada e coherente, superando o ámbito do procedemento administrativo para se dirixir á cidadanía en xeral e non unicamente ás persoas interesadas nun procedemento administrativo.

b) O desenvolvemento dixital da administración pública galega, de xeito similar a outros ámbitos da sociedade, require promover na cidadanía as capacidades de aproveitamento das posibilidades que a tecnoloxía facilita, pero non unicamente no uso de determinadas aplicacións de uso cotián ou necesarias para a relación coa administración, senón tamén no desenvolvemento de hábitos de comportamento no eido dixital que garantan o uso adecuado e seguro das tecnoloxías, que son, ademais, cambiantes. Neste senso, prevese o desenvolvemento do Marco galego de competencias dixitais en liña co que os organismos europeos promoven para acadar unha cidadanía dixital responsable. Neste punto é imprescindible recoller a necesaria capacitación dixital do persoal que traballa no sector público autonómico e o recoñecemento da súa capacidade de impulso de enfoques innovadores de funcionamento da administración aproveitando as tecnoloxías dixitais.

c) As infraestruturas tecnolóxicas, os medios utilizados polos empregados públicos para o seu desempeño profesional, así como os sistemas e as aplicacións que se utilizan para o funcionamento dixital do sector público autonómico quedan tamén recollidos neste texto. Tamén se implantan as previsións sobre a seguridade, a dispoñibilidade e a interoperabilidade, orientadas a facilitaren servizos públicos dixitais de calidade. Establécense os criterios básicos da súa xestión e posta á disposición, de xeito que o desenvolvemento dixital se faga de forma transversal e homoxénea a todo o sector público autonómico.

d) E, por último, os instrumentos de coordinación, cooperación, colaboración e seguimento para o proceso da transformación dixital tanto no sector público autonómico coma na relación coas restantes administracións.

Con todo iso avanza en conseguir unha administración diferente, que teña as tecnoloxías dixitais como un elemento catalizador para a súa modernización e onde os efectos reais

da utilización destas tecnoloxías irán encamiñados á utilización dos medios e das formas inclusivas para toda a cidadanía, creando as condicións de confianza precisas para o uso dos servizos dixitais.

### III

Unha administración dixital debe ter como referencia os seguintes alicerces básicos:

a) Orientación á cidadanía, asociada á universalización dos servizos en forma dixital e a garantir que a cidadanía e as empresas faciliten a mesma información a unha administración pública unha soa vez, co obxectivo de que a cidadanía e as empresas teñan que soportar a menor cantidade de cargas administrativas.

b) Transparencia, asociada a explicar a acción de goberno, incluíndo a apertura de datos compatibles e reutilizables, que permitan coñecer e controlar o funcionamento das institucións públicas. Esta dimensión vincúlase á rendición de contas.

c) Participación, asociada a fomentar a implicación da cidadanía, das empresas, das asociacións e dos e das profesionais na definición e a avaliación das políticas e dos servizos públicos, permitíndolles aos cidadáns e ás cidadás contactaren de forma directa cos seus gobernantes e a estes consultaren permanentemente a cidadanía sobre as políticas. O uso da internet e das redes sociais propicia o xurdimento de novas fórmulas de participación, mais exige que as administracións públicas deban redefinir o seu funcionamento e reformular a forma de facer as cousas para poderen responder ás expectativas da sociedade.

d) Colaboración, asociada ao desenvolvemento de fórmulas de traballo conxunto e transversal entre diferentes actores dentro e fóra da administración, incluíndo actuacións que comprenden iniciativas de interoperabilidade, de innovación social e de coprodución. Ao relacionarse coa coprodución de servizos, a colaboración require a asunción dunha responsabilidade activa e constante por parte dos diferentes actores que participan.

### IV

No ordenamento xurídico estatal, a Lei 39/2015, do 1 de outubro, do procedemento administrativo común das administracións públicas, e a Lei 40/2015, do 1 de outubro, de

régime xurídico do sector público, supoñen un novo escenario normativo para a consolidación da administración dixital nas administracións públicas, e, polo tanto, tamén no sector público autonómico de Galicia.

A Lei 39/2015, do 1 de outubro, derroga expresamente a Lei 30/1992, do 26 de novembro, de réxime xurídico das administracións públicas e do procedemento administrativo común, e mais a Lei 11/2007, do 22 de xuño, de acceso electrónico dos cidadáns aos servizos públicos, que constituían a base normativa para o desenvolvemento da administración electrónica.

Así é que a regulación estatal en materia de procedemento administrativo común e en materia de réxime xurídico do sector público introduce de maneira transversal o emprego dos medios electrónicos nas relacións entre as administracións públicas e entre estas e os cidadáns e as cidadás. Xeneralízase así o uso dos medios electrónicos en todas as fases do procedemento administrativo, desde a identificación e a representación das persoas interesadas ata a preferencia pola notificación electrónica.

V

No eido galego, os alicerces da regulación dunha administración dixital xa contan cun corpo legal integrado pola Lei 16/2010, do 17 de decembro, de organización e funcionamento da Administración xeral e do sector público autonómico de Galicia, reguladora da organización e do réxime xurídico da Administración xeral da Comunidade Autónoma de Galicia e das entidades instrumentais integrantes do sector público autonómico; pola Lei 14/2013, do 26 de decembro, de racionalización do sector público autonómico, que promoveu a optimización dos recursos públicos, a eficacia na xestión e o logro da máxima coordinación dos distintos órganos e unidades administrativas como principios básicos que guían a actuación do sector público autonómico, e pola Lei 1/2015, do 1 de abril, de garantía da calidade dos servizos públicos e da boa administración, que consagra legalmente o dereito da cidadanía á boa administración e a que se lle presten uns servizos públicos de calidade, así como a participar na avaliación da calidade dos servizos públicos, como parte imprescindible do ciclo das políticas públicas.

A Lei 1/2015, do 1 de abril, de garantía da calidade dos servizos públicos e da boa administración, estableceu que o



sector público galego dispoñerá dun sistema integrado de atención á cidadanía que garantirá a prestación deste servizo a través de tres modalidades: presencial, telefónica e telemática, sendo esta última a que se ofrece a través da web institucional e da sede electrónica da Xunta de Galicia, ou por calquera outro medio que, vinculado ás tecnoloxías dixitais, se poida implementar.

A referida lei determina, así mesmo, como mecanismos de atención os seguintes: o recibimento e a acollida, a orientación, a información, a recepción e o rexistro de documentos e a presentación de queixas e suxestións, coa regulación ademais da información e os seus tipos, das suxestións e as queixas e mais do procedemento para a súa presentación. Cómpre agora nesta lei abordar, con máis fondura, a modalidade de atención telemática a que se refire a devandita Lei 1/2015, do 1 de abril.

No ámbito da transparencia, a Lei 1/2016, do 18 de xaneiro, de transparencia e bo goberno, regula a transparencia e a publicidade na actividade pública, entendendo esta como a desenvolvida cun financiamento público, así como o dereito da cidadanía a acceder á información pública.

Débase mencionar tamén a Lei 7/2014, do 26 de setembro, de arquivos e documentos de Galicia, que proporciona o marco normativo adecuado para que a Comunidade Autónoma de Galicia desenvolva as competencias en materia de arquivos e documentos, permitindo articular unha xestión documental electrónica eficaz e eficiente, integrada na xestión administrativa xeral. A xestión documental electrónica, aplicada con carácter transversal e continuo dentro dun sistema de arquivos, serve para garantir a autenticidade, a fiabilidade, a integridade e a dispoñibilidade dos documentos no seu ciclo vital, para facilitar o acceso aos documentos e á información e mais para preservar e difundir o patrimonio documental de Galicia nunha contorna dixital.

Máis recentemente, a Lei 2/2017, do 8 de febreiro, de medidas fiscais, administrativas e de ordenación, dedicou unha sección específica ao establecemento de determinadas previsións en materia de administración dixital, como primeiro paso para a adaptación á regulación contida na Lei 39/2015, do 1 de outubro, do procedemento administrativo común das administracións públicas, e na Lei 40/2015, do 1 de outubro, de réxime xurídico do sector público.

Xunto a estes textos legais, polo que se refire ao ámbito da administración electrónica, a evolución normativa autonómica na materia caracterizouse pola aprobación duns decretos e ordes que forman a columna vertebral da administración dixital do sector público autonómico de Galicia.

Desta forma, o Decreto 198/2010, do 2 de decembro, polo que se regula o desenvolvemento da Administración electrónica na Xunta de Galicia e nas entidades dela dependentes, supuxo un cambio organizativo substancial, xa que ordenou o proceso de desenvolvemento dos servizos electrónicos e determinou o réxime regulador do dereito da cidadanía a relacionarse coa Administración pública galega por medios electrónicos. Pola súa parte, o Decreto 191/2011, do 22 de setembro, de organización e funcionamento dos rexistros da Administración xeral e das entidades públicas instrumentais da Comunidade Autónoma de Galicia, estableceu o marco xurídico do Sistema único de rexistro da Administración xeral da Comunidade Autónoma de Galicia e das entidades públicas instrumentais do sector público autonómico. E, por último, o Decreto 201/2011, do 13 de outubro, polo que se regula a presenza da Administración xeral e do sector público autonómico de Galicia na internet, recoñece o papel fundamental da internet para a prestación de servizos públicos, e establece unhas regras de coordinación do xeito en que o sector público autonómico se achega á cidadanía.

Xa que logo, ante o novo escenario lexislativo estatal, resulta clave dotar o ordenamento xurídico autonómico dunha regulación única, coherente, actualizada e ordenada, contando cunha lei que sistematice nun único corpo toda a regulación relativa ás relacións dixitais ad extra e ad intra no sector público autonómico de Galicia, os dereitos das persoas nas súas relacións dixitais e que promova un réxime xurídico novo na administración dixital do sector público autonómico de Galicia segundo as prescricións establecidas na Lei 39/2015, do 1 de outubro, do procedemento administrativo común das administracións públicas, e na Lei 40/2015, do 1 de outubro, de réxime xurídico do sector público.

## VI

É neste novo marco de actuación onde o uso das tecnoloxías da información e a comunicación (TIC) representa un motor de transformación, unido ao cambio na cultura das organizacións públicas. Para iso é imprescindible non só promover a

incorporación destas tecnoloxías senón tamén de novos estilos na xestión, e, en especial, promover novas competencias dos e das profesionais ao servizo das organizacións públicas.

Ao redor do corenta por cento dos traballadores e das traballadoras da Unión Europea, segundo a Eurostat (Oficina Europea de Estatística), ten un nivel insuficiente de competencias dixitais, polo que existe unha perentoria necesidade de adquirir novas competencias multidisciplinares e dixitais. A fenda entre a demanda e a dispoñibilidade de traballadores e traballadoras con competencias dixitais é cada vez maior. As innovacións dixitais tamén teñen un gran potencial para crear máis emprego na industria, dado que se crean novas empresas e se axuda a preservar e reforzar uns postos de traballo industriais. Para traballar nunha economía dixitalizada serán necesarias tamén novas competencias e habilidades, por exemplo, máis capacidades creativas, comunicativas e de adaptación. Requirirase unha mellora masiva da capacitación das persoas traballadoras a todos os niveis.

Existe ademais a necesidade de que o persoal empregado público teña a suficiente competencia dixital para facilitar a relación electrónica coa cidadanía e para contribuír a unha administración máis sustentable e eficiente.

Deste xeito, a presente regulación senta os alicerces para definir un Marco galego de competencias dixitais, para a cidadanía no seu conxunto, e para os empregados públicos en particular. Este Marco galego de competencias dixitais estará aliñado co marco europeo European Digital Competence Framework (DigComp). Na súa definición teranse en conta as condicións específicas para o seu desenvolvemento na Comunidade Autónoma de Galicia.

O desenvolvemento destas competencias para o conxunto dos profesionais do sector público autonómico establecerase adecuando o seu aprofundamento aos contidos, ás funcións e ás responsabilidades do posto de traballo ocupado.

Nesta liña, desde a perspectiva das administracións públicas, a formación profesional continua e a reciclaxe profesional de todo o persoal empregado público constitúen, ademais, unha necesidade imprescindible para conseguir os seus obxectivos permanentes de eficacia e de modernización. Pero, hoxe en día, a súa necesidade é máis imperiosa dada a rápida evolución dos coñecementos e das tecnoloxías da información



e das comunicacións e, con iso, dos requirimentos da administración ao seu persoal empregado. A formación constitúe un factor relevante para incrementar a produtividade de cada persoa empregada pública e da organización no seu conxunto, polo que este é un obxectivo esencial para acadar os niveis de competitividade aos que debe aspirar a nosa administración, no marco da Unión Europea e na dinámica da globalización.

## VII

A regulación da infraestrutura dixital básica ten como obxectivo asegurar a prestación dos servizos públicos mediante o acceso sen discontinuidade e cos niveis adecuados de protección de datos, seguridade e calidade do servizo.

Ademais, no actual contexto de transformación dixital, o persoal empregado público resulta motor clave do cambio. Os espazos de traballo débense transformar para adaptarse a un escenario onde os traballadores e as traballadoras demandan conectividade e acceso a recursos personalizados e contextualizados desde calquera lugar, en calquera momento e desde calquera dispositivo.

Por outra parte, a entrada en vigor do Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos), así como a Lei orgánica 3/2018, do 5 de decembro, de protección de datos persoais e garantía dos dereitos dixitais, e a rápida evolución tecnolóxica e a globalización expuxeron uns novos retos para a protección dos datos persoais. A magnitude da recollida e do intercambio dos datos persoais aumentou de maneira significativa. Estes avances requiren un marco máis sólido e coherente para a protección dos datos garantindo un elevado nivel de seguridade da información e dos datos persoais tratados polo sector público autonómico.

Nesta liña, a Directiva 2016/680 do Parlamento Europeo e do Consello, do 27 de abril de 2016, completa a nova regulación europea en materia de protección de datos delimitada polo Regulamento 2016/679 e a Directiva 2016/681, definindo as garantías e os principios que deben rexer o tratamento, automatizado ou manual, dos datos persoais relativos ás persoas físicas, identificadas ou identificables, cando este se

realice con fins de prevención, investigación, detección ou axuízamento de infraccións penais ou de execución de sancións penais, incluídas a protección e a prevención fronte ás ameazas contra a seguridade pública.

## VIII

Polo que atingue o fundamento competencial, esta lei dítase no exercicio das competencias autonómicas exclusivas en materia de organización das institucións de autogoberno e en materia de procedementos administrativos que deriven do específico dereito galego ou da organización propia dos poderes públicos galegos, así como da competencia autonómica de desenvolvemento lexislativo e execución da lexislación do Estado en materia de réxime xurídico da Administración pública de Galicia, recollidas, respectivamente, no artigo 27, alíneas 1 e 5, e mais no artigo 28.1 do Estatuto de autonomía de Galicia. Xunto a estes títulos competenciais tamén procede invocar, atendidas as previsións en materia de emprego público e de contratación contidas na lei, as competencias autonómicas de desenvolvemento lexislativo e execución da lexislación do Estado en materia de réxime estatutario dos seus funcionarios e en materia de contratos, previstas no artigo 28, alíneas 1 e 2, do Estatuto de autonomía de Galicia.

## IX

Esta lei estrutúrase nun título preliminar e sete títulos, cada un deles dedicado á regulación dos aspectos fundamentais do réxime da administración dixital para a incorporación do potencial das tecnoloxías dixitais no deseño das políticas públicas e na modernización do sector público autonómico, coa finalidade última de impulsar a economía galega.

Así, en primeiro lugar, o título preliminar, «Disposicións xerais», establece o obxecto, o ámbito de aplicación e os fins da lei. Este título preliminar marca aqueles principios xerais de actuación polos cales se deberá rexer a aplicación das previsións desta lei, onde destaca o relativo aos colectivos obrigados para a realización de calquera trámite dun procedemento administrativo ante o sector público autonómico. Esta previsión é adicional respecto daqueles colectivos indicados no artigo 14.2 da Lei 39/2015, do 1 de outubro, do procedemento administrativo común das administracións públicas. Igualmente, recóllese unha previsión sobre o acceso da comunidade galega no exterior aos servizos públicos dixitais. Faise tamén fincapé no desenvolvemento dos servizos



públicos dixitais, nas súas condicións de uso e de acceso, nas previsións relativas á subministración única dos datos por parte da cidadanía, e en aspectos como a igualdade no acceso, o uso da lingua, a importancia da capacitación dixital e a avaliación da prestación dos servizos públicos dixitais.

A continuación, o título I, «Das relacións coa cidadanía», céntrase na regulación dos diversos instrumentos e das canles necesarios para as relacións ad extra. O primeiro dos capítulos define o modelo de sede electrónica da Xunta de Galicia, o seu contido mínimo e o seu réxime de titularidade e responsabilidade. Relacionado coa sede electrónica, o capítulo II, «Carpeta cidadá da Xunta de Galicia», amplía o concepto da actual Carpeta do cidadán para lles facilitar o acceso á cidadanía e ás empresas tanto á información de carácter persoal coma á información e a documentación de carácter administrativo ou de prestación de servizos, así como a manter permanentemente actualizados e vixentes aqueles datos ou a documentación que a persoa interesada poida achegar. É especialmente salientable que a información dispoñible na Carpeta cidadá lle permitirá á administración pública, logo do consentimento da persoa interesada, promover o desenvolvemento dos servizos públicos dixitais en beneficio dos propios cidadáns, os denominados «servizos proactivos», que se adianten ás demandas e ás necesidades dos propios cidadáns, permitindo unha maior información cara ao cidadán relativa aos seus posibles intereses na relación coa administración, así como a redución de trámites ou procedementos, simplificando, en definitiva, a súa relación coa administración pública.

Por outra banda, regúlase o Sistema único de rexistro, integrado polo Rexistro Electrónico Xeral, pola Rede de oficinas de atención á cidadanía e de rexistro e, de existiren, polos rexistros electrónicos das entidades públicas instrumentais. Esta Rede de oficinas de atención á cidadanía e de rexistro realiza as funcións de servizo público para a prestación de información, asistencia ou atención coordinada de acceso aos servizos públicos e nas relacións dixitais da cidadanía e das empresas coas administracións públicas, así como a recepción e a remisión de solicitudes, escritos e comunicacións. Polo tanto, estas oficinas desenvolven, entre outras, as funcións encomendadas na Lei 39/2015, do 1 de outubro, ás oficinas de asistencia en materia de rexistro. Na súa configuración será necesario ter en conta a especial dispersión no medio rural, que abrangue máis do oitenta por cento do territorio de Galicia,

así como a necesaria dotación suficiente de medios humanos e materiais para a atención da rede.

Pola súa parte, as previsións sobre a representación, coa creación do Rexistro Electrónico Xeral de Apoderamentos de Galicia, a identificación e sinatura, a notificación e os medios de pago incorporan no ámbito do sector público autonómico as especificidades destes elementos necesarios para asegurar o funcionamento dunha administración cen por cento dixital.

Os sistemas de identificación e sinatura electrónicos previstos nesta lei adecúanse ao disposto no Regulamento (UE) nº 910/2014 do Parlamento Europeo e do Consello, do 23 de xullo de 2014, relativo á identificación electrónica e aos servizos de confianza para as transaccións electrónicas no mercado interior e pola que se derroga a Directiva 1999/93/CE.

O título II regula o Diario Oficial de Galicia, a través do cal se dá publicidade ás normas, ás resolucións, aos actos administrativos e aos demais documentos e informacións que sexan obxecto de público coñecemento. O eido dixital facilita tamén a accesibilidade e a interoperabilidade dos sistemas que publican información normativa na internet. En consecuencia, esta lei prevé expresamente que no Diario Oficial de Galicia se promoverá a adopción das medidas que faciliten esa interoperabilidade. Neste senso, procede salientar que a Unión Europea promove a adopción dun estándar de identificación e descrición das normas denominado European Law Identifier/Identificador europeo de lexislación (ELI), que ten por obxecto facilitar o acceso, o intercambio e a interconexión da información xurídica publicada nos sistemas de información xurídica nacionais e europeos, para poñer en marcha unha verdadeira rede de información legal, dispoñible como un conxunto de datos abertos e susceptibles de reutilización.

O título III, «Da presenza do sector público autonómico na internet», estrutúrase en catro capítulos que regulan a presenza do sector público autonómico na internet como mecanismo para garantir unha adecuada información institucional, administrativa e de prestación de servizos e potenciar unha imaxe institucional homoxénea no acceso aos contidos e aos servizos ofrecidos polo sector público autonómico na internet. Este título dá continuidade aos criterios de coordinación da presenza na internet establecidos polo Decreto 201/2011, do 13 de outubro, polo que se regula a presenza da Administración xeral e do sector público autonómico de Galicia na internet, regulando a Rede integrada

da presenza na internet (denominación que pasa a ter a actual Rede integrada de portais da Administración xeral e do sector público autonómico de Galicia), na que se incorporan como canles ordinarias de presenza na internet, ademais dos portais e das canles sociais e participativas, as aplicacións de dispositivos de mobilidade, coa previsión, tamén, da posible integración na rede daquelas outras vías de relación que os usos sociais convertan en habituais.

Destaca tamén a previsión sobre a organización da presenza na rede arredor do Portal web institucional da Xunta de Galicia [www.xunta.gal](http://www.xunta.gal), a través do cal se poderá acceder á información institucional corporativa e ao resto das iniciativas de presenza na internet promovidas polo sector público autonómico, incluídos os servizos en mobilidade. Igualmente, e como principal referente da presenza do sector público autonómico na internet, así como unha canle de acceso da cidadanía, o Portal web institucional asumirá as funcións do Punto de acceso xeral electrónico.

O título IV, «Do funcionamento dixital do sector público autonómico», regula aqueles elementos ad intra para o desenvolvemento da súa actividade. Así, o capítulo I, «Inventario da información administrativa», recolle a ordenación dos conxuntos de datos ou catálogos corporativos que con carácter transversal serven para a clasificación da información e a documentación do sector público autonómico, garantindo a interoperabilidade entre os sistemas e entre as administracións.

O capítulo II, «Funcionamento dixital interno», regula tanto os procesos internos de tramitación administrativa coma a emisión de documentos administrativos, as copias ou as comunicacións internas ou con outras administracións, co obxectivo de incrementar a eficiencia e a produtividade a través dun modelo de xestión dixital máis coordinado, integrado e que teña como eixe a perspectiva da cidadanía.

Merecen especial mención as novidades introducidas polo capítulo III sobre a configuración dixital dos procedementos administrativos e dos servizos como un instrumento de normalización e simplificación dos procedementos administrativos e dos servizos públicos dixitais co obxectivo de lograr unha maior interacción coa cidadanía e as empresas.

No capítulo IV, en materia de identificación e sinatura, tendo en conta a regulación básica contida na Lei 40/2015, do 1 de

outubro, de réxime xurídico do sector público, regúlanse os medios de identificación e sinatura que debe empregar o sector público autonómico. Hai que destacar, ademais, a aposta pola modernización dos procedementos administrativos mediante o fomento das actuacións administrativas automatizadas no marco dun procedemento administrativo.

Por outro lado, no capítulo V, «Rexistro do Persoal Funcionario Público Habilitado», créase o rexistro autonómico onde constará o persoal funcionario público habilitado para a expedición de copias auténticas e a realización da identificación e da sinatura electrónicas das persoas interesadas que carezan dos medios electrónicos necesarios. Recóllese, así mesmo, a posibilidade de adhesión voluntaria das administracións públicas de Galicia.

O capítulo VI, «Interoperabilidade dos datos e dos documentos», declara a entidade do sector público autonómico con competencias en desenvolvemento dixital como un nodo de interoperabilidade do sector público autonómico mediante a plataforma de intermediación pasaXe!, que prestará funcionalidades comúns para o intercambio de datos e de documentos entre as administracións públicas galegas e o resto das administracións públicas. Destaca, ademais, a definición do alcance do Mapa de interoperabilidade do sector público autonómico, que permitirá avaliar a demanda de datos e documentos, atendendo á súa criticidade e ás melloras que achegan, o que permitirá priorizar os traballos de incorporación de servizos do nodo de interoperabilidade.

En materia de arquivos, o capítulo VII, «Arquivo electrónico administrativo», estende o alcance do arquivo a todos os expedientes administrativos do sector público autonómico en tramitación e aos finalizados.

O título V, «Dos medios, da seguridade e da continuidade da infraestrutura dixital», regula, no seu capítulo I, a infraestrutura básica necesaria para dar soporte á administración dixital. Neste senso, a infraestrutura básica deberá asegurar a prestación de todos os servizos dixitais a nivel de posto de traballo.

Como punto básico transversal, o capítulo II, «Medios dixitais para o desempeño da actividade», senta os alicerces para o desenvolvemento do posto de traballo dixital e os seus elementos fundamentais. A este respecto, cómpre salientar a regulación dos elementos fundamentais do plan de actuación

para o desenvolvemento do posto de traballo dixital, que permitirá unha mellor adecuación das demandas e das necesidades do persoal empregado público que desenvolve a súa actividade no sector público autonómico.

O capítulo III, «Seguridade da información e protección dos datos», asegura normativamente a protección efectiva da seguridade da información e dos datos persoais conforme as normas previstas no Regulamento (UE) 2016/679 do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE, así como na Lei orgánica 3/2018, do 5 de decembro, de protección de datos persoais e garantía dos dereitos dixitais.

Pola súa parte, o capítulo IV, a respecto do Plan de continuidade dos servizos dixitais, define o alcance dun plan transversal que permita garantir a continuidade dos servizos regulados nesta lei ante incidentes de seguridade. Este plan determinará os requisitos de seguridade, calidade e continuidade, as accións preventivas, correctivas e reactivas e mais o establecemento de responsabilidades que permitan garantir a dispoñibilidade dos servizos dixitais.

O título VI, «Do impulso dixital», busca aproveitar todo o potencial das tecnoloxías da información e a comunicación para a innovación tecnolóxica e o aumento das competencias laborais que requiren máis habilidades dixitais para competir a escala global. Desta forma, o capítulo I, «Marco galego de competencias dixitais», define por primeira vez un proxecto transversal para a cidadanía galega que permitirá acreditar uns coñecementos, unhas capacidades e unhas aptitudes mínimas para contribuír ao desenvolvemento dunha sociedade competente e á mellora das competencias profesionais. A este respecto, cómpre salientar que o Marco galego de competencias dixitais será aplicable na definición das competencias dixitais mínimas do persoal empregado público.

Destaca, así mesmo, a definición da capacitación dixital do persoal empregado público como mecanismo para asegurar unhas competencias dixitais mínimas do persoal empregado público para o exercicio das súas funcións, así como os mecanismos de acreditación dos coñecementos, das capacidades e das aptitudes no ámbito das tecnoloxías da información e a comunicación.

O capítulo III, sobre o fomento da innovación dixital no sector público autonómico, promove a innovación dixital e a mellora dos servizos públicos a través de medidas de impulso do fomento da innovación dixital no sector público autonómico.

O derradeiro dos títulos da lei, o título VII, «Dos órganos e os instrumentos para a coordinación, a cooperación, a colaboración e o seguimento», incorpora os principios de coordinación no sector público autonómico e de cooperación e colaboración necesarios para o exercicio da actividade administrativa, de modo que a cidadanía poida acceder de forma integral á información relativa a unha materia.

Nesta liña, a Comisión de Seguridade e Goberno Electrónico, órgano creado e regulado no Decreto 73/2014, do 12 de xuño, polo que se crean e regulan os órganos colexiados con competencias en materia de seguridade da información e goberno electrónico da Administración xeral e do sector público autonómico de Galicia, supuxo desde a súa creación o establecemento dunha garantía de integración do principio de transversalidade nas actuacións dixitais do sector público autonómico. Ademais, como instrumento de coordinación do sector público autonómico, créase o Catálogo dos sistemas dixitais, que recollerá as aplicacións, os sistemas de información e as infraestruturas tecnolóxicas que se utilizan para o funcionamento dixital interno do sector público autonómico, así como para a prestación de servizos á cidadanía e a relación con outras administracións públicas.

O capítulo II enuncia as atribucións que lles corresponden aos distintos órganos e entidades do sector público autonómico competentes en relación coas materias reguladas nesta lei.

No capítulo III, «Colaboración e cooperación entre administracións públicas», cómpre salientar a creación da Comisión de Cooperación Interadministrativa para o Desenvolvemento Dixital, co obxectivo de impulsar un desenvolvemento cohesionado da administración dixital nas administracións públicas de Galicia e de promover a prestación conxunta de servizos dixitais.

No capítulo IV, ante a necesidade de ter un maior control e de mellorar a avaliación dos servizos públicos, créase o Sistema de indicadores da administración dixital, como un sistema para a medición da evolución e do impacto no desenvolvemento dixital do sector público autonómico.



O último dos capítulos, «Observatorio da Sociedade da Información e a Modernización Tecnolóxica de Galicia», aposta pola potenciación do Observatorio como un órgano asesor dixital para a extensión da modernización tecnolóxica da Comunidade Autónoma de Galicia.

Polo que respecta ás disposicións adicionais, hai que salientar aquelas referidas á continuidade dos servizos das tecnoloxías, a información e a comunicación (TIC) ante calquera indispoñibilidade e os instrumentos de avaliación da calidade na contratación dos servizos TIC en aplicación do principio de eficacia e eficiencia na prestación dos servizos públicos dixitais.

O resto das disposicións incluídas na parte final dedícanse, de xeito fundamental, a recoller as previsións necesarias para un axeitado tránsito á nova regulación, tendo en conta, en especial, que determinadas previsións da Lei 39/2015, do 1 de outubro, aínda non se atopan en vigor consonte o disposto na disposición derradeira sétima da dita lei, na redacción dada polo Real decreto lei 11/2018, do 31 de agosto. Introdúcense, ademais, as seguintes modificacións normativas: unha modificación puntual na Lei 6/2003, do 9 de decembro, de taxas, prezos e exaccións reguladoras da Comunidade Autónoma de Galicia, en relación coas copias auténticas; unha modificación da Lei 16/2010, do 17 de decembro, de organización e funcionamento da Administración xeral e do sector público autonómico de Galicia, en relación co funcionamento dixital dos órganos colexiados, e unha modificación da Lei 7/2014, do 26 de setembro, de arquivos e documentos de Galicia, para un mellor aliñamento do Arquivo electrónico administrativo con esta normativa. Por último, a lei establece o mandato para o seu desenvolvemento regulamentario e a previsión sobre a súa entrada en vigor.

#### **EMENDAS MANTIDAS:**

-Do G.P. En Marea.

Emenda nº89, ao apartado I, de Substitución.

Débase substituír o texto do apartado I polo seguinte:

"I

A intelixencia artificial (IA) transforma o noso mundo, a sociedade e a industria. Ligada a esta está a internet e os seus usos hoxe en día. A cuarta revolución industrial é a da IA ligada á interconexión das administracións coa cidadanía no marco

dunha interacción necesaria para o avance da sociedade, para a creación de postos de traballo, para a garantía e a calidade, a transparencia e o bo funcionamento dos servizos públicos e para unha maior calidade democrática, co control desde o nivel particular ata o máis xeral do uso do erario público en beneficio de toda a sociedade.

A revolución naceu coas redes sociais e estendeuse de forma virulenta entre a xuventude coas plataformas de comunicación instantánea: Whatsapp, Telegram, Snapchat ou Instagram; cos lectores de xornais en liña como o Marca, o Progreso, o Sport ou a Voz de Galicia; con aplicacións como E-park, Wallapop ou Amazon, tendas virtuais e tendas de xogos, xunto con redes sociais (Facebook ou Twitter) que fornecen un mundo virtual e que son referente no día a día das persoas. Porén, isto non significa que teñan que ser un referente para un Proxecto de lei de administración dixital de Galicia.

Os datos en bruto sobre o acceso da poboación á internet hai que lelos baixo o prisma de como se fornecen e o que implican. Que os menores de entre os dez e os quince anos usan a internet para comunicarse é un feito palpable, pero non que contraten a través da administración electrónica. Saben consultar, ler e comunicarse, tarefas básicas en contornos dixitais. Porén, a IA aplicada ás administracións públicas adquire unha dimensión maior.

Para facer un Proxecto de administración dixital hai que ver como usan os principais métodos electrónicos as persoas físicas en particular, as profesionais en xeral e as traballadoras das administracións públicas, no senso de detectar os defectos e as melloras que se poden implementar, así como o traballo cos principais provedores de aplicacións para as administracións públicas, sempre baixo os parámetros do Esquema nacional de seguridade e do Esquema nacional de interoperabilidade, baixo os parámetros de seguridade encomendados ao Centro Criptolóxico Nacional (Real decreto 421/2004, do 12 de marzo, que regula o CCN, artigos 2.1.a e 2.2) contidos na Lei 39/2015 e na Lei 40/2015.

Este esquema nacional de seguridade busca incrementar a confianza na que os sistemas de información prestarán os servizos e custodiarán a información segundo as súas especificacións funcionais, sen interrupcións ou modificacións fóra de control e sen que a información poida chegar ao coñecemento de persoas non autorizadas, e que irá evolucionando segundo o desenvolvemento e a perfección dos servizos e das infraestruturas, segundo a exposición de motivos do Real decreto 3/2010, que regula o Esquema nacional de seguridade no ámbito da administración electrónica.



Só os profesionais que teñen que traballar coas aplicacións como a sinatura electrónica, o papel cero e a administración dixital saben o tempo que leva e o zarangalleiro que é. O uso das tecnoloxías como a encriptación dos dispositivos, a seguridade no tratamento dos datos, as copias de seguridade, os programas antivirus, a loita contra o correo lixo, os programas maliciosos, etc., dan idea das fendas de seguridade que se poden producir e dos compromisos e os recursos que hai que dedicar no cumprimento da normativa de protección de datos.

Porén, unha administración transparente e electrónica é un referente nun país democrático, símbolo do control da cidadanía sobre a administración e sobre o uso do erario público, onde e onde non chegan os recursos e a efectividade de certos programas.

A maior parte da poboación usa as redes sociais como medio de comunicación instantánea e gratuíta (isto é un dicir, xa que se paga a conexión telefónica de datos). Tampouco constitúe un referente no uso das tecnoloxías e das comunicacións a descarga da vida laboral co sistema C<A href="mailto:Cl@ve">I@ve</A>. Son pasos grandes, pero non poden reducir o ámbito da seguridade e do que implica a administración electrónica: as caídas da rede, as fendas de seguridade, a comercialización dos datos da cidadanía por parte de terceiros sen escrúpulos e o uso deles constitúen a intelixencia artificial aplicada ás comunicacións electrónicas coas administracións públicas do presente e do futuro.

A innovación no sector das TIC coas administracións públicas pode xerar complexidades e incertezas e, á súa vez, grandes oportunidades.

Os riscos poden controlarse grazas a fórmulas de dereito flexibles e adaptativas, como unha sorte de dereito innovador, coa incorporación de técnicas como as *sunset clauses* ou de normas experimentais ou *sandbox*, con limitacións temporais. A innovación, tan presente no dereito público europeo, é o froito da consolidación do dereito á boa administración e á boa gobernanza, e as obrigas que del derivan, como son as de transparencia e participación ou de goberno aberto, ademais da mellora regulatoria ou *better or smart regulation*.

Boa mostra delas son as leis estatais 39/2015 e 40/2015, do 1 de outubro, de procedemento administrativo común e do sector público, respectivamente. Porén, falta xestión por facer e falta implementación desta intelixencia artificial no ámbito das comunicacións electrónicas coas administracións coas garantías e coa flexibilidade necesarias. Necesitamos avanzar e experimentar para a procura dunha administración dixital que

se estenda a todo o mundo, pero non impoñer máis burocracia a colectivos que per se non teñen ou non queren participar neste modelo. As administracións teñen que deixar unha canle aberta para estas persoas que, ben por idade ou ben por circunstancias, non desexan comunicarse coas administracións públicas de modo electrónico."

---

-Do G.P. Socialistas de Galicia.  
Emenda nº73, ao apartado V, de Adición.

Débase engadir, ao final da epígrafe V, o seguinte texto:

"Pero neste novo escenario lexislativo e tecnolóxico, o obxectivo de acadar unha administración pública en Galicia avanzada en termos dixitais non pode esquecer a intensa relación administrativa da cidadanía galega coa súa administración máis próxima, o seu concello. Por iso, dentro do marco de competencias que a Comunidade Autónoma ten en materia de administración local, esta lei debe apostar de forma decidida por habilitar os necesarios mecanismos de cooperación, de fomento e de financiamento para que a xestión, non excluínate, de servizos públicos dixitais sexa tamén accesible nas distintas entidades que integran a Administración local de Galicia, coa necesaria colaboración das deputacións provinciais.

Os plans de investimento autonómico para que a cobertura de banda larga e as novas tecnoloxías 5G teñan un suficiente grao de extensión no conxunto da poboación galega constitúen un requirimento básico para unha prestación de servizos públicos dixitais en igualdade de oportunidades. Non asumir este reto supoñería seguir afondando na fenda tecnolóxica que actualmente presenta o noso territorio."

---

-Do G.P. Socialistas de Galicia.  
Emenda nº74, ao apartado VII, de Adición.

Na epígrafe VII débese engadir *in fine*, no primeiro parágrafo, a seguinte frase:

"...promovendo o uso de estándares abertos."

---

-Do G.P. Socialistas de Galicia.  
Emenda nº75, ao apartado IX, de Adición.

No segundo parágrafo da epígrafe IX débese engadir, despois de: "...do procedemento administrativo común das administracións públicas.", o seguinte texto:

"En todo caso, no que se refire ao colectivo das persoas traballadoras autónomas, a lei prevé a súa aplicación obrigatoria de forma progresiva en función das capacidades do sector e co necesario apoio por parte da Xunta de Galicia. No que atinxe o estudantado universitario, deberase coordinar esta obriga coas universidades que integran o Sistema universitario de Galicia."

---

-Do G.P. Socialistas de Galicia.  
Emenda nº76, ao apartado IX, de Adición.

No antepenultimo parágrafo da epígrafe IX, que empeza por: "No capítulo IV, ante a necesidade de ter un maior control" ata "...sector público autonómico.", débese engadir un novo parágrafo, que terá o seguinte contido:

"Na regulación dos órganos de coordinación e de cooperación previstos no título VII fanse as necesarias previsións para garantir unha presenza equilibrada de homes e mulleres. Inclúense tamén neste título medidas de impulso para a incorporación de medios electrónicos na relación da administración coas empresas, especialmente coas pemes."

---

-Do G.P. Socialistas de Galicia.  
Emenda nº77, ao apartado IX, de Adición.

No último parágrafo, despois de: "...Arquivo electrónico administrativo con esta normativa.", débese engadir:  
"En garantía dos dereitos, tamén dixitais, da cidadanía, encoméndaselle ao Valedor do Pobo, como comisionado de Transparencia previsto na Lei 1/2016, do 18 de xaneiro, de transparencia e bo goberno, a facultade de velar pola efectividade dos dereitos recoñecidos por esta lei en materia de utilización dos medios dixitais no sector público autonómico de Galicia..."

---

-Do G.P. Socialistas de Galicia.  
Emenda nº72, ao apartado IX., de Adición.

No segundo parágrafo da epígrafe IX débese engadir *in fine* o seguinte texto:

"Este texto preliminar establece o necesario catálogo de dereitos da cidadanía nas súas relacións dixitais co sector público autonómico de Galicia e garante unha referencia



específica en garantía da inclusión dixital das persoas con discapacidade intelectual."

---



Reunión do Pleno do Parlamento  
Día: 09.07.2019 Hora: 10:00  
Orde do día

2. Comparecencia



**Reunión do Pleno do Parlamento**

**Día: 09.07.2019**

**Hora: 10:00**

**Orde do día**

2.1 52101(10/PPP-000105)

Dirección Xeral de Relacións Institucionais e Parlamentarias  
do Sra. conselleira do Mar, por petición propia, para dar  
conta do impacto das estratexias de desenvolvemento local  
participativo dos GALPs nas zonas pesqueiras de Galicia



**XUNTA DE GALICIA**

VICEPRESIDENCIA E CONSELLERÍA DE PRESIDENCIA  
ADMINISTRACIÓNS PÚBLICAS E XUSTIZA  
Dirección Xeral de Relacións Institucionais  
e Parlamentarias

REGISTRO XERAL ENTRADA

- 1 XULL. 2019

Núm. 52101

galicia

VICEPRESIDENCIA E CONSELLERÍA DE PRESIDENCIA  
ADMINISTRACIÓNS PÚBLICAS E XUSTIZA  
DIRECCIÓN XERAL DE RELACIONS INSTITUCIONAIS E PARLAMENTARIAS

- 1 XULL. 2019

SAIDA

Num. 144

Solicítolle, consonte o disposto no artigo 144 do Regulamento da Cámara, a comparecencia a petición propia -ante o Pleno- da conselleira do Mar para dar conta “do impacto das estratexias de desenvolvemento local participativo dos GALPs nas zonas pesqueiras de Galicia.”

Santiago de Compostela,

A directora xeral de Relacións Institucionais e Parlamentarias  
(ASINADO DIXITALMENTE)

Sr. presidente do Parlamento de Galicia



Xacobeo 2021

Asinado por: GARCIA-SERORBAN ALVAREZ, BLANCA  
Cargo: Directora Xeral  
Data e hora: 01/07/2019 11:11:19

CVE: it1g1aub0  
Verificación: <https://sede.xunta.gal/cve>



Reunión do Pleno do Parlamento  
Día: 09.07.2019 Hora: 10:00  
Orde do día

3. Mocións

**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

3.1      52050(10/MOC-000152)

Grupo Parlamentario dos Socialistas de Galicia

Torrado Quintela, Julio

Sobre a posición do Parlamento de Galicia e a actuación que debe levar a cabo o Goberno galego en materia de atención á saúde da muller (moción a consecuencia da Interpelación nº 45948, publicada no BOPG nº 434, do 20.2.2019, e debatida na sesión plenaria do 25.6.2019)



## Á Mesa do Parlamento

O **Grupo Parlamentario dos Socialistas de Galicia**, por iniciativa do seu deputado **Julio Torrado Quintela**, a través do seu portavoz e ao abeiro do disposto no artigo 151.2 do Regulamento da Cámara, presenta a seguinte **moción** para substanciar a Interpelación debatida na Sesión plenaria celebrada os días 25 e 26 de xuño de 2019, sobre a política do Goberno galego en relación coa atención á saúde da muller (10/INT-001520, doc. núm. 45948)

### Moción

1) O Parlamento de Galicia manifesta o seu apoio inequívoco á Lei orgánica 2/2010, do 3 de marzo, de saúde sexual e reprodutiva e de interrupción voluntaria do embarazo.

2) O Parlamento galego insta a Xunta de Galicia a desenvolver as accións necesarias para garantir o pleno cumprimento da Lei orgánica 2/2010, do 3 de marzo, de saúde sexual e reprodutiva e de interrupción voluntaria do embarazo, tendo en conta a necesaria dotación de medios materiais e humanos que fosen necesarios.

Pazo do Parlamento, 28 de xuño de 2019

Asdo.: Julio Torrado Quintela  
Deputado do G.P. dos Socialistas de Galicia

Asdo.: Xoaquín Fernández Leiceaga  
Portavoz do G.P. dos Socialistas de Galicia

### Asinado dixitalmente por:

**Julio Torrado Quintela na data 28/06/2019 12:09:58**

**Xoaquín María Fernández Leiceaga na data 28/06/2019 12:10:10**

CSM-REXISTRODOWUN64JMU9  
Verificación:  
<https://sede.parlamentodegalicia.gal/tramites/csv/>



Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tif: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)

**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

3.2      52051(10/MOC-000153)

Grupo Parlamentario dos Socialistas de Galicia

Burgo López, María de la Concepción

Sobre a apertura por parte do Goberno galego dunha mesa de diálogo cos representantes do sector das artes escénicas para tratar e solucionar os problemas do Centro Dramático Galego (moción a consecuencia da Interpelación nº 48741, publicada no BOPG nº 458, do 09.4.2019, e debatida na sesión plenaria do 25.6.2019)



## Á Mesa do Parlamento

O **Grupo Parlamentario dos Socialistas de Galicia**, por iniciativa da súa deputada Concepción Burgo López e a través do seu portavoz, ao abeiro do disposto no artigo 151.2 do Regulamento da Cámara, presenta ante esa Mesa a seguinte **Moción** para substanciar a Interpelación debatida na sesión plenaria celebrada o día 25 de xuño de 2019., sobre a política do Goberno galego en relación co sector das artes escénicas (10/INT- 001623, doc. núm.48741).

### Moción

“O Parlamento de Galicia insta a Xunta de Galicia a poñer en marcha, ca maior celeridade posible, unha mesa de diálogo cos representantes das artes escénicas co obxectivo de tratar os problemas que presenta o Centro Dramático Galego e buscar as solucións precisas.

Nesta mesa de diálogo serán tratados, cando menos, os temas seguintes:

- Estrutura xurídica do Centro Dramático Galego.
- Orzamentos do Centro Dramático Galego.
- Relacións cas compañías privadas (coproducións e residencias).
- Consolidación do Consello Asesor.
- Distribucións da producións do Centro Dramático Galego.
- Aumento de producións propias e incremento da contratación de interpretes.
- Procesos de selección de elencos.

Pazo do Parlamento, 28 de xullo de 2019

Asdo.: Concepción Burgo López  
Deputada do G.P. dos Socialistas de Galicia  
Asdo.: Xoaquín Fernández Leiceaga  
Portavoz do G.P. dos Social

**Asinado dixitalmente por:**

**Maria de la Concepción Burgo López na data 28/06/2019 11:54:09**

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es

CSM-REXISTRO/pj/y07/uxE0  
Verificación:  
<https://sede.parlamentodegalicia.gal/tramites/csv/>





**PARLAMENTO DE GALICIA**  
**REGISTRO XERAL ENTRADA**  
**Data asento: 28/06/2019 12:19:07**  
**Nº Registro: 52051**  
Data envío: 28/06/2019 12:19:07.960

**Xoaquín María Fernández Leiceaga na data 28/06/2019 11:57:04**

CSX REGISTRO 199c7w60  
Verificado  
<https://seccr.parlamentodegalicia.gal/tramites/cav/>



Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)



**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

3.3      52057(10/MOC-000154)

Grupo Parlamentario de En Marea

Quinteiro Araújo, Paula

Sobre as actuacións que debe levar a cabo o Goberno galego en materia de igualdade de trato e de non-discriminación de lesbianas, gais, transexuais, bisexuais e intersexuais (moción a consecuencia da Interpelación nº 50774, publicada no BOPG nº 486, do 12.6.2019, e debatida na sesión plenaria do 25.6.2019)

## Á MESA DO PARLAMENTO

O Grupo Parlamentario de En Marea por iniciativa da súa deputada **Paula Quinteiro Araujo** ao abeiro do disposto no artigo 151.2 do Regulamento da Cámara, presenta a seguinte **Moción** para substanciar a Interpelación **50774 (10/INT-001694)** debatida na sesión plenaria do 25 de xuño de 2019, sobre a política do Goberno galego en relación coa igualdade de trato e a non discriminación de lesbianas, gais, transexuais, bisexuais e intersexuais.

### MOCIÓN:

“O Parlamento galego insta á Xunta de Galicia a adoptar as seguintes medidas:

1. Impulsar antes de que remate a lexislatura unha Lei de identidade de xénero atendendo ás propostas e reivindicacións do tecido asociativo, abrindo unha mesa de diálogo con estes para dita elaboración.
2. Realizar unha avaliación do incumprimento da Lei 2/2014 pola igualdade de trato e non discriminación de lesbianas, gais, transexuais, bisexuais e intersexuais, e desenrolala para que se garantice o cumprimento de todos os seus artigos.
3. Reformular o Observatorio pola igualdade de trato e non discriminación de lesbianas, gais, transexuais, bisexuais e intersexuais para incorporar as achegas dos colectivos sociais e do tecido asociativo, co fin de que este sexa verdadeiramente útil e non un órgano con representación maioritaria da propia Xunta de Galicia.
4. Impulsar unha rede de recursos de información e apoio ás persoas LGTBI, modificando o decreto 130/2016 do 15 de Setembro, polo que se





establecen os requisitos e o procedemento para o recoñecemento e acreditación dos centros de información á muller de titularidade das entidades locais de Galicia, así como para a modificación e extinción do seu recoñecemento, para que non teña que darse a atención nestes e se leve a cabo de maneira específica.

5. Avaliar o grao de implantación do protocolo educativo para garantir a igualdade, a non discriminación e a liberdade de identidade de xénero, e levar adiante medidas para o seu coñecemento, garantindo a súa aplicación co conxunto dos centros educativos.

6. Facilitar o acceso a procedementos de recoñecemento legal de cambio de xénero, así como aos tratamentos que soliciten as persoas transxénero, eliminando a tutela e a aleatoriedade que existe na actualidade.”

Santiago de Compostela, 28 de xuño de 2019.

Asdo.: Paula Quinteiro Araujo

Deputada do G.P. de En Marea

Antón Sánchez García

Voceiro S. do G.P. de En Marea.

**Asinado dixitalmente por:**

**Paula Quinteiro Araújo na data 28/06/2019 13:19:33**



CSV: REXISTRO6PwGKRUmIS

Verificado

https://seecta.parlamentodegalicia.gal/tramites/csv/



**PARLAMENTO DE GALICIA**  
**REGISTRO XERAL ENTRADA**  
**Data asento: 28/06/2019 13:21:03**  
**Nº Registro: 52057**  
Data envío: 28/06/2019 13:21:03.392



**Antón Sánchez García na data 28/06/2019 13:20:08**

CSX, EXISTE FROBFWGKRUWIS  
Verificado  
<https://seceda.parlamentodegalicia.gal/tramites/csx/>



Reunión do Pleno do Parlamento  
Día: 09.07.2019 Hora: 10:00  
Orde do día

4. Proposicións non de lei

**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

4.1      44961(10/PNP-003369)

Grupo Parlamentario do Bloque Nacionalista Galego

Rodil Fernández, Olalla e 5 máis

Sobre a demanda polo Goberno galego ao Goberno central da transferencia á Xunta de Galicia das competencias en materia de xestión das bolsas de axuda ao estudo, así como dos recursos económicos correspondentes

*Publicación da iniciativa, 427, 06.02.2019*



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 30/01/2019 16:54:05  
**Nº Rexistro: 44961**  
Data envío: 30/01/2019 16:54:05.025

## Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Olalla Rodil Fernández, Montserrat Prado Cores, Ana Pontón Mondelo, Xosé Luis Rivas Cruz, Luis Bará Torres e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**, sobre as medidas que debe levar a cabo a Xunta de Galiza para a transferencia ao noso país das competencias para a xestión das bolsas de axuda ao estudo.

### EXPOSICIÓN DE MOTIVOS

Recentemente, o Parlamento ten aprobado –a instancias da iniciativa presentada polo Grupo parlamentario do BNG-- un acordo unánime referido ás demandas que debe realizar a Xunta de Galiza ao Goberno español co obxectivo de ampliar o marco competencial do noso país.

De maneira literal, o acordo di o seguinte:

"O Parlamento de Galicia insta a Xunta de Galiza a demandar do Goberno do Estado a convocatoria da Comisión Mixta de transferencias, co obxecto de levar adiante todas aquelas transferencias xa reclamadas, así como aquelas novas que o Goberno galego considere convenientes contemplando todas aquelas que xa foron transferidas ou se están negociando con outras Comunidades Autónomas."

CSM-REXISTRO-XRLX7ibwhf-5  
Verificación:  
<https://sede.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 30/01/2019 16:54:05**  
**Nº Rexistro: 44961**  
Data envío: 30/01/2019 16:54:05.025

No ámbito educativo o noso país non conta, até o de agora, coa competencia xestora das bolsas de axuda ao estudo que está a ser exercida polo Ministerio de Educación. Non acontece así en Catalunya a cuxo Govern lle foi transferida.

Cómpre lembrar que o artigo 31 do Estatuto de Galiza (1981) dispón que “é da competencia plena da Comunidade Autónoma galega o regulamento e administración do ensino en toda a súa extensión, niveis e graos, modalidades e especialidades, no ámbito das súas competencias, sen prexuízo do disposto no artigo 27 da Constitución e nas leis orgánicas que, conforme o apartado primeiro do artigo 81 daquela, o desenvolvan, das facultades que lle atribúe ao Estado o número 30 do apartado 1 do artigo 149 da Constitución e da alta inspección precisa para o seu cumprimento e garantía”

Galiza non só é competente e ten capacidade plena para xestionar calquera cuestión que afecte ás nosas vidas, neste caso, as bolsas de axuda ao estudo en todos os niveis, graos, modalidades e especialidades educativas, senón que a transferencia permitiría mellorar este investimento e garantir que se axusten á realidade e situación concreta da nosa poboación e noso territorio.

Así pois, de acordo co acontecido xa en Catalunya, a Xunta de Galiza debe reclamar esta competencia xunto cos recursos económicos necesarios.

Por todo o exposto, o Grupo Parlamentar do BNG presenta a seguinte proposición non de lei para debate en Pleno:

CSX4 REXISTRO-XRLX7IbwH-5  
Verificado  
<https://seecta.parlamentodegalicia.gal/tramites/csv/>







BLOQUE  
NACIONALISTA  
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 30/01/2019 16:54:05**  
**Nº Registro: 44961**  
Data envío: 30/01/2019 16:54:05.025

“O Parlamento insta a Xunta de Galiza a reclamar ao Goberno do Estado a transferencia das competencias correspondentes á xestión das bolsas de axuda ao estudo así como os recursos económicos correspondentes a elas.”

Santiago de Compostela, 30 de xaneiro de 2019

Asdo.: **Olalla Rodil Fernández**

**Luis Bará Torres**

**Montserrat Prado Cores**

**Noa Presas Bergantiños**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG

**Asinado dixitalmente por:**

**Olalla Rodil Fernández na data 30/01/2019 16:49:11**

**María Montserrat Prado Cores na data 30/01/2019 16:49:17**

**Ana Pontón Mondelo na data 30/01/2019 16:49:18**

CSV REGISTRO-XRLX7IbwH-5  
Verificado  
<https://seecta.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 30/01/2019 16:54:05**  
**Nº Registro: 44961**  
Data envío: 30/01/2019 16:54:05.025

**Xose Luis Rivas Cruz na data 30/01/2019 16:49:19**

**Noa Presas Bergantiños na data 30/01/2019 16:49:21**

**Xosé Luis Bará Torres na data 30/01/2019 16:49:23**

CSX: REGISTRO-XRLX7IbwH-5  
Verificado  
<https://seecta.parlamentodegalicia.gal/tramites/csx/>



**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

4.2      49349(10/PNP-003739)

Grupo Parlamentario Popular de Galicia

Tellado Filgueira, Miguel Ángel e 8 máis

Sobre a demanda do Goberno galego ao Goberno central da programación da carga de traballo necesaria para os estaleiros de Navantia en Ferrol

*Publicación da iniciativa, 470, 30.04.2019*

### Á Mesa do Parlamento

O Grupo Parlamentario Popular de Galicia, a través do seu **Portavoz**, e por iniciativa dos deputados e deputadas, **Miguel Tellado Filgueira, José Manuel Rey Varela, Diego Calvo Pouso, Marta Novoa Iglesias, Moisés Blanco Paradelo, Moisés Rodríguez Pérez, Cristina Romero Fernández, María Antón Vilasánchez e Sandra Vázquez Domínguez**, ao abeiro do disposto no artigo 160 e concordantes do Regulamento da Cámara, presenta ante esa Mesa, a seguinte **proposición non de lei para o seu debate en Pleno**.

#### Exposición de motivos:

Navantia ten que ofrecer alternativas aos seus estaleiros de Ferrol-Fene para garantir carga de traballo a curto e medio prazo. Sen embargo, a realidade é que o contrato das fragatas F-110 xa se puido desbloquear hai dez meses polo actual Goberno do Estado, en lugar de agardar a un mes das eleccións, e que hai escasos días a empresa pública estatal adoptou a decisión de desviar a Cádiz traballo que estaba programado para Fene en relación co último pedido de eólica mariña.

Esta situación ten sido denunciada polo comité de empresa de Navantia Ferrol, advertindo que a partir do vindeiro ano e ata 2022, no que comece o corte de chapa para as fragatas F-110, haberá un bienio sen ocupación, que tamén afectará ás industrias auxiliares que traballan na factoría.

Desde o Grupo Parlamentario Popular de Galicia entendemos que o Goberno do Estado ten que traballar para garantir o presente e o futuro de Navantia na comarca de Ferrolterra, un compromiso que pasa necesariamente por unha mellor planificación da



carga de traballo, pola busca de novos pedidos, pola diversificación de produtos e mercados, e polo emprego de novas tecnoloxías.

De aí a importancia de que o Goberno comprometa os orzamentos precisos para a posta en marcha do Estaleiro 4.0, pero tamén de que leve a cabo novos proxectos que eviten a paralización dunha actividade estratéxica para Ferrol e a súa área de influencia, como podería ser a construción dun novo AOR para a Armada Española.

Por todo iso, o Grupo Parlamentario Popular, presenta a seguinte proposición non de lei en Pleno:

“O Parlamento de Galicia insta á Xunta de Galicia a dirixirse ao Goberno de España para solicitarlle a programación inmediata de carga de traballo suficiente para os estaleiros de Navantia en Ferrol”.

Santiago de Compostela, 23 de abril de 2019

**Asinado dixitalmente por:**

**Pedro Puy Fraga na data 23/04/2019 13:37:07**

**Miguel Ángel Tellado Filgueira na data 23/04/2019 13:37:18**

**José Manuel Rey Varela na data 23/04/2019 13:37:26**

**Diego Calvo Pouso na data 23/04/2019 13:37:36**

**Marta Novoa Iglesias na data 23/04/2019 13:37:44**

**Moisés Blanco Paradelo na data 23/04/2019 13:37:51**



Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)



GRUPO PARLAMENTARIO  
POPULAR DE GALICIA



PARLAMENTO DE GALICIA  
REGISTRO XERAL ENTRADA  
Data asento: 23/04/2019 13:39:20  
**Nº Rexistro: 49349**  
Data envío: 23/04/2019 13:39:20.784

**Moisés Rodríguez Pérez na data 23/04/2019 13:37:58**

**Cristina Isabel Romero Fernández na data 23/04/2019 13:38:07**

**Maria Antón Vilasánchez na data 23/04/2019 13:38:13**

**Sandra Vázquez Domínguez na data 23/04/2019 13:38:20**

CSV, EXIST FROM 13e00BB9  
Verificación  
<https://seecta.parlamentodegalicia.gal/tramites/csv/>



Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)

**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

4.3      50000(10/PNP-003788)

Grupo Parlamentario do Bloque Nacionalista Galego

Prado Cores, María Montserrat e 5 máis

Sobre as actuacións que debe levar a cabo o Goberno galego en relación co pechamento de camas durante os meses de verán nos centros hospitalarios do Sergas e coa derivación de doentes á sanidade privada

*Publicación da iniciativa, 479, 22.05.2019*



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 16/05/2019 17:50:39  
**Nº Rexistro: 50000**  
Data envío: 16/05/2019 17:50:39.395

## Á Mesa do Parlamento

O Grupo Parlamentar do Bloque Nacionalista Galego (BNG), a iniciativa das deputadas e deputados **Montserrat Prado Cores, Ana Pontón Mondelo, Olalla Rodil Fernández, Xosé Luis Rivas Cruz, Luis Bará Torres e Noa Presas Bergantiños**, ao abeiro do disposto no Regulamento da Cámara, presenta a seguinte **Proposición non de lei para o seu debate en Pleno**, relativa ao peche de camas hospitalarias durante os meses de verán.

### EXPOSICIÓN DE MOTIVOS

Estamos ás portas do verán e asistimos de novo ao anuncio do peche de camas por parte do Sergas. Vemos polo tanto como a Xunta do Partido Popular persiste na súa política de peche de camas nos centros hospitalarios da rede pública de Galiza durante os meses de verán

O peche de camas ten moi graves consecuencias tanto no eido asistencial como no eido laboral.

No eido asistencial esta decisión significar unha maior dificultade ao acceso ás prestacións sanitarias por parte da poboación galega, aumento das listas de espera, saturación dos servizos de urxencias e unha moi importante repercusión na presión sobre @s profesionais sanitari@s para reducir o número de ingresos e rebaixar as estancias hospitalarias así como no emprego do sector sanitario. A conclusión final será máis derivacións de doentes a centros hospitalarios privados e aumento das xa abultadas listas de espera.

CSM-REXISTRO/C6f6bbdJ9  
Verificación:  
<https://sede.parlamentodegalicia.gal/tramites/csv/>







BLOQUE  
NACIONALISTA  
GALEGU

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 16/05/2019 17:50:39**  
**Nº Rexistro: 50000**  
Data envío: 16/05/2019 17:50:39.396

No eido laboral vai significar o aumento do desemprego do persoal sanitario, porque estas camas pechadas inciden tamén no desmantelamento do emprego público, impedindo o acceso ao emprego d@s miles de traballador@s que están inscritos nas listas de contratación.

Máis unha vez a Consellaría de Sanidade prioriza os recortes na vez das necesidades de asistencia sanitaria d@s galeg@s, a precarización fronte á calidade asistencial.

O Bloque Nacionalista Galego considera indecente realizar o peche de camas cando hai miles de galegos e galegas en listas de espera, miles de profesionais nas listas de contratación, e cando se privatizan continuamente servizos e se derivan sistematicamente doentes á sanidade privada.

Por estas razóns, o Grupo Parlamentar do Bloque Nacionalista Galego presenta a seguinte proposición non de lei para o seu debate en Pleno:

“O Parlamento de Galiza insta ao Goberno galego a non pechar unidades de hospitalización, e a realizar as contratacións e substitucións precisas de persoal para non proceder ao peche de camas nos centros hospitalarios do Sergas.

Ter operativos todos os recursos dos que dispón o Sergas, camas, quirófanos...e non realizar ningunha derivación de doentes á sanidade privada mentres existan recursos dispoñíbeis, susceptíbeis de ser usados nos centros públicos.

Rematar de inmediato coa práctica de sacar da lista de espera estrutural aos doentes que rexeiten ser derivados a centros privados ou a outros centros hospitalarios

CSX4 REXISTROCGfbbD.D.9  
Verificado  
<https://seecta.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 16/05/2019 17:50:39**  
**Nº Registro: 50000**  
Data envío: 16/05/2019 17:50:39.396

diferentes ao seu de referencia para ser atendidos das súas patoloxías, ou non ter aceptado unha data para ser atendid@s, por ser incompatíbel con outras obrigas.

Restituír ás listas de espera estruturais a tod@s @s doentes eliminad@s das mesmas por non aceptar ser derivados a centros privados, a outros centros hospitalarios diferentes ao seu de referencia, ou non ter aceptado unha data para ser atendid@s, por ser incompatíbel con outras obrigas.

Presentar no Parlamento galego, no prazo máximo de dous meses, un informe coas derivacións realizadas polo Sergas á centros privados nos últimos cinco anos, desglosadas as mesmas por centro hospitalario e por especialidades, tanto cirúrxicas como de probas diagnósticas.”

Santiago de Compostela, 16 de maio de 2019

Asdo.: **Montserrat Prado Cores**

**Luis Bará Torres**

**Noa Presas Bergantiños**

**Olalla Rodil Fernández**

**Xosé Luis Rivas Cruz**

Deputadas e deputados do G.P. do BNG

**Ana Pontón Mondelo**

Portavoz do G.P. do BNG

CSX4 REGISTROCGfbbdDj9  
Verificado  
<https://seecta.parlamentodegalicia.gal/tramites/csx/>





BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 16/05/2019 17:50:39**  
**Nº Registro: 50000**  
Data envío: 16/05/2019 17:50:39.396

**Asinado dixitalmente por:**

**María Montserrat Prado Cores na data 16/05/2019 17:40:38**

**Ana Pontón Mondelo na data 16/05/2019 17:40:43**

**Xose Luis Rivas Cruz na data 16/05/2019 17:40:44**

**Olalla Rodil Fernández na data 16/05/2019 17:40:46**

**Noa Presas Bergantiños na data 16/05/2019 17:40:47**

**Xosé Luis Bará Torres na data 16/05/2019 17:40:48**



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

4.4      51389(10/PNP-003849)

Grupo Parlamentario dos Socialistas de Galicia

Pierres López, María Luisa e 3 máis

Sobre as actuacións que debe levar a cabo o Goberno galego en relación coa atención das consultas referidas á tramitación de proxectos e cos tempos de tramitación dos expedientes nos servizos provinciais de Patrimonio Cultural

*Publicación da iniciativa, 489, 19.06.2019*



## Á Mesa do Parlamento

O **Grupo Parlamentario dos Socialistas de Galicia**, por iniciativa das súas deputadas e dos seus deputados **María Luisa Pierres López, Luís Manuel Álvarez Martínez, Concepción Burgo López e Patricia Vilán Lorenzo**, a través do seu portavoz e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Pleno**.

### Exposición de motivos

A recentemente aprobada Lei 1/2019, do 22 abril, de rehabilitación e de rexeneración e renovación urbanas de Galicia, marca entre as súas prioridades a de mellorar a axilización e xestión dos expedientes que forman parte do patrimonio cultural galego.

Chama a atención que precisamente sexa a propia Xunta de Galicia a que tolere que un Servizo Provincial de Patrimonio, en concreto o da provincia de Pontevedra, veña a restrinxir as consultas das persoas promotoras, técnicas ou representantes de institucións que queiran xestionar un expediente afectado por Patrimonio no propio servizo.

Neste momento toda consulta dirixida a este Servizo Provincial en Pontevedra ten que facerse por escrito, segundo unha instancia restrinxida a un folio, que limita a capacidade da consulta, e máxime cando estamos a falar de expedientes no que moitas veces a dúbida debe ser acompañada de imaxes ou documentos que ilustren a consulta.

Consultas que o que pretenden maiormente é dirixir mellor e de forma máis efectiva a redacción dos proxectos e propostas de rehabilitación que se presentan neste servizo, e evitar as demoras que supoñen os informes negativos e comunicación de subsanación de deficiencias, que poden supoñer meses ou incluso anos de incremento nas tramitacións.

Non parece razoable que se dificulte deste modo a xestión e correcta información, e que se faga ademais nun dos catro servizos provinciais, cunha clara





**PARLAMENTO DE GALICIA**  
**REXISTRO XERAL ENTRADA**  
**Data asento: 12/06/2019 12:59:25**  
**Nº Rexistro: 51389**  
Data envío: 12/06/2019 12:59:25.532

discriminación no trato dos pontevedreses e pontevedresas neste caso e respecto ó resto dos galegos e galegas.

O problema deste Servizo Provincial de Patrimonio Cultural de Pontevedra vén de lonxe, acumulando diferentes problemas no tempo, especialmente de medios e recursos e de tempos de tramitación que se alongan incluso anos no tempo. A aprobación da recente lei, que ven a descargar, aparentemente de carga de traballo a estes servizos, deba supoñer a mellora de todos os servizos, e polo tanto tamén o da atención, algo que neste caso pontevedrés non se está a dar.

Na práctica os servizos provinciais de Lugo, Ourense e A Coruña si están atendendo tanto presencial como incluso telefonicamente as dúbidas das persoas promotoras, técnicas e representantes das institucións, algo que permite que se resolvan dúbidas que en moitos casos vai a determinar a presentación de proxectos que conlevan moita documentación e polo tanto tamén custos. Axilízalos no posible e facilitar a mellor das informacións deba ser unha obriga inescusable para unha administración que deba velar por facilitar a protección, rehabilitación e reconstrución do patrimonio cultural e non tanto dificultalo poñendo máis trabas administrativas.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Pleno:

O Parlamento galego insta a Xunta de Galicia a que no prazo máximo de dous meses se adopten as medidas necesarias para que en todos os Servizos Provinciais de Patrimonio Cultural dependentes da Consellería de Cultura, Educación e Ordenación Universitaria se asegure:

- A atención e resolución de dúbidas das persoas promotoras, técnicas ou representantes institucionais, tanto presencial como telefonicamente, co fin de favorecer a transparencia, axilización e efectividade dos proxectos tramitados no servizo.



Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tif: 981 551 530 · gp-socialista@parlamentodegalicia.es



**PARLAMENTO DE GALICIA**  
**REGISTRO XERAL ENTRADA**  
**Data asento: 12/06/2019 12:59:25**  
**Nº Registro: 51389**  
Data envío: 12/06/2019 12:59:25.532

- A dotación de medios e recursos humanos suficientes en cada un dos servizos provinciais que permitan a correcta atención así como a mellora e equiparación dos tempos de tramitación dos expedientes.

Pazo do Parlamento, 11 de xuño de 2019

Asdo.: María Luisa Pierres López  
Luís Manuel Álvarez Martínez  
Concepción Burgo López  
Patricia Vilán Lorenzo

Deputadas e deputado do G.P. dos Socialistas de Galicia

Asdo.: Xoaquín Fernández Leiceaga  
Portavoz do G.P. dos Socialistas de Galicia


**Asinado dixitalmente por:**

**María Luisa Pierres López na data 12/06/2019 12:53:24**

**Luis Manuel Álvarez Martínez na data 12/06/2019 12:53:36**

**Maria de la Concepción Burgo López na data 12/06/2019 12:53:47**

**Patricia Vilán Lorenzo na data 12/06/2019 12:54:02**



Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es



**PARLAMENTO DE GALICIA**  
**REGISTRO XERAL ENTRADA**  
**Data asento: 12/06/2019 12:59:25**  
**Nº Registro: 51389**  
Data envío: 12/06/2019 12:59:25.532

**Xoaquín María Fernández Leiceaga na data 12/06/2019 12:54:12**

CSV REGISTRO: jnyngx48  
Validado  
<https://seccr.parlamentodegalicia.gal/tramites/csv/>



Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

4.5      51406(10/PNP-003850)

Grupo Parlamentario de En Marea

Torregrosa Sañudo, Julia e 2 máis

Sobre a demanda que debe realizar o Goberno galego ao Goberno central en relación co prezo do alugamento da vivenda

*Publicación da iniciativa, 489, 19.06.2019*

## Á MESA DO PARLAMENTO

O Grupo Parlamentar de **En Marea**, por iniciativa da súa deputada **Julia Torregrosa Sañudo** e dos seus deputados **Marcos Cal Ogando** e **Antón Sánchez García**, ao abeiro do disposto no artigo 160 do Regulamento da Cámara, presenta a seguinte **Proposición non de lei para o seu debate en Pleno**.

### Exposición de motivos

Fai tempo que vimos lamentando o incremento abusivo dos alugueres. Os datos que manexa o Observatorio da Vivenda da Xunta –elaborados a partir de case 30.000 contratos de vivenda– son arrepiantes. Dende o ano 2016 o importe mensual medio dos contratos creceu un 31% na Coruña, un 27% en Vigo, un 15,3% en Santiago e un 21,5% en Pontevedra. Así, non é de estrañar que moitas familias teñan que renunciar a servizos básicos, como a calefacción en inverno ou unha dieta saudable, para facer fronte ao aumento dos pagos da vivenda.

A subida dos prezos afecta principalmente aos menores de 35 anos, que en moitos casos non contan con recursos suficientes nin para adquirir unha vivenda nin para pagar os alugueres.

Segundo os datos que publica trimestralmente o Ministerio de Fomento, os prezos dos inmobles que están á venda tamén se están incrementando notablemente. Levan xa catro anos de ascenso continuado.

Na cidade da Coruña, o prezo medio do metro cadrado é de máis de 1.600 euros. Durante o último ano, experimentou un ascenso do 6%, ao igual que outras cidades do eixo atlántico como Compostela, Vigo e Oleiros. En Compostela, o





prezo do metro cadrado achégase tamén aos 1.600; Vigo está preto dos 1.500 e Oleiros supera os 1.300.

As dúas localidades que sufriron unha maior subida do prezo son Ourense (13%) e Culleredo (11%), cuxos prezos superan os 1.200 euros por metro cadrado.

A situación é aínda máis preocupante se o que temos en conta son os prezos da vivenda nova. O prezo da vivenda nova na cidade da Coruña subiu un 8,5% e na cidade de Vigo un 16,5%.

Portugal tamén experimentou nos últimos anos un alarmante incremento do prezo dos alugueres, pero, a diferenza do que acontece no noso país, o seu Goberno decidiu adoptar medidas ao respecto. A partir do 1 de xullo, no país veciño entrará en vigor unha nova normativa que limitará os arrendamentos, impondo topes en función da zona do país e do tamaño do inmovible. Con esta medida, o custe dun aluguer en Portugal será a metade do custe dun aluguer en Galicia.

En España, Podemos tentou que se limitase o prezo dos alugueres, sobre todo naquelas zonas que sofren unha maior tensión por mor do turismo, pero a medida foi desestimada polo anterior Goberno do Estado. Cómpre que o novo Goberno central reconsidere a cuestión e adopte inmediatamente medidas para garantir o dereito constitucional á vivenda.

Por todo o dito, o Grupo Parlamentar de En Marea presenta a seguinte Proposición non de lei:





**PARLAMENTO DE GALICIA**  
**REGISTRO XERAL ENTRADA**  
**Data asento: 12/06/2019 16:51:49**  
**Nº Rexistro: 51406**  
Data envío: 12/06/2019 16:51:49.694



O Parlamento galego insta a Xunta de Galicia a solicitar ao Goberno do Estado que limite o prezo dos alugueres atendendo ás características da zona e ás propiedades dos inmobles.

Santiago de Compostela, 12 de xuño de 2019.

Asdo.: Julia Torregrosa Sañudo

Marcos Cal Ogando

Deputada e deputado do G.P. de En Marea

Antón Sánchez García

Voceiro s. do G.P. de En Marea.

**Asinado dixitalmente por:**

**Julia Torregrosa Sañudo na data 12/06/2019 16:43:50**

**Marcos Cal Ogando na data 12/06/2019 16:44:11**

**Antón Sánchez García na data 12/06/2019 16:44:30**



CSX4\_RFXSTROV6m-CcgS047

Verificación

<https://seecta.parlamentodegalicia.gal/tramites/csx/>

**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

4.6      51541(10/PNP-003860)

Grupo Parlamentario de En Marea

Quinteiro Araújo, Paula e 2 máis

Sobre as actuacións que debe levar a cabo o Goberno galego en relación cos convites para a asistencia dos seus membros ás touradas

*Publicación da iniciativa, 489, 19.06.2019*

## Á MESA DO PARLAMENTO

O Grupo Parlamentar de En Marea, por iniciativa da súa deputada **Paula Quinteiro Araújo** e dos seus deputados **Marcos Cal Ogando** e **Francisco Casal Vidal**, ao abeiro do disposto no artigo 160 do Regulamento da Cámara, presenta a seguinte **Proposición non de lei, para o seu debate en Pleno**, para garantir a independencia da Xunta de Galicia dos grupos de presión que promulgan o maltrato animal como espectáculo público.

### Exposición de motivos

A Enquisa sobre Hábitos e Prácticas Culturais que publica de xeito relativamente regular o Ministerio de Cultura, Educación e Deporte, pouco sospeitoso de “antitaurinismo”, evidencia que no período 2014-2015, o último en estudo, tan só o 0,3% da cidadanía galega declara asistir a un evento tauromáquico, dos que o 0,2% corresponden ás touradas propiamente ditas e o 0,1% restante a outros actos de carácter taurino.

Esta evidente falta de interese pola tauromaquia contrasta co apoio que vén prestando a Xunta de Galicia, ben elaborando unha Lei de Espectáculos Públicos que impide a decisión dos Concellos de autorizar ou non os mal chamados festexos taurinos, ben coa presenza de representantes políticos e institucionais en espazos como a praza de touros de Pontevedra, ou mesmo rexedores en prazas portátiles de Valga ou Triacastela, como se viu nestes últimos anos.

Se non fora polo soporte institucional e polos subsidios que reciben os promotores destes espectáculos de crueldade, as touradas non terían espazo algún no territorio galego, polo que é básico que a Xunta de Galicia garde unha posición de rexeitamento claro ao maltrato animal disfrazado de “espectáculo





artístico” ou como se inventou o PP nunha Lei estatal baixo a etiqueta do “Patrimonio Cultural Inmaterial”, unha figura que non foi quen de expoñer na UNESCO para evitar un auténtico ridículo internacional, onde o propio Comité dos Dereitos do Neno e da Nena ten advertido ao executivo español sobre a presenza e participación de persoas menores de idade en eventos tauromáquicos, sen que se tomara medida algunha ata o momento para aceptar a recomendación deste órgano composto por expertos independentes de recoñecido prestixio.

Por todo o exposto, preséntase a seguinte Proposición non de lei:

O Parlamento de Galicia insta a Xunta de Galicia a rexeitar os convites de asistencia a eventos tauromáquicos, non participando dos mesmos ningún membro do Goberno no chamado Palco de Autoridades adoptando a postura maioritaria da cidadanía galega.

Santiago de Compostela, 13 de xuño de 2019.

Asdo.: Paula Quinteiro Araújo

Marcos Cal Ogando

Francisco Casal Vidal

Deputada e deputados do G.P. de En Marea.

Luís Villares Naveira

Voceiro do G.P. de En Marea.



CSV: REXISTROeDYUpIRUGS

Verificado

<https://seceda.parlamentodegalicia.gal/tramites/csv/>



**PARLAMENTO DE GALICIA**  
**REGISTRO XERAL ENTRADA**  
**Data asento: 13/06/2019 17:51:54**  
**Nº Rexistro: 51541**  
Data envío: 13/06/2019 17:51:54.706



**Asinado dixitalmente por:**

**Paula Quinteiro Araújo na data 13/06/2019 17:35:42**

**Marcos Cal Ogando na data 13/06/2019 17:35:55**

**Francisco Casal Vidal na data 13/06/2019 17:36:08**

**Luis Villares Naveira na data 13/06/2019 17:36:43**

CSX4 REGISTROeDYUpIRUGS  
Verificado  
<https://seceda.parlamentodegalicia.gal/tramites/csv/>





**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

4.7      51587(10/PNP-003868)

Grupo Parlamentario dos Socialistas de Galicia

Vilán Lorenzo, Patricia e 2 máis

Sobre a adopción por parte do Goberno galego de medidas, incluídas as de formación e de concienciación, para reducir a presenza de residuos nas praias e nos fondos mariños de Galicia co fin de recuperar a biodiversidade e os ecosistemas mariños

*Publicación da iniciativa, 493, 26.06.2019*



## Á Mesa do Parlamento

O **Grupo Parlamentario dos Socialistas de Galicia**, por iniciativa das súas deputadas e do seu deputado **Patricia Vilán Lorenzo, Luís Manuel Álvarez Martínez e María Luisa Pierres López**, a través do seu portavoz, e ao abeiro do disposto no artigo 160 do Regulamento da Cámara, presenta ante esa Mesa a seguinte **proposición non de lei** para o seu debate en **Pleno**.

### Exposición de motivos

O 32 % de todo o plástico que utilizamos os seres humanos acaba na natureza. Calcúlase que cada ano 8 millóns de toneladas de plástico chegan a mares e océanos, polo que o “World Economic Forum” informa que en 2050 haberá no mar máis plásticos que peixes. Os científicos advirten sobre o perigo para o medio ambiente e para os seres humanos do paso de microplásticos a través das cadeas e redes tróficas, xa que moitas especies mariñas son alimentos frecuentemente consumidos. Na actualidade, 14 institucións de 9 países europeos teñen realizado investigacións para coñecer con maior profundidade os efectos dos microplásticos nos seres vivos e nos ecosistemas.

O Parque Nacional Marítimo-Terrestre das Illas Atlánticas de Galicia, coa súa impresionante biodiversidade, tamén está ameazado polo lixo mariño, que pode chegar a rachar o equilibrio ecosistémico e socioeconómico se non se toman medidas en tempo. Ese foi o motivo polo que, en 2018, se actuara na Illa de Sálvora -extraéronse milleiros de obxectos, a inmensa maioría fabricados con plástico, fundamentalmente cordas e cordeis de plástico cun diámetro inferior a un centímetro (un 42 % do total do lixo mariño detectado), microplásticos (21 %) e espumas sintéticas (6 %)- e polo que se decidiu continuar a actuación nas de Ons e Cortegada para este ano 2019.

Os principais obxectivos desta “II Rede para a recuperación dos ecosistemas mariños no PNMT Illas Atlánticas de Galicia” son:

1. Recuperar a biodiversidade e os ecosistemas mariños do parque dende a sustentabilidade e a concienciación, implicando á poboación en xeral e, especialmente, ao sector pesqueiro, entidades do terceiro sector, centros de ensino ou concellos.
2. Fomentar o coñecemento, a xestión e a conservación dos recursos biolóxicos mariños, especialmente na Rede Natura 2000, dos espazos e dos hábitats mariños protexidos nas illas.

CSM-REXISTRODVE4Hm7  
Verificación:  
<https://sede.parlamentodegalicia.gal/tramites/csv/>





**PARLAMENTO DE GALICIA**  
**REGISTRO XERAL ENTRADA**  
**Data asento: 14/06/2019 18:02:54**  
**Nº Rexistro: 51587**  
Data envío: 14/06/2019 18:02:54.284

3. Fomentar accións de mellora do ecosistema, como a retirada de residuos nos fondos das praias das illas e doutros areais de influencia e a recollida de artes de pesca abandonadas ou perdidas.

Por todo o exposto, o Grupo Parlamentario dos Socialistas de Galicia presenta a seguinte proposición non de lei para o seu debate en Pleno:

O Parlamento galego insta a Xunta de Galicia a adoptar medidas inmediatas (incluídas de formación e concienciación) para reducir a presenza de residuos mariños nas praias e fondos mariños de Galicia, recuperando así a biodiversidade e os ecosistemas mariños.

Pazo do Parlamento, 14 de xuño de 2019

Asdo.: Patricia Vilán Lorenzo  
Luís Manuel Álvarez Martínez  
María Luisa Pierres López  
Deputadas e deputado do G.P. dos Socialistas de Galicia

Asdo.: Xoaquín Fernández Leiceaga  
Portavoz do G.P. dos Socialistas de Galicia

**Asinado dixitalmente por:**

**Patricia Vilán Lorenzo na data 14/06/2019 17:52:01**

**Luis Manuel Álvarez Martínez na data 14/06/2019 17:52:13**

**María Luisa Pierres López na data 14/06/2019 17:52:24**

**Xoaquín María Fernández Leiceaga na data 14/06/2019 17:52:35**



Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es

**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

4.8      51998(10/PNP-003894)

Grupo Parlamentario Popular de Galicia

Prado del Río, Paula e 13 máis

Sobre as demandas que debe realizar o Goberno galego ao Goberno central para a transferencia á Comunidade Autónoma de Galicia dos setecentos millóns de euros comprometidos para o ano 2019 (procedemento de urxencia)

*Publicación da iniciativa pola vía de urxencia, 495,  
01.07.2019*

### Á Mesa do Parlamento

O Grupo Parlamentario Popular de Galicia, a través do seu **Portavoz**, e por iniciativa das deputadas e deputados, **Paula Prado del Río, Guadalupe Murillo Solís, Marta Nóvoa Iglesias, Jackeline Fernández Macías, Alberto Pazos Couñago, Isabel Novo Fariña, Beatriz Mato Otero, José Manuel Rey Varela, Jacobo Moreira Ferro, M<sup>a</sup> Julia Rodríguez Barreira, Cristina Romero Fernández, Gonzalo Trénor López, Marta Rodríguez Arias e Miguel Tellado Filgueira**, ao abeiro do disposto no artigo, 98, 160 e concordantes do Regulamento da Cámara, presenta ante esa Mesa, a seguinte **proposición non de lei para o seu debate en Pleno** polo trámite de **urxencia**.

### Xustificación da urxencia

A urxencia ven motivada pola necesidade de que o Parlamento de Galicia se posicione canto antes sobre esta cuestión, de cara á conformación do vindeiro escenario orzamentario.

### Exposición de motivos

A prolongada situación de interinidade que está a producirse no Goberno de España, condicionado por un calendario electoral prolongado e a interesada subordinación da posta en marcha do proceso de investidura ao desenvolvemento de diferentes acordos partidistas para a conformación dos gobernos autonómicos e municipais, está a afectar gravemente ás relacións entre a administración central e a xunta de Galicia.

O Goberno socialista en funcións, tras unha frenética e inusual actividade normativa na etapa preelectoral, na que impulsou a aprobación de numerosos decretos lei cunha clara finalidade electoralista, pero da que se excluíu atender ás xustificadas demandas de gobernos que, como o galego están en pleno exercicio das días funcións, está a provocar un deterioro das relacións de que desde a lealdade institucional deben presidir a cooperación entre administracións.

Abundan os exemplos da falla de lealdade do Goberno socialista con Galicia nos últimos tempos, e abranguen un amplo abano de materias. Desde a non aprobación do Estatuto para as empresas electrointensivas, que pode ocasionar o peche de varias empresas en Galicia, pasando pola falla de información en ámbitos nos que se acadaran acordos para o seguimento conxunto de obras de especial transcendencia,

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com



como as do AVE, e que inclúe a desatención a peticións unanimemente apoiadas polo parlamento de Galicia, como as referidas, no ámbito das transferencias, ao traspaso da AP9, ou, no ámbito da memoria histórica, á devolución ao patrimonio público do Pazo de Meirás.

A lamentable ausencia de vontade política que está a demostrar o Goberno de Pedro Sánchez en relación coas prioridades de acción demandadas pola xunta e o parlamento de Galicia é especialmente preocupante no ámbito financeiro.

A peche do primeiro semestre de 2019, a Administración do Estado mantén unha serie de impagos á Comunidade Autónoma de Galicia sobre cantidades comprometidas para este exercicio 2019 e/ou con respaldo legal, cantidades que aínda non foron percibidas pola Xunta de Galicia.

Esta situación, que se está prolongando pola parálise dun Goberno en funcións que aínda non sabemos cando tentará ser investido logo de dous meses desde que se celebraron as eleccións xerais, e se poderá ser elixido polo Parlamento, está xerando incerteza e preocupación, pois a Xunta de Galicia non pode contar cuns ingresos lexítimos para cubrir as prioridades dos galegos e das galegas.

Polo seu volume, esta débeda con Galicia pon en risco o equilibrio financeiro da Comunidade Autónoma e de manterse, mesmo obrigaría á Xunta de Galicia a estudar a adopción de medidas de restrición de gasto.

As cantidades pendentes de percibir ascenden a 700 millóns de euros, distribuídos do seguinte xeito:

- Actualización das entregas a conta do exercicio 2019: 330 millóns
- Devolución da mensuralidade do IVE do exercicio 2017: 200 millóns
- Incentivo a CC.AA. cumpridoras: 170 millóns

Hai que ter en conta que destes 700 millóns de euros, máis da metade (530 millóns) son cantidades incluídas nos Orzamentos da Xunta para 2019, e polo tanto o feito de non ingresalas ao longo do presente exercicio suporía un grave quebranto para a Comunidade Autónoma.

Por todo isto, o Grupo Parlamentario Popular presenta a seguinte proposición non de lei en Pleno:

**Pazo do Parlamento - Rúa do Hórreo, 63**  
**15701 Santiago de Compostela**  
**T. 981 551 510 F. 981 551 422**  
**gp-pp@parlamentodegalicia.es**  
**www.ppdeg Galicia.com**



“O Parlamento de Galicia insta á Xunta de Galicia a reiterar ante o Goberno Central que habilite de maneira urxente os mecanismos legais correspondentes para transferir á Comunidade Autónoma de Galicia os 700 millóns de euros comprometidos para 2019 e que aínda adebeda, repartidos do seguinte xeito:

- Actualización das entregas a conta do exercicio do ano 2019 por importe de 330 millóns de euros.
- Devolución da mensuralidade do IVE do exercicio de 2017 por importe de 200 millóns de euros.
- E incentivos por cumprir todos os parámetros de estabilidade orzamentaria en 2017 e 2018, por un importe global de 170 millóns de euros”.

Santiago de Compostela 27 de xuño de 2019

**Asinado dixitalmente por:**

**Pedro Puy Fraga na data 27/06/2019 13:20:33**

**Paula Prado Del Río na data 27/06/2019 13:21:10**

**María Guadalupe Murillo Solís na data 27/06/2019 13:21:36**

**Marta Novoa Iglesias na data 27/06/2019 13:21:55**

**Jackeline Elizabeth Fernández Macías na data 27/06/2019 13:22:17**

**Alberto Pazos Couñago na data 27/06/2019 13:22:28**

**María Isabel Novo Fariña na data 27/06/2019 13:22:44**

**Beatriz Mato Otero na data 27/06/2019 13:22:55**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com





**GRUPO PARLAMENTARIO  
POPULAR DE GALICIA**



**PARLAMENTO DE GALICIA  
REXISTRO XERAL ENTRADA  
Data asento: 27/06/2019 13:26:45  
Nº Rexistro: 51998  
Data envío: 27/06/2019 13:26:45.531**

**José Manuel Rey Varela na data 27/06/2019 13:23:16**

**Jacobo Moreira Ferro na data 27/06/2019 13:23:36**

**María Julia Rodríguez Barreira na data 27/06/2019 13:23:49**

**Cristina Isabel Romero Fernández na data 27/06/2019 13:24:04**

**Gonzalo Trenor López na data 27/06/2019 13:24:26**

**Marta Rodríguez Arias na data 27/06/2019 13:24:40**

**Miguel Ángel Tellado Filgueira na data 27/06/2019 13:25:02**



CSV: REXISTROUZI7S7CSJ1

Verificado

<https://seceda.parlamentodegalicia.gal/tramites/csv/>

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
[gp-pp@parlamentodegalicia.es](mailto:gp-pp@parlamentodegalicia.es)  
[www.ppdegalicia.com](http://www.ppdegalicia.com)



Reunión do Pleno do Parlamento  
Día: 09.07.2019 Hora: 10:00  
Orde do día

5. Interpelacións

**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

5.1      48636(10/INT-001612)

Grupo Parlamentario dos Socialistas de Galicia

Álvarez Martínez, Luis Manuel e Burgo López, María de la  
Concepción

Sobre a política do Goberno galego en relación coa prevención  
do abandono escolar

*Publicación da iniciativa, 458, 09.04.2019*



## Á Mesa do Parlamento

Luís Manuel Álvarez Martínez e María Concepción Burgo López, deputado e deputada pertencentes ao Grupo Parlamentario dos Socialistas de Galicia, ao abeiro do disposto no artigo 147 do Regulamento da Cámara, presentan ante esa mesa a seguinte pregunta interpelación.

Na memoria dos orzamentos da Consellería de Educación, Universidade e Formación Profesional para o ano 2018 pódese ler que o programa 423B *Prevención do abandono escolar*, trata de atender a necesidade existente de incrementar o número de titulados en formación postobrigatoria, sobre a necesidade recoñecida de que é necesario formar unha cidadanía máis e mellor formada.

Tamén se recoñece, axeitadamente a xuízo deste grupo parlamentario, que para abordar a diminución do abandono escolar, é necesario incrementar a porcentaxe de xente nova que remata o nivel educativo da Educación Secundaria Superior.

As propostas artícuñanse ao redor de catro amplos ámbitos de actuación: as administracións educativas; os centros educativos e o persoal docente; as administracións locais, as familias e os mozos e mozas que abandonaron o sistema educativo sen ter obtido un título de educación secundaria obrigatoria ou post-obrigatoria, e o contorno laboral, tendo previstas as seguintes actuacións estratéxicas:

1. Realizar actuacións destinadas a compensar as dificultades do alumnado para diminuír o abandono escolar prematuro e incrementar, por tanto, o éxito escolar.
2. Fomentar a participación dos centros educativos na convocatoria de contratos-programa coa finalidade de lograr unha educación de calidade para todo o alumnado, desenvolver ao máximo posible as súas potencialidades, buscar a excelencia.
3. Promover accións no campo da orientación educativa que establezan liñas de reforzo necesarias para revertir o fracaso escolar e/ou o escaso aprecio pola aprendizaxe incidido no aumento da motivación e autoestima.
4. Desenvolver medidas de apoio e reforzo educativo.





**PARLAMENTO DE GALICIA**  
**REGISTRO XERAL ENTRADA**  
**Data asento: 03/04/2019 17:49:07**  
**Nº Registro: 48636**  
Data envío: 03/04/2019 17:49:07.786


5. Formación do profesorado para posibilitar a súa intervención no coñecemento e aplicación de liñas de atención á diversidade, na procura de garantir o éxito educativo de todo o alumnado.
6. Promover medidas de apoio nas áreas instrumentais e de idiomas.
7. Impulsar un programa de oratoria, que contribúa á mellora das habilidades comunicativas orais, ao tempo que favoreza o desenvolvemento das seguintes competencias clave: comunicación lingüística, competencias sociais e cívicas e sentido de iniciativa e espírito emprendedor.
8. Desenvolver un proxecto de innovación educativa centrado na mellora da convivencia escolar, dentro de educonvives.gal.
9. Apoiar aos concellos e asociacións sen fins de lucro para que realicen actividades que permitan ás persoas adultas adquirir as súas aprendizaxes tanto por medio de actividades de ensinanza, regrada ou non regrada, como a través da experiencia, laboral ou en actividades sociais
10. En canto aos resultados que se pretenden conseguir co obxectivo estratéxico deste programa de gasto (coa identificación OE 1.5.09) son acadar que máis alumnado consiga finalizar con éxito a educación secundaria obrigatoria que lle permita continuar estudos en formación profesional de grao medio ou continuar estudos no bacharelato, contribuíndo a que os mozos e mozas permanezan no sistema educativo despois de finalizada a educación obrigatoria.

Pese ao marco teórico deste programa, o certo é que a súa dotación orzamentaria e a posterior diminución poñen de manifesto que o compromiso da Consellería de Educación, Universidade e Formación Profesional neste ámbito é cuestionable.

Así, dunha dotación inicial de 23.122.000 €, fíxose unha modificación orzamentaria global que o rebaixou a 14.732.000 € o que supón unha redución do 36,28 %. Ademais, e pese a presentar un nivel de execución do 100 %, debemos ter en conta que a execución final é un 63,71 % do consignado inicialmente e que debemos supoñer que era o que se consideraba necesario.

Por iso o deputado e a deputada que asinan interpelean o Goberno galego nos seguintes termos:

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es





**PARLAMENTO DE GALICIA**  
**REGISTRO XERAL ENTRADA**  
**Data asento: 03/04/2019 17:49:07**  
**Nº Registro: 48636**  
Data envío: 03/04/2019 17:49:07.786

1ª) Considera o Goberno galego que coa cantidade executada foron atendidas as necesidades existentes?

2ª) Cal foi o motivo polo que se reduciu un 32,1 % o orzamento inicial do programa 423B *Prevención do abandono escolar* no ano 2018?


3ª) Se a resposta á anterior pregunta é afirmativa, como se xustifica que para o ano 2019 este programa conte cun orzamento de 25.429.000 €, cantidade que incrementa nun 72,61 % o executado no 2018?

Pazo do Parlamento, 3 de abril de 2019

**Asinado dixitalmente por:**

**Luis Manuel Álvarez Martínez na data 03/04/2019 17:43:06**

**Maria de la Concepción Burgo López na data 03/04/2019 17:43:14**



Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · gp-socialista@parlamentodegalicia.es

**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

5.2      51374(10/INT-001708)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre a política do Goberno galego en relación coa protección das persoas galegas usuarias de produtos financeiros

*Publicación da iniciativa, 489, 19.06.2019*



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 12/06/2019 12:42:01  
Nº Rexistro: 51374  
Data envío: 12/06/2019 12:42:01.925

### Á Mesa do Parlamento

**Noa Presas Bergantiños, Luis Bará Torres, Olalla Rodil Fernández, Ana Pontón Mondelo, Xosé Luis Rivas Cruz e Montserrat Prado Cores**, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Interpelación**, relativa á avaliación do código de boas prácticas bancarias e da transposición da MIFID.

Durante a última década o sector bancario e financeiro ten sido o foco de numerosos escándalos e calotes mediante prácticas abusivas sobre os e as consumidoras, especialmente no que atinxe a cláusulas opacas e produtos complexos. Desde entón demandas populares e sociais fixeron tomar decisións, as máis das veces tímidas, ás distintas institucións europeas, estatais e galegas.

Entre estas cuestións cómpre salientar, por exemplo, o Real Decreto-lei 6/2012, de 9 de marzo, de medidas urxentes de protección de debedores hipotecarios sen recursos, que recollía o popularizado “código de boas prácticas” para a banca, que tardaría varios anos en ser impulsado e que ten entre as súas principais debilidades que a súa aplicación por parte das entidades de crédito é voluntaria, como expresamente regulaba o artigo 5.1. Este carácter voluntario implicou que se tratara dunha medida máis cosmética do que xusta. A gran maioría das entidades bancarias adheríronse ao Código de Boas Prácticas, porén practicamente ningunha deles ofrece o que se propoñía no citado Código e foron moitas as queixas que trasladaron as asociacións de consumidores e consumidoras e que mesmo tiveron recurso legal.

CSM-REXISTROEXGALWUg6  
Verificación:  
<https://sede.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR

Parlamento de Galicia

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA

REGISTRO XERAL ENTRADA

Data asento: 12/06/2019 12:42:01

Nº Rexistro: 51374

Data envío: 12/06/2019 12:42:01.925

Para o Bloque Nacionalista Galego, a propia aprobación dun Código de Boas Prácticas para resolver estas cuestións amosou a debilidade do marco normativo, nomeadamente o estatal. Recentemente, na Comisión 3ª do Parlamento Galego o grupo asinante desta iniciativa impulsaba a aprobación dun acordo unánime nos seguintes termos en setembro de 2018: «O Parlamento de Galicia insta a Xunta de Galicia a que demande do Estado as modificacións lexislativas oportunas para que se regule una moratoria e a dación en pagamento para as persoas que non poden afrontar a súa hipoteca e se incremente o nivel de exixencia do Código de boas prácticas.»

Desde entón, os pasos dados teñen sido insuficientes mais cómpre recordar que Galiza ten competencias exclusivas en materia de consumo e ten capacidade e instrumentos para avaliar desde o territorio a evolución e cumprimento de toda canta normativa respecto deste ámbito exista de cara a facer propostas para incrementar a defensa das e dos consumidores. Porén, neste aspecto, con independencia do gran traballo que realiza o Instituto Galego do Consumo e da Competencia, continúa sen haber unha aposta decidida.

Esta falta de vontade no exercicio das competencias propias témola tamén na aplicación da MIFID II, que malia ter pasado meses da súa transposición non mereceu unha soa valoración por parte do goberno galego. Desde o Bloque Nacionalista Galego vimos con preocupación o impulso deste novo marco, xa que entendemos que non ofrecía a resposta necesaria senón que se limita a definir as actuacións que deben realizar as empresas desde unha óptica da autorregulación malia que este sector demostrou como a falta de control público e a desregulación neoliberal estaban na base do estoupido da crise financeira a partir de 2008.

Dende o BNG apostamos por un maior compromiso da Xunta de Galiza con esta realidade e coa defensa das e dos consumidores e entendemos que debe incrementar a







BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 12/06/2019 12:42:01**  
**Nº Registro: 51374**  
Data envío: 12/06/2019 12:42:01.925

avaliación de cal é o estado de aplicación de elementos como o Código de Boas Prácticas ou a MIFID II.

Por todo isto formúlase a seguinte interpelación:

Que actuacións levou ou vai levar a cabo o goberno galego para garantir a correcta aplicación en Galiza das medidas de protección en materia de defensa das e dos usuarios de entidades financeiras?

Que valoración realiza a Xunta de Galiza da aplicación do Código de Boas Prácticas Bancarias en Galiza? Ten avaliado esta cuestión coas asociacións de defensa dos e das consumidoras? E coas forzas sindicais? Con algún outro sector?

Que valoración realiza a Xunta de Galiza da aplicación da MIFID II en Galiza? Ten avaliado esta cuestión coas asociacións de defensa dos e das consumidoras? E coas forzas sindicais? Con algún outro sector?

Que valoración realiza a Xunta de Galiza das sancións aplicadas polo Banco de España?

Que valoración fai o goberno galego da súa falta de iniciativa e impulso nesta materia?

Que actuacións levou ou vai levar a cabo o goberno galego para o cumprimento da demanda emanada da cámara en setembro de 2018?

Que actuacións leva a cabo o goberno galego para vixiar que se apliquen medidas xustas por parte da banca ás persoas afectadas polas hipotecas en Galiza?

CSV: REXISTROIZ8HJWu96  
Verificado  
<https://seecta.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 12/06/2019 12:42:01**  
**Nº Rexistro: 51374**  
Data envío: 12/06/2019 12:42:01.925

Ten estudado a administración galega as repercusións na cidadanía do noso país dos posíbeis incumprimentos das entidades bancarias? Por que razóns?

Considera a Xunta de Galiza que as entidades bancarias ofrecen información suficiente aos clientes sobre o Código de Boas Prácticas Bancarias?

Coñece cantos desafiuzamentos se evitaron en Galiza coa aplicación do Código de Boas Prácticas Bancarias?

Coñece a Xunta de Galiza cantas dacións en pago pagamento se realizaron en Galiza a través da aplicación do Código de Boas Prácticas Bancarias?

Cre a Xunta de Galiza que é necesario impulsar a dación en pagamento?

Como valora a Xunta de Galiza que a banca recibindo multimillonarias axudas públicas non aplique o código de boas prácticas?

Santiago de Compostela, 12 de xuño de 2019

Asdo.: **Noa Presas Bergantiños**

**Luis Bará Torres**

**Olalla Rodil Fernández**

**Montserrat Prado Cores**

**Xosé Luis Rivas Cruz**

**Ana Pontón Mondelo**

Deputadas e deputados do G.P. do BNG

CSX4 REXYSTROIZX8JWUg6  
Verificado  
<https://seecta.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza

PARLAMENTO  
DE GALICIA



PARLAMENTO DE GALICIA  
REXISTRO XERAL ENTRADA  
Data asento: 12/06/2019 12:42:01  
Nº Rexistro: 51374  
Data envío: 12/06/2019 12:42:01.925

**Asinado dixitalmente por:**

**Noa Presas Bergantiños na data 12/06/2019 12:40:35**

**Xosé Luis Bará Torres na data 12/06/2019 12:40:43**

**María Montserrat Prado Cores na data 12/06/2019 12:40:49**

**Olalla Rodil Fernández na data 12/06/2019 12:40:57**

**Xose Luis Rivas Cruz na data 12/06/2019 12:41:05**

**Ana Pontón Mondelo na data 12/06/2019 12:41:12**

CSV REXISTRO: X81UWu96  
Verificación:  
<https://seecta.parlamentodegalicia.gal/tramites/csv/>



Reunión do Pleno do Parlamento  
Día: 09.07.2019 Hora: 10:00  
Orde do día

5.3 51518(10/INT-001713)

Grupo Parlamentario de En Marea

Quinteiro Araújo, Paula e 2 máis

Sobre a xestión de Xóvenes Agricultores

*Publicación da iniciativa, 489, 19.06.2019*

**Paula Quinteiro Araújo, Davide Rodríguez Estévez e Antón Sánchez García,** deputada e deputados do Grupo Parlamentar de En Marea, ao abeiro do disposto no artigo 147 do Regulamento da Cámara, presentan a seguinte **INTERPELACIÓN.**

O ex-presidente do sindicato agrario Xóvenes Agricultres, Juan Pérez Miramontes, foi detido por formar parte dunha rede de mulleres. Segundo o Ministerio Público de Paraguai, o antigo sindicalista, financiaba a trama delituosa desarticulada , que recrutaba ás vítimas en Paraguai a través dunha “axencia de viaxes”.

Juan Pérez Miramontes xa foi noticia no ano 2016 pola utilización de cartos públicos, subvencionados pola Xunta de Galicia para a compra de locais, incumprindo as obrigacións ligadas ás axudas. Naquel momento, a Xunta declarou que non tiña coñecemento da vinculación do sindicalista cos inmobles, algo que o Consello de Contas desmentiu asegurando que llo comunicara o seu propio equipo auditor.

Segundo Contas, o sindicato Xóvenes Agricultores incumprira as obrigas das subvencións da Xunta, xa que estas establecían que os sindicatos tiñan que solicitar “ofertas a diferentes provedores” e “no caso dos catro inmobles adquiridos polo sindicato Xóvenes Agricultores, o cumprimento destes principios, de xeral aplicación ao gasto público, queda cuestionado ao terse adquirido aqueles de empresas ou persoas físicas vinculadas ata o momento da convocatoria ao presidente e máximo representante da entidade beneficiaria”, Juan Pérez Miramontes.





Ademais, Contas destapou a existencia dun sobrecusto notable na compra dun dos locais: “Se ben respecto de tres dos inmobles adquiridos por esta organización o prezo de adquisición coincide co valor de taxación que figura nun informe que se aporta no expediente, no caso dun dos inmobles (local en Carballo), adquirido á sociedade Publisocial SL, o valor de adquisición escriturado e subvencionado resulta significativamente superior ao valor de mercado que consta no correspondente certificado de taxación para este inmovible”.

Na pregunta formulada no pleno do Parlamento de Galicia, sobre esta cuestión, a resposta do Conselleiro de Medio Rural foi totalmente insuficiente e con datos terxiversados. Un dos argumentos para non responder ás preguntas foi a alusión o tema como relacións entre particulares, algo que é inexacto, pois os vínculos entre Juan Pérez Miramontes e o PP, actual partido do Goberno, son obvios, polo que débense render as contas oportunas.

Por todo o exposto, as deputadas asinantes presentan a seguinte Interpelación:

- Que relación mantiña e mantén Juan Pérez Miramontes co Partido Popular, actual grupo do Goberno da Xunta de Galicia?
- Que avaliación fai a Xunta de Galicia das declaracións do Consello de Contas que certifican a existencia dun trato de favor a Xóvenes Agricultores por parte do Goberno galego?
- En que datas esixiu a Xunta de Galicia o reintegro a Xóvenes Agricultores de dous millóns cen mil euros por incumprimento de destino dos locais





**PARLAMENTO DE GALICIA**  
**REGISTRO XERAL ENTRADA**  
**Data asento: 13/06/2019 16:57:28**  
**Nº Registro: 51518**  
Data envío: 13/06/2019 16:57:28.734



adquiridos para o mantemento de actividades de interese agrario? Por que non o fixeron anteriormente? Produciuse dito reintegro?

Santiago de Compostela, 13 de xuño de 2019.

Asdo.: Paula Quinteiro Araújo

Antón Sánchez García

Davide Rodríguez Estévez

Deputada e deputados do G.P. de En Marea.

**Asinado dixitalmente por:**

**Paula Quinteiro Araújo na data 13/06/2019 16:54:00**

**David Rodríguez Estévez na data 13/06/2019 16:54:18**

**Antón Sánchez García na data 13/06/2019 16:54:32**



CSV: REGISTRO/vr7NLIBF5

Verificado

<https://seecta.parlamentodegalicia.gal/tramites/csv/>

**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

6. Preguntas para resposta oral do Presidente da Xunta



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

6.1      52123(10/POPX-000157)

Grupo Parlamentario de En Marea

Lago Peñas, José Manuel

Sobre as actuacións previstas polo Goberno galego para evitar a desigualdade económica e social de Galicia



PARLAMENTO DE GALICIA  
REXISTRO XERAL ENTRADA  
Data asento: 01/07/2019 17:56:43  
**Nº Rexistro: 52123**  
Data envío: 01/07/2019 17:56:43.823



## Á MESA DO PARLAMENTO

**Manuel Lago Peñas**, voceiro do **Grupo Parlamentar de En Marea**, ao abeiro do artigo 152.2 do Regulamento da Cámara, presenta a seguinte **PREGUNTA**, dirixida ao **Presidente da Xunta**, para a súa resposta **oral** no **Pleno** da Cámara.

### PREGUNTA AO PRESIDENTE

- Sr. Presidente, que vai facer para combater a desigualdade económica e social en Galicia ?

Santiago de Compostela, 1 de xullo de 2019.

Asdo.: Manuel Lago Peñas

Voceiro do G.P. de En Marea.

**Asinado dixitalmente por:**

**José Manuel Lago Peñas na data 01/07/2019 17:55:30**

CSM-REXISTROOcvmtDKFfg  
Verificación  
<https://sede.parlamentodegalicia.gal/tramites/csw/>



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

6.2      52126(10/POPX-000158)

Grupo Parlamentario do Bloque Nacionalista Galego

Pontón Mondelo, Ana Belén

Sobre a avaliación das políticas do Goberno galego para frear  
o devalo demográfico de Galicia



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 01/07/2019 18:22:37  
Nº Rexistro: 52126  
Data envío: 01/07/2019 18:22:37.085

### Á Mesa do Parlamento

**Ana Pontón Mondelo**, portavoz do **Grupo Parlamentar do Bloque Nacionalista Galego (BNG)**, ao abeiro do disposto no artigo 152.2 do Regulamento da Cámara e das normas supletorias do 17 de marzo de 2015, formula a seguinte **PREGUNTA** dirixida ao **Presidente do Goberno**, para a súa resposta **oral** en **Pleno**.

#### PREGUNTA AO PRESIDENTE:

*Como avalía as políticas do seu goberno para frear o grave declive demográfico de Galiza?*

Santiago de Compostela, 1 de xullo de 2019

Asdo.: **Ana Pontón Mondelo**

Portavoz do G.P. do BNG

**Asinado dixitalmente por:**

**Ana Pontón Mondelo na data 01/07/2019 18:15:29**

CSM-REXISTROCG-MDXLON6  
Verificación:  
<https://sede.parlamentodegalicia.gal/ramitas/csv/>



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

6.3      52127(10/POPX-000159)

Grupo Parlamentario dos Socialistas de Galicia

Fernández Leiceaga, Xoaquín María

Sobre a opinión do Goberno galego respecto da incidencia que van ter as novas iniciativas no afrontamento dos problemas demográficos de Galicia



### Á Mesa do Parlamento

**Xoaquín Fernández Leiceaga, portavoz do Grupo Parlamentario dos Socialistas de Galicia**, ao abeiro do disposto no artigo 152.2, presenta ante esa Mesa a seguinte **pregunta** para a súa resposta **oral en Pleno**, dirixida ao **Sr. presidente da Xunta de Galicia**.

Sr. presidente, considera que as novas iniciativas van permitir afrontar os problemas demográficos de Galicia?

Pazo do Parlamento, 01 de xullo de 2019

Asdo.: **Xoaquín Fernández Leiceaga**  
Portavoz G.P. dos Socialistas de Galicia

**Asinado dixitalmente por:**

**Xoaquín María Fernández Leiceaga na data 01/07/2019 17:01:55**

CSM-REXISTRO-010309-F4S9  
Verificación:  
<https://sede.parlamentodegalicia.gal/tramites/csv/>



Reunión do Pleno do Parlamento  
Día: 09.07.2019 Hora: 10:00  
Orde do día

7. Preguntas ao Goberno

**Reunión do Pleno do Parlamento**

**Día: 09.07.2019**

**Hora: 10:00**

**Orde do día**

7.1 52120(10/PUP-000259)

Grupo Parlamentario dos Socialistas de Galicia

Torrado Quintela, Julio e Vilán Lorenzo, Patricia

Sobre as medidas previstas pola Xunta de Galicia respecto da situación xerada no encoro da Baxe, en Caldas de Reis, dende a presenza da alga microcistina





## Á Mesa do Parlamento

**Julio Torrado Quintela e Patricia Vilán Lorenzo**, deputado e deputada pertencentes ao **Grupo Parlamentario dos Socialistas de Galicia**, ao abeiro do disposto no artigo 155.5 do Regulamento da Cámara, presentan ante esa Mesa a seguinte **Pregunta urxente oral en Pleno**.

### Xustificación da urxencia

**A urxencia vén motivada ante a chegada do tempo cálido e posible agravamento da situación.**

Dende o pasado mes de novembro o Río Umia amosa a presenza do alga microcistys, que ademais de tinguir o auga de verde pode derivar na presenza da toxina microcistina, que produciría graves problemas de saúde pública como se ten advertido en numerosas ocasións por diferentes expertos. Ante esta situación, que se repite cada ano e que alerta e preocupa aos veciños e veciñas dos concellos da contorna, que utilizan o auga do río para uso cotiá, a actuación da Xunta de Galicia limítase a evitar asumir a situación e a tratar de botar balóns fóra.

O Goberno galego aprobou hai tempo o Decreto de creación do Observatorio Autonómico dos Ríos de Galicia. Segundo o propio Goberno, o Observatorio vai funcionar en Pleno e en grupos de traballo, pleno que se xuntará unha vez ao ano en sesión ordinaria, sen prexuízo doutras reunións e sesións extraordinarias cando así o acorde a Presidencia. Aínda que creación dun Observatorio dos Ríos podería ter sido un avance na avaliación sobre a calidade ambiental dos recursos hídricos, lamentablemente a realidade non é esa, pois a disposición da Xunta de Galicia a responder antes as demandas existentes, especialmente do Concello de Caldas, é practicamente nula. Esta situación repítese durante anos, mentres o Concello de Caldas debe asumir o custe extra para manter a depuración necesaria para o auga que provén do Umia.

Polo exposto, o deputado asinante formula a seguinte pregunta:





Que medidas ten previsto tomar a Xunta de Galicia ante a situación xerada no encoro da Baxe a partir da presenza da alga cicrocistys?

Pazo do Parlamento, 01 de xullo de 2019

Asdo.: Julio Torrado Quintela

Patricia Vilán Lorenzo

Deputado e deputada do G.P. dos Socialistas de Galicia

**Asinado dixitalmente por:**

**Julio Torrado Quintela na data 01/07/2019 17:04:52**

**Patricia Vilán Lorenzo na data 01/07/2019 17:05:10**



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

7.2      52111(10/PUP-000257)

Grupo Parlamentario do Bloque Nacionalista Galego

Presas Bergantiños, Noa e 5 máis

Sobre a necesidade dunha explicación e dunha valoración por parte do Goberno galego respecto das súas relacións con Pemex



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 01/07/2019 16:30:00  
**Nº Rexistro: 52111**  
Data envío: 01/07/2019 14:07:42.265

### Á Mesa do Parlamento

**Noa Presas Bergantiños, Montserrat Prado Cores, Luis Bará Torres, Xosé Luis Rivas Cruz, Olalla Rodil Fernández e Ana Pontón Mondelo**, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no artigo 155.5 do Regulamento da Cámara, presentan a seguinte **Pregunta para resposta oral en Pleno**, polo trámite de **urxencia**, relativa á necesidade de explicación e valoración por parte do goberno galego das súas relacións cos exdirectivos de Pemex investigados por corrupción.

#### Xustificación da urxencia

A urxencia vén motivada pola preocupación xerada por como afecta a Galiza a investigación por corrupción de directivos de Pemex.

#### Exposición de motivos

Novamente Pemex volve estar no punto de mira ao evidenciarse xa non só o resultado das promesas incumpridas do goberno e as dúbidas canto a futuras cargas de traballo do naval galego, senón pola presunta implicación en casos de corrupción de exdirectivos desta empresa.

Cómpre lembrar que a relación do naval galego coa mexicana Pemex se remonta inicialmente a un anuncio pouco antes das eleccións galegas de 2012 e

CSM-REXISTRO6YH8NV0D  
Verificación  
<https://sede.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REXISTRO XERAL ENTRADA**  
**Data asento: 01/07/2019 16:30:00**  
**Nº Rexistro: 52111**  
Data envío: 01/07/2019 14:07:42.265

que acabou por confirmarse só varios meses despois e despois de que a propia Pemex negara que o acordo coa Xunta fose definitivo e seguro. Tamén en 2012 a Xunta tiña anunciado a instalación dunha terminal loxística no porto exterior da Coruña que non chegou nunca e máis recentemente o director Xeral de Pemex, José Antonio González Anaya, durante unha visita a Barreras descartou publicamente a construción, polo de agora, dun segundo flotel a diferenza do que xa tiña prometido a empresa, sumándose ao aprazamento da tamén prometida dársena de Punta Langosteira. Nada se sabe, tampouco, doutras promesas ao aire como a construción dun atuneiro ou a de buques para pozos petrolíferos ou a da renovación de parte da frota petroleira da empresa mexicana por parte dos estaleiros galegos.

O goberno de Feijóo debe dar explicacións sobre a corruptela de Pemex e como afecta a Galiza a situación xerada ao facerse público que directivos de Pemex bendicidos polo goberno Feijóo están a ser investigados por corrupción. Urxen explicacións das súas relacións con Emilio Lozoya, Carlos Roa e José Manuel Carrera Panizzo. Ademais, o Presidente de México López Obrador vén de anunciar que se van revisar os contratos da petroleira con Galiza por considerar que non había un trato xusto para Pemex. Esta situación certifica que a operación de venda a capital foráneo do estaleiro vigués ten máis sombras que luces e ademais ten un impacto negativo sobre a imaxe do naval galego.

CSV REXISTRO: HBNV00  
Verificado  
<https://seecta.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR  
Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 01/07/2019 16:30:00**  
**Nº Rexistro: 52111**  
Data envío: 01/07/2019 14:07:42.265

Polas razóns expostas, o Grupo Parlamentar do Bloque Nacionalista Galego, a través das deputadas e deputados asinantes, formula a seguinte pregunta para a súa resposta oral ante o Pleno, polo trámite de urxencia:

Como valora a Xunta de Galiza a situación de corrupción con conexións galegas destapada en Pemex?

Santiago de Compostela, 1 de xullo de 2019

**Asdo.: Noa Presas Bergantiños**

**Montserrat Prado Cores**

**Luis Bará Torres**

**Olalla Rodil Fernández**

**Xosé Luis Rivas Cruz**

**Ana Pontón Mondelo**

Deputadas e deputados do G.P. do BNG

**Asinado dixitalmente por:**

**Noa Presas Bergantiños na data 01/07/2019 14:05:50**

CSX, REGISTRO GERAL ENTRADA  
Verificado  
<https://seecta.parlamentodegalicia.gal/tramites/csx/>





BLOQUE  
NACIONALISTA  
GALEGO

OFICINA PARLAMENTAR  
**Parlamento de Galiza**

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 01/07/2019 16:30:00**  
**Nº Registro: 52111**  
Data envío: 01/07/2019 14:07:42.265

**Xosé Luis Bará Torres na data 01/07/2019 14:05:57**

**María Montserrat Prado Cores na data 01/07/2019 14:06:02**

**Olalla Rodil Fernández na data 01/07/2019 14:06:10**

**Xose Luis Rivas Cruz na data 01/07/2019 14:06:19**

**Ana Pontón Mondelo na data 01/07/2019 14:06:26**

CSX REGISTRO GERAL EN  
VALIDADO  
<https://seecta.parlamentodegalicia.gal/tramites/csx/>



**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

7.3      52122(10/PUP-000260)

Grupo Parlamentario Popular de Galicia

Egerique Mosquera, Teresa e 8 máis

Sobre as actuacións que está a levar a cabo o Goberno galego diante do Goberno central para que rectifique a súa decisión de denegar a solicitude de conexión do polígono industrial de Balaídos á rede de 200 quilovoltios



## Á Mesa do Parlamento

**Teresa Egerique Mosquera, Marián García Míguez, Marta Nóvoa Iglesias, Miguel Tellado Filgueira, Moisés Rodríguez Pérez, Moisés Blanco Paradelo, María Antón Vilasánchez, Sandra Vázquez Domínguez e Cristina Romero Fernández**, deputados pertencentes ao Grupo Parlamentario Popular, ao abeiro do disposto no artigo 155.5 e concordantes do Regulamento da Cámara, presentan ante esa Mesa a seguinte pregunta oral Pleno polo **procedemento de urxencia**.

### Xustificación da urxencia.

A urxencia ven motivada pola necesidade de que a Xunta explique canto antes a súa posición sobre un tema de gran interese na nosa Comunidade Autónoma.

### Exposición de Motivos:

Nestes días recolleuse na prensa a noticia de que o Ministerio para a Transición Ecolóxica rexeita a petición reiterada do Grupo PSA de enganche do polígono de Balaídos á rede de 200 kilovoltios que atravesa Porriño para mellorar a fiabilidade do servizo de subministración eléctrica e abaratar o custo da factura eléctrica, colocándose na mesma condición que outras fábricas da multinacional francesa no Estado, como Zaragoza.

O proxecto, cun investimento aproximado de 70 millóns de euros, está incluído na planificación vixente 2015-2020 de Rede Eléctrica de España para desenvolver novas infraestruturas da rede de transporte, contando co respaldo da Xunta de Galicia.

Trátase dun documento que foi sometido ao Congreso dos Deputados e aprobado por acordo do Consello de Ministros do Goberno de Mariano Rajoy. Sen embargo, o actual equipo da Secretaria de Estado de



Energía, dependente do Ministerio para a Transición Ecolóxica, segue sen aprobar a declaración de excepcionalidade por parte do Goberno central que resulta necesaria para autorizar esta actuación.

Trátase, polo tanto, dunha decisión do Goberno socialista que volve ir en contra do desenvolvemento e o emprego industrial na comunidade galega, xa que a planta de PSA en Balaídos é actualmente a única gran fábrica española de coches sen enganche a 220 ou 400 kilovoltios.

Para entender o impacto desta desafortunada decisión cómpre recordar que o sector da automoción xera 22.300 empregos directos en Galicia, a maior cifra dos últimos dez anos, e que esta cifra supón ao redor do 13% da nosa ocupación industrial. Unha evolución positiva dun sector estratéxico para o presente e o futuro do galegos e das galegas, que está estreitamente relacionado aos novos proxectos e ao crecemento da produción conseguidos pola planta de Balaídos do Grupo PSA, co respaldo do Goberno galego.

Por todo o exposto, os deputados e deputadas asinantes formulan a seguinte pregunta oral en Pleno:

Que está a facer a Xunta de Galicia ante o goberno central para que rectifique a súa decisión de privar ao polígono de Balaídos de enganche á rede de 200 kilovoltios?

Santiago de Compostela a 1 de xullo de 2019

**Asinado dixitalmente por:**

**Teresa Egerique Mosquera na data 01/07/2019 17:36:16**

**María Ángeles García Míguez na data 01/07/2019 17:36:43**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com





**GRUPO PARLAMENTARIO  
POPULAR DE GALICIA**



**PARLAMENTO DE GALICIA  
REXISTRO XERAL ENTRADA  
Data asento: 01/07/2019 17:52:29  
Nº Rexistro: 52122  
Data envío: 01/07/2019 17:52:29.174**

**Marta Novoa Iglesias na data 01/07/2019 17:37:54**

**Moisés Blanco Paradelo na data 01/07/2019 17:38:21**

**Moisés Rodríguez Pérez na data 01/07/2019 17:39:12**

**Maria Antón Vilasánchez na data 01/07/2019 17:39:35**

**Sandra Vázquez Domínguez na data 01/07/2019 17:40:01**

**Cristina Isabel Romero Fernández na data 01/07/2019 17:40:36**

**Miguel Ángel Tellado Filgueira na data 01/07/2019 17:41:43**



**Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com**

**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

7.4      51771(10/POP-006073)

Grupo Parlamentario de En Marea

Cuña Bóveda, María de los Ángeles e Chao Pérez, Luca

Sobre as intencións da Xunta de Galicia respecto da  
reapertura da escola unitaria do Colexio Rural Agrupado de  
Narón

*Publicación da iniciativa, 493, 26.06.2019*

## Á MESA DO PARLAMENTO

**Ánxeles Cuña Bóveda e Luca Chao Pérez**, deputadas do Grupo Parlamentar de **En Marea**, ao abeiro do disposto no artigo 155 do Regulamento da Cámara, presenta a seguinte **Pregunta para a súa resposta oral en Pleno**.

A escola unitaria do CRA de Narón foi pechada no mes de xuño de 2018 por non conseguir o número mínimo de alumnos (6) requirido pola Consellería de Educación. A Xunta asegurou entón que a clausura non era definitiva, senón que podería ser revocada no caso de que no próximo curso se matriculasen suficientes rapaces. Unha vez aberto o prazo de admisión para o curso 2019-2020, a unitaria recibiu as seis solicitudes que precisaba.

O 28 de marzo aprobouse no pleno do concello de Narón unha Moción para instar á Consellería de Educación a reabrir a escola de Pedroso, tal e como se comprometera a facer. Porén, a Consellería ignorou as demandas do pleno.

O 17 de abril, en plena campaña electoral das eleccións xerais e na precampaña das eleccións municipais, a Consellería de Educación recibiu unha representación das familias que reclamaban a reapertura do centro. Foron da man do candidato á alcaldía de Narón do Partido Popular, Germán Castrillón. Nesa xuntanza, a conselleira subliñou a importancia que tiñan para ela as escolas do rural. Non obstante, non fixo nada para garantir a reapertura da unitaria, como se comprometera a facer o Goberno galego no seu día.

Por esta razón, os pais e nais dos alumnos e alumnas, así como a comunidade educativa, convocou o 21 de maio unha concentración diante da escola. A mobilización repetiuse tódolos martes para esixir unha resposta da conselleira.





Tamén se recolleron un total de 1.600 firmas que foron entregadas por rexistro e en man á conselleira. A conselleira manifestou entón que tiña a vontade de reabrir a escola. No mesmo sentido manifestouse o xefe territorial.

Con todo, a día de hoxe aínda non se adoptaron medidas para que a escola unitaria do CRA de Narón abra con normalidade o vindeiro curso.

A situación é deshonesto e inxusta. Deshonesto, porque supón o incumprimento flagrante dunha promesa do Goberno galego á cidadanía de Narón; e inxusta, porque o censo municipal garantiría a continuidade do centro. No ano 2017 naceron 7 nenos e nenas; no ano 2018, 9; e no que vai de 2019 5.

A pesar de todo, se este ano non se reabre o centro é posible que non se volva abrir xamais.

Deste xeito, a Xunta de Galicia sumaría nesta que chama a “lexislatura do rural” unha nova escola rural pechada.

Por todo o exposto, as deputadas asinantes presentan a seguinte pregunta para a súa resposta oral en Pleno:

- Ten intención a Xunta de Galicia de reabrir a escola unitaria do CRA de Narón tal e como se comprometeu facer no seu día?

Santiago de Compostela, 20 de xuño de 2019.

Asdo.: Ánxeles Cuña Bóveda

Luca Chao Pérez

Deputadas do G.P. de En Marea.



CSV: REXISTROSNHWF1A9

Verificado

<https://seecta.parlamentodegalicia.gal/tramites/csv/>



**PARLAMENTO DE GALICIA**  
**REGISTRO XERAL ENTRADA**  
**Data asento: 20/06/2019 17:45:03**  
**Nº Registro: 51771**  
Data envío: 20/06/2019 17:45:03.910



**Asinado dixitalmente por:**

**María de los Ángeles Cuña Bóveda na data 20/06/2019 17:37:39**

**Luca Chao Pérez na data 20/06/2019 17:37:53**

CSX: REXISTRO5NfhwFLA9  
Verificado  
<https://seceda.parlamentodegalicia.gal/tramites/csx/>



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

7.5      52119(10/PUP-000258)

Grupo Parlamentario de En Marea

Solla Fernández, Eva

Sobre as previsións do Goberno galego en relación coa  
privatización de servizos sanitarios





PARLAMENTO DE GALICIA  
REXISTRO XERAL ENTRADA  
Data asento: 01/07/2019 17:06:11  
**Nº Rexistro: 52119**  
Data envío: 01/07/2019 17:06:11.447



Á MESA DO PARLAMENTO

**Eva Solla Fernández**, deputada do Grupo Parlamentario de En Marea, ao abeiro do disposto no artigo 155.5 do Regulamento da Cámara, presenta a seguinte **Pregunta urxente para a súa resposta oral en Pleno.**

#### XUSTIFICACIÓN DA URXENCIA

A urxencia vén motivada pola recente licitación dun acordo marco para prestación de servizos sanitarios na área de xestión sanitaria de Lugo, Cervo e Monforte.

Polo anteriormente sinalado o Grupo Parlamentario de En Marea formula a seguinte pregunta urxente para a súa resposta oral en pleno:

- Ata cando ten pensando o Goberno seguir privatizando servizos sanitarios?

Santiago de Compostela, 1 de xullo de 2019.

Asdo.: Eva Solla Fernández

Deputada do G.P. de En Marea.

CSM-REXISTROSHUVIDOR7  
Verificación:  
<https://sede.parlamentodegalicia.gal/tramites/csw/>





**PARLAMENTO DE GALICIA**  
**REGISTRO XERAL ENTRADA**  
**Data asento: 01/07/2019 17:06:11**  
**Nº Rexistro: 52119**  
Data envío: 01/07/2019 17:06:11.447



**Asinado dixitalmente por:**

**Eva Solla Fernández na data 01/07/2019 17:03:32**

CSX: REXISTROSHJYU0oR7  
Validado  
<https://seceda.parlamentodegalicia.gal/tramites/csx/>



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

7.6      51422(10/POP-006030)

Grupo Parlamentario Popular de Galicia

Vázquez Domínguez, Sandra e 6 máis

Sobre a valoración do Goberno galego respecto da campaña de verán do 2019 da Dirección Xeral de Xuventude, Participación e Voluntariado, presentada baixo o lema "O verán que queres vivir"

*Publicación da iniciativa, 489, 19.06.2019*

### Á Mesa do Parlamento

**Sandra Vázquez Domínguez, Encarnación Amigo Díaz, Miguel Tellado Filgueira, Aurelio Nuñez Centeno, Marta Rodríguez Arias, Marta Rodríguez-Vispo Rodríguez e Soraya Salorio Porral,** ao abeiro do disposto no artigo 152 e concordantes do Regulamento da Cámara, presenta ante esa Mesa, a seguinte pregunta para a súa resposta oral en Pleno.

A Consellería de Política Social, é mais concretamente a Dirección Xeral de Xuventude, Participación e Voluntariado aposta polo presente e futuro de Galicia.

Aposta por unha xuventude activa, participativa, formada e emprendedora.

Boa proba delo, recentemente presentábase a oferta de ocio para este verán, baixo o lema “O verán que queres vivir” con máis de 9.800 prazas nunha ampla oferta de actividades para os mozos e mozas galegas.

Esta iniciativa ambiciosa non só é unha actividade de ocio para os mozos e mozas galegos, senón que tamén é un recurso de conciliación de vida familiar e laboral.

Por todo o anteriormente exposto, os deputados e deputadas do Grupo Parlamentario Popular de Galicia asinantes, presentan a seguinte pregunta oral en Pleno:

Que valoración realiza o goberno galego da Campaña de Verán de 2019?

Santiago de Compostela, 12 de xuño de 2019.

**Asinado dixitalmente por:**

Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com





**GRUPO PARLAMENTARIO  
POPULAR DE GALICIA**



**PARLAMENTO DE GALICIA  
REGISTRO XERAL ENTRADA**  
Data asento: 12/06/2019 18:02:04  
**Nº Rexistro: 51422**  
Data envío: 12/06/2019 18:02:04.690

**Sandra Vázquez Dominguez na data 12/06/2019 17:58:06**

**María Encarnación Amigo Díaz na data 12/06/2019 17:59:26**

**Miguel Ángel Tellado Filgueira na data 12/06/2019 17:59:51**

**Aurelio Alfonso Núñez Centeno na data 12/06/2019 18:00:21**

**Marta Rodríguez Arias na data 12/06/2019 18:00:43**

**Marta María Rodríguez-Vispo Rodríguez na data 12/06/2019 18:01:00**

**María Soraya Salorio Porral na data 12/06/2019 18:01:15**



Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com

**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

7.7    50958(10/POP-006005)

Grupo Parlamentario dos Socialistas de Galicia

Pérez Seco, José Manuel e Fernández Fernández, Raúl

Sobre o motivo polo que a Xunta de Galicia se atrasou nos  
pagamentos dos fondos para Programas de Desenvolvemento Rural  
(PDR)

*Publicación da iniciativa, 489, 19.06.2019*



## Á Mesa do Parlamento

José Manuel Pérez Seco e Raúl Fernández Fernández, deputados pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara presentan ante esa mesa a seguinte pregunta para a súa resposta oral en Pleno.

O Plan de desenvolvemento rural de Galicia 2014-2020 ten un orzamento total de 1.186 millóns de euros para os 7 anos do período de programación da UE, dos cales o 75 % son financiados pola propia UE a través do fondo Feader de desenvolvemento rural, sendo fundamental para a cohesión económica e social do rural galego e para a modernización e adaptación dos sectores agrogandeiro e forestal.

Este fondo está a cargo de medidas tan importantes como as que corresponden á promoción das boas prácticas agrarias e medioambientais, a xestión forestal e a prevención de incendios, a modernización das explotacións agrarias, a agricultura ecolóxica e a incorporación de mozos, ademais dos pagos compensatorios ás zonas desfavorecidas e os fondos para o I+D do agro galego.

Desde o pasado mes de novembro de 2018, segundo informa Unións Agrarias, a Xunta de Galicia acumula unha débeda de máis de 90 millóns de euros aos solicitantes das diferentes medidas do PDR, cantidades xa executadas e certificadas polos beneficiarios.

Este atraso inédito nos pagos está a xerar problemas de financiamento nas explotacións e no tecido empresarial do rural galego, que están a incorrer en custos financeiros, en atrasos de pagos a provedores, e mesmo na regulación de emprego nos casos máis graves. Os problemas de liquidez xerados no agro por esta falta de xestión, contrastan co anuncio, a bombo e prato, da “lexislatura do rural”.

Por iso os deputados que asinan preguntan:

Cal é o motivo pola que a Xunta de Galicia se atrasou nestes pagamentos?

Pazo do Parlamento, 7 de xuño de 2019





**PARLAMENTO DE GALICIA**  
**REGISTRO XERAL ENTRADA**  
**Data asento: 07/06/2019 16:30:00**  
**Nº Registro: 50958**  
Data envío: 07/06/2019 15:47:10.251

**Asinado dixitalmente por:**

**Jóse Manuel Pérez Seco na data 07/06/2019 15:43:08**

**Raúl Fernández Fernández na data 07/06/2019 15:43:26**

CSV REGISTRO7pMhug9lU9  
Validado  
<https://secre.parlamentodegalicia.gal/tramites/csv/>





**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

7.8      51573(10/POP-006051)

Grupo Parlamentario do Bloque Nacionalista Galego

Rivas Cruz, José Luis e 5 máis

Sobre as medidas adoptadas e previstas polo Goberno galego en relación coa incidencia do uso de praguicidas na saúde dos traballadores que os manipulan e nos cultivos

*Publicación da iniciativa, 493, 26.06.2019*



OFICINA PARLAMENTAR  
Parlamento de Galiza  
Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



PARLAMENTO DE GALICIA  
REXISTRO XERAL ENTRADA  
Data asento: 14/06/2019 13:16:18  
Nº Rexistro: 51573  
Data envío: 14/06/2019 13:16:18.049

### Á Mesa do Parlamento

**Xosé Luis Rivas Cruz, Montserrat Prado Cores, Olalla Rodil Fernández, Noa Presas Bergantiños, Luis Bará Torres e Ana Pontón Mondelo**, deputadas e deputados do **Grupo Parlamentar do Bloque Nacionalista Galego (BNG)**, ao abeiro do disposto no Regulamento da Cámara, presentan a seguinte **Pregunta para resposta oral en Pleno**.

O uso e abuso de produtos fitosanitarios na agrogandeiría nos últimos anos aumentou considerablemente. De feito o Estado español, no ano 2016, con case 80.000 tn (fonte Eurostat), liderou o ranking europeo no uso destes produtos, e ten incrementado dende o ano 2011 en máis dun 6% as cantidades empregadas. Galiza non é un caso alleo a esta tendencia. Só en glifosato, por citar o produto que é actualidade polos seus efectos nocivos demostrados e prohibición de uso para o 2022, Galiza tería gastado no 2017 uns 10 millóns de euros.

Esta situación preocupa e podémola considerar de alerta dado o risco certo que este tipo de produtos teñen sobre a saúde.

A pesares de contar cun “Plan de Acción Nacional” para o uso sostible dos produtos fitosanitarios”, no que se marcan as directrices cara un bo uso e diminución destas sustancias; así coma que Galiza ten desenvolto as súas competencias nas inspeccións periódicas dos equipos de aplicación destes produtos, mediante o Decreto 60/2014, de 15 de maio, e de existir un Comité Fitosanitario Galego, a relaxación da Xunta de Galiza nesta cuestión é un feito. Problemáticas xa denunciadas nesta Cámara, coma o uso dos praguicidas sobre eucaliptais rociados en cultivos de Melide con



Flufenoxuron, no 2012, e que a Consellería do Rural negaba enerxicamente a súa perigosidade, sendo posteriormente vetado pola UE; ou que continua avanzando a desaparición das abellas na Galiza, por mor do uso de moitas destas sustancias; intoxicacións en invernadoiros e cultivos en horta; pois poñen de manifesto a necesidade dun maior control e seguimento sobre cal é a situación real e que incidencia pode estar causando sobre a poboación, e medio ambiente en xeral.

De feito bótase en falta, mesmo no portal de transparencia da Xunta de Galiza, a actividade desenvolta polo Comité Fitosanitario Galego, órgano Colexiado que debe velar polo bo uso deste tipo de sustancias, planificar anualmente medidas de inspección, a seguridade, reducir impactos ambientais derivados do manexo destas sustancias nocivas. Descoñecemos da actividade desenvolta por este organismo e da que non se da publicidade.

Neste sentido sería de interese coñecer como dito organismo ten abordado o problema denunciado pola Fiscalía do Estado no que se solicitou aos gobernos de Galiza e León anular perto de 7.000 carnets de manipulación de produtos fitosanitarios obtidos fraudulentamente entre os anos 2015 e 2016. Ademais dende as centrais sindicais labregas denunciase que moitos destes cursos de formación de manexo foron ridículos, algúns deles obxecto de chistes e pullas que puxeron a proba a inventiva popular.

O problema está aí cruamente. Non vale a relaxación da Administración na súa responsabilidade de controlar o bo uso de herbicidas, insecticidas, fungicidas e demais sustancias químicas de carácter tóxico, de xeito reiterado, con escasa protección e cun manexo deficiente. Por exemplo, algúns destes produtos químicos, os órgano fosforados e carbamatos inhiben a actividade da encima acetilcolinesterasa (ACHE) no tecido





BLOQUE  
NACIONALISTA  
GALEGO

OFICINA PARLAMENTAR

Parlamento de Galiza

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 14/06/2019 13:16:18**  
**Nº Registro: 51573**  
Data envío: 14/06/2019 13:16:18.049

nervioso e nos hematíes de carácter permanente no caso dos órgano fosforados e reversible no grupo dos carbamatos.

Todas aquelas persoas que profesionalmente, ou non, están expostas a un uso cotiá destas sustancias, deben dispor de tódalas garantías por parte da Administración, e dos seus órganos de control, para vixiar e detectar posibles exposicións a niveis de residuos perigosos, a un correcto asesoramento e formación, e informa dos riscos e afeccións a enfermidades crónicas a resultas destes usos e manexos. A aplicación destes produtos ten maior incidencia cando se trata de traballadores de empresas adicadas a labores por conta allea ou en prácticas agrícolas a cuberto en invernadoiros.

Creemos pois necesario que desde a Administración pública, e en particular dende o Comité Fitosanitario Galego, se faga un primeiro estudo entre a poboación de risco, continuado no tempo, establecendo as analíticas nos períodos de aplicación e nos de descanso para contrastar.

A actividade agrogandeira ten en si enfermidades de risco nunca consideradas coma tales.

Por todo isto formúlase a seguinte pregunta para resposta oral en Pleno:

Que medidas ten tomado ata o momento e cales pensa tomar diante da incidencia do uso de praguicidas na saúde dos traballadores e das traballadoras que os manipulan e nos cultivos nos que se usan?

Santiago de Compostela, 14 de xuño de 2019

CSV, REGISTROmmjFVSH8  
Validado  
<https://seecta.parlamentodegalicia.gal/tramites/csv/>





BLOQUE  
NACIONALISTA  
GALEGO

OFICINA PARLAMENTAR  
Parlamento de Galicia

Rúa do Hórreo, s/n. Tel. 0034 981 551 545  
Fax. 0034 981 551 420. Fax prensa: 0034 981 551 421  
gp-bng@parlamentodegalicia.gal  
15702 Santiago de Compostela  
Galiza



**PARLAMENTO DE GALICIA**  
**REGISTRO XERAL ENTRADA**  
**Data asento: 14/06/2019 13:16:18**  
**Nº Registro: 51573**  
Data envío: 14/06/2019 13:16:18.049

Asdo.: **Xosé Luis Rivas Cruz**

**Montserrat Prado Cores**

**Olalla Rodil Fernández**

**Noa Presas Bergantiños**

**Luis Bará Torres**

**Ana Pontón Mondelo**

Deputadas e deputados do G.P. do BNG

**Asinado dixitalmente por:**

**Xose Luis Rivas Cruz na data 14/06/2019 13:15:15**

**Xosé Luis Bará Torres na data 14/06/2019 13:15:23**

**María Montserrat Prado Cores na data 14/06/2019 13:15:30**

**Noa Presas Bergantiños na data 14/06/2019 13:15:37**

**Olalla Rodil Fernández na data 14/06/2019 13:15:45**

**Ana Pontón Mondelo na data 14/06/2019 13:15:54**



CSV: REGISTROmmjFVSh8

Verificado

<https://seecta.parlamentodegalicia.gal/tramites/csv/>

**Reunión do Pleno do Parlamento**  
**Día: 09.07.2019                      Hora: 10:00**  
**Orde do día**

7.9      51713(10/POP-006065)

Grupo Parlamentario Popular de Galicia

Blanco Paradelo, Moisés e 6 máis

Sobre as actuacións que está a levar a cabo o Goberno galego para o cumprimento do acordo parlamentario referido á modificación polo Goberno central da normativa que regula o IRPF no referido á tributación das axudas para a incorporación de persoas mozas á actividade agraria

*Publicación da iniciativa, 493, 26.06.2019*

## A Mesa do Parlamento

**Moisés Blanco Paradelo, Miguel Prado Patiño, Raquel Arias Rodríguez, Carlos Gómez Salgado, Jacobo Moreira Ferro, Daniel Vega Pérez e Rosa Oubiña Solla**, deputados e deputadas do **Grupo Parlamentario Popular de Galicia**, ao abeiro do disposto no artigo 152 e concordantes do Regulamento da Cámara, presentan ante esa Mesa, a seguinte **pregunta para a súa resposta oral en Pleno**.

A incorporación de mozas e mozos á actividade agraria é un obxectivo estratéxico do programa de desenvolvemento rural galego 2014-2020. Ademais constitúe un dos obxectivos esenciais do plan estratéxico nacional de España para a negociación da PAC do período 2021-2027, actualmente en tramitación.

A Xunta de Galicia, do mesmo xeito que outras Comunidades Autónomas, está a realizar un importante esforzo para lograr este obxectivo, mediante a habilitación de axudas para a creación de empresas por empresarios novos.

Hai dous anos, o Grupo Parlamentario Popular presentou no Parlamento de Galicia unha proposición non de lei na cal instábase ao ministerio a modificar a normativa que regula o IRPF, para que a axuda percibida polo mozo non tribute no primeiro ano na súa totalidade, como viña sendo ata o de agora, senón que se reparta durante o período de amortización do activo adquirido, sempre cun mínimo de cinco anos.

Este acordo foi aprobado co obxecto de rebaixar a presión fiscal sobre os agricultores mozos beneficiarios que se incorporan nunha dobre vertente: por unha banda, evita que toda a tributación se concentre no primeiro ano de actividade, xa que é cando máis dificultades teñen os mozos para pagar. Por outra banda, ao repartirse en varios anos esa tributación (sempre cun mínimo de cinco), o beneficiario paga menos polo



efecto da progresividade do imposto. Co cal, o resultado final será que o gandeiro ou agricultor pagará menos e terá máis tempo para afrontar esta obriga fiscal.

Por todo isto e tendo en conta o acordo aprobado nesta cámara, os deputados asinantes, formulan a seguinte pregunta en Pleno:

Que medidas está a levar a cabo a Xunta de Galicia para dar cumprimento ao acordo aprobado nesta Cámara sobre a modificación da normativa que regula o IRPF, para que a axuda percibida polo mozo non tribute no primeiro ano na súa totalidade, senón que se reparta durante o período de amortización do activo adquirido sempre cun mínimo de cinco anos?

Santiago de Compostela, 19 de xuño de 2019

**Asinado dixitalmente por:**

**Moisés Blanco Paradelo na data 19/06/2019 13:54:48**

**Jesús Miguel Prado Patiño na data 19/06/2019 13:55:17**

**Raquel Arias Rodríguez na data 19/06/2019 13:55:31**

**Carlos Gómez Salgado na data 19/06/2019 13:55:57**

**Jacobo Moreira Ferro na data 19/06/2019 13:56:12**

**Daniel Vega Pérez na data 19/06/2019 13:56:27**

**Rosa Oubiña Solla na data 19/06/2019 13:56:45**



Pazo do Parlamento - Rúa do Hórreo, 63  
15701 Santiago de Compostela  
T. 981 551 510 F. 981 551 422  
gp-pp@parlamentodegalicia.es  
www.ppdegalicia.com



**Reunión do Pleno do Parlamento**  
**Día: 09.07.2019                    Hora: 10:00**  
**Orde do día**

7.10    50335(10/POP-005966)

Grupo Parlamentario dos Socialistas de Galicia

Toja Suárez, María Dolores e Otero Rodríguez, Patricia

Sobre os principios nos que se basea o Plan de acción do  
marisqueo Galicia 2030

*Publicación da iniciativa, 483, 05.06.2019*



## Á Mesa do Parlamento

María Dolores Toja Suárez e Patricia Otero Rodríguez, deputadas pertencentes ao Grupo Parlamentario dos Socialistas de Galicia, ao abeiro do disposto no artigo 152 do Regulamento da Cámara, presentan ante esa mesa a seguinte pregunta para a súa resposta oral en Pleno.

Desde o Grupo Parlamentario Socialista son varias xa as iniciativas rexistradas en relación á recuperación do número de permisos de marisqueo a pé en Galicia, especialmente, no que se refire aos relativos a permisos ás mulleres, xa que estes veñen sufrindo desde que Feijóo goberna na Xunta, unha redución dun terzo deles. A última foi no mes de maio deste ano, e na iniciativa solicitábase un plan específico para a recuperación dos permisos. O dito plan debería estar orientado ao sector feminino.

O PP non apoiou esta iniciativa, e presentou unha emenda na que instaba ao Goberno galego a “levar a cabo a implementación do Plan de acción do marisqueo Galicia 2030”. En relación a este plan, resulta canto menos curioso que o mesmo non se atopa en ningunha publicación da Xunta de Galicia, polo que non comprendemos como é posible que o Goberno galego presente a implementación dun plan, que a día de hoxe non semella estar elaborado. Sería conveniente coñecer, polo tanto, o seu contido, e tamén diversos aspectos, tales como os principios nos que se basea, os obxectivos concretos que se perseguen e os indicadores que se utilizarían para valorar o seu grao de consecución. Outro aspecto a considerar deberá ser a cronoloxía na implementación do dito plan, así como o número de permisos de marisqueo que se pretende recuperar cada ano, e cantos destes corresponderán a mulleres, xa que, este é o colectivo máis prexudicado nos últimos anos.

Por iso as deputadas que asinan preguntan:

Cales son os principios nos que se basea o Plan de acción do marisqueo Galicia 2030?

Pazo do Parlamento, 29 de maio de 2019

**Asinado dixitalmente por:**

Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)

CSM-REXISTROS-Cose-S4YN9  
Verificación:  
<https://sede.parlamentodegalicia.gal/tramites/csv/>





**PARLAMENTO DE GALICIA**  
**REGISTRO XERAL ENTRADA**  
**Data asento: 29/05/2019 17:37:17**  
**Nº Registro: 50335**  
Data envío: 29/05/2019 17:37:17.646

**María Dolores Toja Suárez na data 29/05/2019 17:35:19**

**Patricia Otero Rodríguez na data 29/05/2019 17:35:30**

CSX, REGISTROZ-OseSkYw9  
Verificado  
<https://seccr.parlamentodegalicia.gal/tramites/cav/>



Rúa do Hórreo, s/n, Parlamento de Galicia. 15702 SANTIAGO DE COMPOSTELA  
Tlf: 981 551 530 · [gp-socialista@parlamentodegalicia.es](mailto:gp-socialista@parlamentodegalicia.es)